



24282 v. M. d. 1.

V

G

UN

S.

A

B
T

R

GENUINA INDOLES

DOCTRINAE ECCLESIASTICAE

INGENUAE INDOLI

SCIENTIAE MEDIAE, PROBABILITYMI,
ET GRATIAE EFFICACIS

OPPOSITA

QUAM

UNACUM POSITIONIBUS EX UNIVERSA THEOLOGIA THOMISTICO-AUGUSTINIANA SUB CLEMENTISSIMIS AUSPICIIS.

CELSISSIMI AC REVERENDISSIMI

DOMINI DOMINI

C A R O L I

S. R. I. PRINCIPIS AC EPISCOPI LABACENSIS etc. etc.

IN

ALMA ET ARCHIEPISCOPALI BENEDICTINA UNIVERSITATE SALISBURGENSI
AUTHORE AC PRAESIDE

P. RUPERTO GUTRATH

BENEDICTINO SAN-PETRENSI SS. THEOL. DOCTORE, EIUSDEMQUE IN SCRIPTURISTICO-DOGOMATICIS,
ET POLEMICIS PROFESSORE ORDINARIO, CELSIS. AC REVERENDISS. ARCHIEP. ET S. R. I. PRINCIPIS SALISBURGENS.

CONSILIARIO ECCLESIAST. ALMAE UNIVERSITATIS
PROCANCELLARIO, ET VICE-RECTORE,

RITU SOLENNI PUBLICA DISPUTATIONE PROPUGNABIT
M. REV. ORNATISSIMUS AC DOCTISSIMUS

D. GEORGIUS VINCENTIUS PESDITSCH

RATHMANSTORFENSIS CARNIOLUS AA. LL. ET PHILOSOPHIAE MAGISTER, SS. THEOLOGIAE IN SECUNDUM ANNUM AUDITOR, EIUSDEMQUE PRO SUPREMA LAUREA CANDIDATUS EX AMINATUS ET ADPROBATUS, NEC NON IURUM STUDIOSUS.

DIE 30. AUGUSTI ANNO SALUTIS REPARATAE MDCCCLXXIII.
HORIS ANTE ET POST MERIDIEM CONSUETIS.

SALISBURGI, TYPIS IOAN. IOS. MAYR, P. M. HAERED.



GENUINA INDOLE
DOCTRINAE DECISISITAE
INGENUAE INDOLI

SCIENTIAE MEDIE PROBRISSIMA

ET CULTIVATIONE ETICADE

OPTOSITA

60 MA

IMAGINIS POSITIONIBUS EX ANATRSEA HEDO.

LOGIC THOMISTICO AUGUSTINIANA SVA QVI
CERTISSIMA REPUTATIONISIMI
DOMINI DOMINI

C A R O L I

S.R.L PRINCIPIS AC EPISCOPI TAVICENSIS
SIS ETC ETC

VILLA ET ARCHIEPISCOPALI INSTITUTIONI UNIATI
SACRAE TRADITIONES ET CONVENTUS
CONSTITUTIO POCULISTARUM ALVARE INVENIRENTAT

P. RUFERI O. GUTRATH

RENDITIONE SAN-PETRUSI ET THEOL DOC
TQUE LIUSDEMONE IN SCRIPTORIICO-DECIMATICO
ET SOLITUDINIS MORTIS DESENTHO. CENSER AC HAB
GENIUS ARTHURUS ET ERICUS STERREDERIS

CONSISTENTI POCULISTARUM ALVARE INVENIRENTAT

PROCONCLITARIO ET VICE-REGESTORE
LTA SOLEMNA PRAEVARA INTERPETAVADE ETODISSENT

M. RAY ORNATISSIMUS AC DOCTRINIS

D. GEORGII VINCENTIUS POCULISTORUM


RENTATIONE SAN-PETRUSI CATHOLICAE AV T. ITALIA
SOCIETATE MAGISTER AC THEOLOGIAE IN SCIRUMINIA ANNUL HA
DUCOR ET DEDICATORIUS GRATA FALKE CANDIDATIS EX
ANNATISSAT ADIPROBATUS. HIC NODON THERMISITONIS
ME. 80. VENITIIS SANO SANTO PRAEVARA MDCXXII

03005655001

CHURCH LIBRARY OF THE UNIVERSITY OF HARVARD

CELSISSIMO
AC
REVERENDISSIMO
DOMINO DOMINO
C A R O L O
DEI ET APOSTOLICAE SEDIS GRA-
TIA, EXEMPTAE CATHEDRALIS EC-
CLESIAE LABACENSIS
EPISCOPO
ET
S. R. I. PRINCIPI, EX ILLUSTRISSIMA ET
ANTIQUISSIMA PROSAPIA S. R. I. COMITUM
DE
HERBERSTEIN,
SS. CC. RR. ET APOST. MAIESTATUM
INTIMO ACTUALI CONSILIARIO,
DOMINO DOMINO
ORDINARIO, PRINCIPI, AC MAECENATI
SUO CLEMENTISSIMO etc. etc.

CELSISSIMO
AC
RUBERNDISSIMO
DOMINO DOMINO
CAROLO
DI ET APOSTOLICE SEDIS CRY-
TIA, EXEMPLARE CATHEDRALIS EC-
CLISIAE IVBGENSIS
EPISCOPO
ET
S.R.I PRINCIPI, EX HUSTRISSIMA ET
ANTIGUSSIMA PROSPALIA S.R.I COMITUM
HERRESTEIN
SS.CC.RR ET APOST.MARSTATTUM
INTIMO ACTIVITI CONSISTENTIO
DOMINO DOMINO
GRUNDARIO, PRINCIPI, AC MARCINATI
SUO CLEMENTISSIMO ECCE ECCE



CELSISSIMÉ
AC
REVERENDISSIME EPISCOPE
ET
S. R. I. PRINCEPS,
DOMINE DOMINE
MAECENAS CLEMENTISSIME!
AC
etc. etc.

Quamquam ex diversis praesens, qui folio
TUO venerabundus advolvitur, Libel-
lus, TIBI debeat titulis CELSISSIME ac RE-
VE-



VERENDISSIME S. R. I. PRINCEPS, MAE-
CENAS CLEMENTISSIME! nullus est tamen
meo quidem iudicio maior aut honorificentior,
quam quod TE orbis litteratus doctrinae S. Au-
gustini et Thomae vindicem esse acerrimum, fau-
torem benignissimum, propagatorem strenuissimum,
propugnatorem demum solidissimum sciat, laudet,
admiretur; illius inquam doctrinae, quam caelum
laudat: *bene de me scripsisti Thoma:* infernus refor-
midat, *tolle Thomam, et dissipabo Ecclesiam:* Eccle-
sia commendat ut suam, per R. P. Innocentium VI.
dicentem: *ut nullus, qui eam tenuit, inveniatur a tra-*

mite

*mite veritatis deviassē, et qui eam impugnavit, semper
fuerit de falsitate suspectus, et per Innocentium X.
ubi Augustinus, ibi Ecclesia.* Hinc tot flagrantissima
et frequentissima TUA desideria, tot conatus TUI
laudatissimi, tot sollicitudines plus quam paternae
eo tendebant et collimabant unice, ut TUI TUAE
potestati subiecti diaecefani genuinis theologica-
rum veritatum principiis praemunirentur, et per-
fecta earumdem cognitione imbuerentur. Hinc tot
saluberrima M^undata et Decreta abs TE CELSIS-
SIME PRINCEPS ad TUOS in Universitate Vin-
dobonensi et Graecensi emanarunt, ut Clerici
TUI

TUI praetermissa ingenua solidam et genuinam
theologiam exciperent, seu ut verbis R. P. Alex-
andri VII. ad Universitatem Lovaniensem me ex-
primam, *praeclarissimorum Ecclesiae catholicae Docto-*
rum Augustini et Thomae inconcussa tutissimaque dog-
mata sequerentur, quo securius, ut ait S. Prosper in
ep. ad Rufinum, defaecatissimam ac saluberrimam Evan-
gelicae, Apostolicaeque doctrinae intelligentiam conseque-
rentur: Et vel ideo boni omnes laetabantur, et si-
*bi et religioni et scientiis gratulab*an*ur, dum TE*
VIRUM tam spectatae probitatis, tam profunda-
rerum divinarum scientia, ac singulari rerum agen-

da m

nam darum experientia et dexteritate ornatum a Pia
alex. Augusta, felici Maria Theresia iusta meritorum aesti-
ex- matrice ad Episcopatum Labacensem evectum in-
octo- tuerentur: neque enim accendunt lucernam, et po-
dog- nunt eam sub modio, sed super candelabrum, ut luceat
in omnibus, qui in domo sunt. Oportet enim, ut ait
van- Apostolus ad Titum C. i. v. 8. Episcopum esse ho-
que- spitalem, benignum, sobrium, iustum, sanctum, con-
fi- tinentem, amplectentem eum, qui secundum doctrinam est,
TE fidelem sermonem, ut potens sit exhortari in doctrina sa-
nda et eos, qui contradicunt arguere; verum enim ve-
ren- ro PRINCEPS CELSISSIME, quid horum non
1)) sem-

semper in TE deprehendimus? aut quando deprehendimus, et non simul stupuimus? aut quando stupuimus, et non illico ad imitandum accensi fuimus? vita enim PRINCIPIS, ut praecclare ait Plinius in Panegiri ad Traianum, *Censura est, eaque perpetua, ad hanc dirigitur, ad hanc convertimur, nec tam imperio nobis opus est, quam exemplo; melius homines exemplis docentur, quae imprimis hoc in se boni habent, quod approbant, quae praeципiunt, fieri posse:* Atque ut a primo ordiar, quis enim PRINCEPS CELSISSIME! vel a longe TE cognoverit, et non simul fassus fuerit virtutes, quae in vultu re-

fplen-

re-
do
ui-
li-
ue
ec
io-
ni
e:
S
et
e-
splendent TUO de principatu invicem concertare: exigit Apostolus hospitalitatem; hanc non solum domesticis, verum et incognitis, exteris, peregrinis ostendis, exigit benignitatem; hanc admirando potius, quam imitando in TE posse adumbrari fantur omnes, qui TE PRINCIPEM OPTIMUM vel a limine noscendi copiam habuere: quid enim tantae affabilitates, tantae humanitates, favores tanti, tam faciles ad TE accessus, tam generosa in quemlibet indoles, tam velox beneficentia vultusque TUI hilaritas vel in me exterum primo intuitu profusa, dum nec ego, nec TU CELSISSIME PRIN-

CEPS me nosceres, loquuntur aliud, nisi ipsam,
quantus quantus es, hospitalitatem, benignitatem
summam, suavitatem maximam, humilitatem admirandam,
verbo, delicium generis humani et *formam*
factum gregis ex animo: altae scilicet PRINCES
CELSISSIME! TIBI inhaeret memoriae effatum
illud Principe dignum, quo maiores sumus, eo de-
missus nos geramus! et ut alios TUAE potestati sub-
ditos diaecesanos ad has virtutes sectandas extimulares,
ah quoties PRINCEPS VIRTUOSE Apostoli verba repetendo ingeminasti: *omnia in spiritu*
pacis et caritatis modeste et suaviter sine spiritu alterca-
tionis

tionis aut vanae gloriae, quoties cum eodem Apostolo inclamare solebas: *non plus sapere, quam oportet, sapere autem usque ad sobrietatem*, neque vanitatis gratia aut aplausus a mundo acquirendi, sed omnia ad maiorem Dei gloriam et utilitatem tum propriam tum aliorum! bene gnarus PRINCEPS EX-CELSE illius Mathaei: *quaerite primum Regnum Dei et iustitiam eius, et haec omnia adiicientur vobis.* Quam vero PRINCEPS PISSIME sis pius in Deum, quantamque in illum, qui omnes actiones nostras moderatur, TIBI diffidens spem confidentiamque semper collocaveris, comprobant vel illa ultima

post impertitam mihi Episcopalem TUAM benedictionem ad me TIBI valedicentem, et ad pristinos Musarum lares revertentem directa, et a me inter pias cordis lachrymas non sine maxima aedificatione audita verba, dum me iamiam abeuntem sic affatus es: *ores pro me Deum*, ut illo auspicante et adiuvante gregi curae meae commisso feliciter in honorem Dei praeesse possim, nam humeri mei non sunt pares tot oneribus supportandis, nisi ille desursum adiuverit. O aurea tali PRINCIPE dicta, o verba Cedro dignissima, et omnibus imitanda, quos spiritus S. posuit regere Ecclesiam Dei. Sed quid postea di-

cam

cam de tot salutaribus et plus quam paternis chri-
stianis documentis et instructionibus tum mihi
praesenti , tum absenti per epistolas propria celsis-
fima manu TUA exaratas datis, quas, *ut dent fruc-*
tum ascendentem et crescentem, memori gratoque sem-
per recondam pectore, quorumque dum mihi oc-
currunt, non sine dulci recordor animo et conso-
latione. Quid dicam de indefessa TUA pastorali
vigilantia in amplissima diaecessi quot annis per
TE IPSUM visitanda, in convellendis abusibus, in
reliquiarum authentiis investigandis, in restauran-
da pietate, in praeficiendis idoneis pastoribus, qui
verbo

verbo et exemplo pascant oviculas sibi commissas,
in quibus constituendis non personarum Acceptor
sed iustus meritorum Praemiator es. Quid dicam
de Zelo inexhausto in urgenda exacta sacrorum
Tridentini Concilii statutorum observatione? quid
de fervore singulari in urgendis christianaे reli-
gionis rudimentis, ut edoceantur ignari, ut pro-
ficiant docti, ut excitentur pigri, ut magis inflam-
mentur solertes, ut currentibus addantur calcaria;
quo quidem opere quid potest esse praeclarus,
quid religioni, christianaēque plebi utilius? non
TE deterrent viarum incommoda, non labores aut

fas,
tor
am
um
uid
eli-
ro-
m-
a ;
s ,
on
ut

molestiae, caritas enim, quae TE urget, non quae-
rit, quae sua sunt, sed quae Iesu Christi, omnia suf-
fert, omnia sustinet, omnia vincit. Et quoniam probe
intelligis, nil esse religioni utilius et ipsis praeci-
pue, quibus nunc vivimus moribus atque tempo-
ribus, nil Ecclesiasticis viris magis necessarium,
quam non vulgarem, sed numeris omnibus pene
absolutam rerum divinarum scientiam; non solum
TU IPSE assiduis studiis magnam et incredibilem
cognitionum copiam TIBI comparasti, verum etiam,
quantum conniti animo potes, operam imprimis das,

)()(

ut

ut, qui in TUA diaelesi sunt Ecclesiasticae militiae adscribendi, in sacris omnibus disciplinis, ac in iis praecipue, quae tutissima S. Augustini et Thomae placita de gratia per se efficaci, de gratuita praedestinorum electione, de amoris divini necessitate, de tutiore rerum agendarum regula, de purioribus denique ac genuinis cum fidei tum moralis christianaee principiis concernunt, rite sint instructi, quoniam turpe existimas, esse Magistrum in Israel, et haec ignorare, et per modum parvolorum fluctuantium circumferri omni vento doctrinae in

nequitia hominum ad circumventionem erroris. Quae
cum ita sint constituta, quid mirum, quod diaece-
sis TUA brevi hoc tempore, quo a tam sapienti
ac litterato PRINCIPE sapientissime gubernatur,
aliam iam penitus formam induisse videatur; *Vos*
enim estis sal terrae, quod si sal evanuerit, in quo sa-
lietur. Contieescunt iam et obmutescunt illa prae-
iudicata, a Logica critica adeo diffusa et rudia
conscientiae dictamina, novellae probabilitatis por-
tentia, quae quondam in locis, quae non nisi fane-
titas deceret, audiebantur: *Layman, Busenbaum,*

Escobarius, Sanchez, La Croix, Sporer, Gobat dicunt, ergo res ita se habet, ergo secure operor: sed ut nonnisi ex sacris litteris, ex veteribus recentioribusque Ecclesiae statutis, ex Pontificum, sanctorumque Patrum oraculis nostrarum actionum norma depromatur, sanctissime curas. Pelluntur iam, et ad ultimam thulem usque mittuntur a PRINCIPE, cuius honesto pia voluntas inhaeret pectori, ignobiles illi Casuistarum faetus, quorum si nomina christiana, quae in fronte praefeferunt, eradantur, non iam opera hominum christianorum,

sed

sed paganorum viderentur, quique, ut bene ad-
vertit quidam Sorbonae Doctor, non in aedificatio-
nem, sed in morum destructionem scripti fuisse videntur;
hominibus, quibus sana castaque deest critice qui-
que obvia quaeque plumbea suis abrepti praeiudi-
ciis sine selectu incauti pro auro arripiunt, mul-
tum detrimenti et nocimenti, his vero excitatissi-
mis eruditii huius saeculi temporibus emolumenti
nil allaturi; probe conscius PRINCEPS CELSIS-
SIME illius proloquii: *felices artes, si soli de iis*
artifices iudicarent, sed Carnioliae, quae olim ante

Carolum progressa non est ultra notitiam Laymani, Busembaudi, Senyei et Gabrini et paucorum
aliorum e trivio Casuistarum, qui multo felicius
suissent ignorati, talia instrumenta litteraria coe-
menda et comparanda praescribis, in quibus com-
parandis et volvendis nec temporis nec oeris iac-
turam deplorandam et paenitendam unquam ha-
bebit. O singularem tanti PRINCIPIS vigilan-
tiam! cuius quotidie adeo salutaria et pastoralia
ostenduntur specimina! o Diaecestin longe fortu-
natissimam, cui a tam SAPIENTI PRINCIPE gu-
ber-

bernari fors obtigit? Quae cum ita sint, quid mi-
rum PRINCEPS CELSISSIME, quod *felix, pia,*
Augusta Maria Theresia TE VIRUM tam magno re-
rum usu expertum, ac doctrina adeo excellenti
praeditum excellentissimo eorum caetui, qui ipsi a
sacratoribus consiliis sunt, cooptatum, huiusque rei
gratia ad Episcopatum Labacensem promotum vel-
let, ut ea, quae desunt, corrigas. Sed quam multa
adhuc virtutum TUARUM argumenta proferre
possem, nisi humili modestiae TUAE, qua me *in*
sublimitate sermonis venire prohibuisti, quaeque sum-
ma

ma in TE est, omnemque humanae laudis umbram
refugit, parcendum foret, omnisque a me assenta-
tionis tam exosae TIBI suspicio amovenda. Ta-
ceo igitur fulgentissima virtutum TUARUM de-
cora, aliisque concelebranda relinquo, qui feliciori
ingenii vi et graviori linguae facundia praediti
virtutibus TUIS enumerandis, si non pares, ta-
men me aptiores esse invenientur: et tanto fiden-
tius taceo, quanto certius TE Ecclesia experitur
iūos inter defensores constantissimum, quanto gra-
vius doctrina catholica TE laudat propugnatorem

acerri-

am
ta-
Ta-
de-
ori
liti
ta-
en-
ur
ra-
em

acerrimum, quanto vehementius error TE timet
hostem et inimicum fortissimum atque prudentissi-
mum, quanto laudabilius TE scientiae omnes ve-
nerantur Patronum beneficentissimum, et Restaura-
torem vigilantissimum, quanto demum clarius TE
orbis admirabundus intuetur virtutis omnis et
aemulum et exemplar. Quae cum ita se habeant,
nihil mihi supereſie arbitror, quam ut TE CLE-
MENTISSIME PRINCEPS orem atque obteſter,
ut hoc industriae meae ſpecimen, quod eo cultu
atque animi ſubmiſſione, quae TIBI ſubiectiſſimos

() () ()

de-

decet, CELSISSIMO NOMINI TUO nuncupare ausus fui, clementissime suscipias, et Tiaræ TUAE fulgore perpetuo tuearis. Leve quidem, id fateor, quid enim magnum et TANTO PRINCIPE dignum in me inveniam? sed tamen, quoniam gratissimi animi tesseram et subiectissimi respectus monumentum non solum ego infimus, sed et *Alma S. Caroli Universitas Salisburgensis* (quae quondam, dum illius fuisti splendor et ornamentum, suspexit admirabundi celsissimum animi TUI decus et adhucdum non sine dulci desiderio

cre-

crebris usurpat sermonibus, atque fideli grati ani-
mi memoria perpetuo celebrabit erga TE esse vo-
luimus; tamen inquam magnum TUA Clementia
evadet, quae solis instar non sublimes modo tur-
res, sed humiles etiam casas fulgore suo collu-
strat. Suscipe igitur hanc lucubrationem theo-
logicam, quam sub celsissimis auspiciis TUIS in
arena litteraria propugnandam suscepi, suscipe!
vultuque benigno confove exile munus, et in
exiguo dono, quod filiali affectu offertur, arden-
tissimum ac paratissimum placendi semper ac fer-

viendi animum agnosce! imitare solis amabilem
benignitatem, qui grama etiam vilia suo non
nunquam irradiat lumine, aut esto de eorum nu-
mero, qui cum sint summi et maximi, ad infi-
ma quandoque descendunt, ut ex his sublimita-
tem et altitudinem suam metiantur! Suscipe,
quam ego et mecum *Universitas Iuvavensis* demis-
sissimo pectore imolamus, ut illa nomine TUO
insignita *Universitatem hanc* in dies magis magis-
que ad invidiam aliarum splendere et coruscare
faciat: Nos vero quotidie superos precati, et pre-
caturi

AD PROBABILIO S. EYCIUS THEOLOGI

catur semper, ut salutem TUAM, cui salus ceterorum innixa est, incolumem perpetuo, florentemque Reipublicae Ecclesiasticae bono, bonorumque omnium solatio in longissimam annorum feriem nobis confervent.

REVERENDISSIMAE AC CLE-
MENTISS. CELSITUDINIS TUAE.


Devotissimus ac obsequentissimus
Cultor,
defendens subiectissimus.

ADPROBATIO

S. FACULTATIS THEOLOGICAE

Praesentem dissertationem, in qua genuina SS. Augustini et Thomae doctrina contra ingenuam indolem scientiae mediae, probabilismi, et gratiae efficacis ingenue vindicatur, legi, quumque nihil in ea, quod fanae doctrinae, aut fidei vel morum dogmatibus aduersetur, sed omnia potius ex genuinis Theologiae fontibus hausta repererim, dignam censeo, quae publici iuris fiat. Salisburgi 29. Iulii 1773.

P. Anselmus Rittler, Benedictinus
VVeingartensis SS. Theol. Doctor,
et in moralibus Professor
ord. Celsiss. ac Reverendiss. S.
R. I. Principis et Archiepisco-
pi Salisburg. Consiliarius Eccle-
siast. S. Facultatis p. t. Decanus.



Ad

Benevolum Lectorem

P R A E M O N I T I O.



Annis abhinc quatuordecim Augustae Vindelicorum typis Riegerianis prodiit Libellus, cui Titulus: Ingenua Indoles Scientiae mediae, Probabilismi, et gratiae efficacis, opus Historicis, Criticis, Theologicis animadversionibus distinctum, a P. Franc. Xaverio Mannhard S. I. Theologiae nuper in universitate Oenipontana Professore ordinario publico, in tres partes distinctum.

Quamquam Clarissimo P. Authori semper honor, non menque suum, laudesque maneant, neque nobis unquam sit

A

ani-

animus, eiusdem Personam, quam in visceribus Charitatis amplectimur, vel verbo laedere; Causam tamen ab Eodem bona fide susceptam eo minus probare possumus, quo magis Anno primum elapsso per Theorematum quaedam Dogmatico-Polemica typo Iuvavensi commissa adlaboravimus, ut illam pluribus e titulis Ecclesiasticae Civitatis iure indignam esse ostenderemus.

Ulteriorem hoc Anno nobis addidere Stimulum Sacratioris cuiusdam Apollinis et Litteratorum Principis excelsi vota, quibus coelestem S. Augustini, et Angelicam D. Thomae Aquinatis doctrinam, p̄aeprimis circa delicatam adeo et salebrosam de gratia et libero arbitrio, de Scientia et Praedestinatione Divina, deque genuina morum doctrina materiam, servari cupit inviolatam.

Eum in finem Ingenuae Indoli Scientiae mediae, Probabilismi et gratiae efficacis p̄ae/entem genuinam Indolem Doctrinae Ecclesiasticae de predictis materiis obponere placuit, ut vel ex ipsa, ut p̄aefertur, Ingenua Molinismi et Probabilismi Indole colligere fas sit, num ad constituendam Doctrinam quandam Ecclesiasticam ea sufficiat, quae, cum quomodounque demum sit Ingenua, simul tamen in suis Principiis non sit genuina.

Author quidem ipse, quem ex partu suo litterario vocare placet Ingenuum, Indolem sui Molinismi et Probabilismi

Misimi propterea dicit esse Ingenuam, quia 1mo in propriis defendendis, et alienis placitis refutandis est vivax; quia 2do est libero Homine digna, dum in nullius verba Magistri iurare solet; 3to, quia in tuenda libertate tum Divina, tum humana, et moribus hominum instituendis est prorsus innocua; ac tandem 4to, quia aperta fronte in lucem prodit, nec diverticula quaerit, nec per ambages obscurorum sensuum ac phrasum ingreditur, nec Chamaeleontis instar identidem colorem mutat, multo minus priscorum errorum venenum, sub melle recentis doctrinae propinat, proindeque ab omni fraude et foco est aliena. Sic ille in suae Indolis praefatione.

At vero, quid vivacius Donatistarum, Arianorum, Macedonianorum, Minichaeorum, Iconoclastarum Haeresibus? ubi pro tuendis propriis, et obpositis placitis impugnandis, dum calami defecerant, gladios arripuit, aut insidias struxit ingeniosa vivacitas; nec antiquis tantum, sed et nostris temporibus tristia huiusmodi vivacitatis exempla vidimus; non igitur Ingenuitatem Doctrinae certo designat nota illa, quae nonnunquam etiam haereticae pravitatis, contumaciae, superbiae, inobedientiae, ac furoris solet esse indicium.

Qui praeterea Molinismi ac probabilismi doctrinam libero homine dignam asserit, edifferat quae sumus, quisnam vocandus sit liber Homo? an Ille, qui liberis natus Parentibus, potentia, opibus, et libertate civili gaudet? haud creamus; nam et servis et pauperibus evangelizare veritatem

decet, quia in uno Spiritu omnes nos in unum corpus baptizati sumus, sive Iudei sive gentiles, sive servi sive liberi. 1. Cor. 12. alias enim videremur nostra quaerere, non autem quae sunt IESU CHRISTI. Philip. 2. an ille, qui periculose libertatis amans dicit: non serviam? at vero, si tali hominum genere digna foret Molinismi et Probabilismi doctrina, de Illius profecto Ingenuitate foret penitus conclamatum; oportet euidem Christianum Hominem esse liberum, sed ea libertate, qua Christus nos liberavit, Galat. 4. oportet esse ingenuum, sed ea ingenuitate, de qua B. Agatha: summa ingenuitas ista est, in qua servitus Christi comprobatur, quodsi autem, ut supponimus, libertatem non voluntatis tantum a necessitate, sed et cordis ab impietate requirat Author ingenuus, tum enimvero grandis adhuc restat quaestio, deinceps enodanda, an talis ingenuitas soli Doctrinae Molinistiae competit? an Doctrina S. AUGUSTINI vel D. AQUINATIS libertati voluntatis praejudicet? an non potius Probabilismus libertatem cordis pessimdet?

Pariter in regulas Logicas impingit, dum ponit in definitione, de quo litigatur, dumque veluti certum supponit, quod primum est in quaestione; videlicet suam, et Societatis doctrinam, omni ex parte innocuam esse; Doctrinae novae, ac nuper primum a privatis hominibus excogitatae Innocentia non supponi, sed probari debet; praecipue si talis doctrina sit, in quam olim satis magna et publica erroris cecidit
 suspi-

suspicio, quaeque, si ex fructibus dijudicanda sit, vix inter arbores bonas inveniet locum.

An denique praelaudata Molinismi et Probabilismi doctrina ab omni fraude et foco aliena sit? Illorum erit asserere vel negare, qui, quae a P. Lainezio iuxta Pallavicinum Lib. 8. cap. 13. in Concilio Tridentino, a P. Gregorio de Valentia in Sessione 11. de Auxiliis die 30. Sept. 1602. a P. Gabriele Thirioux Rhemis in Gallia die 5. Dec. 1696. in Thesibus publicis apud le Blanc in Praefat. §. 4. quaeque aliis temporibus in Causa Molinismi, Iansenismi, Probabilismi, ritus Sinensis, Ioannis Parvi etc. acta sunt, paulo adtentius perlegerint; cumque turpe sit, esse judicem in propria causa, Illorum, penes quos est judicandi potestas, Iudicio relinquamus, utra ex duabus, an S. AUGUSTINI, et ANGELICI DOCTORIS, an rero Molinae ac Probabilistarum Doctrina, Chamaeleontis instar itentidem colorem hactenus mutarit, aut priscorum errorum venenum sub melle recentis doctrinae propinare sit solita, sicque ab omni fraude et foco aliena vocari possit.

Esto autem, Molinismi ac Probabilismi doctrinam ingenuam esse; an id ad fundandam cuiusdam doctrinae veritatem sufficiet? haud equidem existimamus; nam praetensae ingenuitatis notae, ut paulo ante ostendimus, etiam rebus non genuinis, spuriis et falsis competere possunt; nec Ecclesia un-

* * * * *

quam erroneis doctrinis ingenuam, sed semper genuinam,
id est, fonti suo congenitam obponere consuevit, imo multas
hucusque filias, quae ingenuam praeserrebant faciem, non
agnouit ut suas, eo quod genuinam probare nequiverint na-
tivitatem.

*Praetermissis igitur criterii regulis aliunde notis, et
gravissimis querelis illis, quas Author ingenuus in sua praefatione
contra quendam P. Gundisalvum Kaltenhauser ex Or-
dine Praedicatorum Studii Bulsanensis, et eiusdem Theolo-
giam Thomisticam nuper editam conglomerat, quarum judi-
cium, quantum ad forum et Scopum nostrum pertinere vi-
dentur, in decursu seremus, rem ipsam adgredimur, et In-
genuae Indoli Scientiae mediae, Probabilismi, et gratia
efficacis, genuinam Indolem doctrinae Ecclesiasticae obponentes,
eam pariter in tres partes, suis iterum capitibus et §§. inter-
polatas discernimus, in prima illarum de Scientia media, in
altera de Probabilismo, in tertia de gratia efficaci pertractaturi.*

*Quemadmodum vero publice protestamur, nos in hisce
pagellis nihil prorsus contra fidem Romano-Catholicam, bo-
nos mores, aut constitutiones SS. Pontificum docere vel dicere
velle, imo, si quid tale properanti calamo excidisset, pro non
scripto haberi desiderare; ita quoque Lectorem benevolum ob-
testamur, ut pro genuina Ecclesiae doctrina communi hacte-
nus et recepta pugnantes aut consilio adjuvet, aut instruc-
tione corroboret, aut benigno saltem favore confoveat.*



P A R S I.

DE S C I E N T I A M E D I A

C A P U T I.

*Qualis in Deo admitti possit, vel debeat
Scientia?*

§. I.

Absque Ideis claris atque distinctis nullam Cognitio
haberi posse Scientiam, rectamque re- omnis re-
rum cognitionem, in confesso est apud quirit Ide-
omnes; sicut enim perspecta probe am claram
Scientiae mediae Idea, ut sperat Author inge- atque di-
nuus, sponte sua corruet falsissima illa Idea huius stinctam.
Scientiae, quam e Lovaniensium Doctorum censura
nonnulli hauriunt, et hauriendam aliis propinant; ita
vicissim et nos speramus, perspecta probe doctrina
Ecclesiae circa Dei Scientiam, sponte sua disparitu-
ram

ram Ideam illam falsissimam, quam ex Molinae systemate sibi formant Medistae, aliosque informant.

et Praecisionem, si
de Scientia
Dei sit sermo, quae
vel visionis, vel
simplicis intelligentiae
dicitur,

§. II. Incomprehensibilem Dei Scientiam obarctos capacitatis humanae limites quasi per partes considerandam esse, et hac ratione iam dudum a SS. Patribus, Doctoribus, atque Theologis consideratam fuisse, nemo est, qui ignoret; hinc illa in *Scientiam simplicis Intelligentiae*, qua possibilia, et in *Scientiam visionis*, qua res in aliqua temporis parte existentes cognoscuntur, divisio; hinc diversae illae Theologorum de medio Divinae Scientiae concertationes.

novissime
autem et
media,

§. III. Verum dupli huic Scientiae (sunt ipsiusmet Authoris Ingenui verba) cuius solum nomen diu in Scholis audiebatur, quaeque solae prima subsellia occupare sunt visae, cum tempore tertia accessit, caepitque vocari Scientia media, per Ludovicum Molinam S. I. Theologum si non excogitata, saltem ab anno 1588. per suum de concordia liberi arbitrii cum gratia Divina librum Ulyssippone typis mandatum publice divulgata.

quae tam
men nec in laudato Authori, dum Scientiam istam non tam a SS. Litteraris, Molina inventam, quam potius e SS. Litterarum et SS. Patrum authoritate depromptam, ac veluti e tenebris protractam afferit; quod enim SS. Litteras adtinet, ibi nil nisi Textus eiusmodi reperimus, qui de futuris quidem conditionatis, seu prout vocant, futurilibus, non autem de divina illorum Scientia loquuntur, quales v. g. habentur 1. Reg. 23. de proditione Davidis, 4. Reg. 15. de sagittatione Regis Ioseph, Sap. 4. de raptu iusti, Ierem. 38. de cursu

occursu Sedeciae Regis, *Luc.* 10. de paenitentia Tyriorum etc. quos et similes Scripturae Textus iam a quindecim Saeculis ante Molinam novit, intellexit, et explicavit Ecclesia, quin ad Scientiam quandam intermedium confugere debuerit, qui absque omni absurdo per Scientiam simplicis intelligentiae hactenus explicati fuerunt, et etiamnum explicantur; ad quid ergo ingeniosa illa Molinae novitas, qua Ecclesia hucusque nunquam indiguit?

§. V. Multo minus probari poterit, Molinae nec in SS. Patribus suffragium invenit.
 Scientiam medium e SS. Patrum Authoritate deprom-
 ptam fuisse; quinam enim sunt Illi Patres? cur illos
 nec citare, nec nominare quidem dignatur Author
 Ingenuus? *Laudemus viros gloriofos*, inquit utique
 Scriptura, et Parentes nostros in generatione sua;
 imo vel ipsa gentilium Philosophia docet, *ingenuum
 esse sateri, per quem profeceris*; cur igitur ne unum
 quidem SS. Patrum allegat, unde suam, ut praefertur,
 Ludovicus Molina doctrinam hausit? at scio,
 quid obstat, Patres ante S. AUGUSTINUM hac
 de materia clare scripserunt nihil, quia defuit occa-
 sio; unde ipsemet Hipponensis Praeful L. de Prae-
 dest. SS. cap. 14. *quid opus est*, inquit, *ut eorum
 scrutemur opuscula, qui, priusquam ista haeresis
 (Pelagiana) oriretur, non habuerunt necessitatem, in
 hac diffcili ad solvendum quæstione versari?* quod
 procul dubio facerent, si respondere talibus cogeren-
 tur; Patres autem, qui AUGUSTINI sequebantur
 tempora, Eiusdem quoque sequebantur doctrinam,
 doctrinae utique Medistarum summe contrariam;
 unde mirum non est, neminem ex illis in Molinae
 favorem citari posse; quid, quod Author Ingenuus
 ipsumet suo Molinae iniuriam faciat, dum Eiusdem
 doctri-

doctrinam e SS. Patribus depromptam asserit, Molina interim Scientiae mediae inventionem sibi soli tanquam primo Authori arrogante; en ex Ipsius concordia Q. 23. art. 4. propriam confessionem: *haec nostra ratio conciliandi libertatem arbitrii cum Divina praedestinatione a nemine, quem viderim, hucusque tradita est.* Tantum igitur abest, Scientiam medium e SS. Patribus depromptam, adeoque genuinam Illorum filiam esse, ut potius Illis invitis et contradicentibus e solius Molinae cerebro nata sit.

Qui potius

illi contraria-
rantur,
praesertim
S. Augusti-
nus,

§. VI. Longe aliter quippe SS. Patres de hac Scientia futuribilium conditionatorum seu media (Ipsis proinde non incognita) loquuntur; Hos inter AUGUSTINUS Lib. 1. de orig. An. cap. 12. quid, inquit, quod ipsa exinanitur omnino praescientia, si, quod praescitur, non erit; quomodo enim recte dicitur futurum, quod non est futurum? et in Psal. 105. quomodo futura dicuntur, quae nulla erunt? cum igitur ne futura quidem sint, sciri a Deo ut futura non possunt. dein lib. 26. contra Faustum Manich. cap. 4. Porro, si audiam, quod aliquid futurum erat, sed Deus fecit ne fieret, fidissime respondebo: illud potius futurum erat, quod Deus fecit, non illud, quod si futurum esset, hoc fecisset; unde tam non possunt futura non fieri, quam non fuisse facta, quae praeterita; quoniam non est in Dei voluntate, ut eo sit aliquid falsum, quo verum est; quamobrem ea, quae vere futura sunt, sicut sine dubio, si autem facta non fuerint, futura non erant, sed mere possibilia. quibus verbis ostendit, ad explicandos Scripturae Textus §. 4. citatos nullam prorsus esse necessitatem, praeter Scientiam simplicis Intelligentiae ac visionis fingendi medium.

§. VII.

§. VII. Idipsum confirmat S. PROSPER in S. Prosper

Ep. ad Aug. n. 5. ubi, cum de parvulis absque Baptismo decedentibus Semipelagianorum retulisset sententiam, eos nempe perdi, quia Deus illos praevidit malos futuros, si ad annos discretionis venissent, respondet: non considerant, se gratiam Dei, quam COMITEM, non PRAEVIAM humanorum volunt esse meritorum, etiam illis voluntatibus subdere, quas ab ea secundum suam phantasiam non negant esse praeventas; sed in tantum quibusunque commentitiis meritis electionem Dei subiiciunt, ut, quia praeterita non existunt, futura, quae non sunt futura, confingant, NOVOQUE apud illos ABSURDITATIS GENERE et non agenda praescita sint, et praescita non acta sint. hinc etiam in responsione ad Capitula Gallorum de Scientia Dei loquitur: qui praescientiam Dei in nullo ab Ipsius praedestinatione fecerit, quod tribuendum est Deo de bonis, hoc Ei etiam de malis conatur adscribere; sed, cum bona ad largitorem Deum, mala autem ad voluntariam rationalis naturae nequitiam referenda sint, dubium non est, Deum et praescivisse simul, et praedestinasse, quae Ipso erant Authore facienda, vel quae malis meritis iusto iudicio tribuenda erant; praescivisse autem tantummodo, non etiam praedestinasse, quae non ex ipso erant causam operationis habitura; potest itaque sine praedestinatione praescientia esse, praedestinatio autem sine praescientia esse non potest. dum econtra longe aliter Ludovicus Molina iuxta praestabilitum suum Scientiae mediae sistema Q. 23. art. 4. totam certitudinem Divinæ Praedestinationis, non in decreto, quo Deus hominem ad bonum praedestinat, sed in praescientia, qua id praevidebat, collocare, et ibid. Disp. I. membr. 11.



afferere non dubitat: sicut praescientia pendet ex eo, quod arbitrium creatum sit cooperaturum, ita etiam quod Decretum rationem Praedestinationis sit sortitum, ex eo fuit dependens, quod arbitrium pro sua libertate esset cooperaturum. ex AUGUSTINO igitur et PROSPERO, praecipuis illis Divinae gratiae Strategis Scientia media depromi non potuit.

S. Fulgen-
tius.

§. VIII. Audiamus autem et S. FULGENTIUM, qui Lib. I. de Praedestinatione et gratia cap. 7. hunc in modum perorat: secundum rectam fidem, et perspicuam veritatem, quod adtinet ad parvulum, qui sine beneficio secundae nativitatis huic vitae subtrahitur, sicut praescivisse fatendum est Deum parvuli mortem futuram, quae vere futura erat, sic absurde dicitur, Deum praescivisse parvuli futura peccata, quae futura non erant; (huic autem futuribilitati Massilienses potissimum innitebantur) neque enim Deus rerum omnium Conditor facienda praescivisset, quae facienda non essent; scimus namque praescientiam Dei sic esse veram, et incommutabilem, ut, quae futura praescit, vere futura sint, nec aliquid faciendum praesciat, quod non secundum praescientiam Eius fiat. Rerum autem non earum, quae futurae non sunt, sed quae facienda sunt, praescientiam Deo inesse, liber Danielis Prophetae testatur his verbis: Deus, qui occultorum es cognitor, qui scis omnia, antequam fiant. dein cap. 8. prosequitur: absurde itaque dicitur, quod praescierit parvulum, si viveret, impium futurum, quem profecto non plus, quam vixit, praescivit esse futurum, quem utique praescivit, ad aetatem, qua impie viveret, non esse venturum, quia eum in aetate infantili de saeculo veraciter noverat auferendum; post pauca: futurae enim aetatis non absurde

de praescita dicuntur opera vel bona vel mala, absurde autem praescientia cuiusquam humani operis in aetate afferitur, in qua futurus homo ipse non esse monstratur -- caeterum, quisquis Deum praescium putat futurorum operum, quae tamen futura non fuerant, restat, ut praescientiae Dei, quam utique non negat veracem, aliquam inesse, quod ab sit, aestimet falsitatem; falsum est enim, futurum esse aliquid, quod praesens non erit; Dei autem Scientia nihil in se habere potest falsi, quia falsitas inesse veritati non potest. Praescientia igitur veritatis, quae in se non recipit falsitatem, sicut faciendum praescit, quod faciendum est, ita non faciendum, quod faciendum non est -- Dei enim praescientia nullatenus fallitur, quia sicut faciendum praescivit Mundum, et sic eum fecit, quemadmodum esse faciendum praescivit, sicut in ipso quoque Mundo singula, quae facta sunt, sunt, vel facienda sunt, ita semper facienda fuerunt in Dei praescientia, quemadmodum sunt in opere consecuta, aut secutura; non ergo Deus praescivit faciendum a quolibet homine, quod facturus homo non fuit.

§. IX. Plura SS. Patrum testimonia proferre supervacaneum duximus, quia in ore duorum vel trium testium stat omne verbum; et cur plura proferamus, cum Author Ingenuus ne unicum quidem protulerit, unde constare posset, Scientiam medium e SS. Patrum doctrina derivatam fuisse? nunquid ex his allegatis ad oculum patet, nullam prorsus aliam, praeter Scientiam visionis quoad vere futura, et simplicis intelligentiae quoad nunquam futura, seu mere possibilia, fuisse a SS. Patribus admissam, contra vero Scientiam futuribilem, seu rerum a conditione nunquam extitura pendentium, a Semipelagia-

nis tantopere iactatam, velut absurdam, falsam, inutilem, et in Deum iniuriosam uno quasi ore condemnata fuisse; ita certe de S. AUGUSTINO S PROSPER lib. contra Collator. viginti amplius annis contra inimicos gratiae Dei catholica acies huius Viri ductu pugnat et vincit; vincit, inquam, qui non patitur respirare, quos vicit, et in quorum excidium UNAM CUNCTORUM SACERDOTUM MANU sententiam scripsit.

imo vel
ipsa paritas
Authori
suo praeiu-
dicat.

§. X. Quid autem iocularis illa SCIENTIAE MEDIAE cum Helena Graecorum comparatio? aut quaenam pugnae nostrae Litterariae cum bello Troiano convenientia, quam Ingenuus Author ad finem §. imi adducit? Helenam fuisse vivacem, pulchram, amaenam, iuvenem, et moribus facilem, Graecorum si non Historia, saltem fabula probat, sed simul refert, fuisse adulteram; hanc Helenam ut retinerent, vivacissime Troiani, ut punirent invicti pugnarunt Graeci, eo videlicet effectu, qui Graecis in praemium iustae causae Victoriam, Troianis vero cunctis ob adulterae defensionem intulit excidium; infelix profecto paritas, quae proprium suum Authorum stringit.

Argumen-
tis e Scrip-
tura pro
Scientia
media peti-
tis,

§. XI. Sed pergit Ingenuus Author §. 2. ex variis Scripturae textibus supra citatis ostendere necessitatem, praeter duas reliquas etiam tertiam, seu medium illam scientiam admittendi; „qua enim ratione, „inquit, potuisset tam alseveranter Deus respondere „Davidi, Viros Ceilae eum tradituros Sauli, si per- „manceret in ea civitate? qua ratione Servator Beth- „saitis et Corozaitis reprobrare cordis duritatem, „allato Tyriorum et Sidoniorum exemplo, qui pae-

, ni-

„nitentiam fuissent acturi, si eadem, quae ipsi, signa et prodigia vidissent? Qua ratione Propheta Regi palam edicere, Syriam ab Ipso penitus delendam fuisse, si quinques aut septies terram iaculo percussisset? qua ratione Spiritus S. per os Sapientis praesagire, quod dilectus, si vitam pruduxisset diutius, a pristina virtutis semita descivisset etc. qua inquam ratione potuissent haec a Deo, Christo, et Spiritu S. falli ac fallere nesciis pronuntiari, nisi ea penitus cognita et perspecta habuissent?“

§. XII. At vero liceat et nobis interrogare, qua ratione argumenta istaec ex Scripturis petita cum Systemate Moliniano cohaereant? iuxta Molinam do, quippe Deus ex pacto inter Patrem et Christum initio illis dare promisit gratiam, quos gratiae consensuros per Scientiam medium praevidebat; vel ergo Deus praevidit, Sidonios atque Tyrios (par autem est ratio de aliis huiusmodi futuris conditionatis) fore convertendos, si visuri sint signa et prodigia? vel non praevidit? si praevidit? cur ergo pactum ab aeterno initum non servavit? cur eos in iis circumstantiis non collocavit, ubi consensuros praescivit? cur gratiam consensuris promissam non est largitus? si autem non praevidit? qua ratione Servator Bethsaitis, et Corozaitis cordis duritiam allato Tyriorum et Sidoniorum exemplo, qui paenitentiam fuissent acturi, si eadem, quae ipsi, signa et prodigia vidissent, exprobrare potuit? nunquid hoc idem esset, ac Deum in illo casu perfidum ac iniustum, in isto autem dolosum ac mendacem dicere, in utroque autem Molinismum falsitatis arguere?

Obviatur
imprimis
retorquen-
do,

Dein re-
spondendo
in forma e
SS. Patri-
bus.

§. XIII. Sed respondemus in forma, omnia
ista futura conditionata, seu futuribilia hucusque
semper ad scientiam simplicis intelligentiae relata
fuisse; quia, quod ipsa conditio nunquam futura
fuerit, actio quoque ab illa dependens hoc ipso
etiam inter futura non sit referenda, prout e iudi-
cio satis claro SS. Augustini, Prosperi, et Fulgentii
supra retulimus; quid enim absurdius, imo in Divi-
nam Scientiam iniquius dici posset, quam, a Deo
praesciri quomodounque futurum, quod nullo mo-
do futurum erat? nam ea. quae vere futura sunt,
sunt sine dubio, si autem facta non fuerint, futuro
non erant, sed mere POSSIBILIA. S. Aug. Lib. 26.
contra Faust. Manich. futuribilia igitur Massilien-
sium, et si frequenter Augustino fuerint obiecta,
proindeque nullatenus incognita, non ad Scientiam
quandam intermediate, sed ad Scientiam simplicis in-
telligentiae, seu mere possibilium spectant. in specie
vero ad illum Sap. 4 textum: *Raptus est, ne mali-
tia mutaret intellectum eius, aut ne fictio deciperet
animam illius.* respondet Lib. de Praedest. SS. cap.
14. dictum est enim secundum pericula vitae huius,
non secundum praescientiam Dei, qui hoc praescivit,
quod futurum erat, non quod futurum non erat, id
est, quod ei mortem immaturam fuerat largitur,
ut temptationum subtraheretur incerto, non, quod pec-
caturus esset, qui mansurus in temptatione non esset.
de hac quippe vita legitur in libro Iob. nunquid
non tentatio est vita humana super terram? sed qua-
re aliis concedatur, ut ex huius vitae periculis, dum
iusti sunt, auferantur, alii vero iusti, donec a iusti-
tia cadant, in eisdem periculis vita productiore te-
neantur, quis cognovit sensum Domini? et tamen
hinc

hinc intelligi datur, etiam illis iustis, qui bonos et
 pios mores usque ad senectutis maturitatem, et diem
 vitae huius ultimum servant, non in suis meritis, sed
 in Domino gloriandum esse; quoniam qui vitae bre-
 vitate rapuit iustum, ne malitia mutaret intellectum
 eius, *Ipse in quantacunque vitae longitudine custodit*
iustum, ne malitia mutet intellectum eius; cur au-
tem hic tenuerit casurum iustum, quem, priusquam
caderet, hinc possit afferre? iustissima omnino, sed
inscrutabilia sunt iudicia Eius. haec Ille, qui caput
istud hisce verbis notatu dignis concludit: quoniam
non debent fratres nostri, qui nobiscum pro Catho-
lica fide perniciem Pelagiani erroris impugnant, - -
id adstruere, quod NON DICO CREDITURUM,
SED SOMNIATURUM NEMINEM putaremus,
secundum ea scilicet iudicari quemquam mortuorum,
quae gesturus fuerat, si tempore prolixiore vixisset.
 in eandem autem Sententiam cum S. Augustino ivis-
 se SS. Prosperum et Fulgentium ex antea relatis
 patet; ut adeo ad solvendos huiusmodi Scripturae
 textus in quadam Scientia media refugium quaerere,
 non Patribus catholicis, sed solis Massiliensibus usi-
 tatum fuerit.

§. XIV. Quotiescunque igitur in SS. Litteris de
 huiusmodi futuris conditionatis, quorum tamen con- et ratione
Theologi-
ca imo,
 ditio nunquam futura erat, fit mentio, id semper ita
 intellectum fuit a SS. Patribus, quasi Deus humanae
 infirmitati sese volens accommodare, ex re, coram
 Deo, tantum *possibili*, iuxta humanum tamen cogi-
 tandi, et agendi modum valde *probabili*, et recte
 quidem sit argumentatus; sic Bethsaitis et Corozai-
 tis, durae utique cervicis populis, Christus dicere
 voluit: signa et prodigia, quae vos inter patravi,

tam evidenter, tamque pathetice meam demonstrant
 Divinitatem, ut per se loquendo, et iuxta ipsorum
 met hominum iudicium vel ipsi etiam gentiles Tyri
 atque Sidonii, et si nulla sit ipsis, quemadmodum
 vobis, Religio revelata, procul dubio se convertit
 sent; huiusmodi autem argumenta ex hypothesi ali-
 qua mere possibili ducta non modo nobis hominibus
 usitata, verum etiam emphasi non modica esse pree-
 dita, nemo ignorat; sic enim cum excessivam ho-
 minis iracundiam exprimere volumus, eum Superos
 inferosque commoturum, si posset, dicimus; si lo-
 quamur de ambitione vel fastu cuiusquam, talem
 supra nubes et astra sedem collocaturum, si posset,
 solemus dicere; si rem valde tristem commemora-
 mus, ea plerumque utimur loquendi formula:
 Saxa etiam ad commiserationem, si sensum haberent
 commoverentur; huiusmodi phrasium exemplis ple-
 na sunt et Sacrorum et profanorum Scriptorum vo-
 lumina; quale fuit etiam illud, quod S. Augustino
 adscribi solet: *si ego Deus, et tu Augustinus essem, fa-*
cerem, ut tu Deus, et ego sim Augustinus; vel illud
 S. Francisci Salesii: *quamquam scirem, me in aeter-*
num damnatum esse, Deum tamen in inferno etiam
non cessarem diligere; imo et illud Iobi cap. 13.
etiamsi occiderit me, in Eum sperabo; nunquid Deus
 non esse Deus, aut in inferno diligi, aut spes etiam
 post mortem remanere poterit? non igitur *futuribili-*
litatis cuiusdam, sed *flagrantissimi amoris*, et *firmis-*
simae spei haec fuerunt indicia, neque Christus quid
 aliud, quam *enormem Bethsaiderum et Corozaita-*
rum pertinaciam exprimere voluit.

Secundo, §. XV. Praeterea, non minus in Theologicis,
 quam Philosophicis manet inconcussum Principium
 istud;

istud; *quodlibet est, vel non est*, ita, ut inter esse et non esse ne singi quidem cum fundamento in re poslit aliquid medium; cum ergo futuribilia Molinistica nec unquam futura, nec mere possibilia, adeoque nec proprie loquendo entia, nec non entia dicantur, plane consequitur, Molinisticam illam Scripturarum expositionem in ipsa etiam et prima quidem Principia Methaphysica impingere.

§. XVI. Deinde necessitas utique nulla fuit, Tertio,
 ad cognoscenda huiusmodi futuribilia Scientiam quan-
 dam intermedium excogitare; si enim Augustinus, si
 Prosper, si Fulgentius, si Doctor Angelicus hanc
 in Deo cognitionem per solam scientiam simplicis in-
 telligentiae salvare poterant, cur non et Molina?
 et de illis quidem aliunde constat, eos in exponen-
 dis huiusmodi Scripturae textibus media quadam
 Scientia, licet e Semipelagianorum obiectionibus sibi
 notissima, non tantum non indiguisse, sed et illam
 penitus repudiasse; de S. autem Thoma Aquinate
 praeclarum hanc in rem habemus testimonium, dum
 I. P. Q. 14. art. 9. interrogat, ac sibimet ipsi respon-
 det: *Horum, quae actu non sunt, est admittenda*
quaedam diversitas; quaedam enim licet non sint nunc
in actu, tamen vel fuerunt, vel erunt; et omnia ista
dicitur Deus scire scientia visionis -- quaedam vero
sunt in potentia Dei vel creaturae, quae tamen
nec sunt, nec erunt, nec fuerunt, et respectu horum
non dicitur habere scientiam visionis, sed simplicis in-
telligentiae. ad quid ergo Scientia media, si huius-
 modi futura conditionata sine omni difficultate per
 scientiam simplicis intelligentiae explicari possunt?

Quarto,

§. XVII. Scientiam porro medium sive antiquam sive novam dixeris, utrobique nobis illam suspectam facis; si antiquam? eam nec apud Augustinum, nec apud Prosperum, nec apud Fulgentium, nec apud alios Massiliensium impugnatores reperies, nisi quatenus ab his pro sui systematis fundamento iacta, ab illis autem ut inutilis reiecta fuerat, prout vel ex ipsis Prospere et Hilarii Epistolis ad Augustinum clarissime patet; si novam? eo ipso in foro Theologico ius civitatis non promeretur, ubi novitas omnis debet esse suspecta; terret enim nos Apostolus 1. Tim. 6. inquiens: *o Timothee, depositum custodi, devitans profanas vocum, multoque magis sententiarum, novitates, et obpositiones falsi nominis scientiae, quam quidam promittentes circa fidem exciderunt.* Terret nos Tertullianus, dum Lib. de praescript. cap. 31. docet: *ex ipso ordine manifestatur, id esse Dominicum et verum, quod sit prius traditum, id autem extraneum et falsum, quod sit posterius immisum.* Terret insuper Vincentius Liricensis in commonitorio cap. 22. nos monens: *depositum est, quod tibi creditum est, non quod a te inventum; quod accepisti, non quod excogitas; res non ingenii sed doctrinae, non usurpationis privatae, sed publicae traditionis; res ad te perducta, non a te proleta, in qua non author esse debes, sed custos, non institutor sed sectator.* denique cap. 24. *profanas, inquit Apostolus, vocum, id est, dogmatum, rerum, sententiarum novitates, quae sunt vetustati et antiquitati contrariae, quae, si recipiantur, necesse est, ut fides beatorum Patrum aut tota, aut certe magno ex parte violetur.*

§. XVIII. Sed neque curamus extremum il-

Quinto ef-
fugiorum,

lud Molinistarum effugium , sensum Ludovici Molinae male a nobis intelligi ac peius interpretari; quasi vero etiam Moliniani (uti Thomistis per Sarcasmum obiicit ingenuus Author) eo gaudeant *Distipulatus privilegio* , quo solis Illis quoad lectionem Ludovici Molinae specialis oculorum sanitas concessa sit; si tam altus sit Molinae puteus , si tam difficilis eiusdem intellectio, si tam absconditum Concordiae Man- na? cur ergo P. Claudio Aquaviva Societatis eo tempore Generalis , cur P. Michael Vasquez , P. Petrus Arrubal , P. Christophorus des los Cobos , P. Gregorius de Valentia , P. Ferdinandus de Bastida , et P. Ioannes Salas ad congregations de Auxiliis deputati et praesentes ; cur , inquam , si solis ipsis datum fuit nosse mysterium Dei , non informarunt Clementem VIII. et Paulum V. quod genuinum Ludovici Molinae sensum non rite intellexerint , adeoque tot acerbis in illum sententias permiserint fulminari , prout apud le Blanc fuse narratur? nos certe Molinam nec aliter legimus , nec aliter intellegimus , nec aliter interpretamur , quam prout illum Viri omni exceptione maiores in praedictis congregacionibus legebant , intelligebant , interpretabantur.

§. XIX. Pariter et alterum Illorum effugium

elisione.

fundamento caret , quo dicunt , Systema Molinianum , a Systemate Augustiniano vel Thomistico non reipsa et quoad Substantiam , sed *accidentaliter tan- tum et quoad modum explicandi differre*. ita legimus a Calvinianis et Lutheranis in Pseudosyno' o Carentonica de anno 1631. fuisse factum , quorum illi meta- phoricam tantum , isti autem realem in Eucharistia

praesentiam Christi confitentes, nihilominus tamen concordiam inierunt, eo ex capite, quod haec inter illos doctrinae differentia non circa rem ipsam, reique substantiam, sed solummodo circa modum existendi aut metaphoricum aut realem versetur; ita certe in suo Synodali edicto desuper emanato: *unum est, quod in caeteris concordes dirimit, MODUS, quo Christi caro nobis in eo Mysterio (Eucharistico) communicatur; Res apud utrosque eadem, rei tantum ratio diversa.* paritatem hanc non quoad materias ipsas, sed quoad modum easdem conciliandi procedere volumus; si enim hae duae propositiones: *Christus realiter praesens est, et illa: Christus non realiter praesens est in Eucharistia,* iuxta saniores Philosophiam non tantum modaliter diversae, sed substantialiter etiam, et contradictorie sunt obpositae; quis negabit, eandem quoque obpositionem Augustinum inter atque Molinam intercedere, dum utriusque doctrinam fundamentalem conferimus? sic

AUGUSTINUS

Lib. 1. de animae orig.
cap. 12. de Praedest SS. cap.
14. praeter Scientiam possi-
bilium, et futarorum non de-
bet admitti in Deo Scientia
pro futuris conditionatis.

De Praedest. SS. cap.
10. et 17. item de Dono
persever. cap. 17. Praescien-
tia sequitur Praedestinatio-
nem tanquam medium pri-
us cognitum, nec nos ele-
git, quia futuri eramus
Sancti, sed ut simus futuri.

MOLINA

Lib. de Concord. Q. 23.
art. 4. disp. 1. praeter Sci-
entiam simplicis intelligen-
tiae, et visionis, in Deo debet
admitti tertia, seu media
pro futuris conditionatis.

Ibid. membr. 8. et 11.
Deus antecedenter praesicit,
ac tum demum praedesti-
nat, nos autem eligit, quia
futuros praesavit, non ut
futuri simus sancti.

In

AUGUSTINUS

In Enchirid. cap. 98. sola gratuita miserationis Dei praedestinatio, non praevisa merita, unum ab altero discernit, ut adeo homo nihil omnino habeat, quo gloriari posset.

Lib. I. ad Simplician. q. 2. et alibi frequenter: gratia prima nullo modo dependet ab usu vel dispositione liberi arbitrii.

Lib. de grat. et corrept. cap. 12. et alias: per peccatum originale ita infirmata est voluntas, ut omnino requiratur auxilium quo, et non sufficiat auxilium sine quo non.

Eodem lib. de corrept. et gratia, totoque Lib. de Dono Perferant. in tanta vitae huius infirmitate Divina gratia indeclinabiliter, et insuperabiliter operatur, non tantum, ut ve-llint, sed et ut actu perse-verent.

Quodsi plures huiusmodi Antitheses inter Augustinum et Molinam, vel etiam inter Angelicum Doctorem et congruistas ante oculos poneremus, illae-que sine mentis praeiudicio discuterentur, haud equi

MOLINA

Lib. de Concord. Q. 14. art. 13. disp. 12. non sola Dei misericordia, sed praewisa etiam merita unum ab altero discernunt, unde hominem in se quoque saltem partialiter gloriari potest.

Ibid. disp. 9. et 45. modus primae gratiae multum dependet a libero arbitrio se aptante ac disponente.

Ibid. Q. 14. art. 13. disp. 3. etiam post peccatum vires voluntatis manserunt integrae, unde non requiritur auxilium quo, sed sufficit, ut ante, auxilium sine quo non.

Ibid. Q. 23. art. 4. disp. 1. membr. ult. cum natura voluntatis per peccatum infirmata non sit, gratia quidem datur, sine qua non perseveratur, non autem qua sit, ut persevereatur.

equidem dubitamus, quin Lector luce clarius meridiana sit perspecturus, inter utriusque partis propositiones non modalem, vel accidentalem tantum, sed realem omnino, atque substantialem intercedere non tam differentiam, quam contradictionem.

Occurrit
tum etiam
Calumniis.

§. XX. Esto autem, quosdam D. Thomae discipulos adparentem doctrinae Moliniana Parelium pro vero Sole intuitos esse (quod tamen a P. Gazaniga Ord. Praed. in universitate Viennensi Theologo negatur) docendo, praeter Scientiam intelligentiae ac visionis, tertiam quoque, sed mere conjecturalem futurorum conditionatorum cognitionem in Deo existere; quid inde lucrabitur ingenuus Author? nunquid ex Rev. Gabriele Pennoto statim subiungit, eos deinceps *cautiiores effectos certam et infallibilem huiusmodi futurorum cognitionem in decreto praedeterminante admisisse?* si sectanda sint quorundam discipulorum vestigia, cur non et Author ingenuus S. P. IGNATII praecepta, cur non Eminentiss. Card. BELLARMINI, P. CLAUDII AQUAVIVAE, SUARI, VASQUESII, Henrici HENRIQUEZ, MARIANAE, AZORII, TYPHANII, POSSEVINI, PERERII, PETAVII, aliorumque SOCIORUM suorum exempla sequitur, qui, ut ante annum Theoremate undecimo probavimus, vel Angelicam D. Thomae doctrinam suis praescripserunt, vel novum Ludovici Molinae systema exhorruerunt? si autem discipulos quosdam potius, quam Magistrum sequi oporteat, sequamur saltem *cautiiores effectos et resipiscentes*, quam deceptos et hallucinantes, alias quippe Doctrina nostra ne ingenua quidem, ac multo minus genuina foret.



§. XXI. Audiamus igitur ipsummet Angelicum Scholae Thomisticae Authorem, qui quidem Scientiam futuribilium Deo non denegat, sed nec novam confingit, dum omnia obiectorum genera nonnisi ad Scientiam simplicis intelligentiae, ac visionis reducit, en propria ipsius verba, quae habet i. P. q. 14. art. 9. ad propositam quaestione, an Deus habeat scientiam eorum, quae non sunt; *Horum, quae actu non sunt, est admittenda quaedam diversitas; quaedam enim, licet non sint nunc in actu, tamen vel fuerunt vel erunt; et omnia ista dicitur Deus scire scientia visionis;* - - quaedam vero sunt, quae sunt in potentia Dei vel creaturae, quae tamen nec sunt, nec fuerunt, nec erunt; et respectu horum non dicitur habere scientiam visionis, sed simplicis intelligentiae. iam autem ea, quae sunt in potentia Dei, vel creaturae, quae tamen nec sunt, nec erunt, neque fuerunt, sunt futuribilia, seu conditionata, ergo respectu horum Deus non habet Scientiam visionis, sed simplicis intelligentiae, et consequenter non indiget Scientia media. ita D. Thomas, ita genuini omnes Eiusdem discipuli.

§. XXII. Qua tandem audacia victoriam sibi metipsi accinat ingenuus Author, non capimus; ait enim P. i. cap. i. ad §. 2di calcem, „verum, ut „dixi, gravissimis testimoniorum, et rationum mo- et falsae gloriationi de victoria praetensa, „mentis expugnata pars adversa victas manus pru- „dentissime dedit, nec facile quis assertam a Moli- „na certam conditionalium scientiam, quam Ipse „median vocabat, hac in parte inficiari deinceps „ausus est. “ quinam amabo sunt hostes illi, quos Per scientiam medium prostratos esse gloriaris, Vir eximie! an ingentem illum Augustinianae vel Tho- misti.

misticae Scholae putas exercitum? nolim id credere;
 sic enim te totius orbis risui non minus exponeres
 quam Socius olim tuus P. Gabriel Thirioux, qui in
 Thesibus 5. Decemb. 1696. promulgatis non erubuit
 scribere „Doctrina Ludovici Molinae, aliorumque
 „Theologorum, qui doctrinam libertatis humanae
 „cum gratia Divina ope scientiae mediae traderet
 „enucleatius tentarunt, ita ab errore Calvini, alio
 „rumque huius aetatis sectariorum recedit, ut ad
 „opinionem Pelagianorum nullo modo accedat; et
 „ideo tam valide impetita, toties a diversi generis
 „hostibus impugnata, et coram summis Pontificibus
 „tam diligenter agitata, tanquam aurum in fornace
 „probata: purior inventa est, ut ait Maurolicus,
 „et cum honore ex tot disputationum fluctibus
 „emersit.“ censuit nempe P. Thirioux, nemini per
 Orbem nota esse, quaenam in Congregationibus de
 auxiliis acta, quales in Molinam censurae vibratae
 et quibusnam de causis parata iam tum in eiusdem
 concordiam anathemata in tempus aliud dilata fue-
 rint, alias procul dubio pro Paene cecinisset Iere-
 mia illud: *misericordiae Domini, quia non sunt consumpti.*

ex decre-
 to Archie-
 piscopi Pa-
 risiensis.

§. XXIII. Sed iuvat huic triumpho veritatem
 obponere cum Reverendiss. ac Illustriss. Archiepi-
 copo Parisiensi Carolo Mauricio le Tellier, cuius
 memoria nec laudibus nostris crescere, nec adverfa-
 riorum vituperationibus unquam imminui poterit,
 quique in solemani Decreto ad Academiam Rhemen-
 sem die 15. Iulii 1697. directo Molinistarum auda-
 ciam ita perstringit: *Evidem CLEMENTE VIII.*
ad Superos vocato PAULUS V. (cuius consilia in
trospicere Religio nobis est) meditatum iudicium in
 sit

suspensi posuit, et in commodiorem tempestatem consulto distulit; at nemo inde CITRA TEMERITATIS NOTAM propterea colliget, probatum idcirco fuisse Librum illum, de quo tam diu fuerat deliberatum. post tam diligentem motae litis tractationem Silentium Romanorum Pontificum adprobacionis loco iactare velle, Hominum est nimis audacium, qui Sedem Apostolicam Protestantium calumniae committunt, qua eam de contempta iam tandem Augustiniana doctrina novisque Molinae inventis in animum inductis accusant. Quare quantamlibet huiusce thesis Author (P. Thirioux) in despicienda futile Maurolici sui Authoritate fidem ponat, ferre nullatenus possumus, eam immoderatis adeo laudibus doctrinam efferrari, quae ex ipsa sui origine sinistram ut minimum suspicionis labem incurrit, quod et ex antedictis, et ex probatissimorum huius aetatis Scriptorum suffragio perspicuum est, maxime vero ex Cardinalis BARONII, cuius acre iudicium magni apud omnes est ponderis; tantum igitur abest, ut Molinae doctrinam VELUT ECCLESIAE ADPROBATIONE DIGNAM excipere liceat, quin potius Illum ipsum veluti Virum propriis figmentis, caeterorum Novatorum more delectatum habere necesse est, Eiusque Doctrinam infastiae Novitatis et Audaciae labe ab ipso Sui Authore notatam exhibilare. haec Ille pro genuina Ecclesiae Doctrina contra ingenuam Molinismi vivacitatem.

§. XXIV. Quodsi vero Author ingenuus nomine Hostium per Scientiam medium tam gloriose debellatorum pauculos illos (si tamen quidam extiterint) intelligat, qui cautiiores effecti a Scientia Coniecturali ad infallibilem atque certam prudentissime conversi sunt, hanc Illi Victoriam nullatenus

et falso
Authoris
ingenui
subposito.

invideremus, si simul probare posset, eam Conversionem ingenuo suo Molinismo, et non potius genuinae SS. Patrum Doctrinae in acceptis referendam esse; constat enim, et nos nunquam negavimus, in Deo existere veram, atque certam conditionalium Scientiam, qualem videlicet adstruxerunt S. GREGORIUS NYSS. Orat. de infantibus immatura morte praeventis. S. CHRYSOSTOMUS lib. I. ad Stagirium. S. AUGUSTINUS de Corrept. et Grat. cap. 8. item de dono Perseverant. cap. 9. et II. S. PROSPER in resp. 8. ad excerpta Genuensium. et S. GREGORIUS M. Lib. 13. Moral. cap. 17. longe utique diversam ab illa, quam Molina excogitavit, et medium appellavit; de hac enim Ipsus testatur Q. 23. art. 4. *eam a nemine, quem legerit, hucusque fuisse traditam.*



CAPUT II.

Observationes circa concordiam gratiae et libertatis.

Praemonitionis physicae, ac decreti subjective absoluti, et objective conditionati causam §. XXV. Posteaquam Author ingenuus cap. I. §. 4. ostendere adlaboravit, Nomen Praemotionis, seu Praedeterminationis physicae in operibus D. Thomae Aquinatis nullibi reperiri; item, Decretum istud praedeterminans esse subjective absolutum, ac terminative conditionatum; deinde, primum huius praedeterminationis physicae Authorem fuisse BANEZ, Academiae Salmanticensis Theologum; tum cap. 2do ad varias de Idea Scientiae mediae observationes elucubrandas progreditur.

§. XXVI.

§. XXVI. Nos quod attinet, nullius perso- ex omni
nae odio vel amore calatum arripuimus, et hinc parte no-
neque Molinistis inferre iniuriam, neque Thomistis facimus, stram non
eatenus volumus Patrocinari, quatenus physicam
praemotionem defendunt; *Praesentatus Ille*, contra
quem Author noster ingenuus agit, sciet procul du-
bio, etiam nobis tacentibus, undenam praedetermina-
tionis physicae doctrinam hauserit, sciet, qua ra-
tione, quibusve armis illa sit propugnanda; neque
etiam causam Decreti subiective absoluti, ac termi-
native conditionati nostram facimus, viderint illi,
quorum interest, illud adstruere; nos enim, ut
mentem nostram aperiamus, Augustiniano Systema-
ti et principiis innixi, nec huiusmodi Decreto, nec
physica praemotione, multoque minus media qua-
dam scientia nos indigere censemus; id unum solum-
modo asseverantes, admissa etiam et stante praemo-
tione physica humanae voluntatis libertatem non
tantum non pessum dari vel imminui, sed potius per-
fici et adiuvari; qua de re loquendi fors in decursu
frequentior erit occasio.

§. XXVII. Ut igitur praemonstratis ingenui no- Potius
stri Authoris vestigiis insistamus, circa censuram contra sen-
Doctorum Lovaniensium contra Lessium et Hame- tiam in-
lium, Ludovici Molinae antesignanos, latam, quam genui Au-
Author noster non solum infirmam et ruinosam, ve- thoris o-
rum etiam non satis prudenter, et parum caute hoc stendimus,
tempore et hic loci prolatam vocat, quamque ait,
sine testibus, sine tabulis, sine consule, sine anno ac
die conceptam, quinimo, ex animi sinistra quadam
affectione (*passionem vulgus vocat*) profectam esse,
sequentes observationes instituemus.

Censuram
Lovanien-
sem nec in-
firmam, nec
ruinosam
esse, ex iu-
dicio Cle-
mentis
VIII.

§. XXVIII. *Infirmam et ruinosam esse Doc-*
torum Lovaniensium censuram, non utique partium
est litigantium, sed iudicis, diiudicare; Ipse met
Author noster, et eiusdem Socii, dum quacunque
adversitate premuntur, ad iudicem nullis praecon-
ceptis opinionibus occupatum provocare solent, id,
quod innumeris exemplis, si opus foret, possemus
ostendere; quis autem iudex ille nullis passionibus
praecupatus, nullius partis litigantis causae, nisi
genuina sit, addictus, nisi supremum Ecclesiae to-
tius caput? Supremam huius Potestatem iudicariam
certe non spernent Illi, qui speciali vinculo Eius-
dem Authoritati sese obstrinxerant, quidquid in con-
trarium ab aliis proferatur, qui fidem nobis publi-
cam non faciunt; iam vero Supremum Ecclesiae
caput, CLEMENTEM videlicet VIII. Censurae Lov-
aniensi vivae saltem vocis oraculo suffragium tu-
llisse, testatur Vir omni exceptione maior Petrus Io-
annes Archiepiscopus ultraiectinus in epistola sua Idi-
bis Februarii anni 1758. ad SS. D. BENEDICTUM
XIV. perscripta, ubi Clerum Batavum eo ex capi-
te commendat, quod exemplo CLEMENTIS VIII.
qui doctrinam Societatis detestatus dixerat, SE CUM
LOVANIENSIBUS SENTIRE, et curaturum, ut
omnes ita sentiant, imo pro B. Augustini doctrina,
si opus foret, etiam martyrium velle pati, stimulatus,
S. P. AUGUSTINI doctrinae, TANQUAM SEDIS
APOSTOLICAE DOCTRINAE tenacissimus esset,
ac propterea iam pridem inexpiable Societatis Odium
contraxisset. quis credet, talem ac tantum Archie-
piscopum haec in faciem Pontificis Maximi ausum
fuisse scribere, nisi Urbi et Orbi nota, proindeque
certa et firma esset Censurae Lovaniensis existentia.

§. XXIX. Praeterea de Censurae Lovaniensis existentia dubitare, idem foret, ac omnem fidem humanam tollere; non enim ex uno *Philalete*, vestusto quodam Thomista, et eius *Triumpho Thomisticus*, quem solum se invenisse testatur Author ingenius, sed ex plurimis Virorum Synchronorum testimoniis, imo et monumentis publicis id comprobatur, quaecunque ad compilandam Molinismi historiam hucusque adhibebantur; legant, qui nobis fidem non habent, Augustinum le Blanc in sua Congregationum de auxiliis historia Lib. I. a cap. 3. et seqq. ubi longe plura et firmiora, quam forsan in illo *Triumpho Thomisticus*, pro veritate huius Censurae etiam invitis oculis documenta invenient; nos tantummodo ex argumentis Authori nostro Domesticis, utpote Ipsi minime suspectis, quaedam dabimus.

§. XXX. In ipsis certe Societatis tabulariis, adcuratissime hactenus custoditis, reperire foret re-scriptum illud Lessii ineunte anno 1588. Academiae Lovaniensi porrectum, cuius dein copia OCTAVIO Episcopo Calatino, tunc SIXTI V. ad Lovanienses delegato ac Nuntio Apostolico exhibebatur, transmittenda in Urbem, et in quo Lessius contra Censuram in suas 34 propositiones latam gravissime, ac stylo satis amarulento conqueritur; quas utique querelas in aerem iecisset, si censura illa nunquam fuisset lata; sed neque successu temporis illa noviter effingi, aut facta corrumpi potuit, tum, quod censura illa non solis Lovaniensium scriniis concredita, nec solis Lessii manibus consignata, sed variis hinc inde Archi- et Episcopis, ut Mechliniensi, Ruremundano, Iprensi, Boscoducensi, Attrebateni, Na-

Item ex
historia
Congrega-
tionum de
auxiliis.

murcensi, Audomarensi et aliis, ac praeprimis Academiae Duacensi fuerit communicata; tum etiam, quod Societas ipsa nec eo, nec subsecuto tempore censuram illam tanquam subposititiam, aut faltem adulteratam unquam perstrinxerit, imo potius ad universitates Moguntinam ac Trevirensim transmisserit, ut ibidem faltem Patrocinium inveniret.

Ex Apostolicae inquisitionis instrumen-
to,

§. XXXI. At vero res longe fiet clarior, si Authori nostro ingenuo demonstremus, censuram hanc nequaquam, ut Ipse putat, *sine testibus, sine tabulis, sine consule, sine anno ac die*, sed publice, coram testibus, et Notario, determinata die ac anno, ad normam Iuris et legaliter Illustriss. ac Reverendissimo D. Octavio Frangepani, Episcopo Calatino, ac tum temporis per Belgium Nuntio Apostolico exhibitam, ab Eoque postmodum ad SIXTUM V. P. M. transmissam fuisse; commissionis huius acta MMSS. tam originalia, quam in forma Iuris recognita, uti et alia huc pertinentia ad initium praesentis adhuc Saeculi habebantur, ac procul dubio adhuc habentur partim in tabulariis Pontificiis Castelli S. Angeli, partim in Archivio Augustiniano Romano, a Gregorio Coronello Congregationum de Auxiliis Secretario reposita, et ex parte etiam in Bibliothecis Barberina, Altieriana, et Chisia; ibi, non in privatorum Codicibus disquirendum, an praelaudata censura *sine testibus, sine tabulis, sine Consule, die, vel Anno scripta sit.*

et actis
publicis,

§. XXXII. En rei seriem in compendium redactam; cum controversia gravis inter Doctores Lovanienses et Lessii Socios ob memoratam in His censuram exorta, Romam usque delata fuisse, con-

tinuo

tinuo SIXTUS V. P. M. Litteras dedit die 15. Aprilis 1588. anno Pontificatus 3. ad Octavium Calatinum Nuntium Apostolicum Coloniae tunc residentem, ut Lovanium se conferat, omniq[ue] Charitatis officio et prudentia studiosissime agat, quatenus inter se dissidentes ab omni interea decertatione desistant, quoad Apostolica Authoritate de eorum controversiis ac disceptationibus decernatur, praesertim, cum illud persuasissimum habere debeant, B. Petri tantum successori Pontifici Romano licere, doctrinae Christianae res controversas definire, alias vero nemini. qui acceptis hisce Litteris die 22. Iunii Lovanium veniens, ab utraque parte, quae hucusque acta sunt, scripto sibi exhiberi petiit, ac sine mora obtinuit; tum vero subscriptis ab utraque parte actis, quod factum est 17. Aug. 1588. ex parte Lovaniensium per D. HENRICUM CUYCKIUM S. Facultatis Decanum, deque Ipsius ac reliquorum Doctorum Facultatis mandato per ANDREAM SASSENUM, dictae S. Facultatis Pedellum et Notarium publicum, Decretum edidit Nuntius, quomodo pars utraque erga se se invicem gerere debeat, usquedum Sedes Apostolica desuper definiat, totiusque suae commissionis Instrumentum publicum a Iacobo Perano Clerico Leodiensi, Apostolico et Caesareo Notario confici iussit.

§. XXXIII. Memoranda praecipue sunt verba illa in Instrumento subscriptionis: *Hanc iustificationem seu defensionem Censurae Facultatis nostrae Theologicae Lovaniensis etc.* item in instrumento Significationis die Sabbati 3 Septemb. 1588. exhibito: exhibita fuit Reverendissimo D. Octavio, Episcopo Calatino ac Nuntio Apostolico suprascripta iustifica-
 Sub Sexto
 V. PP. et
 Octavio Ep.
 Calatino,

tio, seu Defensio Censurae Facultatis Theologicae Academiae Lovaniensis, in assertiones quasdam Professorum ibidem, Patrum Societatis Nominis IESU, de Scriptura sacra, Praedestinatione et Gratia Christi etc. quae verba quid aliud insinuant, quam praecipuam totius controversiae originem fuisse censuram illam a Lovaniensibus latam.

Ad aliam
objectionem Autho-
ris ingenui
respondetur

§. XXXIV. Sed videtur Author noster inge-
nuus non omnem penitus Censurae huius authen-
tisiam negare, dum eam non satis prudenter, et pa-
rum caute hoc tempore, et hic loci prolatam esse con-
tendit; addens insuper: illud contendo, censuram
hanc, si his verbis (contumeliosis) lata fuerit, a Prae-
sentato non satis prudenter, et parum caute in me-
dium fuisse adductam.

indirecte,
ac retor-
quendo,

§. XXXV. Scimus equidem, et fatemur, prudentem cautelam omnibus hominum generibus necessariam esse, maxime tamen illis, qui ad aliorum instructionem sunt destinati; scimus etiam, Prudentiam communiter a Theologis definiri, quod sit Rerum expetendarum, aut fugiendarum Scientia, seu: virtus moralis ostendens, quid in quolibet negotiorum genere ut honestum amplectendum, vel ut turpe fu-
giendum sit in ordine ad finem ultimum; scimus denique, vitia huic virtuti obposita esse praecipitatio-
nem in ferendis iudiciis, inconstantiam in iis absque causa mutandis, et negligentiam in mediis eligendis ad finem proportionatis; qua ratione igitur Praesen-
tatus, allegans Censuram Lovaniensem, non satis prudenter, ac parum caute locutus fuerit, non in-
telligimus; nisi Author noster ingenuus nobis vicis-
sim velit concedere, suae quoque Societatis Viros

non

non satis prudentes et minus cautos fuisse, qui Molinismum in congregationibus de auxiliis adprobatum, Lovaniensium, ac Duacensium Censuras econtra per Octavium Calatinum anathemate confixas, et a Facultate quoque Parisiensi positive reprobatas contra unanime veritatis historicae testimonium divulgare sunt ausi; qui, ut loquitur supra §. 23. laudatus Archiep. ultraiectinus „ omnes alios, qui Societati „ suae minus addicti sunt, vel caecum Eisdem fa- „ mulitium detrectant exhibere, nullo meritorum, „ dignitatis vel conditionis habito respectu, mira „ quadam arte de Iansenismo accusant, Eosdemque „ vellent, nollent, ut haereticos dilacerare non eru- „ bescunt“ qui etc. sed praefstat plura, orbi aliunde nota, impraesentiarum silentio praeterire.

§. XXXVI. Quo sensu autem dicatur, Cen-
suram Lovaniensium satis prudenter et caute *hoc tempore*, et *hic loci* non fuisse prolatam, plane non intelligimus; scripsit Praesentatus eo tempore, quo Cathedrae Theologicae in Studio Bulsanensi laudissime praefuit; scripsit eo tempore, quo sui munieris erat, novellos Theologiae candidatos contra profanas vocum novitates, contra fallacem et inanem Philosophiam, contra quasvis genuinae Veritatis insidias praemunire; scripsit eo tempore, quo AUGUSTA Scholasticam etiam Theosophiae methodum hactenus usitatam seniori quadam Crisi, et Historia veluti sale condiri sapientissime iussit; merito proinde praefens tempus adcommodatissimum iudicare debuit, ut pugnaturis aliquando tyronibus adversae partis molimina, arma, receptacula, Ipsiusque belli causas, originem, et progressum pateficeret, magis ad ingenuitatem accedere ratus, rem

prout est in se, nudamque discipulis proponere veritatem, quam tegendo, tacendo, ac praescindendo iisdem imponere.

*aut loco
non fuisse
prolatam,
ac*

§. XXXVII. Multo minus nobis notus est *locus ille*, ubi Censuram Lovanienium contra Molinae affectas citare liceat; certe, genuinae doctrinae propugnacula, licet per se loquendo nulli loco affixa sint, ibi tamen secundum prudentis cautelae regulas quam maxime sunt construenda, ubi timendus adversae partis insultus, in tractatu videlicet de Scientia et gratia Dei, de Hominis libertate ac praedestinatione, non autem, uti optarent adversae partis Patroni, sub modio vel in tenebris, in concavo Lunae, vel spatiis imaginariis.

*multomini-
nus, eam e-
finistra qua-
dam animi
adfectione
profectam
esse.*

§. XXXVIII. An denique Censura Lovaniensem in Lettium et Hamelium lata e sinistra quadam animi adfectione, quam vulgus passionem vocat, profecta fuerit? nec meum, nec tuum est iudicare, Author ingenue! certe Lovaniensibus, Duacensibus, aliarumque Universitatum Doctoribus, imo et Belgii Episcopis pro minimo erat, ut ab aliis iudicentur, aut ab humano die, qui autem eos iudicat, Dominus est; exceptio facta ob sinistram animi adfectionem locum non habet, ubi recidit in excipientem; ambo sumus homines, et frequenter festucam in alterius oculo deprehendere putamus, dum trahim in proprio non sentimus; non utique de Censorum, sed de censurae ipsius qualitate nobis est sermo; permittamus igitur iudicium istud Clementi VIII. Paulo V. aliisque D. Petri successoribus, permittamus id Ecclesiarum Rectoribus tum doctrina, tum vitae sanctimonia celeberrimis, Cardinali Tour-

nonio

nonio, Bernardino d'Almanza, Mathaeo de Castro, Bernardino de Cardenas, Philippo Pardo, et Ioanni Palafoxio! permittamus inquam ipsismet iudicibus, seu testibus potius Domesticis, P. Thomae Tamburino lib. 9. in Decal. cap. 2. §. 2. P. Marianae lib. de morb. Societ. cap. 13. P. Georgio de Rhodes disp. 2. de Act. hum. q. 2. sect. 3. §. 1. P. Inchofer in Monarch. Solips. ac tandem Morali practicae Societatis Vol. 7. p. 3. c. 1. et. vol. 5. in Histor. Bernardini Cardenatis; ex quibus, et innumeris aliis huius generis monumentis illud Paulinum nobis in aurem dicitur: *inexcusabilis es o homo omnis, qui iudicas, in quo enim iudicas alterum, teipsum condemnas, EADEM ENIM AGIS, QUAE IUDICAS.* Rom. 2.

§. XXXIX. Iam sequitur apud Authorem nostrum cap. 2. §. 1. Achilles ille, quo Lovaniensem Censorum Authoritatem penitus iugulari existimat, adducens ISAACI HABERTI testimonium ex P. Levino Meyer de Auxil. Lib. 1. cap. 6. ubi ab eodem ISAACO HABERTO in lib. defens. fid. cap. 14. §. 3. Censurae Lovaniensis historia longe aliter, ac ab aliis, enarratur, quamque tum P. Levinus Meyer, tum Author noster ingenuus in suae caucae favorem fuse, ac in terminis referunt, exinde autem sequentes formant conclusiones; 1ma, memoratam censuram obstetricante Baiana factione Jesuitis infensa in lucem prodiisse; 2da, longe iustiorum, sanioremque prae illa Lovaniensi fuisse Academiam Parisiensem, quae, licet a Lovaniensibus invitata, huic tamen censurae subscribere constantissime detrectavit; 3tia, Censuram illam a pluribus in Belgio Theologis, et Episcopis dictam fuisse importu-

portunam, iniquam, et abusivam; 4ta, propositiones Lessii a Lovaniensibus damnatas, postea Romae a summa Sede tanquam doctrinam sanam continentes fuisse declaratas; 5ta, ab eadem Sede Apostolica excommunicationis paenam illis intentatam fuisse, qui aliqua censura doctrinam Lessii perstringere auderent; 6ta, ab illo tempore multos Professores atque Doctores, etiam Lovanienses doctrinam suam doctrinae Lessii conformasse.

Reicitur
in Adversa-
rios, et

§. XL. At enimvero, quemadmodum adversae parti nihil communius, quam adversantium sibi authoritatem infringere, nunc animum sinistris affectionibus praecipuum, nunc intellectum ignorantia laborantem, nunc voluntatem malevolentia correptam caussando, aut ipsorum faetus omnino ex oculis hominum surripiendo; ita econtrario, quotquot suae causae patrocinantur, eos veluti Deos super astra ferunt, eorum scripta velut oracula haberí cupiunt, et adorari pedum vestigia; cuiusce rei plus quam sexcenta, si detur occasio, exempla satis authentica proferri possent.

^{fit excep-}
tio contra
Authorem,

§. XLI. ISAACUM HABERTUM Parisiensis Ecclesiae Canonicum, ac postmodum ab Anno 1645. Vabrensem Episcopum, tandem vero Anno 1668. fuisse mortuum, ex monumentis constat Historicis; at ex his ipsis etiam probatur, Eundem, quoad vivit, iuratum fuisse Societatis Patronum, et in eiusdem etiam favorem contra Iansenium scripsisse; unde haud maiorem apud nos meretur fidem, quam apud Molinianos IACOBUS BOSSUTIUS O. S. B. in congregacionibus de auxiliis Secretarius, cuius historiam ex eo solum capite flocci pendit Petrus Fuliensis e

S. I.

S.
fave
mus
dict

tine
tis
dem
oper
qui
cele
ti a
ciet
van
Lef
ant
mo
dar
qua

qua
ter
tin
siti
eti
tia
pa
ad
qu
qu
ra
ab

S. I. in suavi concord. disp. 4. n. 4. quod *nimum faveat Dominicanis*; nunquid et nos eodem gaude-mus iure? sed videamus, an conclusiones ex ante-dicto Haberto derivatae subsistant.

§. XLII. Quod igitur ^{imam} conclusionem ad-tinet, laudamus equidem Zelum, quo PP. Societa-tis quasdam Baianas propositiones ad summam Se-dem diiudicandas miserunt, cuius obiectum et *finis operis* debita laude non caret, et si forsitan sinister quidam affectus *finem operantium* corruperit, quem celeberrima tum Lovaniensium Authoritas adolescen-ti adhuc, et primas ubique Cathedras ambienti So-cietati facile potuit suggerere; interea vero et Lo-vaniensium Zelus aequo iure laudandus erat, dum Lessii et Hamelii propositionibus *nimum utique*, antequam successu temporis mitigarentur, Pelagianis-mo fayentibus sese obposuere, etiamsi ultro conce-damus, Michaeliem Baium ea occasione humani quid-quam fuisse passum.

§. XLIII. Pro dignoscenda 2dae conclusionis contra fe-
qualitate, notandum, nihil absurdius esse in re lit-^{cundam,}
teraria, quam illud argumentandi genus, praeser-tim in rebus Theologicis: *haec sententia non est po-sitive damnata, ergo est adprobata;* sequeretur enim, etiam hanc esse bonam consequentiam: *haec senten-tia non est positive adprobata, ergo est damnata;* paritatem rationis certe negabit nemo; sed ultimam admittere, Molinistis foret periculosem, ergo ne-que priorem sibi fayentem habent, ergo ex eo, quod Parisienses Lovaniensium doctrinae vel censu-rae non subscripterint, nullatenus sequitur, eandem ab illis adprobatam fuisse; „scimus equidem, sunt

„ verba

„ verba Augustini le Blanc lib. 1. cap. 3. „ quod si
 „ lentium eius in rem suam vertant PP. S. I. in
 „ imagine primi Saeculi lib. 6. sed quo titulo, iudi-
 „ cent erudit; certe si quid ex silentio colligi po-
 „ test, Illam Lovaniensium censurae assensisse potius,
 „ quam repugnasse, iudicandum erit; si enim aliter
 „ Sorbonna sensisset, exigebat proprii Ordinis digni-
 „ tas, ut Belgicas illas Academias falsi postularet,
 „ saltem dum sese ab iis vocatam in causam intel-
 „ lexit, easque sua uti Authoritate cognovit; Dua-
 „ censes enim in prima Lessii censura doctrinam Eius
 „ de praedestinatione ad gloriam ex praevisione me-
 „ ritorum ab Academia Parisiensi iam ante annos
 „ 240. damnatam dixerant; addiderant in defensione
 „ sua Lovanienses part. 2. circa fin. Lessiana dogma-
 „ ta Parisios nuper adducta, illinc non multo post,
 „ celeberrimae Academiae studio explosa fuisse; quid
 „ itaque, si res aliter se habuisset, an servasset silen-
 „ tium? an non potius publica falsi postulatione im-
 „ postores revincere Sorbonna debuisset? quod si
 „ non egit, uti non egiſſe certo constat, Duacen-
 „ sium ac Lovaniensium censuris assensisse dicenda
 „ est. “ in defectu nempe positivi cuiusdam funda-
 „ menti silentia quoque ab illis magni pendenda sunt,
 „ qui positiva SS. etiam Pontificum decreta, et con-
 „ stitutiones parvipendunt.

contra
tertiam,

§. XLIV. Pariformiter ad conclusionem 3tiam
 respondemus; admittendo videlicet, Lovaniensium
 censuram a pluribus in Belgio Theologis et Episco-
 pis dictam fuisse importunam, iniquam, et abusi-
 vam; quid enim hi, pauci, et parvae tunc Autho-
 ritatis Hostes contra tam validum S. Augustini, Di-
 vine Thomae Aquinatis exercitum? nemo certe,
 qui

qui illius temporis Historiam legerit, ignorabit, tantam suis Universitatum Lovaniensis ac Duacensis in Europa celebritatem, ut gravissimae rerum Theologicarum controversiae illarum iudicio ab exteris etiam christiani orbis provinciis commissae fuerint; dum econtra de Universitatibus Trevirensi ac Moguntina, quas in suam partem adtraxerant Lessiani, scriptum legamus: „obscuri certe nominis tunc erant „Academiae Trevirensis, et Moguntina, in quibus „non triduo, ut de causarum Patronis aiebat Tul- „lius, sed uno mane Doctores Theologi fabrican- „tur; quam leve, quam elumbe de orta Lovanii „controversia iudicium tulerint, vel ex uno capite „satis liquet, quod illud, nullo plane Scripturarum, „Conciliorum, Patrum, Rationisque Theologicae „momento firmaverint, cum id econtra Lovanien- „ses, et Duacenses summa eruditione praestitissent.“ accedit, quod istarum Academiarum, Moguntinae ac Trevirensis, iudicio eo minor authoritas concedenda sit, quo magis constat, easdem enormiter deceptas fuisse; cum enim 34 propositiones Lessius edidisset, sex tantummodo Moguntiam et Augustam Trevirorum sunt missae; sic enim censura Moguntina: *quoniam a Facultate nostra petitum est, ut sententiam DE SEX PROPOSITIONIBUS inter Academiae Lovaniensis Doctores, et S. I. Theologos controversis ferremus etc.* sic etiam Trevirenses testantur: *prodiit superiori anno censura Theologorum Facultatis Theologicae, qua tanquam peregrinas, offensivas, periculosas, haeresique vicinas damnant, atque reiiciunt SEX PROPOSITIONES a Professoribus S. I. in Scholis suis Lovanii doctas, et publice traditas etc.* ubinam ergo sunt reliquae viginti octo? F cur

cur non et istas censurae Moguntinensium, ac Trevirensium subiecerunt? deinde vero Belgii Episcopos Lessio faventes fuisse Paucissimos, ex eo liquet, quod ex parte Lovaniensium steterint Ioannes Hauchinus Archiep. Mechliniensis, Ludovicus de Barlemon Archep. Cameracensis, Guilielmus Lindanus Episcopus Gandavensis, et plerique alii Belgicarum Diaecesis Episcopi, paucis tantum exceptis, qui ad exemplum Trevirensis et Moguntinae Academiae, ut sese periculo subtraherent, Neutralitatis, ut vocant, limites supergredi non sunt ausi; paucis, inquam, exceptis; id enim testatur Societas ipsa in imagine primi Saeculi lib. 6. cap. 4. inquiens: *Adversarii nostrum dedecus inde sinenter urgentibus MAIOR EPISCOPORUM PARS, et quaedam collegia Canonicorum geminis duarum Academiarum (Lovanensis ac Duacensis) censuris calculum adiecerant; Mechliniensis vero et Cameracensis Metropolitae Synodus parabant Episcoporum, qui dogmata nostra a duabus Facultatibus damnata discuterent, eademque toto prosciberent Belgio tanquam impias Massilien- sium et Pelagii reliquias, adeoque Societati notam inurerent haereticae pravitatis; quod etiam Praesules illi procul dubio fecissent, nisi totam huius controversiae recognitionem per Nuntium suum Octavium Calatinum Sixtus V. P. M. ad suum tribunal avocasset.*

contra
quartam,

§. XLV. Qua fronte ingenuus Author Orbi et Urbi audeat imponere, ac fidenter adeo afferere, propositiones Lessii a Lovaniensibus damnatas, postea Romae a summa Sede tanquam doctrinam famam continentis fuisse declaratas, nullo modo perspicimus; imo plus audet P. Levinus Meyer ab eo
cita-

icitatus, cum ait: „Pontifex Sixtus V. qui doctissimus erat, convocato caetu Cardinalium, post longam et profundam discussionem illas omnes propositiones adprobavit tanquam articulos sanam doctrinam continentibus, mandavitque suo Nuntio et Legato supra nominato vices, hanc suam sententiam pronuntiandi, et praecipiendi sub paena excommunicationis, ne quis eosdem articulos damnaret, vel censura ulla notaret, ut videre est in litteris Sixti V. typis Masii 1588. Iulii 10. haec ille.

§. XLVI. Ingenua profecto veritas! si P. Levinus Meyer Scrinia Pontificia, si prothocolla Lovaniensis vel Duacensis, si acta praelaudatae commissionis, imo si vel totius controversiae huius historias non ab uno, sed a pluribus compilatas, et ex authenticis MM. SS. desumptas legere aut potuisset, aut voluisset, procul dubio invenisset imo, post adventum Octavii Calatini Episcopi Lovaniensem in urbem, die 22. Iunii dicto anno 1588. confectam a Lovaniensibus fuisse suaे censurae defensionem, et subscriptam per Henricum Cuyckium S. Facultatis Lovan. Decanum, et Andream Sassenum eiusdem S. Facult. Pedellum et Notarium publicum die 17. Augusti; invenisset 2do, Significationis instrumentum desuper confectum, ac subscriptione testium ad id specialiter vocatorum (videlicet D. Iulii Tartesii I. U. D. ac eiusdem Reverendiss. D. Nuntii Apostolici Auditoris, nec non Lucae a Tongeren Presbyteri Daventicensis Dioecesis) roboratum fuisse dicto anno die 3 Septemb. invenisset 3to, totam subortae controversiae disquisitionem per saepe nominatum Octavium de Frangepani primum die

Quae metras continet
antitheses,

29. Novembris terminatam, ac tum primum commissionis acta Romam ad Cardinalem S. Severinae transmissa fuisse. dum igitur audacter adeo contendit, censuram Lovaniensium iam tum 10. Iulii anno 1588. a Sixto V. damnatam fuisse, debebit nolens volens admittere, aut Pontificem ante cognitionem causae sententiam tulisse, quod omnibus omnisque iuris formulis contradicit, aut mendacem illum Sixtinæ Bullæ fabricatorem non satis fuisse memorem, quod 17ma Augusti, 3tia Septemb. et 29na Novemb. Romam Iulii eodem anno non praecesserint, sed subsequantur.

et falsita-
tes,

§. XLVII. Quemadmodum ergo falsissimum est, Sextum V. vel durante inquisitione, eaque vix incaepta, vel etiam postea quoad vixit (mortuus autem est die 27. Aug. 1590) hac de materia Bullam quandam edidisse, utpote quae nullibi, nisi forsan in votis Molinistarum, est reperiunda; ita e contrario certum est, eadem omnino die et Anno scilicet 10. Iul. 1588. non Bullam Pontificiam, sed Decretum, non a Sixto V. sed sub Sixto V. ab Eiusdem Nuntio, Octavio Calatino, durante adhuc inquisitione emanatum fuisse, in quo autem Lessiana dogmata nullatenus tanquam sanam doctrinam continentia sunt adprobata, prout mendax et proterva Masii typographia scripsit, sed id solumodo statutum fuit, ut, cum quaedam opinionum dissensiones Lovanii super quibusdam sanae doctrinae articulis fuerint subortae, quibus fidelium unitas scindi, et Corpus Christi lacerari posset, nisi mature, sapienterque occurratur, cumque nulli, nisi successori D. Petri Pontifici Romano liceat doctrinae Christianae res controversas definire, - - - nemo, cuiusque ordinis, gradu,

dus, conditionis, vel dignitatis existat, in Concioni-
bus, Lectionibus, disputationibus publicis et privatis
alterutrius partis assertiones imposterum adtentet tan-
quam haereticas, suspectas, offensivas, et periculosas
affirmare, DONEC AUTHORITATE APOSTOLI-
CA MATURE DEFINITAE FUERINT. quem to-
tum Decretum istud legere iuvat, evolvat Augu-
stinius le Blanc lib. 1. cap. 4. a col. 26. et seqq. ubi
videbit, quam egregie sese Lessiani circa Decreti
huius observantiam gesserint; nobis interim ad alia
properantibus satis est, mendacio Veritatem oppo-
suisse.

§. XLVIII. Ut falsitas conclusionis quintae, ^{contra} simulque temeritas Masiana patescat, sciendum, in ^{quintam} praefato Decreto immediate post verba illa paulo ante citata: *mature definitae fuerint, legi sequentia: quod si quis contra fecerit, sciat se excommunicationis latiae sententiae paenam - - - incurrisse, et alias paenias nobis nostroque arbitrio reservatas subiturum.* non igitur illis, qui repudiatis Lessianis, Augustiniana sectantur dogmata, sed qui silentium utrique parti impositum violaverint, aut adversam partem iniuriose tractaverint, antequam controversia isthaec a summa Sede direpta fuerit, Anathema minatur Nuntius Apostolicus; certe ab eo tempore nulla unquam contra Lovanienses querela est mota, quasi praecepto Apostolico fuissent refractarii; bene vero id manifeste constat de Lessii consodalibus, quorum unus, videlicet P. Ioannes Dekerus S. I. Theologus anno statim sequente 1589. in suis ad 1. 2. D. Thomae praelectionibus Q. 4. propos. 2 probat. II. Thomistas non erubuit veluti Calvinianos calumniali, inquiens: *difficile est videre, in quo secundum*

*rem haec sententia (D. Thomae a Duacensibus tradi-
ta) differat a Sententia Calvinii, nam Calvinus di-
cit etc. quin et in dictato quodam extraordinario
defendere ausus est, in praedicto Decreto Lessianam
doctrinam positive adprobatam fuisse; sed pace huius
viri dixerim: si Lessiani censuram Lovaniensem,
qua parum a Semipelagianis distinguebantur, tam
acerbe senserunt, cum nonnullum inhibitio quaedam
Apostolica extaret? quid sentiendum de Lessianis,
qui pendente adhuc in foribus Decreto Apostolico
Duacenses Calvinianis (uti nunc post tot Pontifi-
cum Bullas inhibitorias Augustinianos Iansenistis)
non sunt veriti aequiparare?*

et contra
sextam,

§. XLIX. Fatetur tandem conclusione 6ta in-
genius Author, Lovanienses Decreto illi stetisse,
ac imposterum ab omni censura modestissime absti-
nuisse, quamquam pars adversa non destiterit, nunc
Lovanienses, nunc Duacenses, nunc Episcopos sibi
minus faventes verbis, scriptis, factisque Decreto
contrariis vellicare, perstringere ac fugillare, imo
et falsis criminacionibus Nuntium Apostolicum cir-
cumvenire, ut novo quodam edicto Duacenses per-
stringeret, qui tamen ab incomparabili Viro Guiliel-
mo Estio nomine Facultatis Duacensis desuper mo-
nitus studio abstinuit, ne Lessiana factioni ulterio-
res machinationum faces subministraret, prout ex
Eiusdem Nuntii Apostolici litteris ad Cardinalem S.
Severinae hac de re datis colligitur; interim edictum
Duacense de die 21. Ian. 1690. (fors 1590.) non plus,
quam prius illud evincit, nempe utramque partem
debere ab iniuriosis ac invectivis privatis publicis-
que conviciis abstinere, donec per Sedem Apostoli-
cam quæstiones de huiusmodi materiis exortae defi-
nian.

miantur, quae verba ultima studio forsan omisit Author ingenuus.

§. L. Pergit postmodum Author ingenuus Innocua censurae Lovaniensis citatio plus habet roboris. variis ostendere documentis, Lovanienses post elapsum circiter saeculum de Lessiana doctrina mitius iudicasse, quod eo minus negamus, quo magis eo rum prudentia, modestia, et obedientia S. Sedi debita Orbi est nota; qualenam autem pro sua scientia media ibidem inveniat suffragium, aut cur censuram Lovaniensem nunquam citari vel allegari posse contendat, non videmus; longe utique sunt graviores censurae illae, quae in congregationibus de auxiliis a Viris tum dignitate tum sapientia celeberrimis in Molinam sunt latae, et quarum citationem, si servato prudentiae et charitatis ordine fiant, non prohibebunt illi, qui censuras in partem adversam latas tanto cum strepitu, et amaritudinis zelo debuccinare non cessant; certe praesentatus ille, in quem tantopere invehitur Author ingenuus, cito censuram Lovaniensem, nullatenus animum habuit, eidem, aut sibi supremam iudicandi potestatem arrogare, sed praecise ostendere, qualis haec nova Lessii doctrina, dum e cunis prodiret, in oculis Doctorum visa fuerit; neque nobis est animus, id pernegare, sententias Societatis esse *indemnes, tutoque ac impune* in Scholis doceri posse, quod maxime urget Author ingenuus, sed illud solum constanter asserimus, Lessii ac Molinae doctrinam nullatenus aequiparari posse doctrinae illi, quam hactenus universalis Ecclesia, ut ante annum in Theorematis nostris Dogmatico-Polemicis ostendimus, positive ac specialiter uti suam agnovit.

Quam Lai-
corum re-
commenda-
tio.

§. LI. Tandem vero, quasi alia et interna sua doctrinae non haberet suffragia, externas Principum Saecularium recommendationes quaerit ingenuus Author; Societatis causam quoad Molinae doctrinam durantibus congregationibus de auxiliis a pluribus Principibus, quibus eiusdem Societatis Patres aut a sacris confessionibus, aut a secretis consiliis fuerant, recommendatam fuisse (quemadmodum vici sim ab aliis adscusabatur) nec ignoramus, nec miramur; sed nec ingenuus Author ignorare, ac multo minus mirari poterit, Supremum Ecclesiae caput Clementem VIII. pro munere suo hisce recommendationibus nullatenus motum, strictissimas in Molinae dogmata disquisitiones nihilominus continuasse, probe gnarum, in huiusmodi quaectionibus dogmaticis non attendendum esse, *quid caro et sanguis, sed, quid Pater caelestis revelaverit;* et quamnam quaefumus benevolentiae saecularis ad doctrinam pure theologicam et spiritualem proportio? nunquid Apostoli ad praedicandum Evangelium favore Principum indiguerunt? nunquid Ecclesia in dirimendis fidei controversiis beneplacitum Caesaris aliquando sibi pro scopo fixit? quod si sola Schola Molinae tantopere Patrocinio Laicorum egeat, cur ergo P. Claudio Aquaviva in sua industria ad currandos animi morbos cap. 15. diserte ait: *Saecularitas et Aulicinus insinuans familiaritates et gratiam externorum, morbus est in Societate; nobis fere nescientibus paulatim subintrat, sub specie quidem lucrificiendi Principes, Praelatos, Magnates, homines que conciliandi, sed revera quaerimus interdum nos ipsos, et paulatim ad saecularia deflectimus.* permotus forsitan S. sui P. Ignatii exemplo, qui, testante

Maffeo

Masseio in Eius vita lib. 3. cap. 1. aliquibus, ut pro ipsis intercederet, rogitantibus respondit: *sibi rem non esse, nisi cum Aula summi Regis, ad eam si adiutum optarent, daturum se operam, ut intimi Regis amici fierent.* cur in secunda generali Societatis Congregatione districte praecipitur: *nec Principibus, nec Dominis aliis saecularibus aut Ecclesiasticis assignari debet aliquis ex nostris Religiosis, qui Aulas eorum sequatur, et in eis habitet, ut Confessarii, aut Theologici, aut alio quovis munere fungatur, nisi forte ad per breve tempus unius vel duorum mensium?* quamquam igitur citatos ab Authore Principes omni, qua par est, veneratione colamus, nec Societati eorundem favorem invideamus, negamus tamen, Ipos rei huius Theologicae causam sui fori facere aut voluisse, aut potuisse.

§. LII. Absoluta circa Censuram Lovaniensem observatione, Ingenuus Author duas alias observations §. 2. et 3. instituit, unam *circa concordiam gratiae et libertatis a Molina tentatam*, et alteram *circa dictoria Adversarii in Molinam, et Suarium coniecta.*

§. LIII. In prima illa cum Ludovico Molina observat, gratiam necessitatem Calvini re ipsa convenire, aut saltem non satis, et nominetenus tantum differre a gratia prae determinante Thomistarum, sic que huius doctrinam ad expugnanda Calvinii dogma nullatenus esse sufficientem, cum eadem utrobi que sit salvandi liberi arbitrii difficultas; recte proin fecisse Ludovicum Molinam, qui neutiquam novitatis, aut vanae gloriae studio, sed Apostolico expugnandi Calvinismi zelo inflammatus suam Divinae

gratiae cum libero hominis arbitrio concordiam (anno eodem, quo Lessius et Hamelius in Belgio suam doctrinam) Ulyssipone in Lusitania edidit, ut hac ratione simul salvetur et supremum Dei Dominium, *cum penes ipsum solum sit in hoc systemate, conferre, et conservare potentiam agendi libere, subministrare gratiam excitantem et adiuvantem, sine quibus nullum opus bonum, neque ipse in bonum consensu effici potest etc.* et simul etiam salvetur libertas Hominis, *cum penes ipsam sit, Deo sic decernente, ut gratia collata vel conferenda uti possit vel non uti, eidem consentire vel dissentire, potentia saltem antecedente, facere, ut Deus praevideat, gratiam hanc vel efficacem fore, vel inefficacem.* postremo, doctrinam hanc neque menti S. P Ignatii, neque Societatis instituto contradicere, quin potius eiusdem intentioni convenientissimam esse.

Quarum tamen prima non modo temeraria, et inventio recunda,

§. LIV. Imprimis autem sat mirari non possumus, Authorem ingenuum, qui paulo ante tam graviter conquestus fuerat, doctrinam Lessianam a Lovaniensibus *velut haeresi Pelagianae* vicinam fuisse dictam, nunc vice versa Angelicam D. THOMAE, seu potius S. AUGUSTINI doctrinam audacia quidem vivaci, sed parum ingenua *velut haeresi Calvinianae* vicinam exsibilare, idemque modo facere, quod paulo ante reprobaverat.

verum est iam falsissima est.

§. LV. Deinde vero, ut impactam Angelico Thomae iniuriam falsissimis innixam esse principiis ostendamus, non opus habemus, ut in exiguum harum pagellarum compendium integra Virorum Doctissimorum volumina conglomeremus, quibus Calumnia isthaec iam dudum, et adeo solide diluebatur,

ut

ut nihil magis; Sufficiat ex una parte Angelicam D. Thomae Aquinatis, ex altera vero parte dia-
bolicam Calvini doctrinam Legentium obtutibus ac iudicio proposuisse.

S. AUG. ET THOMAS. CALVINUS CUM SUIS.

Liberum Hominis arbitrium post peccatum actuale quoad Adamum, et originale quoad nos mansit integrum, licet sauciatum, et si quoad aequilibrium sit infirmatum.

Datur gratia Sufficiens, qua stante homo vere potest agere quidquid boni supernaturalis.

Homo praemotus et si agat infallibiliter, non tamen agit necessario sed libere.

Salvatur haec libertas non modo per sensum divisum, sed ex eo etiam, quod Deus quamlibet causam secundam moveat modo eidem connaturali.

Deus quidem omnia operatur in nobis, et facit, ut operemur, ita tamen, ut quae sunt Ipsius dona, nostra sint merita, et homo nihilominus maneat competant, vera causa efficiens.

Liberum Hominis arbitrium post lapsum Adami quendam sauciatum et immunitum, sed penitus extinctum atque confectum esse.

Nulla datur gratia sufficiens, nulla quoque datur hominis potentia ad bonum.

Homo praemotus non tantum infallibiliter, verum etiam necessario agit.

Homo praemotus in nullo sensu est liber, quia Deus omnes causas tam animatas, quam inanimatas aequaliter movet.

Deus ita operatur in nobis, et facit, ut faciamus, ut ea opera Deo soli, nullatenus autem homo nisi ut instrumento,

Deus,

S. AUG. ET THOMAS. CALVINUS CUM SUIS.
 Deus, a quo bona cuncta procedere debent, nullo modo dici potest *Author vel causa peccati*, etiamsi ad actum physicum concurrat.

Dum sermo est de prae-determinatione physica, *id Physicum* non obponitur motioni liberae, sed morali tantum, aut externae per suasionem v. g. factae.

Deus ita *boni malique causa est*, ut non minus proditio Iudae, quam conversio Petri eiusdem sit opus.

Physica praemotio obponitur motioni liberae, et consequenter, quod physice prae-determinatur, neli cellario movetur.

clare ostenditur,

§. LVI. Iudicet nunc benevolus Lector, an et quaenam sit inter Angelicum et Calvinum disparitas? an non e diametro ut aiunt, et contradictorie sibi obponantur utriusque partis assertiones? an non ignorantia crassa, vel omnino affectata laborent illi, qui doctrinam hactenus ab universa Ecclesia summis laudibus exornatam, et publice adprobata cum haeresi Calviniana comparare non erubescunt? nunc inique scripsit Contensonius Lib. 5 dissert. 3, cap. 2. si bonis rationibus ex misera suae causae conditione destituti sint (Moliniani) ad iutulenta saltem et inepta convitia non configuant, a dissertationibus ad iniurias non veniant, modum habeant, et sinem faciant dicteriorum, a quibus non nisi disceptantium Odia, et legentium scandala derivantur.

uti etiam ex Historia Congregationum de auxiliis,

§. LVII. Quod autem S. AUGUSTINI Divi THOMAE doctrina nullam prorsus cum doctrina Calvini affinitatem habeat, quod semper tanquam fana et catholica in Ecclesia floruerit, et ut talis

etiam

etiam post concilium Tridentinum, ubi Calvinismus iam altas ubique radices egerat, hucusque semper fit agnita, nemo certe, nisi quem sinister animi affectus captivum teneat, negabit unquam; et quidem, quod S. AUGUSTINUM adtinet, benevolum Lectorem, ut pagellarum consulamus angustiis, ad nostra Theorematata, 8vum videlicet, 9num, 10num, ac 11num remittimus; S. THOMAE autem genuinum Systema ab omni Calvinismi suspicione immune declarabatur in Congreg. 14ta et 15ta de auxiliis, prout fuse in earundem Historia videre est; ubi simul reperies, amice Lector, quam infideliter, ac proin et infeliciter P. Ferdinandus Bastida S. Thomae Aquinatis, ac Thomistarum textus citaverit, ut iisdem invitatis Calvinismi notam adspergeret; quam valide autem ac solide a P. Lemosio Dominicanoo tanquam falsarius coram summo Pontifice convictus fuerit, aequo iniquo D. THOMAE, uti eius Socius P. Gregorius de Valentia S. AUGUSTINI cito.

§. LVIII. Omnes autem P. Bastidae obiectiones de Calvinismo Thomistico factas penitus iugulavit P. de Lemos, ubi post ducentos D. Thomas Aquinatis textus genuine allegatos, ipsum etiam Cathochismum Romanum iussu Concilii Tridentini editum, a S. Pio V. probatum, et universis Fidelibus praescriptum in medium aduluit, quaerens ex P. Bastida, an et istum Calvinismo proxime accedere paret? cumque ille negasset, subinferebat, huius doctrinam esse ipsissimam cum illa D. THOMAE; ait enim P. 1. cap. 3. q. 20. non solum Deus universa, quae sunt, Providentia sua tuetur atque administrat, verum etiam, quae moventur et agunt aliquid, inti-

et Cath-
chismo Ro-
mano,

ma virtute ad motum atque actionem ita impellit, ut, quamvis causarum secundarum efficientiam non impedit, praeveniat tamen; cum Eius occultissima vis ad singula pertingat, et quemadmodum Sapiens testatur, adtingat a fine usque ad finem fortiter, et disponat omnia suaviter; quare ab Apostolo dictum est, cum apud Athenienses annuntiareret Deum, quem ignorantes colebant: non longe est ab unoquoque nostrum, in ipso enim vivimus, movemur, et sumus. quae quid aliud sunt, quam ipsissima Doctrina illa, cuius asseclas Moliniani ut minus catholice sentientes passim fugillant.

Concordia
Moliniana
nec unquam
indiguit,
nec indige-
bit Ecclesia.

§. LIX. Quo fine, qua intentione, quo motivo Ludovicus Molina novam suam liberi arbitrii cum gratia Divina concordam elucubraverit, nostri fori non est iudicare, iudicent illi, qui, quemadmodum Lovaniensium, ita et aliorum scrutari corda et renes se posse putant; id solum reponimus, Ecclesiam Catholicam novis huiusmodi armis in officina Moliniana fabricatis non indiguisse, ut contra novos arbitrii hostes Calvinum atque Lutherum belaret bella Domini; ad manus illi erant amplissima, omnique armorum genere instructissima SS. LL. Traditionum, Conciliorum, SS. Patrum atque Doctorum armamentaria, unde, veluti turris fortissima, e qua mille pendent clypei, probe instructa, iam quindecim Saeculis contra libertatis humanae Hostes absque omni adiutorio Moliniano invicte pugnavit, ac deinceps invicta manebit usque ad Saeculi consummationem; Vas Electionis et gentilium Doctor PAULUS dum in suis ad Rom. ad Corinth. ad Ephes. ad Galat. ad Philipp. etc. mysterium Divinae Gratiae longe uberioris, ac caeteri Apostoli, et ex professio trac-

tractaret, nullibi ad Scientiam medium, vel ad praewisam voluntatis humanae determinationem, sed semper ad mysteriorum altitudinem, ad inscrutabilem iudiciorum abyssum, ad infinitum bonitatis thesaurum adpellavit; AUGUSTINUS, cuius Viri ductu, teste S. Prospero, viginti et amplius annis contra inimicos gratiae Dei Catholica acies pugnavit, et vicit, non armis e suo cerebro natis, sed quae Ipsi Scriptura, traditio, concilia et Patrum testimonia subpeditaverant, quosvis adversarios debellavit; CONCILIA, PATRES, ET PONTIFICES, qui sequebantur, quotiescumque haeretici contra gratiae necessitatem, vel hominis libertatem acuere calatum, nunquam ex proprio ingenio, sed ex pretioso veterum deposito resposa promebant, rati, argumenta polemica eo esse solidiora, quo antiquiora, et eo minus utilia, quo sunt noviora; ipsummet Concilium TRIDENTINUM in Spiritu S. congregatum perversa Lutheri et Calvinii dogmata infallibiliter prostravit, quin doctrina Moliniana unquam opus habuerit, magis aestimans ad firmandas fidei veritates humilem altitudinis confessionem, quam facilem tanti mysterii explicationem humano captui accommodatam; sed hisce omnibus non obstantibus audet Molina dicere Q. 23. art. 4. disp. 1. memb. 6. quae (suae putat concordiae fundamenta) si data explanataque semper fuissent, forte neque Pelagiana haeresis fuisset exorta, neque Lutherani tam impudenter arbitrii nostri libertatem fuissent ausi negare, neque ex Augustini opinione tot fideles fuissent turbati, facileque reliquiae illae Pelagianorum in Gallia fuissent extinctae. infelix ergo Augustinus, cuius ignorantia tot fideles scandalizavit, et cuius opinio nec Pelagianos nec Massilienses

lienses prostravit, infelix Ecclesia, i^o quae tamdiu sedens in tenebris nec orturas praecavere haereses, nec ortas ex defectu Moliniani systematis sedare potuit!

Communis
illa regula:
medio tuti-
fimus ibis,

§. LX. Gloriatur equidem Author noster in genuus, per sistema Molinianum salvari supremum in creaturas Dei Dominium, et simul etiam liberum humanae voluntatis arbitrium; sed nosse iuvat, in huiusmodi controversiis, ubi Scyllam inter, atque Charybdim versamur, medium semper tenere, tutissimum esse, nisi claram pro alterutra parte sententiam Ecclesia ferat; sic SS. Patres, sic Doctores catholici processerunt semper, ubi Nestorius nimiam in Christo distinctionem, Eytiches vero nimiam in Eodem unionem afferuit; sic agebat Augustinus, ubi vidit Manichaeos nimium voluntati divinae, Pelagianos autem nimium voluntati humanae tribuere; sic illorum dissensio, quorum quidam omnino nullam, ne rationis quidem, alii aut omnino realem aut quasi talem inter attributa Divina distinctionem admittunt; item, dum aliqui nullam penitus, alii omnino perfectam amoris affectionem ad Sacramentum paenitentiae requirunt, eam confirmat regulam: *medio tutissimus ibis.*

nec quoad
supremum
Dei Domi-
nium in
Creaturas,

§. LXI. Sed videamus, quomodo supremum Dei Dominium in creaturas sufficienter salvetur per sistema Molinianum! supremum Dei ut Authoris tam naturae quam gratiae Dominium in eo est situm, ut virtus Divinae potentiae tanquam Causae primae non modo in Causas secundas tam necessario, quam libere agentes, verum etiam in earum effectus influat; cumque id de causis physicis et necessariis

ex Philosophia ut certum subponatur, sequitur, eandem quoque rationem esse de agentibus liberis, et effectibus supernaturalibus, alias quippe Deus nec ens primum in omni genere entis, nec causa prima in linea cuiuscunque causalitatis vocari posset; nec sufficit influxus tantum generalis in linea supernaturali, per hunc enim e voluntate Dei antecedente manantem nec homo ab homine, nec effectus ab effectu, nec actio ab actione discernitur, hoc ipso quia generalis est, et omnibus communis; sed requiritur influxus specialis ad singulos effectus et actiones, ne dici posset, vel unicum existere entitatem, quae a supremo Dei Dominio sit independens, vel dari positivam aliquam actionem, quae immediatam suam originem Deo non debeat; ita S. Thomas, totaque Schola Thomistica, ipsique etiam primaevi nascentis Societatis furculi e sui S. Fundatoris praecepto; nec timendum, hac movendi vel influendi ratione destrui agentis liberi libertatem; nam supremus rerum Dominus causas secundas non aliter, nisi secundum naturalem illarum exigentiam dirigit, necessarias nempe necessario, et liberas libere; et sicut qua ens primum influendo in entia creata ipsorum entitatem non minuit, sed conservat, ita quoque qua liberum primum libera secunda nullatenus destruit, sed perficit potius, et conservat; si homo seipsum determinando sibi non admitt libertatem, quomodo Deus admitt, qui *magis in sua potestate habet hominum voluntates, quam ipsi suas*, utpote qui *atttingit a fine usque ad finem fortiter, et disponit omnia suaviter*; qui suave Ipsius iugum repudiant, pace nostra Dominum quoque negent, ac dicant: *non serviam*.

observatur
a Ludovico
Molina,

§. LXII. Quid autem Ludovicus Molina? collocantes, inquit, Q. 23. art. 5. membr. II. totam certitudinem divinae Praedestinationis non in decreto, quo Deus ei, quem praedestinabat, providere statuit de iis mediis, quibus libertate sua perventurus in vitam aeternam praevidebatur, sed in praescientia, qua id praevidebat, ratione cuius tale decretum ac providentia sortita sunt rationem Praedestinationis, asseveramus. deinde: etenim arbitrium, sicut si, ut potest, non esset taliter cooperaturum, non fuisset in Deo praescientia, quod adultus ille mediis illis pervenisset in vitam aeternam, sic neque decretum, quo Deus ex aeternitate statuit per media Illi providere in vitam aeternam, habuisset rationem Praedestinationis, ac tandem: Praedestinatio adulorum fuit secundum praescientiam boni usus liberi eorum arbitrii, habuitque Deus rationem illius in eis praedestinantis. gratiam ipsam, tanquam Dominii huius exercitium quod adtinet, docet Q. 14. art. 13. disp. 53. ostendimus, auxilia gratiae non habere ex sua natura, quod efficacia sint, aut non sint, sed id pendere ex eo, quod arbitrium eis motum et excitatum consentire et cooperari velit, aut non velit. unde et gratiae efficaciam praevisae liberi arbitrii determinationi subiicit inquiens disp. 40. sciendum est, nos non negare communem illam distinctionem auxilii sufficientis in efficacem et inefficacem, ita tamen, ut efficax libertatem arbitrii non tollat, sed in potestate ipsius sit, cassum, inefficaxque illud reddere, et ita, ut sufficiens inefficax auxilium vere in seipso sufficiens sit, per ipsum tamen arbitrium stet, quod illo non convertatur, atque adeo, quod efficax non sit; quo fit, ut divisio sufficientis auxilii in efficacem et inefficacem ab effectu, qui simus

simil ab arbitrii libertate pendet, sumatur; ---- hinc
asserimus auxilia gratiae, quod efficacia vel ineffica-
cia sint, pendere a libero consensu et cooperatione ar-
bitrii nostri cum illis, atque adeo in libera potestate
nostra esse, vel illa efficacia reddere consentiendo et
cooperando cum illis, vel inefficacia illa reddere con-
tinendo consensum et cooperationem nostram, aut etiam
contrarium elicendo.

§. LXIII. Dijudicet nunc aequus Arbitr^e,
cuiusnam doctrina, S. Thomae Aquinatis, an Lu-a Thomi-
dovici Molinae supremo Dei Dominio sit conve-^{ftis.}
nientior? Ille non nobis, sed nomini Dei dat glo-
riam, iste homini seipsum ad consensum determinan-
ti; Ille creaturam auscultare iubet Omnipotentis de-
creta, iste Deum fingit scrutantem, quid factura
sit creatura; Illius doctrina Dei Dominium non mo-
do generaliter in causas ipsas, sed et specialiter in
singulos earum effectus adstruit, istius praeter ge-
neralem Dei concursum nullam in actiones ipsas po-
testatem Agenti primo concedit; Illius Systema ip-
pas etiam rebelles hominum voluntates a Deo com-
pelli probat, istius vero efficaciam Divinae volunta-
tis rebelli hominum voluntati submittit; iuxta Illum
Deus ut Author gratiarum praecedit voluntatem
creatam, et facit, ut obsequatur, iuxta hunc autem
Deus tanquam famulus Creaturae primum expec-
tat, ad quid illa sit sese resolutura, sicque suis na-
turae viribus volentem sequitur; apud Angelicum
et Augustinum Dominus est, qui operatur in nobis
et velle et perficere, dum econtra Moliniani homini
tribuant potestatem, ut gratiam perficiat, et efficiat
efficacem; ab illo docetur, Deum facere, ut sancti
simus, ut ambulemus in mandatis eius, et opere-

mur, ab isto autem Divinae voluntati nihil aliud conceditur, quam ut facultatem homini tribuat, non qua, sed sine qua non operabitur; atque ut verbo dicam, Schola Thomistica supremam et liberrimam disponendi, decernendique potestatem voluntati Divinae, Molinistica vero voluntati humanae tribuit, adeo, ut gratiae divinae efficacia non a Deo, sed ab humana pendeat voluntate; iudica benevole Lector, uter ex ambobus iure meliori fortiorique supremum Omnipotentis in suas creaturas Dominium salvet? an Ille, qui Deum voluntatis humanae *Dominum*? an vero ille, qui Deum Eiusdem *pedissequum* facit?

neque etiam quoad salvandam specie e colligitur, §. LXIV. Hominis libertatem in Systemate Moliniano *facilius*, quam in Systemate Augustiniano hominis livel Thomistico salvari, nullatenus inficiamur, sed bertatem, prout in Conc. Trid. naufraganti feret auxilium, nec fundus arenofus firum praestabit futurae fabricae fundamentum; si putent Moliniani, in systemate nostro et olim suo periclitari hominis libertatem, cur ad Scientiam mediam noviter primum excogitatam, toties iamiam de Semipelagianismo suspectam, tot difficultatibus obnoxiam, atque, ut BELLARMINUS ipse fatetur, *a sententia Scripturarum divinarum, et B. Augustini alienam confugiunt?* nunquid et Massilienses olim libertatis humanae causam in se suscepserant, eique patrocinabantur, dum ad praevisa merita, ad futuribilia, ad gratiam versatilem configuebant? sed quo effectu alio, nisi quod e libertatis defensoribus facti sint veritatis catholicae desertores? misera profecto libertatis humanae causa, si nonnisi probabilitus,

bus, aut omnino dubiis nitatur suffragiis! certe concilium Tridentinum, cui utique infallibilitatem non denegabunt Moliniani, ea ipsa sessione, qua contra Calvinum et Lutherum tractavit, nullo modo ad suppetias ab humana ratione ferendas, sed ad avitam Ecclesiae doctrinam provocavit Sess. 6. can. 4. inquiens: *Si quis dixerit, liberum hominis arbitrium a Deo motum et excitatum nihil cooperari (ut male sibi singunt Moliniani) assentiendo Deo excitanti atque vocanti, quo ad obtainendam iustificationis gratiam se disponat ac præparet, neque posse dissentire si velit, sed velut inanime quoddam nihil omnino agere, mereque passive se habere, anathema sit.* vanus igitur et inanis est Ludovici Molinae timor, quo per Decretum Dei praedeterminans, et gratiam ab intrinseco efficacem tolli hominis libertatem existimat; Synodus ipsa, ut ex verbis mox allegatis constat, S. Augustini, Divique Thomae Aquinatis amplectebatur systema, et nihilominus hoc ipso stante systemate can. statim seq. 5. decidit: *si quis liberum hominis arbitrium post Adae peccatum amissum et extinctum esse dixerit, --- anathema sit.* imo contra Lutherum et Calvinum ex ipsis Augustini et Aquinatis principiis can. 6. afferere ausa fuit: *si quis dixerit, non esse in potestate hominis, vias suas mala facere, sed, mala opera ita ut bona Deum operari, non permissive solum, sed etiam proprie et perse,* --- anathema sit. ubi vides, Concilii Patres, licet iuxta ipsorum adversariorum confessionem Doctrinae Augustinianae atque Thomisticae addictissimi fuerint, salvam tamen sartamque servasse hominis libertatem, contra illos etiam, qui eadem ipsa Augustini, divique Thomae doctrina in rem suam abu-

tebantur, quin propterea Patres illi aut Scientia media, aut gratia versatili, aut systemate Lessiano, aut monitione Salmeronis, et Lainezii (graviter propterea obiurgatorum) indiquerint. vide Pallavicin. lib. 8. cap. 13. n. 9. et Theorem. nostra §. 276.

Imo potius per excessum pecuniae ab adversae partis Patro-

S. LXV. Demus autem, in systemate Moliniano non modo facilius, verum et melius humanam libertatem salvare; quid inde consequitur, nisi quod illud, quemadmodum contra supremum in creaturas Dei Dominium *per defectum*, ut supra a §. 61. ostendimus, ita quoad libertatem hominis defendendam *per excessum* hallucinetur; humanae libertatis defensionem nemo magis, quam Pelagius, nemo subtilius quam Semipelagiani, nemo vehementius, quam Arminiani, nemoque libentius, quam laxioris Moralis Patroni in se suscipiebant, eo ipso ex capite in gravissimos errores lapsi, quod libertati humanae nimium faverent; nec Augustinus, nec Patres atque Doctores Ipsum sequentes ab Ecclesia unquam ut libertatis destructores insimulabantur, imo Ecclesia ipsa in Concilio Trid. ut vidimus, ex illorum doctrina ita supremum Dei Dominium asserebat, ut liberum nihilominus hominis arbitrium violaret nunquam; aequa igitur periculorum est, et supremum Dei Dominium cum praeiudicio libertatis humanae nimium extollere, et libertatis humanae causam cum praeiudicio divinae causalitatis nimium propugnare, sicque ab uno extremo in aliud deflectendo a via media tutissimaque declinare.

Quibus tantum ab
est, S. Ig-
natium fa-
vere,

S. LXVI. Unum adhuc est, quod silentio nobis praetereundum non videbatur, nempe „hac in re non egisse aliud Molinam, caeterosque e Societate,

„tate

„tate Doctores, quam quod instituto suo, et praecellare S. Fundatoris sui doctrinae ac monitis erat
 „conforme.“ ita ingenuus Author pag. 31. citat etiam S. Ignatii verba ex lib. Exercitiorum Reg. 14.
 dicentis: *advertisendum est, quamquam verissimum sit, nemini contingere salutem, nisi praedestinato, circumspecte tamen circa hoc loquendum esse, ne forte gratiam seu Praedestinationem Dei nimis extendentes, liberi arbitrii vires, et operum bonorum merita excludere velle videamur, vel e converso, ne plus aequo tribuentes huic, illis interim derogemus.* tum etiam Reg. 17. ita praescribentis: *neque itidem praedicandae, et inculcandae gratiae Dei usque adeo insistendum, ut serpere inde possit auditorum animis lethalis error, negata liberi arbitrii nostri facultate; de gratia quidem ipsa diffuse loqui fas est Deo inspirante, sed quatenus in gloriam Eius ubiorem redundat, idque iuxta modum convenientem nostris praesertim temporibus tam periculosis, ne liberi arbitrii usus, et operum bonorum efficacia tollatur.* atque ex his verbis ingenuus Author unacum Suario Tom. 4. de Relig. Societ. in particulari lib. 9. cap. 5. dub. 12. infert, doctrinam Molinianam instituto Societatis, et Eiusdem S. Fundatoris menti ac monitis conformem esse; idque contra Thomistas, qui Molinianis obiiciunt, eos post breve tempus a S. sui Patris doctrina degenerasse.

§. LXVII. Sed imprimis verba S. IGNATII ut potius (cuius doctrinam non tam humano studio, quam caelesti dono aquisitam venerabundi colimus) adeo sunt generalia, ut non modo Molinianis, sed et Augustinianis, Thomistis, aliisque omnibus Theologiae catholicae Professoribus ac Praedicatoribus pro regula

la servire possint, ac debeant; iam dudum S. AUGUSTINUS agens contra Manicheos ita loquebatur de hominis libertate, ut potentiae divinae nullatenus praeiudicarit, agens autem contra Pelagium ita extulit gratiae virtutem et necessitatem, ut tamen arbitrium hominis nunquam destruxerit; idipsum observarunt et alii Patres, ubi de unione hypostatica nunc aduersus Nestorianos, nunc aduersus Eytichianos agendum erat; S. igitur Ignatius, sicut convenientem suis temporibus (ubi Lutherus et Calvinus contra liberum hominis arbitrium debachabantur) docendi methodum praescribens, prohibuit, ne gratia Dei et Praedestinatio nimis extendatur, sique rudi populo pusillorum, vel haereticis Pharisaicum praebeatur scandalum; ita procul dubio, si temporibus Augustini vixisset, pariter cum Illo suos monuisset, ne liberi arbitrii vires nimium extollentes scandali occasionem praebeant Pelagianis; ut adeo Moliniani (S. Ignatio tunc adhucdum incogniti) ex allegatis non plus Patrocinii habeant, quam reliqui Theologi omnes, qui ad exemplum Apostoli 1. Cor. 3. alios lacte, alios esca nutrire debent.

contra illos autem in specie loquatur.

§. LXVIII. Cum igitur S. IGNATIUS in praelaudatis regulis non magis pro una, quam pro altera parte, adeoque generaliter tantum *de modo loquendi ad populum* differat, audiamus porro, quae nam specialiter *de ipsomet Theologiae systemate* sentiat, et a suis observari cupiat; et imprimis quidem Ipsemet Societatis Legislator teste *Maffeio in Eius vita lib. 1. cap. 19.* Lutetiae Parisiorum in generali FF. Praedicatorum studio, ad S. Iacobum Theologiae Thomisticae navavit operam, huicque suo exemplo domesticum postea praeceptum iunxit, ut, qui

qui nascente adhuc Societate, seque vivente ante cursum Theologicum suscipierentur, eundem aut in praedicto Parisiensi, aut Abulensi, aut Vallisoletano collegiis secundum S. AUGUSTINI ac D. THOMAE Aquinatis placita persolvant; voluit nempe S. Pater, ut, unde Ipse met salutaria doctrinae fluenta hauserat, nova quoque Societatis germina irrigarentur.

§. LXIX. Deinde vero domesticum istud praeceptum in publicam et perpetuam Societatis totius legem volens mutare. Parte 4. constitution. cap. 14. expresse mandavit: *in Theologia legatur vetus et novum testamentum, et doctrina scholastica S. Thomae Aquinatis.* haec non in libro exercitiorum, ubi modum solummodo generalem conversandi, loquendique proponit, sed eo in volumine tradit, ubi expressam doctrinae Theologicae normam imposterum observandam proponit; hinc eodem Maffeo in Eius vita lib. 3. cap. 9. teste, cum Martinus Olavius e S. I, in collegio Romano publicis suis thesibus quasdam positiones D. Thomae Aquinati contrarias inseruit, easdem deleri iussit, ne in Doctorem Angelicum peccare videretur; hinc Orlandino in Histor. S. I. lib. 6. n. 26. teste, suis Theologis ad Concilium Tridentinum directis severe interdixit: *ne novam ullam opinionem, firmis licet rationibus nixam, proferrent in medium (fuerunt autem P. Alphonsus Salmeron, et P. Jacobus Lainez) quae vel ad haereticorum commenta deflecterent, vel ad illorum, qui nova sectantur, opinionem videretur accedere, ut, quamdiu ab Ecclesia pars non definiretur alterutra, a probabilissimis etiam rebus assensum cohiberent et linguam.*

Ipsiusmet
Societatis
constitutio-
nibus atque
testimoniis
patet;

§. LXX. Mentem ac intentionem S. sui Fundatoris optime perspexit SOCIETAS ipsa, procul dubio ex Privilegio Discipulatus, (quod Aquinaticis toties obiicit ingenuus Author) atqui vero haec ipsa Societas in Congregatione sua generali quinta expressis verbis constituit: *Sequantur nostri Doctores in scholastica Theologia doctrinam D. Thomae Aquinatis, neque deinceps ad cathedras Theologicas adsumantur, nisi qui D. Thomae doctrinae bene affecti fuerint, ab ea vero alieni a docendi munere repellantur* --- congregatio unanimi omnium consensu statuit, doctrinam D. Thomae sequendam esse in Theologia scholastica, tanquam solidiorem, securiorem, MAGIS ADPROBATAM ET CONSENTANEAM NOSTRIS CONSTITUTIONIBUS --- nostri omnino S. Thomam ut proprium Doctorem habeant, eumque in scholastica Theologia sequi teneantur, tum, quia NOSTRAE CONSTITUTIONES NOBIS EUM COMMENDANT, et SS. D. N. Clemens VIII. id se cupere significavit, tum quia nullius hoc tempore (iam loquitur post inventum systema Molianum) doctrina potest occurrere, quae sit ea solidior aut securior, ut non immerito S. Thomas Theologorum Princeps habeatur. Mentem quoque ac intentionem S. sui Antecessoris in Societatis Regimine procul dubio bene perspectam habuit P. CLAUDIO AQUA-VIVA, qui tamen et Ipse in lib. de rat Stud. Tit. de opinion. delectu propos. 13. manifestam S. Augustini, divique Thomae Aquinatis doctrinam sequutus ait: non solum ex parte nostra nulla fuit ratio seu conditio Praedestinationis, sed neque absolute dendum est, esse in nostra potestate, ut praedefinemur, nec salvi fiant ulli, nisi Praedefinati; Reproba-

bationis vero, qua caeteri homines exciderunt ab ultimo fine, causa fuit peccatum originale. mentem S. sui Legislatoris optime procul dubio perspectam habuit eminentiss. Card. BELLARMINUS, qui tamen, praeterquam Author noster ingenuus putat, Molinam positive refutat lib. 2. de grat. et lib. Arbitr. cap. 12. scribens: *Gelasius in concilio septuaginta Episcoporum non solum probavit omnia scripta S. Augustini et S. Prosperi, sed etiam e contrario damnavit libellos Cassiani et Fausti Regiensis*, etsi non ignoraret, potissimum contentionem inter Prosperum et Cassianum, deinde vero inter Fulgentium et Faustum de scriptis S. Augustini -- fuisse; itaque Sedes Apostolica non tantum semel sed etiam secundo ac tertio aduersus Pelagianorum reliquias -- sententiam tulit, ut iam haec sententia non quorumvis Doctorum opinio, SED FIDES ECCLESIAE CATHOLICAE DIC DEBEAT. quod idem etiam repetit lib. de Praedest. cap. 11. quinimo in specie loquens de gratia liberi arbitrii praeviſam cooperationem sequente cit. lib. 1. de grat. et lib. arb. cap. 12. ait: *Haec opinio aliena est omnino a sententia B. Augustini, et quantum existimo, etiam Scripturarum divinarum (cur non et aliena a Sententia S. Ignatii, et constitutionum Societatis) denique haec opinio evertit omnino fundamenta divinae praedestinationis.* haec Bellarminus; et quid Suarezius, quem in rem suam citat Author ingenuus? Is in suae Theologiae prolegomenis de S. Aug. cap. 6. *Apostolica Sedes*, inquit, *S. Augustini doctrinam de gratia SUAM effecit ac probavit; unde quod Ille in hac materia certum affirmat, et ad fidei dogma pertinens, a quolibet prudente et erudito Theologo tenendum est, ac defendendum, etsi certo*

certo non constaret, esse ab Ecclesia definitum; quia, cum Ecclesia in hac materia tantum detulerit Augustino, ut eius doctrinam secuta fuerit, MAGNA ESSET TEMERITAS PRIVATI AUTHORIS, qui Augustino contradicere auderet.

ut adeo et
praetensa
conformi-
tas,

§. LXXI. Possemus et plura Gabrielis Vazquezii, Henrici Henriquezii, Ioannis Marianae, Ioannis Azorii, Typhanii, Possevini, Pererii, Petavii, aliorumque e S. I. Theologorum proferre testimonia (videantur, si placet, illa in Theorematis nostris Theor. II. a §. 294.) quae omnia contra Molinam pugnant; sed allegata sufficere credimus, ut ex illis pro sua ingenuitate iudicare possit Author ingenuus, an S. suo Fundatori Ignatio, an Societas primaevō instituto, an praecipuis e Societate Doctoribus conforme sit sistema Molinianum?

et adver-
farii quere-
lae non be-
ne subsi-
stant.

§. LXXII. Processum denique iniuriarum, quem Praesentato suo movet Author ingenuus, nostrum, ut iam saepe monuimus, non facimus; id solum commemoramus, nec solum Praesentatum, nec solum Gonetum esse, qui Molinam de Superbia si non accusant, saltem suspectum habent; qui Molinam ipsum, qui eiusdem defensores, qui Historiam congregationum evolverint, iudicium ferent. Neque solus Praesentatus, neque solus Gonetus fuerunt, qui iam dudum, ac praesertim in congregationibus de auxiliis Molinismo, uti tunc erat, Semipelagianismi notam inusserant, ipsomet Clemente VIII. haud multum abnuente; sed manum de tabula.

CAPUT III.

*Observationes circa utriusque partis
fundamenta.*

§. LXXIII. Posteaquam Author noster ingenuus Regulass.
 quosdam Scripturae textus a Prae- LL. expo-
 sentato, Antagonista suo citatos ex Genes. 18. Ie- nendi ab Au-
 rem. 38. Eccli. 17. Math. 26. et 4. Reg. 15. addu- thore inge-
 xiisset, sequenti §. 2. respondet „ illud monendum nuo affigna-
 „ occurrit, ab utraque schola, tum Thomistica, tum
 „ ea, quae Societatis est, S. Scripturam in senten- ta
 „ tiae iuue subsidium, et patrocinium adduci --- ita-
 „ que omne punctum tulisse hac in re videbitur
 „ pars illa litigans, quae S. Scripturae testimonia
 „ pro causa sua sic adducit, eamque sic explicat,
 „ suaque argumenta ita deducit, ut et Dei poten-
 „ tiae, et humanae libertati, quod suum est, tri-
 „ buat, idque non tam subtili quodam et implexo
 „ ratiocinio, quam plano et simplici cultu, modo-
 „ que argumentandi, exponendique. “ et revera de-
 inceps S. Scripturae textus aliquos nunc Potentiae
 divinae, nunc libertati humanae faventes ita expli-
 cat, ut facile combinari, et a quovis etiam illitte-
 rato intelligi posse videantur.

§. LXXIV. Sed enimvero, quis eam expo- el contra
 nendi, explicandique SS. LL. Regulam unquam prae- Regulam
 scripsit? quis unquam Catholicorum admittet, Theo- Ecclesiae
 rema istud et universale et perpetuum esse? in eo
 praesertim casu, ubi clara et expressa SS. Patrum
 et Conciliorum oracula, ab universalis Ecclesia iam
 dudum recepta, novam quandam et arbitrariam pri- vati

vati hominis expositionem non amplius admittunt; nunquid et Nestorius hanc regulam secutus gravissime in fidei regulas peccavit, dum Christum nunc esse **FILIUM DEI**, nunc autem et **FILIUM HOMINIS** legerat? nam utramque filiationem salvare, ambosque textus combinare volens, duplcem in Christo Personam finxit; longe aliam tenebat viam concilium Ephesinum, quod parum curans, ultra doctrina sit facilior, et captui humano adcommoda-
tior, nonnisi ex Patrum traditione controversiam definiuit.

in Concil.
Trid. praec-
riptam,

§. LXXV. Longe quoque diversam ab opinione Authoris ingenui Regulam statuit Concilium Tridentinum, quomodo S. Scripturae verba sint exponenda, Sess. 4. decernens praeterea ad coercenda petulantia ingenia, ut **NEMO SUAE PRUDENTIAE INNIXUS** ex rebus fidei et morum, ad aedificationem doctrinae Christianae pertinentium, S. Scripturam **AD SUOS SENSUS** contorquens, **CONTRA EUM SENSUM**, quem tenuit ac tenet S. Mater Ecclesia, cuius est iudicare de vero sensu, et interpretatione SS. Scripturarum, aut etiam **CONTRA UNANIMEM CONSENSUM PATRUM** ipsam Scripturam sacram interpretari audeat, etiamsi huiusmodi interpretationes nullo unquam tempore in lucem edendae forent; qui contravenerint, per Ordinarios declarentur, et paenit a iure statutis puniantur. ubi vides, communem S. Matris Ecclesiae sensum, et unanimem SS. Patrum consensum, non vero privati cuiusdam Interpretis arbitrium pro unica et secundissima interpretationis norma constitui, a qua utique declinare videntur, qui S. Scripturae textus aliter,

aliter, ac S. Augustinus (*cuius*, ut saepe dictum, doctrinam Ecclesia suam fecit) exponunt.

§. LXXVI. Quemadmodum ergo nullatenus negamus, S. Scripturae interpretationem a Molinianis fieri solitam longe planiorem, simpliciorem, facilioriem, nostraque capacitati adcommodatorem esse, quod unicum est praetensae ab Antagonista nostro Ingenditatis argumentum; ita e contrario ab Illo vicissim petimus, ut S. Scripturae interpretationem a tempore S. Augustini Ecclesiae communem et usitatam agnoscat esse antiquorem, veriorem, solidiorem, et inscrutabili Mysteriorum altitudini conformiorem; quippe rei totius Cardo in eo non vertitur, utra pars plures pro se textus citare valeat; quia pugnare textibus pro lubitu explicandis Hæreticorum est, sed traditionibus catholicorum; et aliunde ab experientia notum est, partes litigantes, circa sensum legis (non minus divinae, quam humanae) tamdiu frustra, et sine viribus pugnare, quamdiu iudex non habeatur, qui legem interpretetur; iam autem S. Augustini expositionem in textus divini verbi, praecipue D. Pauli hac de materia loquentis, nullatenus Molinianis favere, Molina ipse non uno loco satetur, ac propterea gloriatur, eam se S. Scripturae interpretationem invenisse, quae S. Augustino nunquam in mentem venerat.

§. LXXVII. Omissis proin scripturisticis huiusmodi velitationibus, quibus non Patrum et Ecclesiae authoritas, sed Spiritus privatus arma subpediat, ad ea potius transeamus, quae Author noster ingenuus P. I. cap. 4. §. 1. et seqq. de S. AUGUSTINI autoritate in medium profert, simulque argumen-

adeoque
nullatenus
obseruant
da, ut hanc
mutum

S. Augu-
stini autho-
ritas

gumenta e D. AQUINATE deprompta elidere co-
natur.

Respon-
siones Au-
thoris Inge-
nui ad argu-
mentum I.

§: LXXXVIII. Itaque ad Illum S. AUGUSTI-
NI textum de Praedest. SS. cap. 10. *Praedestinatio-*
ne quippe Deus ea praescivit, quae fuerat Ipse factu-
rus etc. Respondet sub distinctione, inquiens „ Prae-
„ destinatione Deus praescivit, quae fuerat factu-
„ rus, nempe quae absolute futura sunt, *conc.* quae
„ pendent ab aliqua conditione *neg.*“ item „ praef-
„ cit praedestinando post scientiam medium *conc.* an-
„ tecederter ad illam, *neg.* imo S. AUGUSTINUM
ipsum pro se allegat loc. cit. dicentem: *Praedestina-*
tio sine praescientia non potest esse. potest autem esse
sine praedestinatione praescientia. ex quibus colligit,
non semper eandem significandi vim obtinere voces
praescientia, et *praedestinatione*, posseque multa voca-
ri praescita, non autem praedestinata.

non modo-
non enerva-
versarii ex hac sua distinctione, qua supponunt, S.
tur, verum
etiam Augustino ibidem de futuris conditionatis sermonem
fuisse; loquitur ibidem contra Massilienses, qui ra-
tionem, cur aliquis dignus, aliquis indignus sit gra-
tia concedenda, ex humana voluntate, praevisa uti-
que, derivabant; debuit utique Augustinus adser-
re, quod Massilienses negabant, et negare, quod illi
obiiciebant; Praedestinationem praevisa hominis dig-
nitate posteriorem non negabant Massilienses, nega-
bant autem, futuram hominis dignificationem sui
ipsius a Deo antecedenter (per scientiam nempe me-
dium) non praevidere; debuit igitur Augustinus,
et voluit negare, dari in Deo talem *praescientiam*
futurae dignitatis et meriti ad gratiam, quae distin-
guere

gueretur a *praedestinatione*, econtra vero admisit eam praescientiam sine praedestinatione, quae habetur respectu peccatorum, et reproborum; ubi nulla prorsus mentio de futuris conditionatis, in cuius confirmationem.

§. LXXX. En propria S. P. verba loc. cit. Ex pro-
Item quod dixi (in lib. seu opusculo contra Porphy- priis Eius-
rium) Salutem Religionis huius nulli unquam defuisse, corrobora-
qui dignus fuit, et dignum non fuisse, cui defuit; tur.
li discutiatur, et quaeratur, unde quisque sit dignus?
non defunt, qui dicant (Semipelagiani videlicet) vo-
luntate humana; nos autem dicimus: gratia vel praede-
destinatione; (quanam autem? an illa praescientiam
subsequente? an vero illa, quae illi obponitur?)
inter gratiam porro et praedestinationem hoc tantum in-
terest, quod praedestinatio est gratiae praeparatio.
quod ubi ex Ephes. 2. v. 9. ac 10. ostendisset, per-
git: Praedestinatio sine praescientia non potest esse, po-
test autem esse sine praedestinatione praescientia; iam
explicat, qua de praescientia loquatur: Praede-
destinatione quippe Deus ea praescivit, quae fuerat Ipse
facturus (non igitur futuribilia, quae Ipse nunquam
facturus erat) unde dictum est: fecit, quae futura
sunt; praescire autem potens est etiam, quae Ipse non
facit, sicut quaecunque peccata. ergo nulla hic de fu-
turilibus mentio; ergo praedestinatio et praescien-
tia tunc solum differunt, cum nomine posterioris
praevisione peccatorum, quos et propterea praesci-
tos, non praedestinatos, vocamus, insinuantur.

§. LXXXI. Altera obiectio, cui respondet Author ingenuus, desumitur ex lib. 6. quaeſt. con-
tra paganos S. AUGUSTINI, de quo ipſemet S. P. in
Eiusdem S. P. authori-
tas tum in lib. 6. quaeſt. con-
tra paganos,

in lib. 2. Retract. cap. 31. Inter haec missae sunt mihi a Carthagine quaestiones sex, quas proposuit amicus quidam, quem cupiebam fieri Christianum, ut contra paganos solverentur, praesertim quia nonnullas earum a Porphyrio Philosopho propositas dixit; sed non cum arbitror esse Porphyrium Siculum illum, cuius celeberrima est fama; harum quaestionum disputationes in unum librum contuli non prolixum, cuius titulus est: Sex quaestiones contra paganos expositae; earum autem 1ma est de resurrectione, 2da de tempore christiane Religionis, 3ta de Sacrificiorum distinctione, 4ta de eo, quod scriptum est: in qua mensura mensi fueritis, remetietur vobis, 5ta de Filio Dei secundum Salomonem, 6ta de Iona Propheta. haec studio et ea de causa praemonere voluimus, ut ostendatur, quo fine, contra quos, qua de materia, quave occasione hunc librum scripserit AUGUSTINUS, quamque misera sit illorum causa, qui AUGUSTINUM citant, de materia praedestinationis aut gratiae tunc nequidem somniantem; ait autem ibidem q. 2. tunc voluisse hominibus adparere Christum, et apud eos praedicare doctrinam suam, quando sciebat, et ubi sciebat esse, qui in eum fuerant credituri. quae verba cum Semipelagiani pro sua causa allegarent,

tum in lib. S. AUGUSTINUS eisdem respondet lib. de praedest. de praedest. SS. cap. 9. Illud autem, quod in opusculo meo quo-
argumento dam contra Porphyrium sub titulo: de tempore chri-
II. adducta, stiane Religionis, me dixisse recolitis, ita dixi, ut
hanc diligentiores, et operosiorem disputationem de
gratia praeterirem, non sane omissa significatione,
quod eam loco illo explicare noluisssem, quae posset
alias, vel ab aliis explicari. testatur ergo S. P. se
ibidem contra Paganos, non contra Christianos locu-
tum,

tum, studio abstinuisse ab diligentiori et operosiori
 materiae illius tractatione, quae merito in aliam oc-
 casionem, aliudve tempus referenda erat; imo tacite
 protestatur contra illos, qui haec sua verba se in-
 vito, et violenter pro ea re usurpant, de qua ipsi
 non erat sermo; unde pergit: nam ita locutus sum
 inter caetera, respondens propositae quaestioni: cur
 Christus post tam longa tempora venerit? proinde,
 cum Christo non obiiciant, quod Eius doctrinam non
 omnes sequuntur (si enim hoc obiecissent, nactus
 fuisset occasionem eo modo, quo Semipelagianis,
 iisdem respondendi) quid respondebunt, SI EXCEP-
 TA ILLA ALTITUDINE SAPIENTIAE ET SCI-
 ENTIAE DEI (ubi fortassis aliud divinum consilium
 longe secretius latet) sine praeiudicio etiam aliarum
 forte causarum, quae a prudentibus investigari queunt,
 hoc solum eis brevitatis gratia in huius quaestione
 disputatione dicamus, tunc voluisse etc. ut supra. vi-
 des hic, AUGUSTINUM contra paganos loquen-
 tem sapienter praescindere ab altitudine Sapientiae et
 Scientiae Dei, atque a secretiori divino consilio, ad
 quod tamen, contra Semipelagianos agens, continuo
 adpellat. tandem concludit: Cernitis, me sine praei-
 judicio latentis consilii Dei, aliarumque causarum hoc
 de praescientia Christi dicere voluisse, quod convincen-
 dae paganorum infidelitati, qui hanc obiecerant quaes-
 tionem, sufficere videretur; quid enim est verius,
 quam praescisse Christum, qui, et quando, et qui-
 bus locis in eum fuerant credituri? hic scribentem
 interpellat Author ingenuus, hic paean canit, at-
 que triumphum agit ante victoriam, hic congrui-
 starum systema ab ipsomet AUGUSTINO probari
 afferit, eumque putat esse Molinianum; nos autem

plus dicimus: fuisse insuper Semipelagianum; sic etenim AUGUSTINUS ipse lib. de praedest. SS. cap. 3. de seipso, at simul etiam fatetur, se per unicum illum Apostoli textum: *quid autem habes, quod non acceperisti etc.* ab ea sententia ita fuisse abalienatum, ut eam omnibus deinceps viribus impugnare nunquam destiterit; utinam ergo, qui sequuntur AUGUSTINUM errantem, sequerentur et paenitentem.

ubi clare
seipsum ex-
plicat, nul-
latenus fa-
vet,

§. LXXXII. Cum igitur S. AUGUSTINI verba, quae prioribus immediate subiunguntur, et quibus seipsum explicat S. P. utpote sibi minime faventia, prudenter subticuerit Author ingenuus, nos veritatis amore hic integra damus: Sed, utrum praedicato sibi Christo a se ipsis essent habituri fidem, an Deo donante sumpturi? id est, utrum tantummodo eos praescierit, an etiam praedestinaverit Deus? quae rere ac differere tunc necessarium non putavi; proinde quod dixi, tunc voluisse hominibus adparere Christum etc. posset etiam sic dici, tunc voluisse adparere hominibus Christum, et apud eos praedicari doctrinam suam, quando sciebat, et ubi sciebat esse, qui NB. electi fuerant in Ipso ante Mundi constitutionem; sed quoniam, si ita diceretur, Lectorem faceret intentum ad ea requirenda, quae nunc ex admonitione Pelagiani erroris necesse est copiosius et laboriosius disputari, visum mihi est, quod tunc satis erat, breviter esse dicendum, EXCEPTA, ut dixi, ALTITUDINE SAPIENTIAE ET SCIENTIAE DEI, ET SINE PRAEIUDICIO ALIARUM CAUSARUM, de quibus non tunc, sed alias opportunius disputandum putavi.

§. LXXXIII. Iudicet nunc , quicunque ve-
lit , an , et quantum ingenuus Author ex his ver-
bis AUGUSTINI lucretur? an eadem esca parvulis,
nempe infidelibus , et adultis in Christianismo edu-
catis praebenda sit? an S. AUGUSTINUS , qui non
in hoc tantum loco , sed in omnibus aliis contra Pe-
lagium ex professo scriptis tam clare se explicat,
dici valeat Molinianus? an non potius Molina ipse
noviter a se inventam Scientiam medium AUGUSTI-
NO prorsus ignotam fuisse Q. 23. art. 4. et 5. fateatur?
nunquid aliud iudex nuntiat , et aliud praeco cla-
mat? at vero id miserae causae Patronis consuetum
est , ut , dum Authorem sibi consentientem non ha-
bent , invitum trahant.

§. LXXXIV. Tertium argumentum petitur
ex eodem S. AUGUSTINO dum S. Prospero in-
terroganti „ utrum praescientia Dei ita secundum Argumen-
„ propositum maneat , ut eoipso , quod opera sint tum III.
„ proposita , accipienda quoque sint tanquam praef- minus ad-
„ citia? “ lib. de Don. Persever. cap. 18. non 17. re-
spondet: Si Deus bona opera praescivit , profecto
praedestinavit , quae vero non praedestinavit bo-
na , non praescivit ; - - - si nulla est praedestinatio ,
quam defendimus , non praesciuntur a Deo; praes-
ciuntur autem ; haec est igitur praedestinatio , quam
defendimus. quem textum ingenuus Author ait sibi
nullatenus contrarium esse , dummodo exinde non
inferatur , praescientiam a praedestinatione depende-
re , cum utique iuxta Molinam praedestinatio potius
ex praescientia pendeat , non vice versa; ita enim
ille in terminis Q. 23. art. 4. membr. II. sicut , si
arbitrium , ut potest , non esset taliter cooperaturum ,
non fuisset in Deo praescientia , quod adultus ille me-

diis illis per venturus esset in vitam aeternam, sic neque Decretum, quo Deus ex aeternitate statuit, per ea media illi providere in vitam aeternam, habuisset rationem praedestinationis. et clarius ibidem disp. I. sicut prae scientia pendet, tanquam a conditione SINE QUA NON fuisset in Deo, ex eo, quod arbitrium creatum sit cooperaturum; ita etiam, quod Decretum illud dandi media, providentiaque illa rationem praedestinationis fuerint sortita, ex eo fuit dependens tanquam conditione, SINE QUA illam NON sortirentur, quod arbitrium pro sua libertate esset cooperaturum, Deusque id praeviderit. qua igitur ratione AUGUSTINUS Molinae faveat, nullo modo perspicimus; habemus utriusque verba formalia: AUGUSTINUS ait, ideo bona opera esse praescita, quia praedestinata; Molina econtra, ideo bona opera esse praedestinata, quia praescita; quis non gran dem ad vertit antithesin?

prout ex
Molina, et
Molinianis
ipius,

§. LXXXV. Sed longe mirabilius est, quod Author ingenuus existimet, S. AUGUSTINUM nomine prae scientiae nil aliud, quam Scientiam medium intellexisse; cum tamen scientiae huius Author Ludovicus Molina passim a Fonseca Tom. 3. Metaphys. cap. 2. q. 4. sect. 8. a Vasquesio in J. P. S. Thomae disp. 67. art. 4 a Valentino Herice in eandem P. I. disp. 7. cap. 1. a Paulo Granado P. 1. tr. 5. disp. 3. sect. 2 a Fuligato lib. 3. vit. Bellarmini cap. ult. a Tiphanio lib. de ord. cap. 24. aliisque novioribus quam plurimis tanquam primus Scientiae huius inventor gloriose de praedicetur; imo, cum Ludovicus Molina ipse loc. supra cit. ingenue fac teatur: *Haec nostra ratio conciliandi libertatem arbitrii cum divina praedestinatione A NEMINE, quem vide-*

Viderim (certe autem AUGUSTINUM vidit, et legit) hucusque tradita est. cum denique toties conqueratur Molina contra S. AUGUSTINUM, quod non satis attenderit, praedestinationem non fuisse sine praescientia huius liberi arbitrii; quod non advertebit, quantum ad auferendam duritiam illam conduceret additio illa de praescientia; quod Caligine laborarit AUGUSTINUS, ipsiusque doctrina plurimos e fidibus scandalizaverit; quod suo systemate non modo Massiliensium, sed et nostrorum Protestantium turbis in Ecclesia excitatis ansam praebuerit etc. ita in sua concordia Q. 23. art. 4. et 6. disp. I. memb. 6. siccine tractatur Amicus Moliniano systemati favens? siccine discipulus concordat Magistro suo?

§. LXXXVI. Quanquam autem ex modo dictis abunde constet, AUGUSTINUM in Scientiae mediae patrocinium nullatenus vocari posse, eamque ipsam ob causam non leviter a Molina vapulapatet. Maxime vero ex Augustini doctrina re; quaedam nihilominus ex lib. de praedest. SS. delibare iuvat, ut ad oculum pateat, Augustinum in hac intricata materia, quam hic loci ex professo dilucidat, nunquam ad medium quandam Scientiam configuisse; itaque cap. 12. de parvulis ante Baptismum decedentibus ait: *ubi venitur ad parvulos, et ad ipsum mediatorum Dei et hominum Christum Iesum, omnis deficit praecedentium gratiam Dei humnorum adsertio meritorum, quia nec illi ullis bonis praecedentibus meritis discernuntur a caeteris, ut pertineant ad liberatorem hominum, nec iste ullis humanis praecedentibus meritis, cum et ipse sit homo, liberator factus est hominum; quis enim audiat, quod dicuntur parvuli pro suis futuris meritis in ipsa infantili*

fantili aetate exire de hac vita, et alii non Baptizati
 in eadem aetate mori, quia et ipsorum praescrita sunt
 merita futura, sed mala, non eorum vitam bonam
 vel malam, sed nullam? - - iudicari autem quem-
 quam non secundum merita, quae habuit, quandiu
 fuit in corpore, sed secundum merita, quae fuerat
 habiturus, si diutius fuisset in corpore, unde opinari
 potuerint homines, quorum ingenia non esse con-
 temptibilia, vestrae indicant litterae, mirans et stupens
 reperire non possum. deinde cap. 13. de meritis fu-
 turilibus: *Hominum futura, quae non sunt futu-
 ra, procul dubio nulla sunt merita.* item cap. 14.
 in illud Sap. 4. „raptus est, ne malitia mutaret
 „intellectum eius etc.“ dictum est secundum peri-
 cula vitae huius, non secundum praescientiam Dei,
 qui hoc praeescivit, quod futurum erat, non, quod
 futurum non erat, id est, quod ei mortem immatu-
 ram fuerat largitus, ut temptationum subtraheretur
 incerto, non quod peccaturus esset, qui mansurus in
 temptatione non esset - - sed quare aliis concedatur, ut
 ex huius vitae periculis, dum iusti sunt, afferantur,
 alii vero iusti, donec a iudicio cadant, in eisdem vitae
 periculis vita productiore teneantur, quis cognovit
 sensum Domini? - - cur autem hic tenerit casurum
 iustum, quem, priusquam caderet, hinc posset affer-
 re? iustissima omnino, sed inscrutabilia sunt iudicia
 Eius. en, quomodo humillimus Doctor in huiusmo-
 di casibus non ad Scientiam quandam futuribilem,
 quae nulla vocat, sed ad sensum Domini et inscrutabili
 Dei iudicia provocet. parcat nobis ingenuus
 Author, si prolixiores, quam par erat, fuimus;
 maluimus enim integris, quam truncatis pugnare
 textibus; cui haec non sufficiunt, legat Laudati
 libri

libri cap. 18vum per totum, legat integrum, si placet, AUGUSTINUM hac de materia ex professo scribentem, et, si vel micam de praescientia Moliniana invenerit, magnus nobis erit Apollo.

§. LXXXVII. Quod paulo ante Praesentato ingenuus Author obiecerat, in eundem recidere haud immerito existimamus; arguit enim illum, quod regulas criticas non observarit, citando Augustinum contra Molinianos, cum tamen ille scripserit contra Semipelagianos a Molinianis longe diversos; at vero paulo post, nempe pag. 66 et seqq. in Criticam peccat et ipse, dum D. THOMAM citat J. P. q. 57. a. 3. et q. 86. a. 4. tanquam de scientia Dei loquentem, dum tamen ibi de Angelorum, hic de hominum cognitione loquatur; si D. Thomam legisset, procul dubio advertisset, Angelicum Doctorem utroque in loco de futuris contingentibus Ordinis naturalis, non de iis, quae sunt ordinis supernaturalis, tractare; advertisset insuper, iuxta S. Doctorem futura libera naturalia in utroque statu, et supernaturalia etiam in statu naturae innocentis in seipsis tanquam sibi aeternaliter praesentibus; econtra vero futura libera (quae vere futura sunt) ordinis supernaturalis in statu naturae lapsae in decretis praeterminantibus a Deo videri; ergo D. Angelicus male trahitur in partes Molinae.

§. LXXXVIII. Ut igitur pateat, quaenam sit mens genuina Doctoris Angelici, iuvat ipsum audire iis in locis, ubi non de cognitione Angelica, vel humana, sed ex professo de Divina differit; imprimis autem supponimus, D. THOMAM admittere, futura omnia contingentia et libera ordinis naturalis

cognosci a Deo non tantum ut idealiter, sed etiam ut physice in aeternitate praesentia; ait enim expressie I. P. q. 14. a. 13. in ⊙: *Deus cognoscit omnia contingentia, non solum prout sunt in suis causis, sed etiam prout unumquodque eorum est actu in seipso;* et licet contingentia in actu fiant successive, non tamen Deus successive cognoscit contingentia prout sunt in suo esse, ut nos, sed simul; quia sua cognitio mensuratur aeternitate, sicut etiam suum esse, aeternitas autem tota simul existens ambit totum tempus (seu prout alibi loquitur, se habet per modum puncti centralis respectu omnium punctorum totius peripheriae) unde omnia, quae sunt in tempore, sunt Deo ab aeterno praesentia, non solum ea ratione, qua habet rationes rerum apud se praesentes idealiter ut quidam dicunt, sed quia Eius intuitus fertur ab aeterno supra omnia, prout sunt in sua praesentialitate. Deinde vero specialiter de futuris liberis humanis loquens, I. 2. q. 9. art. 6. ad 3. Dicendum, quod Deus movet voluntatem hominis sicut universalis motor ad universale obiectum voluntatis, quod est bonum, et sine hac universalis motione homo non potest aliquid velle; sed homo per rationem se determinat ad volendum hoc vel illud - NB. sed tamen interdum movet aliquos ad aliquid determinate volendum, quod est bonum, sicut in his, quos movet per gratiam. en, quomodo S. D. motionem universalem a particulari, et naturalem a supernaturali distinguat, quod utique bonus criticus observare deberet, ut genuinum scientiae divinae medium assignare queat. sed audiamus ulterius, quid S. D. de scientia futuribilium, id est, revera nunquam futurorum sentiat I. P. q. 14. a. 9. dicens: *quaedam, licet non sint nunc in actu, tamen vel*

vel fuerunt, vel erunt, et omnia ista dicitur Deus scire scientia visionis; -- quaedam vero sunt, quae sunt in potentia Dei vel creaturae, quae tamen nec sunt, nec erunt, neque fuerunt, et NB. respectu horum non dicitur habere scientiam visionis, sed simplicis intelligentiae. nihil hic de quadam scientia media; unde rogatum velimus Authorem ingenuum, ut deinceps textus adducat ad rem facientes, non alienos et violenter adtractos, qualis etiam est ille in I. dist. 38. art. 5. ubi pariter S. D. generaliter tantum de futuris liberis, praescindendo a statu naturae integrae vel lapsae, loquitur, prout locum illum legenti facile patebit; citare potius debuisset, quae habet S. Doctor in I. 2. a q. 109. et seqq. sed de his in P. 3tia.

§. LXXXIX. Responsio ad 2dum Argumentum ex D. THOMAE I. P. q. 14. art. 5. petitum data, et alius iterum Eiusdem verbis ex Commentar. in I. dist. 27. q. 2. a. 2. firmata, licet miris involucris, torsionibus, ambagibus, atque subtilitatibus metaphysicis artificiose contexta sit, nil tamen aliud probat, quam prior illa; unde superfluum videtur, illius refutationi diutius immorari, remittimus tamen Authorem ingenuum ad solidioris Criticae regulas, quas a Praesentato requirit.

§. XC. Argumentum Praesentati tertium versatur circa famosam illam in Theologia quaestionem: *An scientia Dei sit causa rerum?* ex qua sane quae-
stione multum peperit celeberrima illa controver-
sia inter S Augustinum et Semipelagianos exorta,
num ideo Deus praedestinet, quia praescivit, vel u-
trum ideo praeficiat, quia praedestinavit? vel, quod

uti et Re-
sponsio ad
argumen-
tum Prae-
sentati

2dum.

Scientiam
Dei esse
causam re-
rum negant
Moliniani,

idem est: an rerum futuritio sit causa scientiae, vel, an scientia sit causa futuritionis? ubi iterum notandum, aliquam Dei scientiam esse rerum futurarum causam, nemo dubitat Catholicorum, sed quaenam illa? scientiam visionis affirmant cum Augustinianis Thomistae, negant vero, et pernegant, quotquot scientiam medium profitentur.

Et proba-
re nituntur
ex Patribus

§. XCI. Hanc sententiam negativam „ non „ temere prolatam, sed autoritate et ratione probe „ munitam, atque ex communissima Patrum etiam „ antiquorum doctrina deductam “ vocat Author noster ingenuus; atque in hunc finem allegat S. IUSTINUM M.Q. 58. in Bibliotheca VV. PP. Lugduni Tom. 2. dicentem: *non est praescientia causa eius, quod futurum est, sed id, quod futurum, est causa praescientiae; siquidem non praescientiam consequitur futurum, sed futurum consequitur praescientia.* allegat ORIGENEM in Ep. ad Rom. scribentem: *non propterea aliquid erit, quia id scit Deus futurum, sed quia futurum est, scitur a Deo, antequam fiat.* allegat BOETIUM lib. 5. de consol. prosa 4. loquentem: *Scientiam Dei esse signum, quod tantum, quid sit, ostendit, non vero efficit, quod designat.* S. ANSELMUM lib. 2. cur Deus homo cap. 18. sic differentem: *est namque necessitas praecedens, quae causa est, ut res sit, et est necessitas sequens (scientia visionis) quam res facit.* denique VASQUESIUM allegat, qui hanc doctrinam e SS. CHRYSOSTOMO, DAMASCENO, CYRILLO, VEN. BEDA desumptam esse adfirmans disp. 68. cap. 6. ait: *communi Patrum doctrina, et ratione bene perspecta res haec extra controversiam esset, si animus indagandae potius veritati, quam contentioni esset intentus. imo et*

et Angelici Doctoris verba in subsidium vocat, lib. I. contra gentes c. 66. et I. P. q. 14. a. 8. quem sibi favere putat ingenuus Author.

§. XCII. Quamvis autem utraque propositio in sensu catholico defendi queat, adfirmativa tamen non tam leviter, ut existimat Adversarius, elidi potest; nam imprimis respondemus, Patres illos antiquos (si tamen textus illorum quantum ad Iustinum M. sint authentici) modo humano fuisse locutos, ut ab hominibus, nulla utique severiori Theologia imbutis eo facilius caperentur, quemadmodum de aliis etiam Patribus constat, Eos aliter ad rudes, aliter ad eruditos, aliter e Cathedra exegética, et iterum aliter e cathedra dogmatica locutos esse; si enim singulas IUSTINI M. sententias tenere obligaremur, deberemus millenarium in terris Christi Regnum, de quo in Dial. cum Tryph. generationem daemonum a daemonibus et filiabus hominum, de qua in Apolog. I. cap. 44. Christianitatem Socratis et Heracliti, de qua in Apolog. 2. admittere, quod nemo dixerit. Origenis authoritati, aliunde variabili, constantem in Ecclesia D. THOMAE autoritatem obponimus, quem ille P. I. q. 14. a. 8. ad 3. ex professo refutat, et contrarium ibidem in o expresse defendit, ut infra videbimus. Severinum BOETIUM plus Philosophicis, quam Theologicis disciplinis imbutum fuisse, proindeque nullum ipsi inter locos Theologicos locum esse, nemo ignorat. quod S. ANSELMUM adtinet, legi et relegi totum istud caput, at, quomodo pro Molinianis citari valeat, omni adhibita industria deprehendere non potui; agit ibidem S. Doctor de necessitate ac impossibilitate, in quantum de Deo praedicari possint, praesertim dum de necessitate

te simul, ac libertate mortis Christi est sermo; hinc verbis ab Authore citatis immediate subnectit: *prae-cedens et efficiens necessitas est, cum dicitur caelum volvi, quia necesse est, ut volvatur; sequens vero, et quae nihil efficit sed sit, est, cum dico, te ex necessitate loqui, quia loqueris; cum enim non dico, significo, nihil facere posse, ut, dum loqueris, non loquaris etc.* et sic porro per totum ita procedit, ut ne scintilla quidem de Dei scientia, ut causa vel non causa rerum, ibidem reperiatur; cur non potius S. ANSELMUM citant *de praescientia, praefestinatione et gratia cum lib. arbitrio concordanda?* nempe quia Augustinum in Anselmo loquentem timent.

*et positive
responde-
tur,*

§. XCIII. Notissima simul et verissima est criticorum regula, in legendō S. THOMA id omnibus aliis anteferendum esse, quod in summa habetur, et id etiam, quod ibidem habetur in ○, iis, quae ad obiectiones respondet; citat Author noster lib. I. contra gentes cap. 66. et resp. ad Iimum ex Origene petitum in P. I. q. 14. a. 8. sed videamus, quae ibidem in ○ dicat: *dicendum, quod scientia Dei est causa rerum; sic enim scientia Dei se habet ad omnes res creatas, sicut scientia artificis se habet ad artificia-
ta; scientia autem artificis est causa artificiorum, eo quod artifex operatur per suum intellectum; unde oportet, quod forma intellectus sit principium opera-
tionis, sicut calor est principium calefactionis; -- manifestum est autem, quod Deus per intellectum suum causat res, cum suum esse, sit suum intelligere, unde necesse est, quod scientia sit causa rerum, secun-
dum quod habet voluntatem coniunctam; unde sci-
entia Dei, secundum quod est causa rerum, consuevit nominari scientia adprobacionis. quinimo etiam ea,
quae*

quae S. D. contra gentes loc. cit. et contra Origenem dixit (cuius tamen verba, nescimus qua de causa ingenuus Author mutilaverit) nostrae doctrine, si rite intelligantur, favere, quivis, qui legit, facile intelligit.

§. XCIV. Quid autem, si textus textibus obponeremus, longe utique verioris, certioris ac maioris ponderis? nunquid Psalmistes Regius Ps. 103. v. 24. exclamat: *quam magnifica sunt opera tua Domine, omnia in sapientia fecisti!* nunquid idem Psal. 135. v. 5. Deum laudat, *qui fecit caelos in intellectu?* nunquid ipsamet sapientia divina, quando Deus præparabat caelos, quando certa lege et gyro vallabat abyssos, quando aethera firmabat sursum, et librabat fontes aquarum, quando circumdabat mari terminum suum, et legem ponebat aquis, ne transirent fines suos, quando appendebat fundamenta terrae, cum eo erat cuncta componens Prov. 8. v. 27. nunquid sapiens cap. 7. v. 21. fatetur: *omnium artifex docuit me sapientia? adtingit enim, ut ibidem cap. 8. v. 1. habetur, a fine usque ad finem fortiter, et disponit omnia suaviter?* nunquid Deus apud Ieremiam cap. 10. v. 12. præparat orbem in sapientia sua, et prudentia sua extendit caelos?

§. XCV. Obponimus deinde Iustino M. DYO-
NISIUM AREOPAGITAM, aut quemvis alium, ^{et SS. Pa-} trum,
certe vetustissimum, Scriptorem de Divin. Nomin.
cap. 7. ibi: *Scientia Dei omnium est artifex, et semper omnia componit, estque causa indissolubilis cohaerentiae, et ordinis omnium, finesque priorum cum sequentium principiis semper connectit.* obponimus Origeni TERTULLIANUM in Apologet. inquietum:

tem: Quod colimus, Deus unus est, qui totam mollem istam verbo, quo iussit, ratione, qua cuncta disposit, virtute, qua potuit, de nihilo expressit in ornamentum Maiestatis suae. Severino autem Boetio iustissime obponimus S. GREGORIUM M. qui lib. 20. Moral. cap. 23. inter alia: nam et quaecunque sunt, ait, non ab aeternitate Eius ideo videntur, quia sunt, sed ideo sunt, quia videntur. S. Anselmo non est, cur aliquem obponamus, cum ipse, ut diximus, loc. cit. longe quid aliud, quam scientiam Dei, ut causam vel non causam rerum pertractet, in aliis autem libris, praesertim in Dial. de lib. Arbitr. in lib. de Concordia praefcientiae, praedestinationis, et gratia cum arbitr. non nobis, sed Molinianis potius sit obpositus.

Praesertim
D. Augustini, et Doctoris Angelici auctoritate, §. XCVI. Reliquorum tandem Patrum authoritati, si tamen illi genuine a Vasquesio citentur, duos testes omni exceptione maiores obponimus, AUGUSTINUM, et ANGELICUM DOCTOREM; Primus lib. 6. de Trinit. cap. 10. expresse ait: non haec, quae creata sunt, ideo sciuntur a Deo, quia facta sunt, sed potius ideo facta sunt vel mutabilia, quia immutabiliter a Deo sciuntur. et lib. 15. cap. 13. universas creaturas suas et spirituales, et corporales, non quia sunt, ideo novit, sed ideo sunt, quia novit. unde comparat sapientiam divinam artifici, et inquit Tract. I. in Ioan. Sapientia Dei, per quam facta sunt omnia, secundum artem continet omnia, antequam fabricet omnia. Alter vero praeter illa, quae supra §. 93. ex ipsis citavimus, etiam in I. dist. 38. q. 1. a. 1. in corpore habet: sicut est causalitas artificis per artem suam, ita consideranda est causalitas divinae scientiae;

tiae; est ergo iste processus in productione artificiali:
 1. scientia artificis ostendit finem; 2. voluntas Eius intendit finem illum; 3. voluntas imperat actum, per quem educatur opus. unde simul colligimus, quare Doctor Angelicus in textu supra citato dixerit: necesse est, quod sua scientia sit causa rerum, secundum quod habet voluntatem coniunctam.

§. XCVII. Argumentum ¹num et ²dum contra Molinae scientiam medium e ratione Théologica petitum suis responsionibus non tam infirmat, quam roborat; ¹mo, quia tanquam certum supponit, quod primo probandum esset, scilicet, dari determinatam veritatem ante decretum Dei; ²do, quod illam Praesentati obiectionem (si Deus tantum ea, quae certo futura sunt, praedestinat, tunc ea, quae sub conditione futura essent, non praedestinat, sed praedestinaret, si conditio ponenda foret, consequenter etiam scientia futuribilium in Deo esset, actu autem non est; imo etiam futurorum absolutorum Decretum in Deo non est, sed erit) quoad alteram partem responsione quidem aliqua dignetur, priorem vero nulla; ³tio, quod antiquam denuo crambem repetens et Augustini et Angelici Doctoris verba in subsidium vocet, quae tamen, quam parum faveant Molinianis, imo quam graviter potius, si sincere ac integre legantur, illos premant, iam supra ostendimus, quod nempe praescientia maiorum, de quibus expresse ibidem de Praedest. SS. c. 10. loquitur Augustinus, esse possit absque praedestinatione, non autem praescientia bonorum, de quibus est sermo nobis, quodque D. Thomas I. P. q. 57. a. 3. de cognitione creaturae;

mentionem faciat, non de increata Dei; 4to, quod in responsione ad argumentum Praesentati secundum ex inutilitate scientiae mediae petitum, illam, renitente licet, ut supra §. 85. probavimus, Molina, „ e cineribus sacrae antiquitatis suscitatam, „ a tot Academiis, et Viris sapientissimis ambo-„ bus ut aiunt brachiis amplexatam, ipsisque Tho-„ mistis patentibus, claram atque dilucidam esse „ glorietur; “ item, quod sine tabulis, sine te-„ stibus asserti dicat, Augustinum gratiam ex natura sua efficacem professum fuisse (cur ergo Augustinus apud Molinianos ob gratiam intrinsece efficacem tanquam libertatis destructor audit?) quod in tota hac sua responsione ostendat, quod nec Augustini, nec Doctoris Angelici mentem rite intelligat; sed plura in P. III.

uti et ad
3tium et
4tum

§. XCVIII. Sicut postmodum Author inge-
nuus in responsione ad argumentum tertium praecise dicit, praeter possibilia et absolute futura, dari etiam conditionata, seu futurabilia, quae nullo Dei decreto indigent, quin ea, quae dicit, probet; ita quoque in responsione ad quartum, non tantum nullam sat solidam, et positivam pro sua sententia rationem affert, sed insuper antagonistam suum cum Guilielmo Thuisio insigni Calvinista, et illius doctrinam, paucis verbis mutatis, cum doctrina huius comparare non veretur, etiamsi huiusmodi respondendi, pugnandique genus in aliis meritissime reprehendat; quodsi Author acta legeret Congregationis secundae de Auxiliis, die 1. Febr. Anno 1606. sub Paulo V. celebratae, reperiret ibidem, doctrinam de intrinseca

seca gratiae efficacia, licet a Molinianis de Calvinismo accusatam, unanimi tamen omnium suffragio tanquam vere catholicam, S. Scripturae, Conciliis, et Patribus conformem, adeoque longissime a Calvinismo distantem, fuisse declaratam, ac propterea etiam in ipsomet Concilio Trid. contra Calvini errores adhibitam; imo insuper ex tota illarum Congregationum historia disceret, Molinae doctrinam 13 vicibus ut Pelagianam, et plus quam 22 vicibus ut Semipelagianam fuisse notatam; sed abstineamus ambo ab huiusmodi censoriarum iniuriis.


§. XCIX. An responsio ad argumentum quintum, qua supremum Dei Dominum in hominis voluntatem et actiones per scientiam medium sufficienter salvari posse existimat, sit adaequata, non perspicimus; in S. quippe Evangelio non Dominus servum, sed servus Dominum expectavit; in systemate autem Moliniano Deus decretum suum dandi gratiae efficaciam tamdiu debet suspendere, usquedum videat, ad quid homo in his vel illis circumstantiis ponendus fese determinaturus sit; plura hic non dicimus, quia hac de materia iam antea satis egimus, et forsan in P. III. pluribus agendi habebimus occasionem. nec videmus, quomodo argumento sexto sit satisfactum, dum loco solidae responsionis ad inconvenientias e scientia media secuturas, nonnisi iteratam systematis Moliniani, aliunde utique sat noti, explicationem reponit, dein vero obsoletam, ac iam dudum ab ipsamet Ecclesia explosam recoquit accusationem, quasi per systema Thomisticum, vel Augustinianum, dum su-

premium Dei Dominium extollitur, subprimeretur liberum arbitrium, quod autem, quam falsum sit, nulla re magis, quam diligent utriusque S. Doctoris lectione patescit.

denique ad
septimum,
et octavum,
controversiam non
dirimunt.

§. C. Circa responsiones Authoris ad argumentum Praesentati septimum et octavum id solum, quia vocamur ad alia, animadvertere voluimus, eum argumenta proposita suis explicationibus, distinctiōnibus, et exceptionibus Ecclesiae per quindecim Saecula prorsus ignotis effugere potius, quam fugare, eosque Scripturae textus pro se allegare, quos iam dudum Hipponensis Doctorum Aquila, sed in sensu a Molinistis alienissimo, solidissime, ut inquit Bellarminus, elucubravit; occasione autem responsionis ad argumentum octavum, publice ac sincere profitemur, nos iudicandi quemquam, aut tanquam haereticum damnandi autoritatem nobis nullatenus arrogare, sed rogare potius Authorem ingenuum, et Socios suos, ut et ipsi abstineant, velut Iansenistas diffamare, qui non sunt Molinistae.





P A R S II. DE P R O B A B I L I S M O.

C A P U T I.

Quid Nominis et rei sit Probabilismus.



§. I.

Ut Ordinem Authoris nostri observemus, secunda hac parte agimus de Probabilismo, ceu de materia in scholis catholicis celeberrima, de qua, pro qua, et contra quam iam a ducentis propemodum annis maiori forsitan aestu, quam fructu pugnatum fuit, et adhucum pugnatur; quae materia, ut rite intelligatur, sciendum imo, nomine Probabilismi nihil aliud intelligi, quam doctrinam, *qua conscientia ex motivis vere probabilibus ad formandum dictamen practicum hic et nunc prudenter quidem, tamen non sine aliqua formidine obpositi inclinatur;* adeoque tota haec controversia de Probabilismo solum procedit

Quid est
Probabilis-
mus?

in concursu duarum sententiarum, quarum una probabilis, altera vero est probabilior; nam si unicum tantummodo motivum occurrat, nullum prorsus est dubium, illius sequelam, si vere sit probabile, non modo licitam, verum etiam, si actio ponenda sit, necessariam esse.

Quid Pro-
babiliori-
mus, Rigo-
rofismus, et
Laxismus?

§. II. Sciendum 2do, sicut *Probabilismus* obponitur *Probabiliorismo*, ita *Laxisimum* obponi *Rigorofismo*; de postremis hisce obpositis nobis sermo *Laxismus?* non est, cum uterque sit nimius, omne autem, quod est nimium, vertatur in vitium; et hinc sicut ALEXANDER VIII. anno 1690. die 8. Decembr. damnavit illam Rigorofistarum propositionem: *non licet sequi opinionem vel inter probabiles probabilissimam*. ita non minus recte INNOCENTIUS XI. anno 1679. die 2. Mart. damnavit aliam priori e diametro obpositam Laxistarum: *generatim, dum probabilitate* *sive intrinseca, sive extrinseca, quantumvis tenui, modo* *probabilitatis finibus non exeat*, *confisi aliquid agimus, semper prudenter agimus*. Controversia igitur inter Doctores utrumque Catholicos in eo tantum est sita, an in concursu duarum propositionum, quarum una quidem est probabilis, altera vero probabilior, liceat sequi probabilem, relictam probabiliori?

Quinam
casus exci-
pantur?

§. III. Sciendum 3tio, quaestione hanc non semper et ubique, sed in ea tantum materia procedere, ubi praecise agitur de honestate actionis; dum econtra ipsismet Probabilistis fatentibus 1. in materia fidei, 2. quando agitur de valore Sacramentorum, 3. in pronuntianda Iudicis sententia, 4. tertius pateretur praeiudicium, 5. in praebenda infirmantibus medicina, denique 6. quando specialis adest

adest obligatio id eligendi, quod est perfectius etc. nunquam licet relicta tutiori et probabiliori feligere sententiam minus probabilem, minusque tutam; in aliis autem casibus, aiunt, omnino licitum esse, secundum dictamen minus tutum, dummodo vere probabile, relicto probabiliori, tutiorique procedere.

§. IV. Sciendum 4to, Probabilitatem ipsam Quotu-
ita esse comparatam, ut, quod in SS. Patrum volu-plex sit Pro-
minibus dicitur *probabilius*, nunc probabile voce-
tut; illi enim probabilitatem sumebant pro veri-
similitudine ut certitudini obposita, nos autem pro-
babilitatem probabilitati obponimus; item, proba-
bilem opinionem vel *speculative*, abstrahendo vide-
licet a circumstantiis actionem aliquam comitanti-
bus, vel *practice*, id est intuitu huius in individuo
actionis, talem esse; quo fit, ut opinio, quae spe-
culative foret probabilius, nonnunquam in praxi,
et casu particulari aut probabilis tantum evadat, aut
omnino enervetur, et vice versa; denique sciendum,
aliam esse probabilitatem internam, externam aliam,
interna est, quae desumitur ex intrinsecis rationis,
motivis, et ipsiusmet rei, de qua agitur, Princi-
piis; *externa* vero, quae Doctorum tantummodo
authoritati innititur; ubi tamen advertendum, hanc
authoritatem non ex Doctorum numero, sed qualifi-
cate potius desumendam esse, neque multum cu-
randum, quot Authores, sed quales et quanti quid
adserant; sic maior utique debet esse unius S. AU-
GUSTINI, vel D. THOMAE AQUINATIS au-
thoritas, quam integrae Caramuelis, Escobarii, Dia-
nae, Laymanni, Busenbaumii etc. cohortes.

Regulæ
pro vera
probabilita-
te;

§. V. Sciendum 5to, ut, quænam opinio sit vere atque certo probabilis, dignosci valeat, a P. la Croix, insigni Probabilista, sequentia constitui signa: *a.* si opinio sciatur esse communis Theologorum; *b.* si opinio saltem a pluribus, uno tantum vel altero excepto, dicatur esse probabilis; *c.* si opinio quaedam omnibus diligenter expensis absolute tenetur ut vera a *5*, vel 6 Theologis probitate, iudicio et scientia præstantibus; *d.* si tales Theologi de probabilitate opinionis non dubitent, etiamsi alii Theologi eam opinionem reiiciant ut falsam; *e.* illa opinio est Viro docto et probo vere probabilis, quam ipse scit, se diligenter discussisse, et experitur, se sine passione vel inordinato affectu ob rationes graves sic iudicare.

sub'estae
probabilita-
tis indicia.

§. VI. Sciendum 6to, ab eodem P. la Croix etiam notas indicari, ex quibus opinio leviter seu probabiliter probabilis discerni potest; nempe *a.* si Sapientes dubitent de probabilitate illius; *b.* si dubitetur, an eius Authores sint omni exceptione maiores; *c.* si ratio eius non videatur esse sat firma; *d.* si detur principium certum, et dubitetur, an haec opinio illi principio non repugnet; *e.* si sit opinio singularis Authoris, qui rationem sufficientem non adferat; *f.* si unus vel alter eam tradat, et plures alii dicant eam vel improbabilem, vel parum tam, vel reiiciendam; *g.* si Author vel Authores illius non sint diurnae ac probatae authoritatis, vel non sint mihi e suis libris vel scriptis sufficienter noti, idque verum est, quamquam sint multi aut plures, quia saepe unus exscribit ex alio, et sequitur velut ovis ovem; ita P. la Croix, et ex parte quidem optime; an autem omnes Probabilista-

rum

fum opiniones hisce regalis sint conformes? est alia
quaestio.

§. VII. Sciendum tandem 7mo, opinionem probabilem, et si formidinem de obposito non excludat, non tamen confundendam esse cum opinione vel conscientia *dubia*, haec enim ex utraque parte motiva habere solet ita aequalia, ut intellectus nullum prorsus iudicium ferre possit; dum econtra in conscientia probabili motiva sint imparia; distinguitur etiam probabilitas a *scientia*, cuius motivum est evidens, illius autem solummodo inevidens, ac propterea non convincens, sed suadens; differt a *Fide*, quae, licet non sit evidens, certa tamen est, quae notae opinionibus probabilibus certe non convenient; differt etiam a *conscientia certa*, prout ex terminis patet.

§. VIII. His iam praemissis duo ingenuus Author opinionis probabilis exempla proponit; *imum* est: „aliquis die Iovis circa noctis umbilicum cum convivis lautae mensae adsidet, ubi carnibus ves- citur; hic in una turri civitatis horologium campanae pulsu horam duodecimam denuntiat, aliud vero alia in turri tertium quadrantem ad duodecimam promulgat; utrumque autem horologium satis belle officio suo alias fungitur, et aequaliter fere authoritatem habet, fidemque apud urbis illius incolas obtinet; quid agat eo casu conviva? non enim potest liquido ac certo secum statuere, horam esse duodecimam, seque lege obstringi, ut a carnium esu abstineat.“ alterum est: „Quidam furtum summae notabilis, non quidem rei sacrae sed profanae perpetrat eo ipso tempore ac loco,

„ quo homines devotissime orant coram exposito
 „ Evcharistiae Sacramento ; dubius haeret, utrum
 „ circumstantias illas delictum notabiliter adgravant
 „ tes, intra eandem tamen speciem, in S. Tribunalis
 „ exponere teneatur , vel utrum sine noxa tacere
 „ queat ? “ tum post aliqua interiecta pergit , quid
 „ consilii in hoc rationum conflictu, quae vel utrinque
 „ que sunt paris probabilitatis, vel tales, ut pro
 „ una parte probabiliiores, pro altera vero minus,
 „ vere tamen ac sobrie prudentes adsint? responde
 „ bit forte , sequuntur isti, quod tutius, ac proba
 „ bilius est , abstineat prior ab esu carnium , alter
 „ furtum suis vestitum circumstantiis rite exponat;
 „ recte id quidem ! sic nullum erit errandi, peccan
 „ dique periculum “ adeoque Probabilistae omnes,
 (quod pro futuro discursu adnotare voluimus) una
 nimiriter fatentur , eum , qui opinionem probabili
 rem , tutioremque sequitur, melius facere , et cha
 rismata meliora sequi; verum pergit Author inge
 nuus, „ de hoc non quaeritur modo, sed, an homi
 „ ni obligatio gravis incumbat, agendi semper id,
 „ quod est tutius, quodque probabilius ? “

Quaenam
 fit Probabi
 lismi origo
 nam sit Probabilisni natura, quis finis et intentio;
 videt meliora , probatque, deteriora sequitur , et ut
 haec secure sequi possit, omnibus viribus conten
 dit, ut iisdem honestatem aliquam conciliet, vane
 timens, ne secus conscientiam torturae subiiciat, ho
 mines a via perfectionis christiana absterreat, ani
 mumque faciat aut deiectum, aut scrupulosum; va
 num autem esse timorem istum , e sequentibus con
 stabit , ubi videbimus potius, totum, sicut Moli
 nis-

nismum, ita et Probabilismum in eo esse, ut libertati humanae plus, quam securitati salutis faveat.

§. X. Atque haec ipsa tam notabilis inter Probabilismum, et Probabiliorismum differentia grave illud bellum litterarum fuscitavit, quod post ducentos iam ferme annos eodem, quo caepit, fervore in scholis geritur, de quo Author noster hac P. II. cap. 1. §. 2. narrat, illud tum primum in apertas flaminas e cineribus erupisse, cum Iansenistica secta in Gallia et Belgio erumpens, ut sub S. Disciplinae Ecclesiasticae pallio gravissimos errores suos obtegeret, multorum e Societate benignorem doctrinam noxiae libertatis et morum corruptelae palam accusasset, atque convitiis, cavillationibus, contumeliis, omnique confictarum criminacionum genere in orbis christiani conspectu qua libris, qua schediasmis male cohaerentibus sine fronte ac sine pudore proscidisset; conqueritur deinde illo ipso, quem in aliis carpit, amarulento stylo contra Blasium Pascalem, contra Guilielmum Vendrochium, contra Joan. Bapt. Sinichium, contra Vincentium Contensonum, contra P. Joan. Bapt. Gonetum, contra P. Natalem Alexandrum, ac praesertim contra P. Danielem Concina, quod nigris adeo, et abominandis coloribus depinxerint innocuum, ingenuum, ac libero homine dignum Probabilismum,

§. XI. Miramur sane, ingenuum Authorem nostrum de iniuriis Probabilismo suo illatis tantopere conqueri, cum tamen ipse passim nunc intrinsecam gratiae efficaciam, nunc probabilioritatem, nunc praedeterminationem physicam censuree suae submittere, inaudita, vel non bene intellecta parte altera Quae uti- que non mutuis cer- furis,

iudicare, styloque satis acerbo passim perstringere soleat; si tantus velit esse libertatis humanae fautor, cur eam suis Antagonistis denegat, qua et illi pari referre, proque domo sua possint agere Cicerones? neque enim est solus et unus P. Concina, qui rigorosam adeo trutinam ad expendendum Probabilismum adhibuit, quemque (quia adversatur ipsorum operibus) tantopere aversantur Probabilistae sed est insuper Clerus Gallicanus pro domo Israel ze-
lo zelatus, qui in libello supplici Vicariis Genera-
libus Ecclesiae Parisiensis porrecto eam de probabi-
lismo tulit sententiam: *eiusmodi Ethicam* (a proba-
bilistis) tanto studio sparsam per totum orbem, mi-
nime christianam esse, utpote per quam christiani ho-
minis bona mens, spiritusque extinguitur; nec Iuda-
icam, aut Pharisaicam, cum procul abiiciat, quam
Iudei et Pharisaei summe colebant, legis litteram,
externique hominis probitatem; nec philosophicam et
humanam, cum infensa sit aequitati naturali, fidei
humanae, sensuque communi, quibus humana Philo-
sophia veluti certis adhaeret regulis; denique nec ci-
vilem, politicamque censeri posse, cum humanae So-
cietatis adeo convellat fundamenta, ut, quae eam ad-
missura sunt Regna, Republicae, et Imperia, mu-
tuis fraudibus, dolis, deceptionibus, et furtis cito
sint interitura, proindeque sine fide, sine lege, sine or-
dine futura. est insuper iam supra P. I. §. 28. lau-
datus Archipraeful Ultraiectinus, qui ad BENEDI-
TUM XIV. scribens inter alia narrat: *in Belgio*
multa repererunt isti advenae (Probabilistae) Hierar-
chiam scilicet omnibus numeris absolutam, --- pro-
prios Pastores in civitatibus, oppidis et pagis, mi-
ram inter plebem et Sacerdotes, Clerum inter et Se-
-ibui

dem Apostolicam concordiam, sanam doctrinam vi-
 gentem, inconcussa gratiae per se efficacis, et gratui-
 tae praedestinationis dogmata, incorrupta disciplinae
 moralis principia etc. - - - caeperunt isti Archiepiscopi
 exilium in rem suam vertere, optimos quosque
 Cleri absente Praesule traducere, verbum Dei adultere-
 rare, incertas indulgentias absque Archiepiscopi au-
 thoritate, quam vilipendebant, publicare, Pastoralia
 propriis Pastoribus invitis administrare, publicos et
 obduratos peccatores sine praevia morum emendatione
 praecipitanter absolvere, matrimonio fideles clandesti-
 ne coniungere, oves a propriis Pastoribus ad se ab-
 ducere, et ex alienis ovibus sibi greges congregare. - - -
 verum id nos summo dolore afficit, quod ab ipsis
 sere omnibus falsa pax detur, periculosa dantibus,
 et nihil accipientibus profutura, quod operiantur mo-
 rientium vulnera, et plagae lethales altis et profun-
 dis visceribus infixae dissimulato dolore contegantur,
 quod facilius dimittantur peccata, quam admittuntur,
 quod ex veniae facilitate ludus, et quasi incitamenta
 sint peccandi; quod vis inferatur corpori Christi,
 ad cuius participationem quique corruptissimi admit-
 tuntur; quod divina Eucharistia, velut in nundinis
 viliores merces, quibuslibet promiscue offeratur, et
 quasi minoris licitantibus adiudicetur; quod cau-
 tores sint Protestantes in peccatoribus ad suam caenam
 admittendis, quamvis in ea nihil, nisi figuram cor-
 poris Christi agnoscant, quam nostri in proprio et
 vero Christi corpore et sanguine cuilibet propinando.
 Haec ille. tandem vero est etiam Vir ille incomparabilis IOANNES PALAFOXIU^S, Episcopus Os-
 mensis in Castilia, qui non minus gravem in Proba-
 bilistas censuram tulit, ad Innocentium X. sequen-
 tia¹

tia scribens: Quae alia Religio doctrinam Sanctorum
 tanta libertate impugnavit, et illis verae fidei Ante-
 signanis, Ecclesiae columnis, ac Theologiae micantif-
 simis, et dignissimis praceptoribus minus detulit re-
 verentiae? in suggestis sacris, (id ipsum autem et in
 Cathedris doctrinalibus quotidie fieri, ab experientia
 constat) iam reticet Augustinus et Ambrosius, obmu-
 nescunt Gregorius, Hieronymus, Chrysostomus, Cy-
 rillus, et caeteri Ecclesiae non quomodocunque lumi-
 na, sed luminaria fulgentissima; quidam tantummodo
 Neoterici a suis discipulis laudati exaudiuntur, et eo-
 rum auctoritate dictis scriptisque doctrinam christi-
 nam fulcire nituntur; quod non solum dignitati verbi
 divini maxime indecens, sed neque animarum saluti
 securum existimo; si enim cuicunque Doctori eadem,
 quae Sanctis, auctoritas est, maxime vexare potest
 Ecclesiam opinionum diversitas, et labefactari fidei
 puritas, et morum integritas, quae ex auctoritate
 Patrum, et Sanctorum veneratione dependet.

Sed supre-
 mo Eccle-
 siae iudicio
 terminari
 debet.

§. XII. Sicut autem ex his allegatis nihil a-
 liud probare contendimus, quam quod praeter P.
 Contensonum, Concinam et Praesentatum, longe ad-
 huc plures, et auctoritate graviores Viri extiterint,
 et etiamnum existant, qui probe perspectis Proba-
 bilismi origine, fine, natura et effectibus, eundem
 condemnaverunt, et etiamnum condemnant; ita vi-
 cissim nullatenus inficiamur, hanc potestate iudi-
 ciariam non ab antiquis tantum in praeescriptione at-
 que SS. Patrum auctoritate fundatis Doctoribus,
 verum etiam a Neotericis Probabilissimi ac libertatis
 humanae tutelaribus pro sua causa vindicatam fuisse,
 ac vindicari, quorum certe continua vox est, ob-
 positam, et ut ipsimet Probabilistae sponte faten-
 tur,

tur, securiorem doctrinam aut in Iansenismum degenerare, totque occultos esse Iansenianos, quot sunt Probabilioristae, aut non sine gravissimo animarum detimento nunc inextricabiles conscientiae scrupulos, nunc animi perplexitatem, nunc timidae voluntatis desperationem, nunc divinae legis et religionis horrorem ingenerare etc. unde facile patet, ingenuum Authorem huiusmodi extensis contra censuras adversae partis Querimoniis facile potuisse supercedere, earumque iudicium una nobiscum, supremo Ecclesiae iudicio relinquere.

§. XIII. Scimus equidem, et non diffitemur, Cun de etiam extra Societatem ex aliis Religiosis ordinibus, Personis et Clericorum statibus bene multos fuisse ac etiam- probabilis- num esse, qui aut facilitatis aut novitatis amore mentibus ducti, probabilismum pro focis et aris defenderunt; nobis ser- sed quid haec ad nos? qui contra nullam personam, potius sed contra omnes probabilistas calamum arripiimus, quoniam apud genuinam veritatem non est perso- narum, sed doctrinarum acceptio; neque id etiam negamus, quondam ex Universitatis nostrae Salis- burgensis Doctoribus quosdam Probabilismo favisse, illumque publice tradidisse, antequam illa, expurgata methodo pure scholaistica, strictiore dogmaticae viam elegisset; at vero etiam istud ingenuo Authori no- stro in aurem voluimus dicere, unum ex illis Theo- logiam suam Parisios ad Sorbonnam pro adprobatio- ne misisse, sed repudiatam recepisse, eo solum ex capite, quod contineret Probabilismi doctrinam; haec fecerunt Parisienses, quorum tamen authoritas apud Authorem nostrum, ut vidimus P. I. §. 39. tanta est, quanta vix alia esse potest; tandem etiam per- mittimus, non omnes prorsus Theologos e Societate Pro-

Probabilistas esse, prout Author ipse fatetur, licet ex ipsiusmet Probabilisni Principiis ingens pondus Probabilismo accederet, si is Societati foret Characteristicus; interea tamen credimus, etiam id nobis concedi, raros admodum esse nantes in gurgite vasto, qui periculi tempore relictia minori, maiorem atque securiorem tabulam docent esse arripiendam, uti Praesentatus ex litteris P. Vitellesci Generalis recte observat, sed mittamus ista.

responde-
mus ad po-
stulatum
imum,

§. XIV. Ex hactenus relatis Author noster
§. 3. postulata quaedam derivat, quibus breviter respondeamus; et quidem ad postulatum imum: cum ipsemet Author fateatur, innumeros libros (*centones ille vocat contumelias ac mendacii plenos*) contra Molinistas, paucos autem, imo vix unum, contra Thomistas ab exortae huius controversiae fuisse scriptos, suam utique causam non meliorem, sed potius deteriorem facit? cum in ore duorum vel trium testium, multoque magis innumerorum, stet omne verbum? deinde vero de horum testium seu librorum qualitate iudicare, illosque auctoritate Praetoria *Centones* vocare, non est privati hominis; alias quippe Author noster in illud ipsum decretum INNOCENTII XI. de die 2. Mart. 1679. impingeret, quod tamen in suaé causae defensionem sol. 136. assunit. deinde, quam praeceps ob causam Montaltius, Guilielmus VVendrochius, et Paulus Irenaeus damnati fuerint, nec P. Concinae, nec Authoris nostri regemus instructione, dum ipsummet Senatus Consultum hoc de re Parisiis die 14. Octobris 1660. emanatum aliunde sat clarum est, ibi: damnatis ab Ecclesia Iansenii haereses sustineri ac defendi tum in predictis Montaltii litteris, et notis Guilielmi VVendrochii,

chii, et Pauli Irenaei, detractionem vero et petulantiam adeo familiarem esse tribus illis Authoribus, ut non parcant ulli hominum generi, non ipsi supremo Pontifici, non Regibus, non Episcopis, non praecipuis Regni Ministris, non facultati Theologicae Parisiensi, non familiis Religiosis; et praedictum librum dignum esse paena a Iure decreta in libellos infamatorios, et libros haereticos. ut ergo de Senatus-Consulti huius authoritate in rebus Theologicis nihil dicamus, sufficit, per hoc Senatus-Consultum ita probari probabilismum, de quo hic agimus, sicut per argumentum illud: Baculus est in angulo, probatur, caelos esse rotundos; si ex isto SCto probasset Author, tres viros prae nominatos ob haeresin Iansenianam, ob detractionem, et petulantiam, ob inverecundum, et contumeliosum scribendi genus fuisse damnatos, conclusio foret legitima; at vero exinde probare velle, Viros illos propter defensum probabiliorismum, aut impugnatum probabilismum notatos esse, idem foret, ac surdis narrare fabulam; ipsem P. Concina, quem hac occasione sat acerbe traducit Author noster, non diffitetur, illos et Ianseniana infectos haeresi, et violatae sinceritatis in Casuistarum textibus referendis fuisse reos, proinde que iure merito damnatos; illud nihilominus contendit, eorundem argumenta, quibus impugnant probabilismum, aequa pia et laudabilia esse, ac impia et abominabilis fuit scribendi methodus; multi causarum Patroni ob exorbitantem patrocinandi modum perdiderunt famam, quin tamen causa, utpote iusta, ceciderint; sic P. Concina non minus, quam ipsummet SCtum non tam censuras in Probabilismum latas, quam calumnias in eiusdem Patronos iactas

condemnabant. quod autem in specie P. Conciniam adtinet, de quo etiam supra frequens facta est mentio, specialem ad finem huius Partis II. subnectere Adpendicem iuvabit.

ad postu-
latum se-
cundum,

§. XV. Postulat ulterius Author noster, ex eo, quod fundamentalis illa probabilistarum propo-
sitio: *licitum est, amplecti opinionem minus probabi-
lem, si modo vere ac theologice probabilis fit*, nun-
quam a summa sede damnata fuerit, iure sequi, tu-
tius ac probabilius esse, si Probabilioristae a censu-
ris et convitiis in probabilissimum fulminare solitis
abstinerent, quam quod periculo SS. Pontificum de-
creta praevericandi sese exponant; haec perennis
probabilistarum lamentatio! dum obpositae parti cen-
tenas Iansenismi, rigorosismi, Calvinismi, Tyranni-
dis, et nescio quorumnam monstrorum notas inu-
runt, ipsi ne digito quidem tangi se patiuntur; sed
quid haec ad nos? qui toties iam protestati fuimus,
et etiamnum protestamur, nos nec convitiatorum,
nec calumniatorum causam ullatenus nostram face-
re, nec manum armasse contra Personarum, sed con-
tra causarum vitia; deinde vero, quantum ponde-
ris habeat argumentum ex aliqua propositione non-
dum positive damnata ductum, eo quod mere nega-
tivum sit, ex generalibus critices regulis, atque ex
iis, quae supra P. I. §. 43. monuimus, sat clare
colligitur; de caetero Probabilistis pro salutari doc-
trina illa, quam nobis apud Authorem fol. 140. praे-
bent, nempe in censurandis aliorum doctrinis sen-
tentiam probabiliorem, tutioremque tenendam esse,
gratias agimus, quas debemus; at simul interroga-
mus, an ista regula nobis tantum, an autem et Pro-
babilistis data sit? an caeca obedientia Probabilista-
rum

rum suasionibus in hac materia tantum, vel an etiam in aliis obtemperandum, vel utrum praeivium ipsorum exemplum sit expectandum?

§. XVI. Ad postulatum tertium, cum nil nisi postulati secundi sit continuatio, repetitam ut antea reddimus responcionem; unde et integrum Syllogisnum ibidem formatum admittimus, negando tamen subpositum, notas pure scholasticas, aut censuras pure Theologicas et moderatas aliquando a SS. Pontificibus prohibitas esse; si *censurae* omnes inter doctores Theologos inhiberentur, cessaret omnis opinionum, sententiarum, doctrinarumque diversitas, tacerent omnes discentium exercitationes, atque docentium quoad indagandam veritatem labores, langueret ingeniorum industria, et sensim aut ignavia, aut ignorantia praevaleret, imo ipsimet Ecclesiae quodammodo via obcluderetur, dirimendi dogmata controversa, utpote quae ab eo tempore, quo pro Patribus suis nati sunt eidem Filii, ad faciendas veritatum catholicarum declarationes nunquam non Theologorum censuras audire, expendere, ac dijudicare consuevit, cuiusce rei exempla plurima et patetissima in histotia Conciliorum praesertim occidentium, ac novissime Tridentini subministrantur; cum enim *censura* a *censendo* sit adpellata, quilibet autem in rebus nondum definitis in sensu suo abundare, adeoque, prout ipsi visum fuerit, censere possit, non videmus, cur nobis a parte adversa omnis cendi potestas denegetur, neque inter censuras iudicarias, et privatas admittatur distinctio; idem de *notis* intelligendum; nam aliter Iudex reum, aliter pars una litigans alteram notat; ille iuxta ipsosmet Probabilistas opinionem probabiliorem pro inurenda

ad quartum

erroris nota debet feligere, posteriores autem intra limites probabilitatis contentae, dum se invicem erroris arguunt, ita se mutuo notare possunt, ut nec iustitia, nec charitas violetur.

§. XVII. In Postulato quarto iterum Author noster contra P. Concinam conqueritur, quod ille dixerit, sententiam benignam fuisse saepius a SS. Pontificibus damnatam; ubi testes, exclamat Author ingenuus, ubi tabulae? „ forte, quia damnarunt aliquas propositiones, quae circa singulares casus veritatem fiantur? vel quia damnarunt aliquam propositionem generalem, in qua continetur probabilismus? non primum; nam ex eo, quod aliqui ex principio vel male intellecto, vel perperam applicato opiniones et sententias quasdam minus sobrias et censoria notatas protulerint, nulla ratione sequitur, ipsum principium et fundamentum esse damnatum - - non secundum; adferant enim in medium, si talem aliquam propositionem generalem sciant, ubi damnatus sit probabilismus genuinus? sed ad quid haec omnia contra P. Concinam et Probabilioristas lamenta? nemo sane dixerit Probabilismum in genere damnatum fuisse damnatione positiva atque directa; hoc tamen nemo negabit, eundem saltem per indirectum, et eatenus damnatum fuisse, quantum genuini illius faetus proscribebantur, ut statim audiemus; quod in hoc postulato stomachum nobis movit, est incondita illa inter S. Scripturam et Probabilismum comparatio, dum Author noster sic argumentatur: ex eo, quod haereses e Scriptura male intellecta procusae ab Ecclesia damnatae fuerint, non sequitur, damnatam quoque fuisse Scripturam ipsam; ergo etiam, quod damnatae fuerint opinione quae-

quaedam probabiles, non sequitur, genuinum etiam probabilismum damnatum fuisse; *quae enim Societas luci ad tenebras?* aut quae conventio verbi divini cum invento humano? in Scriptura S. Deus, non homo, in probabilismo autem, non Deus, sed homo loquitur; Scriptura S. nobis ab Ecclesia ut credendorum, et agendorum regula proponitur, nullibi probabilismus; de illa dolet Augustinus, quod Scripturæ *BONAM* non bene intelligantur, et peius interpretentur; probabilismus autem primum probabiliter probare debet, *sese BONAM animam sortitum esse*; de illius authoritate nemo disputat Catholicorum, soli sunt haeretici, qui eandem pessimum dant, de probabilissimi vero authoritate plurimi dubitant Catholicorum, et eiusdem negant soliditatem; Scriptura suum habet Iudicem, Custodem, et interpretem infallibilem, veritatis amantem, Probabilismus autem homines privatos, nulla publica potestate munitos, ac non tam saluti et securitati, quam libertati faventes; unde haereses e Scriptura natae damnari possunt, quin vel minima SS. litteris aspergatur macula, quia huiusmodi haereses scandali potius Pharisaici, quam verbi divini sunt partus; aliter de probabilismo dicendum, qui de scando dato excusari vix potest, eo quod opiniones damnatae ex probabilibus principiis legitima fluant consequentia, nec Matrem negare possint.

§. XVIII. Genuinos certe, ac innegabiles fatus esse quamplurimas opiniones ac propositiones a summa Sede damnatas, eo minus negari poterit, quo arctior est illas inter, et generale Probabilistarum principium nexus, istud enim sic sonat: *licitum est sequi opinionem minus probabilem, quae tamen vere*

Idque patissimum ab exemplis opinionum probabilium damnatarum.

fit probabilis, relicta probabilius; si ergo principium ipsum consideremus, imprimis non est *universale*, quia iuxta ipsosmet Probabilista quoad Ministrum Sacmentorum, quoad Iudicem, quoad Medicum etc. patitur exceptionem; deinde non est *clarum*, quia non determinat, in quonam vera probabilitas Theologica consistat, sicque cuivis quamvis probabilitatem tanquam veram agnoscendi sit aequa potestas; tandem eo ipso ex capite non est sat *securum*, quia partim humanae tantum innititur authoritati, prout constat e quotidiana experientia, partim non bene cohaeret cum principio illo D. Pauli Apostoli Corinthiis ep. 1. cap. 12. dato: *aemulamini autem charismata meliora.* Quod vero principii huius sequelas adtinet, una est procul dubio propositio ista num. 28va ab Alexandro VII. anno 1665. damnata: *si liber sit alicuius iunioris et moderni, debet opinio censeri probabilis, dum non constet, reiectam esse a Sede Apostolica tanquam improbabilem.* admissio enim semel eo principio „licere sequi „opinionem vere probabilem“ facile quis concludet; atqui sententia cuiusdam viri gravis et docti, et si iunioris et moderni est utique vere probabilis, nixaque fundamentis theologicis, ergo licet eam sequi. Altera est ab eodem Alexandre damnata: *Vir equestris ad duellum provocatus potest illius acceptare, ne timiditatis notam apud alios incurrat.* quis enim dubitet, eam sententiam esse vere ac theologicamente probabilem, quam tot saeculorum lapsu nemine contradicente integrae Nationes christianaee impune tenebant, et in praxin ducebant, quamque tot Viri graves atque docti ex professo defenderant? et tamen inter damnatas legitur. Sic et ista propositio
inter

inter damnatas ab Innocentio XI. anno 1679. num.
 2da: *Probabiliter existimo, Iudicem posse iudicare
 iuxta opinionem etiam minus probabilem; ante dam-
 nationem fuit licita, quia sequebatur ex illo gene-
 rali principio, quo totus Probabilismus comprehen-
 ditur; nunc autem non amplius est licita, et si nul-
 la syllaba, nulla illius littera sit mutata; si ergo an-
 tea ut genuina probabilismi filia agnoscebatur, cur
 non et modo? similiter illa propositio num. 27ma ab
 eodem Pontifice damnata: *causa iusta utendi amphibi-
 logiis est, quoties id necessarium aut utile est ad
 salutem corporis, honorem, res familiares tuendas,
 vel ad quemlibet virtutis actum, ita, ut veritatis oc-
 cultatio censeatur tunc expediens et studiosa; naturam
 suam per anathema Pontificium non mutavit, sed
 transiit ut ante fuit; si ergo ante damnationem fuit
 vere ac theologice probabilis, cur post illam non
 amplius? ergone summa Sedes etiam tales proposi-
 tiones erroris nota configere solet, quae sunt *vere ac
 theologice probabiles?* faxint Superi, ne saltet reli-
 quiae ingenui probabilismi successu temporis et ip-
 sae sua spolientur probabilitate.**

CAPUT II.

De utriusque Patris autoritate.

§. XIX. **P**raesenti capite §. 1. ingenuus Author An soli et
 omnibus viribus ostendere nititur, nec
 solos nec omnes S. I. Theologos esse, qui Probabi-
 lismum in orbem invexerant, aut propagarant; im-
 primis

primis enim narrat „ Societatem apud Innocentium „ XI. adcausatam, quod Probabilismum sibi proprium, „ et quasi characteristicum fecerit, publice declaras- „ se tantum abesse, ut doctrinam istam sibi propriam „ existimet Societas, ut potius plena suis Theologis „ libertas concessa sit, contrariam quoque sententiam „ amplectendi, aliarumque scholarum, atque Docto- „ rum catholicorum placita sequendi; caetera para- „ tos se esse, ut, quamprimum certi quidpiam hoc in „ negotio S. Sedes decideret, in eiusdem verba iu- „ raret. “ deinde varios e S. I. Theologos nominat, qui contra probabilismum scripserunt, nempe *Antoniu*m *Celladeu*m natione Hispanum, *Ignatiu*m *de Camargo* Doctorem Salmanticensem, *Paulu*m *Comitolu*m natione Italum, *Andream Blancu*m sub nomi- ne candidi Philalethi latentem, *Ioan. Bapt. Tabernam* natione Belgam, *Thomam Muniesam Hispanum*, *Tyrsu*m *Gonzalez* S. I. Praepositum generalem, *Ca- sparum Kumm*et, Theol. Doctorem Moguntiae, *Pau- lum Gabrielem Antoine Universitatis Mussipontanae Cancellarium*, *Christophorū Rassler*, et *Antoniu*m *Mayr*, Professores Ingolstadienses. Ingenue tamen fa- tetur, longe plures (quid enim 10. vel 11. ad plu- res reliquorum e S. I. Theologorum centurias?) es- se, qui probabilismum defendunt, et in benignista- rum castris promerentur stipendia, ita tamen, ut ab omnibus Laxismi exorbitantiis, cunctisque Doc- trinae naevis prorsus sint innocui et immunes.

Respon-
detur sub
limitatione.

§. XX. Ad haec respondemus, Probabilismum, etsi per aliquod speciale Societatis statutum ut So- ciis Characteristicus fors nunquam sit promulgatus, ita tamen eidem et in eadem communiter receptum esse, ut pauci illi, quos enumerat Author, in com- para-

paratione tam stupendi numeri Theologorum e S. I.
 qui ultra duo iamiam saecula in plus quam 48 Uni-
 versitatibus et Academiis (exceptis Lycaeis, Gym-
 nasiis et Studiis domesticis) Moralem Theologiam
 verbo, scripto, tradiderunt, quique omnes, quis
 enim numerabit? sub signis Probabilismi pugnarunt,
 vix ac ne vix quidem in considerationem veniant.
 quae cum ita sint, haud satis mirari possumus, cur
 Author noster tantopere studeat, probabilismum,
 tanquam notam Societatis Charactericam a se amo-
 vere? cur integras aliorum ordinum, scholarum, at-
 que Doctorum extraneorum phalanges enumeret,
 qui benignorem sectabantur sententiam, ut eam
 non soli Societati esse propriam offendat? si Pro-
 babilis doctrinae indoles, prout habetur in praefatio-
 ne, adeo *vivax et libero homine digna*, si adeo *in-
 nocua*, atque ab *omni fraude et foco aliena* est, cur
 tanquam suam, et suae Societati propriam non ag-
 noscit, et quidem hac ipsa occasione, ubi eam ex
 professo contra Praesentatum propugnat? Scientiae
 mediae inventionem ac possessionem, quamquam ab
 extraneis etiam Theologis defensa fuerit, sibi nulla-
 tenus eripi finunt Molinae Socii; an ergo deterioris
 erit conditionis Probabilismus?

§. XXI. Quod adtinet Probabilismi originem, Probabi-
 lismus nec
 primumque illius inventorem, nostra non interest, ab originis
 num Primatus Bartholomeo Medinae, an Dominico
 Soto, an Dominicanis, an Molinianis competit, ne-
 mini certe honorem hunc invidemus; id nihilominus
 est expeditum, Probabilismi antiquitatem ultra du-
 centos incirca annos nullatenus ascendere, illoque
 Potissimum tempore in lucem prodiisse, quo rarus
 admodum severiorum disciplinarum cultus ingenio-

fae subtilitatum scholasticarum exercitationi, quo locorum Theologicorum, et sacrae antiquitatis neglectus novitatibus opinionum, et scholarum dissidiis, quo denique morum corruptela, vivendique licentia Sacerdoti et populo vix non communis, opinandi quoque, sentiendique libertati uberiorem campum aperuit; nec veritatis, pietatisque fucus defuit, ubi probabilismus in orbem natus Viros et pietate, et doctrina spectabiles (homines tamen) suae causae Patronos nanciscebatur, quorum nomina tunc temporis pluris, quam Scripturae, quam Conciliorum, quam Patrum dogmata aestimabantur, imo in scholis frequentius, quam Augustini, Basilii, Chrysostomi, Gregorii, vel Hieronymi audiebantur; prout, quemadmodum ex illorum historia, ita praepromis ex pretiosissimo illo Episcopi Chiemensis cūdam tractatu, *Onus Ecclesiae*, intitulato, ad oculum patet.

nec a defensorum pluralitate

§. XXII. Quemadmodum autem e Probabilis
mi *antiquitate* non multum commendatur eiusdem
authoritas, ita etiam e Probabilistarum *pluralitate*
neutquam solidatur eiusdem veritas; testatur equi-
dem Thyrus Gonzalez S. I. Generalis, primos iam-
tum S. I. Theologos probabilismi doctrinam fortiter
propugnasse; an autem istud ad mentem S. P. Ignatii
factum fuerit, qui non *magnam* tantum, sed *ma-
iorem* Dei gloriam ubique quaesivit? ipse viderit;
saltem constat, etiam in materia speculativa primos
S. I. Theologos a S. sui Patris instituto recessisse,
dum ille S. Thomae Aquinatis doctrinam suis com-
mendaverat, isti autem novam Ludovici Molinae
opinionem obposuere, prout ex Theorem. nostro
limo patet. Neque maius, ut opinamur, Probabi-
lismo

lismo robur accedit e testimonio *Stephani Spinula* Congregat Somasch. Praefat. in opusc. de Prudent. et lib. elect. quo ait, benignorem doctrinam RECENTIORUM OMNIUM calculo, et universaliter re populorum usu confirmatam esse; nec non etiam e testimonio *Ioan. Gabrielis Boyvin* Minoritae in Theol. Quadripart. P. 3. disp. 3. cap. 1. q. 5. quando Probabilismum a sanctissimis etiam, et eruditissimis Doctoribus teneri adfirmat; neque e testimonio *Ioan. Ang. Boffii* Clerici regularis, Tom. Moral. varior. in appendice ad Tit. 1. cum dicit, *nihil magis decentatum esse, quam Probabilismum, eumque AB OMNIBUS, et in toto orbe christiano doceri*; neque e testimonio *P. Raggit* Ord. Capucin. qui in Cent. 1. de Regin. Reg. P. 2. dub. 46. Probabilismum ab INFINITIS tradi Authoribus adserit; neque tandem e testimonio *Mastrii*, magni illius inter Scotistas oraculi, dum Disp. 5. q. 2. art. 1. scribit, *hanc esse COMMUNISSIMAM et receptissimam sententiam in OMNI SCHOLA in hoc currenti saeculo*; nam respondemus, ex his omnibus nihil aliud evinci, quam benignorem, et humanae indoli faventem doctrinam Recentioribus, populorum usui, et elapo saeculo communissimam, utpote accommodatissimam, fuisse; item, Probabilismum ab infinitis, et quibusdam Sanctissimis (num etiam ab Ecclesia canonizatis?) eruditissimisque pro eo videlicet saeculo viris propugnatum fuisse; Sed quid hoc Vir eximie? siccine genuina Ecclesiae doctrina non iam ex Apostolica traditionis antiquitate? non iam e Conciliorum Canonibus pro morum disciplina conditis? non iam e SS. Patrum exhortationibus? non iam e pusilli gregis Dominici, aut piorum Christianorum exemplis, qui

ad aemulanda Charismata meliora sese vi christiani nominis credebant esse obstrictos? Sed e nova Recentiorum schola, e communi populorum communiter utique pro more illius saeculi viventium usu et praxi, neque tam ex Authorum sanctitate, quam copia derivari debet? o bone Deus, quot retorsionibus, quotque periculosis sequelis argumentum Authoris nostri effet obnoxium!

sese reddit
commendan-
bilem.

§. XXIII. Pergit ulterius §. 2. Author ingenuus integrum Probabilistarum e schola Thomistica texere catalogum, tum, ut propositionum damatarum e Probabilismo natarum infamiam a sua Societate amoliatur, tum etiam, ut suo Probabilismo maiorem conciliet authoritatem; in specie autem nominat Bartholomaeum Medinam, Didacum Alvarez, Petrum Ledesma, Dominicum Bannez, Gregorium Martinez, Vincentium Candidum, Ildephonsum Baptista, Ioannem Niderum, S. Antoninum, imo et Albertum M. Sed sua sit cuivis authoritas, nostra que cuivis debita veneratio; interea vero existimamus, neque hos, neque infinitos alias recentioris doctrinae Authores ad eum usque authoritatis apicem ascendere, qualem iam ex antiquo SS. Ignatius M. Polycarpus, Irenaeus, Clemens Alexandrin. Cyprianus, ambo Gregorii Nyss. et Naz. Athanasius, Basilius, Ambrosius, Chrysostomus, Hieronymus, Augustinus, Gregorius M. Leo etc. sibi suaeque doctrinae, nonnisi ab Apostolorum temporibus haustae in universali Ecclesia promeruerunt.

Digressio
de quodam
P. Pery.

§. XXIV. Dum hoc ipso in §. 2. apud Authorum legimus quendam P. PERY O. S. B. Doctorem Salisburgensem, id equidem nec Praesentato, nec

nec Authori nostro ingenuo, utpote sine sua culpa deceptis, vitiō vertimus, quin facile subponimus, nec illi, nec isti historiam Universitatis Salisburgensis anno 1723. Typis San-Blasianis in lucem datam ad manus fuisse; pro veritatis tamen certa notitia Lectorem benevolum hisce monere voluimus, nullum ab Universitatis nostrae origine usque ad praesens tempus Theologiae Doctorem extitisse, cui nomen PERY; Extitit equidem ante aliquot annos quidam Theologiae Professor Domesticus in S. Lamberti Monasterio Styriae Superioris, qui tractatum quendam Theologicum edidit, hoc nomine insignitus; at vero is nec gradum Doctoratus, quantum novimus, alicubi accepit, nec publicam in Universitate nostra Cathedram habuit, nec proinde Doctor Salisburgensis, sed Styrus, aut San-Lambertinus dicens erit.

§. XXV. Ad quaestionem illam, quam Author ingenuus ad calcem huius §. 2. hisce verbis proponit „ Quid , si concurrant duae opinione s , quarum una ex motivo intrinseco videatur probabilior , altera vero ex motivo intrinseco minus probabiliis , ita tamen , ut pro hac authoritas adventitia multo maior stet , quam pro priori , uti non raro contingit ? an tunc utraque erit probabilior , et moraliter certa ? illa propter motivum intrinsecum , ista propter extrinsecum ? quid tunc licet agere ? “ Respondemus iuxta ea , quae supra §. 4. diximus , sub distinctione : si ambae opinione s ex motivis intrinsecis aequaliter sint probabiles , dubium non est , quin illa debeat praeponderare , cui ex autoritate adventitia et externa novum pondus accedit ; si vero , ut casus iacet , una sit ex motivis

internis probabilis quidem, habens tamen authoritatem externam; altera vero, licet autoritatem quandam externam non habeat, ex motivis solum internis sit probabilius; tunc dicimus attendendum esse tum ad obiectum, circa quod opiniones istae versantur, tum ad authoritatem ipsam externam, tum etiam ad subiecti conditionem; si obiectum sit in linea naturali, adeoque etiam sine authoritate aliena cognoscibile, tenendum est dictamen opinionis intrinsece probabilius, dummodo ratio ipsa ita sit comparata, ut ipsius iudicium non ex quadam ignorantia, vel sinistra prodeat affectione; quod si autem obiectum sit in linea supernaturali, et ad religionem revelatam pertineat, minus utique proprio rationis dictamini, quam authoritati credendum est, dummodo haec e principiis theologicis sit deducta, sicque illi opinioni assentire debemus, ubi sacra traditionis, Conciliorum, et Patrum authoritas prae humana ratione praeponderat; unde simul colligitur, qualem oporteat esse authoritatem, quae opinionem intrinsece minus probabilem, alteri intrinsece probabilius praeponat, magisque tenendam iubeat; nempe non humana, Recentiorum quorumvis, utcunque celebrium Authorum, sed vere theologica ex locis theologicis derivata; subiectum denique ipsum quod adtinet, aliter de viro litterato, aliterque de homine illitterato et indocto est sentiendum; ille procul dubio, ut prudenter agat, regulas paulo ante circa obiectum et authoritatem datas tenebitur observare, iste vero aut consilium petere, aut id, quod ipsi hic et nunc probabilius videtur, agere debebit; ita, ut semper id, quod probabilius est, fiat; multum igitur distamus ab illis, qui opinionem intrinsece minus

minus probabilem *ex quavis authoritate*, etiam Probabilistarum recentiorum, contra locorum theologorum authoritatem putant fieri probabiliorem, et magis tenendam.

§. XXVI. Pariter subsequens Authoris argumentum, quod ita sonat: „sententia, quae docet, uti etiam ad argumentum ex authoritate desumptum. licitum esse, sequi opinionem minus, vere tamen probabilem relicita probabiliori, est ex motivo ex-trinfeco, seu adventitia autoritate probabilior, et moraliter certa, atqui iuxta ipsos adversarios temur sequi opinionem probabiliorem et moraliter certam, ergo tenemur sequi sententiam Probabilistarum.“ ita resolvimus, ut imprimis negemus subpositum maioris, quod sententia intrinsece minus probabilis ex adventitia quacunque autoritate fiat probabilius; deinde negamus maiorem absolute, fluentemque inde consequentiam; nam opinio intrinsece probabilis non ex Probabilistarum, sed SS. Patrum autoritate debet fieri probabilius, ex quibus certe Probabilistae nullum habent suffragium, sed potius nocumentum.

§. XXVII. In appendice, seu §. 3. de *Tutiori*, quem quidem hic loci non volumus defensio, Author noster, velit, nolit, publice mani-festat, Molinismum ac Probabilismum ex eodem fonte procedere; quemadmodum enim Ludovicus Molina totum systema suum in voluntatis humanae libertate constituit, ita et Author noster pro sui Probabilismi fundamento eiusdem voluntatis humanae constituit libertatem; sed qualem illam? audiamus Molinam ipsum Q. 14. art. 13. disp. 3. sic statuendum: *vires naturales* (voluntatis nempe humanae post

post peccatum originale) tales secundum se manse-
runt, quales illas essemus habituri, si in puris natu-
ralibus ad finem tantum naturalem a principio con-
diti fuissimus; nam peccatum primi Parentis solum
in gratuitis nobis nocuit, et ob id naturalia in no-
bis et in Angelis post peccatum integra remanserunt,
qualia essent suapte natura, si nullo dono supernatu-
rali fuissent affecta. Hanc ipsam Ludovici Molinae
doctrinam veluti certam et inconcussam praesuppo-
nit Author ingenuus, dum suae doctrinae principium
esse pag. 159. dicit, „libertatem esse in possessione,
„quando lex est dubia, nec satis nota vel promul-
„gata, quemadmodum contingit, ubi occurunt duae
„sententiae aequae probabiles, quodque principium
„desumunt ex illa iuris regula: *in pari causa me-*
„*lior est conditio possidentis*; atque ita, quum par-
„sit causa in praesenti negotio, et legis contra li-
„bertatem, et libertatis contra legem pugnantis, li-
„bertatem e possessione sua deturbari non posse.“
ex quibus videmus, utrumque Authorem eo colli-
mare, ut eandem humanae voluntatis integritatem,
sanitatemque tueantur, quam ante peccatum illa ha-
buit, eademque proinde privilegia, favores et praet-
rogativas illi competere, quibus illa in statu natu-
rae purae gavisa fuisset; hinc enim et liberam eius-
dem determinationem decreto Dei praedestinantis
praemittunt; hinc etiam plus eiusdem possessioni,
quam legum obligationi favent; hinc denique tam
Molinismus, quam Probabilismus veluti duo fratres
uterini suam trahunt originem.

utrumque partum una cum fonte reliicimus ex authori- §. XXVIII. Sed quid ad haec S. AUGUSTI-
NUS, qui totus in eo est, ut contra Pelagium ex
principiis revelatis ostenderet, hominem per pecca-
tum

tum non modo gratuitis et supernaturalibus donis
 spoliatum, verum etiam in naturalibus, ac in specie ^{tate S. Au-}
 gustini,
 quidem in suae voluntatis viribus sauciatum fuisse?
 qui gratiae ab intrinseco efficacis necessitatem contra
 Pelagianos ex eo principaliter argumento (a Patri-
 bus utique accepto, non arbitrarie conficto) pro-
 bare solet, quod voluntas per peccatum infirmata
 propriis suis viribus haud amplius possit, quod an-
 tea potuit; quod liberum arbitrium Adamo peccan-
 te non quidem sublatum, ipsius tamen aequilibrium
 ita fuerit inclinatum, ut voluntas sibi soli relictta
 magis iam ad malum, quam ad bonum propendeat?
 prout ex omnibus eius operibus, omnibusque fere
 suorum operum paginis tam certo constat, ut su-
 perfluum foret, integros eiusdem textus exscribere,
 praesertim cum non Idiotis, sed Sapientibus loqua-
 mur, quibus Augustinus non est peregrinus;
 legant, quaesumus eiusdem lib. de Grat. Christi cap.
 25. 27. 28. 50. etc. Ep. ad Sixtum Presbyt. cap. 6.
 ac 10. De grat. et lib. arbit. cap. 4. item de Corrept.
 et grat. cap. I. 8. II. 12. Ep. ad Vital. cap. 3. prae-
 terea lib. de Praedest. SS. cap. 5. 6. 8. de dono Per-
 sever. cap. 7. II. 12. et Enchirid. cap. 10. 12. et ali-
 bi saepissime docentem Augustinum, quam imbellis,
 quam infirma sit in ordine ad donum supernaturale
 voluntas hominis peccato vitiata; quam necessarium
 proinde Omnipotentis auxilium, quo fit, ut resur-
 gat homo a mortuis, et illuminetur a Christo, quod-
 que nobis et velle, et perficere gratuito confert;
 quam vana sint illorum effugia, qui per gratiam il-
 lam ab intrinseco efficacem pessum dari credunt ho-
 minis libertatem, cum tamen haec per illam potius
 adiuvetur et perficiatur. Nam citato lib. de Corrept.

et Grat. cap. 8. diserte inquit: *ecce, quemadmodum secundum gratiam Dei, non contra eam, libertas defenditur voluntatis; voluntas quippe humana NON LIBERTATE CONSEQUITUR GRATIAM, SED GRATIA POTIUS LIBERTATEM.*

et conciliorum,

§. XXIX. Quid ad haec SS. Ecclesiae Concilia? ubi tantum abest, voluntatem humanam agnoscit quam viribus pristinis adhuc vigentem et integrum, ut potius miserum eiusdem statum ubique soleant deplorare; ita Synodus MILEVITANA II. can. 4. anathema illi dicit, *quisquis dixerit, eandem gratiam Dei per I. C. D. N. propter hoc nos tantum adiuware ad non peccandum, quia per ipsam nobis revelatur, et aperitur intelligentia mandatorum, ut sciamus, quid adipetere, quid vitare debeamus; non autem per illam nobis praestari, ut quod faciendum cognovimus, etiam facere diligamus, et valeamus. ex quibus infertur, voluntatem humanam ita esse infirmam, ut sola legis revelatione, aut Evangelii praedicatione non possit adiuvari ad credendum, et ad id, quod crediderit, agendum, nisi fortiori quodam auxilio corroboretur; ubi ergo sanitas et integritas illa voluntatis humanae a Molinianis tanto perire iactata? nunquid in possessione potius suae infirmitatis, quam libertatis a Probabilistis defendi debet? sic etiam eiusdem Synodi Canon. 5. dum statuit: *quicunque dixerit, gratiam dari, ut, quod facere per liberum arbitrium iubemur, facilius possumus implere per gratiam, tanquam, etiamsi gratia non daretur, non quidem facile, sed tamen (absolute) possimus sine illa implere divina mandata, anathema sit. si ergo gratia non tantum ad facilis agendum, sed praecise ad agendum est necessaria, plane consequitur,**

sequitur, adeo magnas voluntatis vires non amplius esse, qualem Moliniani et Probabilistae depraedicant. sic et Africana illa Concilia (de quibus S. Augustinus ep. 106. ad Paulinum, et lib. 1. contra Iulianum cap. 4.) postquam sua in Pelagium iacta anathemata Innocentio I. transmisissent, in responsis accepterant: *quotidiana Christus praefstat remedia, quibus nisi freti consisque utamur, nullatenus humanos vincere poterimus errores; necesse est enim, ut, quo auxiliante vincimus, iterum non adiuvante vincamur.* addit S. Augustinus loco posterius citato: *quid potuit vir ille Sanctus Africanus respondere conciliis (anno 412. et 416. celebratis) nisi quod antiquitus Apostolica Sedes, et Romana cum caeteris tenet perseveranter Ecclesia? huic responde, imo ipsi Domino, cuius ille Antistes usus est testimonio. ad quid autem quotidiana remedia tam necessaria, ut vincamus, si fana et vegeta sit adhucdum voluntas nostra? si tot probabilistarum cohortibus stipata, tam secura sit in suae libertatis possessione?*

§. XXX. Quid, si et Concilii ARAUSICA-
NI II. Canones contra Massiliensium doctrinam edi- Arauficanis,
tos consideremus? dum can. 3. infit. *si quis ad invocationem humanam, id est, naturae viribus fretam,*
gratiam Dei dicit posse conferri, non autem ipsam
gratiam facere, ut invocetur a nobis, contradicit
Isiae Prophetae, et Apostolo. dum can. 4. declarat:
si quis, ut a peccato purgемur, voluntatem nostram
Deum expectare contendit, non autem, ut etiam pur-
gari velimus, per Spiritus S. infusionem et operatio-
nem in nobis fieri confitetur, resistit Spiritui S. dicen-
ti, praeparatur voluntas a Domino. dum can. 5. sta-
tuit: si quis sicut augmentum, ita etiam initium fi-

dei, ipsumque credulitatis affectum, quo in eum credimus, qui iustificat impium, --- non per gratias donum, --- voluntatem nostram ab infidelitate ad fidem, ab impietate ad pietatem, sed naturaliter nobis inesse dicit, Apostolicis dogmatibus adversarius comprobatur. dum can. 7. docet: si quis per naturae vigorem bonum aliquod, quod ad salutem pertinet vitae aeternae, cogitare ut expedit, aut eligere --- posse confirmat, absque illuminatione et inspiratione Spiritus S. --- haeretico fallitur Spiritu. dum ulterius can. 9. 10. 14. et 18. id ipsum Augustinianae doctrinae systema uberior explicat, et adprobando proponebit; quid exinde consequitur, nisi tenues admodum, et humili, ut ita dicam, repentes esse voluntatis humanae vires, easque per peccatum adeo esse debilitatas, ut ne Deum quidem pro danda gratia invocare, nec peccatorum remissionem desiderare, neque primum credulitatis affectum elicere, multo minus quidquam aliud, quod ad salutem pertinet, sibi soli relicta, suisque naturae viribus efficere valeat; et nihilominus haec misera creatura apud Molinam integra, apud Probabilistas vero suae libertatis Domina compellatur.

ac novissime
Triden-
tini.

§. XXXI. Audiamus et Concilium TRIDENTINUM, quid in Spiritu S. congregatum de voluntatis et liberi arbitrii viribus, potentia, et iuribus post peccatum originale sentiat; docet autem Ses. 6. cap. 5. *Ipsius iustificationis exordium in adultis a Dei per CHRISTUM IESUM praeveniente gratia sumendum esse*, --- ut, qui per peccata a Deo averserant, per eius excitantem et adiuvantem gratiam ad convertendum se --- disponantur; ita, ut tangente Deo cor hominis per Spiritus S. illuminationem neque hoc

mo

mo ipse nihil omnino agat, inspirationem illam recipiens, neque tamen sine gratia Dei mouere se ad iustitiam coram illo libera sua voluntate possit. hinc ulterius eadem Sess. cap. 6. pergit de adultis: disponuntur autem ad ipsum iustitiam, dum excitati divina gratia et adiuti, fidem ex auditu concipientes libere moventur in Deum, credentes etc. deinde vero notandum, S. Synodum iam antea, nempe Sess. 5. can. 1. de peccato originali, eiusdemque deplorandis effectibus definiisse: si quis non confiteatur, prius hominem Adam, cum mandatum Dei in Paradiſo fuisset transgressus, statim sanctitatem et iustitiam, in qua constitutus fuerat, amisisse, --- totumque Adam (voluntate nullatenus excepta) per illam prævaricationis offendam secundum corpus et animam in deterius commutatum fuisse, anathema sit. Qua igitur ratione cum Ecclesia sentit, qui naturales voluntatis humanae vires etiam post peccatum adhuc integras permanuisse defendit? dum Ecclesia totum hominem quoad corpus et animam in deterius commutatum declarat; qua ratione probabilis erit illorum opinio, qui voluntati humanae tanto cum strepitu libertatis possessionem adjudicant? dum interim Ecclesia nihil illam sine gratia divina posse pronuntiat; qua demum ratione genuinam Ecclesiae doctrinam profiteantur? qui stante inter libertatis possessionem, et legis obligationem dubio, maiorem pro caligante intellectu, pro vitiata voluntate, pro que fauciata libertate, quam pro sanctissimis ac aeternis legibus stare putant præsumptionem; quasi vero ea Iuris profani regula: *in dubio melior est conditio possidentis*, de gleba terrestri loquens, etiam ad vitam caelestem adiplicari possit ac debeat; dum

ibi de bono temporaneo, hic de perpetuo disputetur; ut ergo cum Probabilistis et Molinianis benignius agamus, quam ipsi nobiscum, iisdem in Paradiſo, si eundem alicubi reperiant, atque in statu naturae integræ Hospitium assignamus, nam in statu naturae lapsæ non est locus in diversorio.

Illa iuris regula meior est conditio possidentis, heic autem in materia virtutum aliarum procedere; in non valet, §. XXXII. Unde Praesentatus apud Authorem nostrum pag. 159. recte argumentatur, praefatam iuris regulam in materia quidem iustitiae, non possidentis, heic autem in materia virtutum aliarum procedere; in non valet, feliciter autem respondet Author, cum ait „ in materia aliarum quoque virtutum possessio in dubio „ legis favebit libero hominis arbitrio, tanquam pos- „ sessori suae libertatis, in quantum facit praesump- „ tionem *veritatis*, videlicet, quod liberum arbitrium „ sit verus suae libertatis Dominus, donec ipsi pro- „ betur satis clare, legem existere, ac proxime ob- „ ligare; cum ipsum in tot opinionum conflictu „ probare possit, se non obstringi legibus, quae non „ sufficienter notae, ac promulgatae sibi sunt, atque „ ita ignorantia illarum laboret, quam nec ratione, „ nec authoritate potest vincere, cum ponantur „ duae quaedam sententiae in utramque partem ae- „ que probabiles“ nam imprimis respondemus, fal- „ sisimum esse subpositum illud Probabilistarum, vo- „ luntatem humanam post peccatum originale ita esse „ comparatam, ut prudens et iusta praesumptio pro- „ illa stare valeat; nam si vera sit in suo sensu illa S. „ Jacobi sententia cap. 2. qui offendit in uno, factus „ est omnium reus; quoties o bone Deus rea erit vo- „ luntas nostra; quae non tantum in uno, eoque pri- „ mo homine gravissime fecellit, sed et nos quotidie „ decipere solet! dum econtra lex Domini nec falli „ nec

nec fallere , nec mutari possit nec abrogari ; cuinam ergo magis fidendum ? quaenam in sua possessione firmior , securiorque ? cuinam potius , voluntati , an legi praesumptio favere debet ? unde facile patet , quaenam et quam lata inter materiam iustitiae , ac aliarum virtutum disparitas intercedat ; in materia iustitiae valere illam iuris regulam : *in dubio melior est conditio possidentis* , facile concedimus , quia ex publica iuris civilis praesumptione possessor quietus censetur esse Dominus rei possessae ; at vero directe contrarium habetur in iure divino ; ex hoc enim constat , Deum esse quemadmodum rerum omnium , ita et voluntatis humanae Dominum et possessorum , qui voluntatum quocunque velit inclinandarum absolutissimam habet potentiam , qui rebelles etiam nostras ad se compellere voluntates potest , et cuius aeternis legibus subiecta est omnis creatura ; nihil ergo iuris penes voluntatem humanam per peccatum iam captivatam , in ordine ad bonum aliquod supernaturale , nisi quantum ipsi gratuito concesserit cordium Dominus ; proindeque in praxi Christiana et Morali catholica maior erit praesumptio pro illa iuris divini regula : *aemulamini charismata meliora* , quam pro illa iuris humani : *in dubio melior est conditio possidentis.*

§. XXXIII. Sed et alterum Authoris nostri neque distinctio inter possessorum licentiae , et iterum aliud , possessionem veritatis ; illam voluntati competere ait , non istam in hac materia , quippe ad hoc (sunt ipsius formalia pag. 161.) ut licite quis agat , non requiritur iudicium de veritate opinionis , sed iudicium , sed dictamen practicum et ultimum de licentia actionis , nis

„nis secundum hanc vel illam opinionem, et in his
 „vel illis circumstantiis.“ quae si se ita habeant,
 cur ergo eximius Vir in sua probabilismi defensione
 illam conditionem adponit: *si tamen sit vere probabi-*
lis? ergo utique ad hoc, ut sequi valeam opinio-
 nem vere probabilem, de veritate probabilitatis mi-
 hi constare debet? ergo prius cognoscere debeo am-
 plectendae opinionis *veritatem*, antequam prudenter
 mihi arrogem eiusdem amplexendae *licentiam?* quo-
 modo igitur ratio veritatis a ratione licentiae dividii
 possint ab invicem? non videmus.

uti proba-
 tur ex pa-
 ritate inter
 dogmata fi-
 dei, et mo-
 rum,

§. XXXIV. Praeterea vero, eiusdem rationis
 esse *Dogmata fidei* et *Dogmata morum*, non nega-
 bunt Probabilistae; nam utraque sunt a Deo pro-
 mulgata et stabilita, utraque sunt iudicio, custo-
 diae, ac interpretationi Ecclesiasticae commissa,
 utraque ita pertinent ad substantiam religionis, ut
 non minus, qui dogma quoddam morale, quam qui
 dogma fidei pertinaciter negaverit, extra Ecclesiam
 constituantur; ulterius et hoc negari a nemine po-
 terit, sicut multa fidei dogmata, ita et plura mo-
 rum dogmata per viam traditionis divinae ad nos us-
 que propagata fuisse, adeoque pari *praescriptionis*
 titulo in sua fundari possessione; iuxta illud TER-
 TULLIANI de *praescriptione*. cap. 31. ex ipso ordi-
 ne manifestatur, *id esse Dominiicum et verum, quod*
sit prius traditum, id autem extraneum, et falsum,
quod sit posteriorius immisum. quod idem argumentan-
 di genus a S. AUGUSTINO, et VINCENTIO LI-
 RINENSI in Commonitor. frequenter adhibitum
 fuisse, nemo non novit; at ne hoc quis Catholico-
 rum in dubium vertet, totam hanc de Probabilismo
 controversiam non utique ad dogma fidei, sed ad
 dogma

dogma morum spectare; unde contra Probabilistas
 tale formari potest ratiocinium: illud moderno tem-
 pore fieri non potest licitum; quod per plus quam
 quindecim Ecclesiae saecula nunquam erat licitum;
 atqui, sequi opinionem minus probabilem relictam
 probabiliori per plus quam quindecim Ecclesiae sae-
 cula nunquam erat licitum; ergo nec moderno tem-
 pore illam sequi licebit. Maior ex ante dictis est
 certa, quia nec Ecclesiae, multoque minus privatis
 Doctoribus ea fuit a Christo potestas data, ut succe-
 su temporum nova procudant vel morum, vel fidei
 dogmata; unde illa propositio: *Puto: omnia esse ho-*
die melius examinata, et hanc ob rem in omni mate-
ria, ac praecipue in morali, libentius iuniores, quam
antiquiores lego, et sequor; doctrina fidei a veteribus,
doctrina morum a iunioribus magis petenda est. iure
 meritissimo a Clero Gallicano tanquam temeraria,
 scandalosa, et erronea fuit condemnata. Minor au-
 tem probatur I. ex ipsorum Probabilistarum confes-
 sione, qui per duo iamiam saecula desuper interro-
 gati, et provocati, ne unum quidem sat idoneum
 ex traditione Divina vel Apostolica, e Conciliis, aut
 SS. Patribus pro sua causa hucusque proferre testi-
 monium poterant, imo potius cum Authore nostro
 fatentur, hanc Probabilismi doctrinam a duobus pri-
 mum saeculis orbi christiano innotuisse; accedit, Pro-
 babilistas ipsos apud P. AMICUM fateri, doctrinam
 suam ab omnibus fere Theologis antiquioribus ne-
 gatam fuisse, ac propterea CARAMUELEM recte
 fidelibus christianis (exceptis Mechliniensibus, ubi
 ex decreto Archiepiscopi omnes Caramuelis libri
 ostracismo notati fuerant) congratulatum fuisse, *quod*
introductis benignis opinionibus multa hodie dum li-
 ceant, R

ceant, quae olim in Ecclesia non licebant, nuncque plainer sit, et facilior ad salutem via, quam antiquis temporibus. consequentia est in forma.

et ex Bul-
la S. P. Ale-
xandri VII.

§. XXXV. Argumento praescriptionis adjungimus alterum ex Decreto S. P. ALEXANDRI VII. anno 1665. emanato deductum, ubi varias, et quidem numero 28 propositiones non iam probabiliter, sed probabilius ex Probabilismo, fonte illo ingenuo, natas condemnat; ibi: *Sanctissimus Dominus noster non sine magno animi sui maerore auditivit, complures opiniones christianaे Doctrinae relaxativas, et animarum perniciem inferentes, partim antiquatas iterum resuscitari, partim noviter prodire, et summagam illam luxuriantium ingeniorum licentiam indies magis excrescere, per quam in rebus ad conscientiam pertinentibus modus opinandi irrepit alienus omnino ab Evangelica simplicitate, sanctorumque Patrum doctrina, et quem, si pro recta regula fideles in praxi sequerentur, ingens irreptura esset christianaē vide corruptela; Quare, ne ullo unquam tempore viam salutis, quam suprema veritas Deus, cuius verba in aeternum permanent, arctam esse definit, in animarum perniciem dilatari, seu verius, perverti contineret; idem sanctissimus D. noster, ut oves sibi creditas ab eiusmodi speciosa lataque, per quam itur ad perditionem, pro pastorali sollicitudine in rectam semitam evocaret, earundem opinionum examen etc.*

ubi varia
occurrunt
notanda.

§. XXXVI. Ad haec Pontificis verba sequentes animadversiones facere iuvat, *ima est: nuspian in veteris Ecclesiae historia legitur, tam ingentem laxissimarum opinionum nubem, ciniphum instar Aegyptiacarum, propullulasse, nisi ab eo tempore,*
quo

quo Probabilisimus in orbem prodiit; et etiam si Probabilistae reponant, eas non tam e probabilismo ipso, quam ex mala illius applicatione prognatas fuisse (quod, qui credere vult, credat) id nihilominus admittere coguntur, Probabilismum antiquitate non plus praecedere opiniones illas damnatas, quam Pater suos liberos antecedit, nempe illum antiquis Ecclesiae temporibus ignotum, suamet sese novitate suspectum fecisse. *2da est:* per luxuriantium ingeniorum licentiam indies magis excrescentem ab Alessandro VII. non potest intelligi doctrina Theologorum saeculo 16to antiquiorum, tum quod nulla de huiusmodi doctrinis memoria in tabulis Ecclesiasticis habeatur; tum etiam, quod, si Probabilismus anterioribus iamiam saeculis fuisse notus, spectata hominum fragilitate, ac naturae nostrae in deterius propensione, plane foret imperceptibile, cur non iam dudum huiusmodi benignior doctrina in licentiosas opiniones, et sententiarum laxitates degeneravit? cum tamen altum de his ante annum circiter 1577. ubique sit silentium; ergo procul dubio tunc summa illa luxuriantium ingeniorum licentia indies magis caepit excrescere, ubi orbis pene universus (si pusillum tunc temporis Domini gregem excipias) admirabundus ingemuit, sese esse Probabilistam. *3ta est:* de duabus impraesentiarum sententiis controvenerunt, nempe Probabilistarum, quam Probabilistae vocant duriorem, arctiorem, ac difficiliorem, et Probabilistarum, quam ipsi laudant ut benigniorem, planiorem, et faciliorem; iam liceat interrogare, per qualē ex his duabus via salutis, quam Christus arctam esse definiit, in animarum perniciem dilatetur, aut verius, pervertatur? an per sententiam

probabiliorē? at vero contra hanc manibus, pedibusque obstrepunt Probabilistae, dicuntque, per illam tantum abest, viam salutis dilatari, ut potius coarctetur, atque angustior efficiatur; an ergo per sententiam probabilem? saltem haec tantum libertati, quantum illa veritati favet, ipsique Probabilioristae honorem illum Probabilistis facile concedunt, ipsorum doctrinam, uti benignorem, ita et indoli ambulantium esse adcommodatiorem.

Nullius
roboris sunt
Authoris
ingenui re-
sponsiones
ad argu-
mentum e
Scriptura
desump-
tum,

§. XXXVII. Respondet equidem Probabilista noster ingenuus ad argumentum e Math. 7. ductum, ubi *arcta via*, et *angusta porta* dicitur, *quae dicit ad vitam*; sed ita respondet, ut quidvis potius aliud agere videatur, quam textum obiectum in forma resolvere; nunc enim contra Montaltium, VVendrochium, aliosque Iansenistas (quos inter forsan et Probabilioristas se videre imaginatur) exurgit; nunc vel invitus admittit, Probabilismum inter Tutilismum et Probabilismum via media intercedere, quia concedit, per illum salutis viam nec arctiore, nec latiore fieri; nunc novorum et recentiorum Casuistarum Nomen velut invisum a suae Societatis Theologis amoliri nititur; nunc Probabilismum ipsum intenuerit et vere talem distinguit, licet paulo antea, ut vidimus, curam potius libertatis, quam veritatis haberi velit, ut nempe tela in probabilismum iacta effugiat; nunc negat, ex Probabilismo vero sequi propositiones damnatas, utpote quae potius Probabilismo tenui et vago sint adscribendae; at nihilominus immediate subiungit „ certe non sequitur, „ quod illi, qui propositiones aliquas defenderunt „ damnatas, vagum ac noxiūm probabilismum de- „ fenderint, sed eo tempore, quo scripserunt, erant „ alio-

„ aliorum authoritate munitae ipsorum sententiae, et
 „ videbantur illis tunc temporis opinione vere pro-
 „ bables; post damnationem vero ista authoritas, et
 „ vera in speciem probabilitas omnino sublata fuit.“
 adeoque sententiae damnatae non minus Probabilismi
 veri, quam vagi et noxii esse progenies possunt;
 haec nempe singularis Probabilismi praerogativa, haec
 ingenua eiusdem indoles, quod eadem sit veritatis,
 quam falsitatis probabilitas, quod nonnisi tamdiu
 sit probabilis, quamdiu non damnatur ut improba-
 bilis; nunc adversarium admonet, ne privatorum
 quorundam Theologorum lapsus integris imputet
 communitatibus; nunc defendit, etiam stante Pro-
 babilismo et benigniori doctrina, nihilominus satis
 adhuc arctam et angustam esse salutis viam; ac tan-
 dem pag. 168. concludit „ quod si nihilominus haec
 „ probabilismi via latissima et planissima adversario
 „ huic videatur, sciat, nos in ea duces sequi, ut
 „ nil de aliis dicam, praecipuos, maximique nomi-
 „ nis Theologos, currat ipse viam, quamcunque vo-
 „ luerit, nemo morabitur.“ iudicet lector, quomo-
 do per istas responsones obiectioni propositae, quo-
 modo prudentiae regulis, quomodo gravitati theolo-
 gicae fatisfiat.

§. XXXVIII. Ad alterum argumentum e D. neque il-
 CHRYSOSTOMO homil. 44. et D. BERNARDO lae ad argu-
 lib. de pracept. et disp. cap. 14. desumptum brevi-
 ter respondent Probabilistae. si cum D. CHRYSOST. mentum e
 inter vestimentum, atque doctrinam facienda sit pari-
 tas, tum equidem prudentius agit, qui pretio vi-
 liori melius vestimentum emit, interim tamen et
 ille non peccat contra prudentiam, qui ob rationa-
 bilem causam, vel praecise ut sua libertate utatur,

pretio cariori vilius vestimentum comparat; quod pariter de illis dicendum, qui vel ob ignorantiam invincibilem, vel ob libertatis possessionem manutendam iudicium minus probabile sequuntur, relichto probabiliori, hoc enim sequi, res est meri consilii, non praecepti; imo nec eo ex capite culpandi sunt probabilis opinionis sectatores, quasi merces putidas comparent, cum adeant Mercatores, id est Doctores, quorum fides et authoritas contemni prudenter non potest. S. BERNARDUM quod adtinet, negant Probabilistae, illum sibi contrarium esse, nam et nos, inquiunt, *charitatem in intentione, et veritatem in electione observamus*, dum semper ex motivo charitatis id, quod vere bonum est, eligimus; *simplex enim frater* (ut colligitur apud Niderum ex responsis ab Alberto magno aliquando datis) *vel quilibet homo cum salute potest sequi in consiliis, quamcumque opinionem voluerit, dummodo alicuius magni Doctoris opinionem sequatur.* At nempe non observant Probabilistae, nullibi extare legem, ut quis vestimenta meliora pro pretio viliori emat, sed rem adeo indifferentem cuiusvis libertati relictam esse, quamvis nihilominus huiusmodi emptor notam imprudentiae non effugiat, si vestimenta meliora pro pretio viliori emere, dum emere posset, negligat; econtra vero adest lex positiva, ut *omnia probemus, quodque bonum est, teneamus; ut simus prudentes, sicut serpentes; ut simus perfecti, sicut et Pater noster caelestis perfectus est; ut aemulemur charismata meliora; ut arctam p[re]a plana, angustam p[re]a lata eligamus salutis viam etc.* unde, qui libertati potius, quam legibus in linea morali favet, non modo imprudenter agit, verum etiam peccandi pericolo

riculo se exponit. Deinde, si Probabilistae admittunt, quemvis hominem obligari, ut charitatem intentione, et veritatem in electione observet, hoc ipso admittere debebunt, et charitatis et veritatis regulas infringere, qui data optione illud intendit et eligit, quod et charitati et veritati comparative minus est consentaneum; eum enim in finem Apostolus Ephesios (non utique Clericos, sed Laicos) cap. 4. monet: *NON LAM SIMUS PARVULI fluctuantes, et circumseramur OMNI VENTO DOCTRINAE in nequitia hominum, in astutia ad circumventionem erroris; VERITATEM autem facientes IN CHARITATE CRESCAMUS IN ILLO PER OMNIA*, qui caput est CHRISTUS. ubi vides nos vi christiani nominis obstrictos esse, ut aliquando deponamus praetextam parvuli, nec semper lac, sed panem, adulorum cibum, petamus; ut non circumferamur omni vento doctrinae noviter inventae, sed sequamur doctrinam Apostolicam, quae ducit ad perfectionem; ut non haereamus in herbis, et radicibus terrae, sed crescamus per omnia, Deo dante incrementum, qui et augebit incrementa frugum iustitiae nostrae. quibus praestabilitis minime curamus responsiones illas ab Alberto magno, uti praefertur, fratri simplici datas, utpote magni Apostoli autoritate longe inferiores.

§. XXXIX. Denique ad Angelici Doctoris authoritatatem, qui in Quodlib. 8. num. 13. ait, *il-*
ad tertium e D. Thoma petitum.
lum, qui possidet plures praebendas, et in quandam dubitationem inducitur ex contrarietate opinionum, et manente tali dubitatione plures praebendas habeat, periculo se committere, et sic procul dubio peccare etc.
 Respondent Probabilistae, S. THOMAM solummodo

do loqui pro eo casu, dum adeat formido de obpo-
sito, et ex contrarietate opinionum orta dubitatio,
quo utique stante dubio nunquam operari licet, pree-
fertim si dubium istud sit practicum, seque teneat
ex parte ultimi dictaminis reflexi; non vero loqui
pro eo casu, ubi habetur sententia vere, practice,
ac reflexe probabilis, quae practicam de obposito
formidinem excludit. Sed perperam; vix enim, ac
ne vix quidem contingere potest, aliquam opinio-
nem utcunque probabilem in comparatione cum opi-
nione probabiliori nullam prorsus involvere peccandi
formidinem; nunquid Author ipse ingenuus pag-171.
asserit, nec opinionem probabiliorum ab omni pror-
sus dubitatione immunem esse, ubi tamen et plures
et graviores pro veritate rationes pugnant? ergo
multo magis admittere debet, maius esse penes opi-
nionem minus probabilem periculum, ubi et paucio-
ra, et leviora sunt veritatis motiva; quodsi autem,
ubi maior est ratio, minus periculum, et quo minor
est ratio, eo maius timeri debet periculum, plane
viri prudentis, et salutem suam plus, quam liberta-
tem amantis non erit, minori periculo relicto, in
maiis sese coniicere, seu, quod idem est, relictâ
opinione probabiliori, minus probabilem amplecti;
agnoscimus et nos, dictamen practicum et ultimum
ex principiis reflexis derivandum esse; at vero ne-
gamus Probabilistarum subpositum, ipsorum nempe
dictamen ultimum et practicum moraliter certum
esse, ita, ut virum prudentem ac timoratum in con-
cursu sententiae probabilioris movere possit ad adsen-
sum; nam ut dictamen reflexum sit moraliter cer-
tum, debet deduci ex principiis moraliter certis,
atqui in eo Probabilistarum Syllogismo: Qui pruden-
ter

ter agit, non peccat, sed, qui sequitur opinionem
 vere probabilem, prudenter agit, ergo etc. subsum.
 sed haec opinio in his circumstantiis est vere probabi-
 lis, ergo. Praemissae, tanquam conclusionis princi-
 pia, non sunt moraliter certa; nam *imo* Minorem
 esse falsam probatur ex eo; quod utique ille pru-
 denter non agat, qui, quod verosimilius iudicat esse
 falsum, nihilominus eligit; hoc autem facit sequens
 opinionem probabilem reicta probabiliori, hoc ipso,
 quod agnoscat, quo probabilior est opinio, eo esse
 verosimiliorem, quoque minus est probabilis, eo
 falsosimiliorem esse; v. g. prudenter non ago, si con-
 stitutus in bivio, nec pro alterutra via sim moraliter
 certus, illam adgrediar, quae minorem pro se
 habet verosimilitudinem, reicta altera, quae vero-
 similius mihi recta videbatur. *2do* iuxta ipsummet
 Authorem nostrum vir prudens ac timoratus non
 potest bona conscientia sequi opinionem tenuiter tan-
 tum probabilem; iam vero videtur omnem opinionem
 quamodocunque probabilem in concursu proba-
 bilioris fieri tantum tenuiter probabilem, quia veri-
 tas se habet per modum luminis, quo intellectus il-
 lustratur, ergo lumen minus per accedens lumen
 maius ita extenuatur et enervatur, ut nonnisi te-
 nuem adhuc et imbellem tantum praestet utilitatem.
3to iuxta ipsosmet Probabilistas non licet homini
 comedere de cibo, de quo probabilius iudicat, esse
 intoxicatum, ergo multo minus licebit sequi opi-
 nionem, de qua probabilius constat, esse nocivam,
 qualis est opinio, de qua minus probari potest, esse
 innocuam; non est enim habenda maior corporis,
 quam animae cura. Plura, quae hanc in' rem, et ad
 enervanda Probabilistarum fundamenta proferri pos-
 sent,

sent, brevitatis causa omittimus, cum inter eos agitur controversia, quibus ampla est Theologorum utriusque opinionis Bibliotheca.

Damnatur potius Probabilismus ab ipsomet, qui olim fuerant Probabilistae, desumptum adiungere placuit, idque eo fortius, quo minus iisdem (ut Author nostre frequenter obiicit adverfae parti) ignorantia Probabilismi imputari valet, quoniam ex diuturnis Probabilismi propugnatoribus, Deo ipsis convertente, facti sunt eiusdem impugnatores; quis enim nescit, Illustriss. ac Eminentiss. D. Ludovicum Henricum de GONDRIN Archiepiscopum Senonensem, Sforziam PALLAVICINUM, historiae Concil. Trid. Scriptorem, Ios. Sanctum de AGUIRRE, S. R. E. Cardinales, viros pietate non minus ac doctrina insignes probabilismum, cui antehac subscrisserant, publice revocasse? quis nescit, etiam ex ipsamet Societate PP. Michaelem ELIZALDA, Thyrsum GONZALEZ, Thomam MUNIESSA, Ignatium de COMARGO, Ioannem GISBERT, et alios plures, se se de Probabilismo quondam defenso accusasse, atque publicam cecinisse palinodiam? nunquid Author nostre supra P. I. ex P. Livino Meyer Lovanienses redarguit, quod propter sententias quasdam Baianas ad S. Sedem delati, atque damnati, censuram suam vicissim in suos delatores occasione propositi num Lessianarum coniecerint, et quo effectu? eo nempe, quod Lovanienses Probabilismum deinceps abiecerint, Societatis econtra Theologi ambabus manibus eundem receperint; ita pariter P. Blasius VI CECOMES, P. Christophorus a S. IOSEPHO, Carmelit. excalecat. Procurator Generalis, Petrus et Hiero-

Hieronymus fratres BALLERINI apud P. Vincen-
tium PATUZI Ord. Praed. in Tract. de proxima
humanor. actuum regula P. III. pag. 99. suam de
Probabilismo doctrinam solemniter revocarunt.

§. XLI. Notanda est in specie solemnis et pub-
lica revocatio Cardinalis de AGUIRRE, qua doctri-
nam de Probabilismo antehac defenso condemnat ve-
luti de falsitate suspectam, periculosam, SS. Patri-
bus et Pontificibus contrariantem; en propria Car-
dinalis verba collectioni Concilior. Hispanicorum
praefixa: *Communi fere sensu aut praeiudicio abduc-
tus, in Probabilismo VELUTI IN PULVINO MOL-
LITER QUIESCEBAM, et plerumque studium meum,
ita ingenue fateor, situm erat in examinando potius,
AN ALIQUID ESSET PROBABLE, quam in in-
vestigando, AN ESSET VERUM? deprehendi vero
INGENS PERICULUM SALUTIS in sectando, aut
consulendo aliis Probabilismo, sive usu cuiuslibet op-
nionis minus probabilis, faventis libertati, in concur-
su alterius probabilioris, adhaerentis praecepto - - -
haec videtur esse praxis assidua SANCTORUM PA-
TRUM, Pontificum, et Theologorum pietate insig-
nium A TEMPORE NASCENTIS ECCLESIAE us-
que ad finem fere saeculi praecedentis decimi sexti, quo
caepit reputari securus usus opinionis benignae proba-
bilis in concursu anterioris. neque dicant Probabili-
stae, Cardinalem de Aguirre loqui tantum de qua-
cunque opinione probabili, de qua primum inqui-
rendum est, an vera sit? non autem de vera et mo-
raliter certa probabilitate; nam ex paulo ante dictis
§. 39. ostensum fuit, opinionem, qualitercunque vi-
deatur esse vera, ex ipsa tamen comparatione cum
opinione probabiliori amittere suam, quam prius*

in specie a
Cardinale
de Aguirre.

habuit veritatem; deinde autem nullo modo est subponendum, talem ac tantum virum, qualis fuit Cardinalis de Aguirre, tenuisse, vel docuisse aliquando quasdam opiniones tenuiter tantum probabiles, sed potius tales, quae pro sui iudicij gravitate, et intellectus perspicuitate videbantur esse vere probabiles, quia nuspiciam legimus, quandam de ipsius propositionibus damnatam fuisse; ast nihilominus Eminentissimus, ac Religiosissimus Doctor censuit, Probabilissimum veluti periculosum, et avitae Sanctorum Patrum, Pontificumque doctrinae contrarium, neque ulterius tenendum, neque aliis consulendum esse.

Probabi-
lismus non
modo con-
tra pruden-
tiae regu-
las, verum
etiam con-
tra Christi
doctrinam,

§. XLII. Ait equidem iam saepe laudatus Author pag. 174. dari, quemadmodum in rebus aliis, ita quoque in hac materia, varios prudentiae gradus, ita, ut sequens ubique tutiora, *prudentissime*, sequens probabiliora, *prudentius*, et sequens probabilia, *prudenter* agat; quis autem hominem, quamdiu prudenter agit, de peccato arguet? dein subiungit, Theologi autem non quaerunt, an prudentius quis agat in hoc rerum articulo, vel solum prudenter, sed, num obligatio detur agendi semper prudentius in genere morum? huic Authoris nostri responsioni tantum eam obponimus quaestionem, quomodo ergo intelligenda sint illa Christi Domini verba, qui, postquam Math. 25. de servo, qui unicum solummodo talentum acceperat, illudque multiplicare neglexit, sermonem instituisset, subiunxit: *inutilis servum eiicite in tenebras exteriores*. quis est ille servus inutilis? certe non ille, qui sequendo sententiam probabiliorem, verioremque, talentum acceptum perficit et multiplicat, sed ille, qui praecise talen-

talentum illud, quod accepit, sine foenore reddit;
 cur vocatur inutilis, nisi quia maiorem non praestat
 utilitatem, sed illud solummodo praestat, quod de-
 bet? quod, quid aliud est, quam illud solummodo
 facere, quod quidem non est infructuosum, sed nec
 etiam fructuosum? quaerimus ulterius, quomodo
 intelligenda sint illa Christi Domini verba Luc. 17.
nunquid (Dominus) gratiam habet servo illi, qui
fecit, quae ei imperaverat? non puto; sic et vos, cum
feceritis omnia, quae praecepta sunt vobis, dicite: ser-
vi inutiles sumus, quod debuimus facere, fecimus.
 omnibus profecto Christianis iniunctum est, ut fa-
 ciant, quae ipsis imperantur, an autem Domino
 per hoc satisfaciant suae obligationi, si plus non fa-
 ciant, quam quae imperantur? affirmandum putant
 Probabilistae, negandum vero putabat Christus; cui-
 usnam opinio est moraliter certa, et certo vera,
 Christi? an Probabilistarum? ergo Christus gratiam
 non habet servo illi, qui solummodo facit, quae in-
 tra lineam ultimam strictae legis continentur, sed
 illi, qui facit, quod suo Domino iudicat esse accep-
 tius, sibi utilius, et prudentiae conformius; si iuxta
 Evangelicam veritatem *servus inutilis eiicietur in te-*
nebras, tum illi soli videbunt lumen, qui sunt servi
 utiles, atqui servi utiles non sunt, ut iterum veri-
 tas inquit, qui faciunt, quod facere debent, ergo
 male sibi consulunt Probabilistae, qui utiliora negli-
 gentes, illa praecise faciunt, quae positive non sunt
 Prohibita, nam et haec omnia faciendo, dicendum
 tamen est illis: *servi inutiles sumus.* ex quibus iam
 sequitur responsio in forma: sicut servus ille, qui
 ex quinque talentis quinque alia lucratus fuerat,
 laudabatur a Domino, quia comparative *prudentissi-*
me

me operatus fuit, ita pariter, licet minus, laudabatur a Domino, qui ex duobus talentis lucratus est alia duo, quoniam quidem non prudentissime, sed nihilominus *prudentius* egit, quam ille, qui nihil omnino lucratus fuit; hic enimvero eatenus quidem *prudenter* egit, quatenus pecuniam suam non dissipavit, eatenus autem *inprudenter* egit, quatenus pecuniam sibi concreditam non dedit ad Mensam, ut lucrifaceret; unde et servus nequam apud D. Lucam cap. 19. est appellatus, *sciebat enim*, quod Dominus eius *austerus sit*; scimus autem et nos, quod intellectum et voluntatem, quod legem et libertatem Deus nobis non praecise ad usum, sed ad lucrum concesserit, illudque a nobis exigat, dum non tantum iniquitates, verum etiam *iustitias iudicare soleat.*

et contra
Theologiae
officium
pugnat,

§. XLIII. Male igitur sonat in auribus nostris, quod Author ingenuus dicat, Theologos non curare, utrum aliquis prudentius agat, dummodo prudenter agat; quasi vero Theologi officium non esset, ea tenere, atque docere, quae speculative credenda, et practice agenda sunt; in speculativis fidei christianaे materiis iuxta ipsosmet Probabilistas ubique tendenda sunt probabiliora, et authoritati conformiora, quin humano intellectui utcunque perspicaci deferendum sit; cur non etiam in practicis christianaē Moralis materiis plus authoritati, quam libertati est deferendum? an maius est periculum, sequi minus probabilem in materia fidei, quam sequi minus probabilem in genere morum, cum tamen utrumque dogma summam pro se habeat praesumptionem? si stante invincibili legis credendae ignorantia iuxta probabiliorem Patrum sententiam est iudicandum, cur non aequa stante invincibili legis observandae igno-

ignorantia probabilius sententia erit eligenda? in pri-
ni casu stat praesumptio pro lege contra rationem
humanam, cur non et in altero contra libertatem hu-
manam? disparitatem credimus tamdiu dari non pos-
se, quamdiu non probatur, solum intellectum per
scientiam boni et mali suo iure excidisse, libertatem
autem permanisse intemeratam; erit igitur Theologi
officium, non modo in rebus fidei, verum et in
praxi morali probabiliora sectari.

§. XLIV. Exemplum illud de authoritate S. THOMAE AQUINATIS, et S. BONAVENTURAnec valet exemplum ab Authorc adductum,
RAE, vel IOANNIS DUNS SCOTI adductum, ad
rem non facit; neque enim Author ingenuus, neque
alius quivis constitutus est arbiter authoritatis; spe-
culative non dubito, maiorem esse S. Thomae, aut
S. Bonaventurae, quam Ioannis Duns Scoti autho-
ritatem, quoad practicum autem dictamen nemo
prudens relicto Angelico, Seraphicoque Doctore
subtilem sequitur, nisi huius rationes hic et nunc
iudicet probabiliores probabilitate intrinseca, dum
nihilominus in aliis materiis omnino maiorem pro-
babilitatem stare concedat penes priores illos; ubi
vides, ubique rationem et prudens dictamen ulti-
mum *pro authoritate - eaque comparative maiori*,
nunquam autem *pro libertate*, quae semper aequa-
lis est, pronuntiare; atque hoc in gratiam Authoris
nostris, suorumque Sociorum dicta sunt, qui, (ut
benigne de illis iudicemus) certe non reiicerent S.
AUGUSTINUM, magnum illum praedestinationis
et gratiae efficacis Doctorem, cuius tamen authori-
tatem speculative iudicant novioribus longe maiorem,
neque suum sequerentur MOLINAM, nisi practice
iudicarent, in praedictis materiis graviora pro syste-
mate

mate Moliniano, quam pro Augustiniano pugnare
 pondera; et sic porro respondemus etiam ad ambas
 ex S. Tho- illas propositiones e D. THOMA in 4. dist. 17. q.
 ma, et S. Bo- 3. art. 1. et S. BONAVENTURA pariter in 4. dist.
 naventura, 7. art. 4. in 2. p. q. 3. pro exemplo adductas; nem-
 pe illam opinionem esse tenendam, quae secundum
 iudicium ultimum et practicum hic et nunc vel in-
 trinsece vel extrinsece iudicatur esse *probabilior*, non
 autem, quae nudam *probabilitatem* non transcendent;
 hanc doctrinam nostram propriis Authoris ingenui
 verbis confirmamus, dum pag. 178. ait „ quam pro-
 „ clive est, in negotio libertatis contra legem tuen-
 „ dae, ut quis probabilius credat id, quod libertati
 „ favet? quam difficile, inter gradus probabilitatis,
 „ ut ita dicam, in linea ascendenre ac descendente
 „ verum discriminem invenire? quam primum, spec-
 „ tata ingenii nostri mobilitate, ac persuasionum
 „ tanta, quanta gustuum varietate, ut quod hodie
 „ probabilius, cras minus probabile adpareat? “ ita
 est! quodsi autem iuxta virum ingenuum tanta sit,
 quaenam inter duas opiniones magis ad adsensum mo-
 veat? iudicandi difficultas, eadem utique aut maior
 adhuc erit, spectata ingenii mobilitate, et intellec-
 tus infirmitate, diiudicare, quaenam opinio sit vere,
 quaenam certo, quaenam leviter, aut nullo modo
 probabilis? ut adeo hac in materia tam parum sta-
 tui possit quaedam regula generalis, quam parum
 in materia medica quaedam Medicina universalis;
 nisi haec unica ex ante dictis deducta: *in materia*
morum, et duabus opinionibus occurribus illam te-
nemur amplecti, quae hic et nunc practice iudicatur
esse probabilior.

§. XLV. Ad ea demum, quae Author noster Antagonistae suo §. 3. obponit, cum nihil novi contineant, iamtum in antecedentibus abunde credimus responsum fuisse; interim, et si ex adparitione defugia, functi Cancellarii Parisiensis non multum probetur, neque etiam Probabiliorismus mortuis indigeat testibus; videtur tamen, Authorem nostrum ad eam partitatem ex HENRICI IV. Galliarum Regis iudicio ductam sat solide non respondere; nam falsum est, Probabilistas et Probabilioristas in eo consentire, Tutorismum esse bonum, ac propterea tenendum, non enim ad sequelam obligant, sed hortantur solummodo; econtra vero ad sequelam Probabilismi neutra pars obligat, nec etiam hortatur, imo dehortantur potius Probabilioristae; deinde etiam falsum est, Probabilistas omnes in eo convenire, tantam esse Tutorismi bonitatem, ut eam semper sequi teneamus, sed potius tam Tutoristae, quam Probabilioristae in eo convenient, non licere sequi opinionem probabilem; hinc manet vis argumenti a Praesentato propositi: Henricus IV. prudenter egit eligens Religionem catholicam, illam enim salutiferam esse, tam Catholici, quam Calviniani unanimiter adserebant, non autem prudenter elegisset religionem Calvini, hanc enim salutiferam esse, soli Calviniani adserebant; ergo etiam prudenter agunt Probabilioristae, suam enim doctrinam non ipsi tantum, sed et probabilistae commendant; econtra vero imprudenter agunt Probabilistae, utpote quorum probabilismus tum a Tutoristis, tum a Probabilioristis damnatur; caeteras Authoris responsiones videbis enervatas in antecedentibus, et immediate sequentibus.

CAPUT III.

Fundamenta praecipua Probabilismi.

Praemissa
protestatio-
ne dicimus,

§. XLVI. **A**ntequam ad perpendenda Probabilis-
mi praecipua fundamenta progredia-
mur, denuo publiceque testatum facimus, animum
nobis nullatenus esse, ut ex particulari quodam re-
spectu maiorem his, quam aliis tribuamus authorita-
tem, aut quibusdam parcendo, in alios tantum strin-
gamus calatum, absit; *Probabilismum* quippe a qui-
buscunque demum, et cuiuscunque Ordinis vel Sta-
tus Theologis defensatum, non autem *Probabilistas*
ipsos eiusdem propugnatores impugnare intendimus;
dum enim solius veritatis vel tuendae, vel inquiren-
dae causa mutuis armis collidamur, illud S. HIE-
RONYMI ad S. AUGUSTINUM ep. 14. semper ante
oculos habeamus necesse est: *Non tam hebes sum,*
ut, si diversa senseris, me a te laesum putem. quo
iam subposito ipsa Probabilismi fundamenta confide-
remus.

Probabili-
stis nec au-
thoritatem
S. Scriptu-
rae,

§. XLVII. Primum fundamentum Probabili-
stae ponunt *in authoritate*; sed quali illa? num for-
san *in authoritate primitivae Ecclesiae?* non; hic
enim tales conspicunt Christianos, qui Spiritu S.
pleni de virtute in virtutem ibant, tendebantque con-
tinuo ad maiorem vitae perfectionem; hic nonnisi
arctam viam, et angustam portam deprehendunt, per
quam itur ad astra; hic non vident, nisi *animas ca-*
fificantes in obedientia charitatis, in fraternitatis amo-
re, simplici ex corde se invicem diligentes ADTE-
NIUS; hic maior erat cura charitatis, quae tendit
ad alta, et foras timorem pellit, quam libertatis,
quae

-in epopeo
 missione
 motu 1.22

quae legem nescit; hic *MAGIS* satagebant, ut per bona opera *CERTAM* suam vocationem, et electionem faciant; hic suae credebant esse obligationis primaevi Christiani, ut sint perfecti, sicut et Pater ipsorum perfectus est; hic, si quis etiam omnia fecerit, quae debebat, se se servos inutiles dicebant; hic infimo gradu probabilitatis neutquam contenti, aemulabantur charismata meliora; hic omnes talentum, seu *Mnam* sibi concreditam verebantur *sudario involvere*, et subtus terram abscondere, sed potius ad mensam ponere, ut *FRUCTIFICARET*; timebant illi primogeniti Ecclesiae horrendam illam comminationem: *utinam frigidus essemus aut calidus*, sed quia *TEPIDUS* es, incipiam te evomere ex ore meo; hic optime norant, duas esse vias iporum arbitrio propositas, *unam*, quae *VIDETUR* hominibus *RECTA*, et novissima eius ducunt ad mortem, alteram vero viam excellentiorem a Paulo demonstratam, videlicet charitatis; hic denique probe perspexerant Christiani, etiam eum, qui *iustus est*, *iustificandum ADHUC*, et *sanc- tum ADHUC* magis *sanctificandum esse*. neque dicant Probabilistae, textus istos probare nimium; nam *absolute* non probant nimium, dum a nobis exigunt perfectionem christianam cuilibet statui et vocationi proportionatam; sed solummodo probant nimium *respective* ad Probabilium; si enim, ut ipsemet Probabilista noster admittit, Tutoristae ab hac perfectione *longe*, Probabilioristae *longius*, et Probabilistae *longissime* sunt remoti, quia illi *prudentissime*, isti *prudentius*, hi autem faltem *prudenter* adhucdum agunt, mirum non est, S. Scripturae textus longe duriores probabilistis, quam probabilioristis videri, licet verbum Domini in aeternum maneatur: *iugum meum suave est, et onus meum leve.*

§. XLVIII.

Neque au-
thoritatem
SS. Patrum,

§. XLVIII. Qualis igitur erit authoritas, quam velut Basin suaे doctrinae depraedicant Probabilistae? an forsan SS. PATRUM, aut CONCILIORUM? At vero SS. Patres ad unum omnes Probabilissimum nesciisse, imo nonnisi constanter ad perfectiora hortatos fuisse, unanimis est ipsorummet Probabilistarum adsertio; toties enim, tamque vehementer propterea exagitati, ne unum quidem sibi factum hactenus potuerunt ostendere, plurimos vero, qui obligationis quidem vigilantissimam, exiguum autem habuerunt libertatis humanae curam; antiquissimi, quos citare possunt ac solent, non quidem Ecclesiae, bene tamen probabilis doctrinae Patres, ultra saeculum decimum sextum non ascendunt, quibus proin et competens antiquitas, et vitae sanctitas, et forsan etiam sufficiens doctrinae veritas defuit. Dum econtra Probabilioristae, iuxta notum illud adagium: *purius ex ipso fonte bibuntur aquæ*, suam doctrinam ex illo rerum theologicarum fonte, quem SS. Patrum consensus constituit, derivare solent, cumque illis eos omnes inter imprudentes numerent, *qui vident meliora, probantque, deteriora sequuntur*. Quod autem Probabilioristae, ut alicubi conqueritur Author noster, SS. Patrum verba non citent, non ex verborum penuria, sed copia provenit, qua paginae quidem completerentur, quin tamen id genus hominum converteretur, qui omnem retro doctrinae antiquitatem libertati postponunt, sicque incassum reddunt suis distinctiunculis, et benignis interpretationibus, Probabilistarum laborem omnem. Deinde, eo etiam ex capite viri clarissimi e SS. Patribus integros sermones, homilias, exhortationes, tractatus, epistolas etc. contra Probabilistas citare,

citare, iudicant esse supervacaneum, quod hi, si iam
 aliter amplius excipere nequeant, submisso capite
 venerabundi respondeant, se venerari SS. Patrum
 praeclara morum, vitaeque christiana monita, et
 optare insuper, ut ab omnibus et semper observen-
 tur, sed id solum sese negare, quod, cum commen-
 datur opinio et actio melior, hoc ipso etiam damne-
 tur opinio minus bona, interim tamen adhuc pru-
 dens et bona; dumque hac responsione omnes SS.
 Patrum textus elidunt, omnem sui Probabilismi fir-
 mitatem in eo collocant, quod quidem omnes ad
 Probabiliora sint *excitandi*, non autem sunt *obligan-
 di*, quia virtus, inquiunt, et peccatum non ita ob-
 ponuntur, ut, qui non operatur melius, hoc ipso
 peccet. Ergo subponunt Probabilistae, SS. Patres
 tantum Consiliarios ovium suarum, non autem et
 Praeceptores fuisse? ergo subponunt, opinionis be-
 nignae sequelam iam tunc temporis fuisse licitam?
 cum tamen illud omnibus in lectione SS. Patrum
 versatis falsissimum, istud vero ipsi met Probabilistis
 contrarium sit, qui sui Probabilismi originem, pra-
 xin et usum neutquam SS. Ecclesiae Patribus; sed
 Caramueli, Medinae, Dominico Soto, Diana, Lay-
 manno etc. adscribunt; nunquid hi sunt Patres illi,
 de quibus S. Proverbia est: *ne transgrediaris terminos ANTIQUOS, quos posuerunt PATRES tui?*

§. XLIX. Sed neque authoritate CONCILIO-
 RUM gloriari possunt Probabilistae, utpote quorum
 Canones (quos certe per modum solius consilii reci-
 pere audebit nemo) ubique sapiunt et praescribunt
 Probabiliorum sequelam; hinc nulla in ipsorum lib-
 ris citatio, imo ne cura quidem; satis est iisdem,
 domestica, vel saltem privata venerari et sequi ora-

cula; heic sedent, heic requiescant, heic unice fundantur, imo eousque deveniunt, ut pro suae causae dilatione, et Probabilioristarum fatigatione postulent, sibi, quemadmodum Patres, ita quoque conciliorum textus vel canones citari, quibus Probabilismus tanquam illicitus declaratur; non enim cogitant, Probabiliorismum per quindecim iamiam saecula solum, et in quieta fuisse possessione, Probabilismum autem a duobus ultimis primum saeculis agere in petitorio, adeoque illam Probabilistarum regulam: *meli*
est conditio possidentis, favere magis Probabilioristis, quam Probabilistis, hisque onus probandi incumbere, Probabilismum suum, ut sit genuinus doctrinae Ecclesiasticae partus, et SS. Patribus et Conciliis conformem esse, quod tamen nunquam, ut probabilius opinamur, praestare poterunt, dum econtra si deinceps detur occasio, nos ad utrumque offrimus.

Sed neque
summorum
Pontificum,

§. L. Tandem nec PONTIFICUM authoritas suffragatur Probabilismo; praeterquam enim, quod summi Pontifices ab ALEXANDRO VII. usque ad BENEDICTUM XIV. ingentem propositionum numerum condemnarint, quarum Pater Probabilismus eo minus negari potest, quo evidentius nomen Patris sui scriptum gerunt in frontibus suis, nempe terminos illos: *probabile est*, *probabiliter asseritur*, *fines probabilitatis non excedit etc.* quales sunt propositiones illae olim ut probabiles habitae quadraginta quinque ab ALEXANDRO VII. anno 1665. et 1666. damnatae, item aliae sexaginta quinque anno 1679. ab Innocentio XI. proscriptae; duae quoque huius farinae propositiones ab ALEXANDRO VIII. anno 1690. confixae; insuper etiam testatur Eminentiss.

Car-

Cardinalis de AGUIRRE in Praefat. ad concilia Hispanica num. 24. in sacris Romanis congregationibus quotidie innumerae occurrunt causae, quarum decisiō e sacris Conciliorum canonibus pendet; ubi autem Authorum occurrunt sententiae, illa omnino praesertur, quae omnibus hinc inde consideratis TUTIOR videtur, aut IURI ET AEQUITATI CONFORMATIOR. atque haec quidem in Ecclesia Romana, omnium caeterarum Ecclesiarum Magistra; idipsum de S. Paenitentiaria testatum facit Eminentiss. Cardinallis PETRA cap. 9. num. 6. in opinionum electione S. Paenitentiaria eas sequitur, quae saluti animarum obesse non possunt, et propterea non se credit cuicunque Doctorum iudicio, nisi veritate fulciatur; quodsi inter oppositas sententias versetur, ut vere ambiguum et dubium maneat, tutiorem partem praeeligit, a qua omnino distet ruinae spiritualis quaelibet suspicio; atqui opinio, licet quomodounque vera videatur, hoc ipso tamen, quia est falso similior, saltem potest obesse saluti animarum, multo minus est tutior, adeoque non omnimode distat a spiritualis ruinae suspicione. Amplissimum tandem, omnius exceptione maius contra probabilitatem testimonium suppeditat SS. D. BENEDICTUS XIV. P. M. Tom. 2. notificat 6. num. 27. ibi: *Haec tamen, quae in scholis, et Magistrorum scriptis TAM FIDENTER adseruntur, delata ad Tribunalia, MINUS FELICITER excipiuntur, TUTIORA enim exquirunt Iudices.* enimvero fidenter adseritur illa sententia, quae omni Theologiae Ecclesiasticae fundamento caret, nullamque professe aliam, nisi novam et privatam habet authoritatem; hinc mirum non est, eiusmodi opinionem in SS. Tribunalibus minus feliciter excipi, quia minus

pro-

probabiliter proferuntur; neque favorabilem sibi poterunt promittere sententiam Probabilistae, quando supremi iudices ne dicam probabiliora, sed et omnino tutiora sequuntur. Hoc ulterius patet ex Decretal. GREGORII IX. Tit. 12. de homicidio; ibi CLEMENS III. interrogatus, an Presbyter, qui casu domesticum suum vulneraverat, et dubium erat, an ex illo vulnere, vel alia ex causa mortuus fuerit, ad ministerium Altaris admitti valeat, respondit cap. 12. Quia vero, utrum occasione vulneris decessisset, dubium habetur, tuae discretioni duximus respondendum, quod, cum in dubiis semitam debeamus eligere tutiorem, te convenit, iniungere Presbtero memorato, ut in sacris Ordinibus non ministret. nec dicant Probabilistae, capitulum istud loqui de foro tantum externo, non autem interno, item, loqui de dubio facti, non vero Iuris; nam imprimis maior est cura fori interni, quam externi habenda; si ergo tutior quoad forum externum obligat, multo magis obligabit quoad internum; deinde responsum Pontificis valere quoque de dubio iuris, non factum, confirmatur ex eodem Tit. cap. 18. ubi in casu, quo fur Ecclesiasticus a Sacerdote percussus, dein a Parochianis occisus est, manente dubio an prima iam percussio lethalis fuerit? respondit INNOCENTIUS III. quodsi discerni non possit, ex cuius effectu percussus interiit, in hoc dubio tanquam homicida debet haberri Sacerdos, et si forte homicida non sit, a Sacerdotali officio abstinere debet, cum in hoc casu cessare, sit tutius, quam temere celebrare, pro eo, quod in altero nullum, in reliquo autem magnum periculum timeatur. Hic ipse quoque INNOCENTIUS III. in simili materia probabili circa Episcopum

pum Heripolensem ab Archiepiscopo Magdeburgensi excommunicatum, at nihilominus celebrantem cap. s. de Cler. excommunic. rescriptsit: *licet in hoc non videatur omnino culpabilis extitisse, quia tamen in dubiis via est eligenda tutior, et si de lata in eum sententia dubitaret, debuerat tamen potius se abstinere, quam Sacraenta Ecclesiastica pertractare.* tanta videlicet in Romana curia est praesumptio libertatis probabilisticae.

§. LI. Ad exemplum Romanae Sedis plerorumque Ordinum Regularium decreta, prout fuse enarrat P. Patuzzi P. III. cap. 9. §. 2. p. m. 89. iam dudum statuerunt, ut sui Theologi quoad morum doctrinam S. Scripturae praeprimis, avitae traditio-
nis, Conciliorum et SS. Patrum autoritatem contra quascunque doctrinarum novitates sequantur; quibus novissime accessisse dicitur Seraphicus Ordo S. FRANCISCI, suos Alumnos sub gravi obligatio-
ne, gravisque paenae interminatione adstringens,
ne opiniones minus probabiles sive in schola doceant,
sive in praxi sectentur. quo etiam collimare viden-
tur statuta Bavaricae Congregationis, ubi omnes,
qui morum doctrinam tradent, eam, cum de ipsa Christi lege agitur, ex Scripturis iuxta Patrum sen-
sum expositis; et ex eorundem Patrum traditione hau-
rire iubentur; quod quid aliud est, quam opiniones probabiles procul ablegare, utpote quae nec in Scrip-
turis, nec in Patribus solidantur. quid vero egerit CLERUS GALLICANUS in suis comitiis anno 1700. celebratis, Probabilistas certe non latet, nam Proba-
bilistarum propositionem Imam: *Puto, omnia esse hodie melius examinata;* et hanc ob rem in omni ma-
teria, et praecipue in Morali, libentius iuniores quam anti-

antiquiores lego et sequor; doctrina fidei a veteribus,
 doctrina morum magis a iunioribus petenda. hac cen-
 sura notaverat: Haec propositio temeraria est, scan-
 dalosa, perniciosa, erronea, SS. Patribus et antiquis
 Doctoribus contumeliosa; spreta in moribus Christia-
 norum componendis necessaria Scripturarum ac Tra-
 ditionis autoritate et interpretatione, moralem Theo-
 logiam arbitrariam facit, viamque parat ad huma-
 nas traditiones, et doctrinas, Christo prohibente sta-
 biliendas. deinde vero Probabilistarum propositionem
 4tam et 5tam: si liber sit alicuius iunioris ac moder-
 ni, debet opinio censeri probabilis, cum non constet,
 reiectam esse a Sede Apostolica tanquam improbabilem.
 Non sunt scandalosae, aut erroneae opiniones, quas
 Ecclesia non corrigit. hisce verbis perstrinxit: Hae
 propositiones, quatenus silentium et tolerantiam pro
 Ecclesiae, vel Sedis Apostolicae adprobatione statuunt,
 falsae sunt, scandalosae, saluti animarum noxiae,
 patrocinantur pessimis opinionibus, quae itentidem te-
 mere obtruduntur, atque ad Evangelicam veritatem,
 iniquis praeiudiciis obprimendam, viam parant. Prae-
 terea constat, iam antea Parisienses, aliosque Gal-
 liarum Parochos animarum saluti pro sui munericis
 officio invigilantes libellum supplicem ad Episcopos
 dedisse, in quo contra plurimas Probabilistarum pro-
 positiones eo tempore circumvolitantes, utpote suo
 gregi nocivas, conquerebantur, prout habetur in
 istius libelli supplicis italica editione, Lugano 1759:
 sub titulo: *Raccolta dei Scritti dei Parochi di Par-
 gi, e di altre città della Francia intorno à varie op-
 nioni morali.* quid demum hac in materia praestite-
 rint Hispaniarum, Belgii, aliarumque Regionum
 Episcopi, fuse narrat iam supra laudatus P. Patuzzi
 P. III. cap. 6. et 7. quo Lectoren remittimus.

§. LII.

* * * * *

§. LII. Dum ergo Probabilistarum doctrina nec in verbo divino scripto vel tradito, nec in SS. Patrum aut Conciliorum dogmatibus, nec in Pontificum, aut aliorum Tribunalium constitutionibus inveniat Patrocinium, quo se vertat quasi nescia, ab antiquitate adpellat ad iuniores Probabilistas, ubi facile divinare poterat, eosdem sibi Patrocinaturos esse; qui tamen, quantae sint in Ecclesia authoritatis, si cum Patribus Ecclesiae conferantur, nemo non videt; saltem ne hic quidem quiete, ac diu gaudere potuit civitatis iure, nam e Lusitania, Hispania, Neapolis, et Galliis pulsa, in ipsius quoque Imperii Romano-Germanici Metropoli Viennensi, ut audivimus, exesse nuper iubebatur, dum Amicus, Ardeckin, Azorius, Banoltius, Bardius, Baunius, Benzius, Biesmann, Busenbaum, Caramuel, Cardenas, Castropalaus, Diana, Dicastillo, Escobarius, Esparza, Francolinus, Filliucius, Faber, Gobat, Ghetius, Guimenius, Hurtado, Johnson, Illsfung, Lugo, Laymannus, La Croix, Merolla, Mendo, Moya, Martinonus, Millhard, Pasqualigo, Pelizarius, Pfau, Rhodes, Sayrus, Sanchez, Sporer, Salas, Emanuel Sa, Sandaeus, Tamburinus, Terillus, cum plurimis aliis iubente S. Caesar. Reg. et Apostol. Maiestate in classem librorum per ditiones Austriacas prohibitorum coniiciebantur, si ergo Probabilismus hisce, ac huiusmodi virorum authoritati, velut principali atque unicae suae Basi sit superaedificata, hanc illi firmitatem nullatenus invidemus.

§. LIII. Lepidum autem nobis videtur, quod Probabilistae, ut suo Probabilismo fucum antiquitatis adsingant, pro sua causa duos GUILIELMOS, unum Antisiodorensem, alterumque Parisiensem ci-

tare soleant, quos S. THOMAS opusc. 22. cap. 2. *antiquos et famosos Magistros* adpellat, cum tamen nonnisi triginta et amplius annis ante ipsum floruerint; quasi vero in materia tam gravis momenti, nempe in materia morum, unde Salus hominis aeterna pendet, sermo sit de *antiquitate scholastica*, de qua S. THOMAS hic loquitur, ac non potius de *antiquitate Ecclesiastica*, quae certe saeculum duodecimum longe transcendit; si illa esset vera antiquitas, antiquam etiam deberemus dicere sectam Lutheri, quae probabilismo si non antiquior, saltem coaeva est.

Etsi non existat lex directa et particularis Probabilium prohibens,

§. LIV. Alterum suae doctrinae fundatum Probabilistae querunt in defectu obligationis, qua tenemur id semper eligere, quod est probabilitus; ita quippe ingenuus Probabilista noster cap. 4. §. 2. pag. 195. „frustra obligatio adseritur, ubi nulla lex obligans potest exhiberi; est enim obligatio filia legis, haec si desit, libertas e possessione sua deiici nequit quocunque in foro, seu sacro, seu profano, quinimo ipsa tunc libertas sua sibi lex esse potest, et agendi norma.“ et legem quidem aliquam divinam vel humanam positivam negat proferri posse, legem autem naturalem et negativam quandam existere, qua praecipitur, relictâ opinione minus, vere tamen ac theologice probabili tendam esse probabiliorem, falsissimum esse contendit.

Existunt tamen leges reflexae et generales ex lege naturae,

§. LV. Sed respondemus, quamvis certum non sit, legem aliquam *directam* et *particularem* existere, aut existere debere, uti petunt Probabilistae, quia in huiusmodi materiis, quae praecise a circumstantiarum diversitate sunt iudicandae, nunquam ferri

ferri potest lex aliqua directa et particularis; alias
 quippe pro circumstantiarum et casuum multitudi-
 ne, ipsae quoque leges deberent multiplicari; quan-
 ta vero hinc sequeretur confusio? Igitur sufficiunt,
 et existunt etiam leges reflexae et generales, quibus
 in dubio semper id, quod est melius et verius, te-
 nemur eligere; has enim satis patenter et ipsa ratio
 naturalis, ipsimet Philosophi gentiles, SS. Patres,
 et summi Pontifices promulgarunt, dum praeter ea,
 quae supra §. 42. et 47. e SS. litteris adtulimus, ip-
 sa natura rationalis dictat, *maiorem animae curam,*
quam corporis, habendam esse; ex hoc enim princi-
 pio quilibet homo prudens in concursu duarum via-
 rum illam solet eligere, quae sibi et certior et se-
 curior comprobatur; quivis prudens Paterfamilias ut
 domum suam vel a furibus, vel ab incendio immu-
 nem servet, eas adhibet praecautiones, quae, si non
 optimae, faltem caeteris meliores adparent; quilibet
 prudens conviva quoad esum et potum ab illis ab-
 stinet, de quibus eidem certius constat, suaे sani-
 tati non esse obnoxia; quivis prudens Oeconomus
 ita negotiatur, ut ea semper p̄ae aliis negotia eli-
 git, unde maius lucrum, maiusque sperat emolu-
 mentum; quilibet Rex prudens ita gubernat Rem-
 publicam, ut ea semper acceptet consilia, ea sem-
 per adhibeat media, quae fini suo, nempe saluti pub-
 licae sunt aptiora, magisque consentanea; de Medi-
 co iam supra diximus, quod legem aliquam positi-
 vam, directam et particularem non habeat, securio-
 res applicandi medicinas, et tamen ad istas iure na-
 turae adstringitur; sed nec infirmum ipsum ab im-
 prudentia excusaremus, si caeteris paribus eam ne-
 gligeret Medicinam, unde citius et certius suaे fa-
 nita-

nitatis consequi posset integritatem; sic et prudens Polemarchus civitatem hostilem dictante utique rationis lumine nonnisi ea ex parte, iisque machinis adgreditur, ubi et quibus probabilius iudicat, se illam et minori cum damno, et maiori celeritate intercepturum esse; nauta quoque, si naturae dictamen sequi voluerit, si duo ante se fluminis vada conspiciat, illud procul dubio seliget, ubi maior ipsi monstratur navigandi securitas; et unde haec omnia, nisi ex *lege naturae*, qua et nos ipsos amare, et statum nostrum perficere, maioremque proin animae, quam corporis, curam gerere tenemur, quin tamen exinde turbetur libertatis possessio, quae, etiam stante legis naturalis observantia, sarta tecta manebit.

*ex autho-
ritate gen-
tilium.*

§. LVI. Deinde notum est illud gentilium Philosophorum principium, *hominem debere Diis affilari*, quod fieri non potest, nisi homo relictis imperfectis et falso similiорibus, ad perfectiora semper, et verosimiliora tendat, sicque summae veritati, et bonitati studeat adpropinquare; hinc illud EURIPIDES Helen. v. 1164. *neque compertum habeo, quid certum sit in rebus humanis, Deorum verba vera esse reperi.* nempe non rationem, sed religionem, non hominis libertatem, sed Numinis voluntatem agendorum esse normam et regulam, quae semper dictat perfectiora. hinc illud CICERONIS lib. 1. de Offic. *Bene praecipiunt, qui vetant quidquam agere, quod dubites, aequum sit an iniquum.* atqui in iudicio probabili semper adest prudens dubitatio, an aequum sit, an iniquum, an verum sit, an falsum, hoc ipso, quod opinio probabilis longius a veritate recedat, et proprius accedat ad falsitatem. hinc Epicetus apud DANIEL. HUETIUM de Concord. Rat. et

et Fid. lib. 3. cap. 7. nota profectus est ad virtutem, si quis a se, tanquam ab inimico, caverit; quod ita exponit Simplicius, maiori severitate et acerbitate in nos ipsos esse inquirendum, quam in inimicos, nihil nobis amore nostri concedentes; ergo vel ipsimet gentiles agnoverant, signum profectus ad virtutem, ad quam omnes ex lege naturae obstringimur, esse, si nihil amore proprio, aut propriae libertatis faciamus. huc spectat et illa Publili Syri sententia, malum esse votandum, qui sua causa bonus sit; et illa Senecae Ep. 113. virtutem non solum colendam esse gratis, sed in eam impendendam etiam esse vitam, totamque cogitationem a privatis commodis longissime avertendam. non autem libertatem, suamque commoditatem virtuti posponit, qui hanc negligit, ut in illius maneat possessione, et sua causa sit bonus.

§. LVII. Praeter ea, quae supra §. 48. et iam antea e S. CHRYSOSTOMO, et BERNARDO re-tulimus, alii quoque SS. Patres et Ecclesiae Doc-tores agnoscent, sequi sententiam aut probabiliorem, aut interdum etiam tutiorem, non esse meri consilii, sed praecepti; sic imprimis S. AUGUSTINUS lib. I. contra Donatistas cap. 3. quaerit, an peccaret, qui Baptisnum a Donatistis reciperet in dubio, an ipsi licite baptizent, nec ne? cum tamen ex altera parte certus sit, in Ecclesia catholica Baptisnum sicut valide, ita et licite administrari? iuxta Probabilistarum principia debuisse utique respondere pro Baptismo Donatistarum, et in favorem libertatis, praesertim in casu, quo ipsi prohibitio Baptisi Donatistici non satis est nota, vel quando mole-stum foret adire catholicam quandam Ecclesiam; at longe aliter vir sanctus, ait enim: *etiam si dubium ha-*

ex doctrina SS. Patrum, et Ecclesiae Doctorum.

haberet, non illic recte accipi, quod in catholica recte
 accipi, certum haberet, GRAVITER peccaret in re-
 bus ad salutem animae pertinentibus, vel eo solo,
 quod CERTIS INCERTA praeserret. neque dicant
 Probabilistae, S. Patrem hic loqui de conscientia
 practice dubia, et quidem in materia Sacramen-
 tum, ubi aliunde amplectendam esse tutiorem, pro-
 babiliorumque, concedunt omnes; nam S. Pater non
 docet, dubium istud ex principiis reflexis esse de-
 ponendum, prout opinantur in simili casu Probabili-
 stae, sed praecise iubet, ut certa incertis preeferan-
 tur; deinde quaestio ibi non fuit de Baptismi *valore*,
 ubi apud omnes certum est, eligendam esse opinio-
 nem tutiorem, sed solummodo de *honestate*, an vi-
 delicet suscepitio Baptismatis Donatistici licita sit vel
 illicita? ut adeo nullum hic Probabilistis effugium
 pateat. DOCTOREM vero ANGELICUM quod
 spectat, fatentur ipsimet sinceriores Probabilistae,
 nempe Vasquesius in I. 2. disp. 62. c. 1. et Azorius
 Tom. I. lib. 2. c. 16. S. Doctorem adversari Proba-
 bilistis; hic ergo in Quodlib. 9. art. 15. ait: *omnis*
quaestio, in qua de peccato mortali quaeritur, nisi
expresse veritas habeatur, periculose determinatur;
quia error, quo non creditur peccatum esse mortale,
quod est peccatum mortale, conscientiam non excusat
a toto, licet forsan a tanto. nec satis, pergit enim
ulterius directe contra systema probabilisticum: pree-
cipue autem periculosum est, ubi veritas ambigua est,
quod in hac quaestione accidit; cum enim ad Theolo-
gos pertineat, in quantum dependet ex iure divino,
vel ex iure naturali, et ad Iuristas, in quantum de-
pendet ex iure positivo, inveniuntur in ea Theologi
Theologis, et Iuristae Iuristis contraria sentire. adeo
que

que iuxta S. Doctorem in tali quaestione, ubi Autores Authoribus contraria sentiunt, non ait more Probabilistarum, nos utramlibet partem sequi posse, sed potius, periculose esse, partem tenuiorem eligere; hinc Quodlibeto 3. art. 10. expressam facit exceptionem inquiens: *in iis, quae non pertinent ad fidem, vel AD BONOS MORES, absque periculo auditores utramque opinionem sequi posse.* ergo in iis, quae ad fidem vel mores pertinent, absque periculo sequi non possumus utramlibet partem, quia exceptio firmat regulam in contrarium.

§. LVIII. Sed quid iuvaret, integros SS. Patrum v. g. S. GREGORII Nazianz. et Nysseni, CYPRIANI, aut AMBROSII textus contra illos proferre in medium, qui suos Suaresios, Vasquesios, Medinas, Caramueles, etc. pluris, quam antiquos Ecclesiae Patres aestimare videntur, maioremque suis a se occupatis Academiis, quam omnibus aliis Doctorum veterum caetibus attribuunt authoritatem, quique cum Caramuele sarcastice respondent: *Quaerunt casus temporum Doctores temporum; bellus erit ille Criticus, si ex Augustini doctrina dissolvere possit emergentes nodos circa Simoniam, irregularitatem etc. omnesque contractus ex Gregorii Nysseni et Nazianzeni placitis componere, miramur plane, una cum nova morum doctrina novis temporibus adcommodata, non etiam requiri novam fidei doctrinam novis nostris temporibus melius proportionatam;* quodsi autem verbum Domini quoad credenda manet *in aeternum*, manebit procul dubio etiam quoad agenda, prout optime observavit Clerus Gallicanus, in generalibus illis comitiis anno 1700. celebratis veluti scandalosam, perniciosa, erroneam, SS. Patribus

Quorum
tamen au-
thoritate
non mo-
ventur Pro-
babilistae,
quia illam
sibi faten-
tur contra-
riam.

et antiquis Doctoribus contumeliosam etc. damnans illam P. Moyae propositionem §. 51. allegatam; de caetero, si Probabilistae praeter ea, quae hactenus ex iure naturali, divino atque humano pro stabilienda Probabiliorismi obligatione per decursum adduximus, plura requirant, adeant Natalem Alexandrum in sua Theologia dogmatica morali, Ioan. Pontas, Gonetum, Concinam, Billuartum et alios; nos omnia unico isthoc ratiocinio complectimur: Non illi, qui est in possessorio, sed illi potius, qui agit in petitorio, incumbit onus probandi, licitum esse Probabilismi sequelam, iuxta fundamentale Probabilistarum principium: in dubio melior est conditio possidentis; atqui, probabiliorismus ipsis metu Probabilistis patentibus fuit in quieta suae doctrinae professione iam a quindecim Ecclesiae saeculis, semperque tenuit, sententiam probabilem non esse licitam; ergo non Probabilioristis, qui sunt in possessorio, sed Probabilistis noviter emergentibus incumbit onus probandi, suum probabilismum divinis litteris, traditioni, aliisque locis theologicis conformem, sive que licitum atque honestum esse, quam probationem avidissime expectamus.

ex infinita
Dei sapientia et bonitate, quae
non tam
Probabilis-
mo,

§. LIX. Iam ad ipsam Dei sapientiam et beatitudinem adpellat ingenuus Author, eamque vocat in adiutorium, inquiens, alienum esse ab infinita sapientia et bonitate Dei, humanae conditionis fragilitatem optime perspicientis, quod obligare nos velit ad eligendas sententias severiores, seu tutiores, seu probabiliores, ac prohibere, ne mitiores et vere probabiles in actionibus quotidianis sequamur; quod praecepto tam difficiili nos voluerit adstringere, ut singulis quasi momentis licitationem quandam inter duas

duas sententias occurrentes instituamus, quod onus utique humanis humeris non ferendum, Carnificina conscientiae, multorumque peccatorum *formalium* causa foret, quae in doctrina Probabilismi ad summum essent peccata *materialia*.

§. LX. Sed respondemus, hanc ipsam infinitam Dei sapientiam et bonitatem esse normam et regulam Probabilismi; nam ipsum lumen rationis naturale dictat, hominem teneri ad asequendam sapientiam, statusque sui perfectionem, in quantum perfectissimum tanquam finem suum ultimum tendere; hinc divinus Plato in Phaedone apud Clarke T. 2. de la Relig. naturelle Chap. 11. Si haberi non possit in his rebus certitudo, illud oportet sequi, quod omnibus perpensis probabilius videtur, et secundum hoc vitae nostrae cursum dirigere, ita homo sapiens facere debet. vide quoque dicta §. 56. iam vero, quomodo prudentem, ne dicam sapientem dicimus illum, qui scit suam in Deum semper tendendi obligationem, quam ipsi non iam sola ratio, sed et religio promulgavit, et nihilominus id non agit, quod aut sapientius aut perfectius iudicat? qui Deum sapientiae ut Authorem, ita et Praeceptorem propriae suae libertati postponit? qui eligit eam sententiam, ubi respective maius; prae illa, ubi respective minus est errandi periculum? S. Chrysostomi, aliorumque SS. Patrum doctrina est, quam certe non negabunt probabilismi fautores, nos omnes, cuiuscunque status aut conditionis simus, quamprimum in statu naturae elevatae constituti suimus, villicos esse caelestis Patrisfamilias non ad abscondendum talentum nobis concreditum, sed ad negotian-

dum, non ad proprium tantummodo *usumfructum*,
 sed ad *usuram* et *lucrum* deputatos, qui Domino
 revertente rationem debebimus reddere villicationis;
 hinc illud: *negotiamini dum venio*; hinc severum il-
 lud, de ore tuo te iudico serue nequam! stiebas, quod
 ego homo austerus sim, tollens, quod non posui, et
 metens, quod non seminavi, quare ergo non dedisti
 peccuniam meam ad mensam, et ego veniens cum usu-
 ris utique exegissim illam? hinc econtra laetum il-
 lud: euge serue bone et fidelis etc. iam quaerimus, an
 ille, qui scit se ad negotiandum obstrictum esse, sa-
 pienter agat, si prater alia talenta tam naturalia,
 quam supernaturalia etiam libertatem ita impendat,
 ut eam quidem male agendo non dissipet, sed con-
 servet, interim tamen ad lucrificiendum non adhi-
 beat, nec illa utatur ad id faciendum, quod melius,
 quod tutius, quod probabilius est? servus ille, qui
 talentum sibi concreditum servavit in sudario, non
 fuit obiurgatus, quasi dissipasset bona Domini sui,
 aut libertatem faciendo mala dilapidasset, sed quod
 eam non dederit ad usuram, quod plus exinde non
 sit lucratus, verbo, quod id non fecerit, quod in
 concursu, dataque occasione agnovit melius et uti-
 lius esse; sapiens est ille Paterfamilias, qui vult ha-
 bere servos non tantum non noxios, sed utiles, non
 tantum tales, qui non delinquunt, sed, qui suo
 Domino fructificant; ergo et solus ille servus est
 fidelis et prudens, qui fidem datam, ad quam ex
 iustitia obligatur, observat, qui prudenter, id est,
 conformiter sui Domini voluntati operatur, qua
 praecipitur: *negotiamini*; si bona, quae habemus,
 ex nobismet ipsis forent, libertas propria foret in
 possessione, sicutque vestimentum vilius, ut Chryso-

stomus

stomus loquitur; cariori etiam pretio possemus emere; quoniam vero nihil habemus, quod non acceperimus, quodque non accepimus ad negotiandum, prorsus *insipiente* agimus, imo sapientissimae voluntati resistimus, si data occasione, nempe in concurso duarum opinionum, de lucro faciendo, de remeliori nihil solliciti, simus contenti, si positivum quoddam damnum non patiamur.

§. LXI. Bonus est Deus, id quotidie experi- nec non
mur, at simul etiam est austerus, id enim Christus ^{conceptus}
ipse non negat; unde non minus *bonitas infinita* ^{bonitatis}
præsumptionem, quam infinita *iustitia* excludere *de-*
sperationem debet; si solam Deus voluit erga homi-
nes ostendere bonitatem, si clementiam solam? ad
quid ergo *rigorosam* a proprio filio satisfactionem
exegit? an tantus rigor clementiae divinae congruit?
si solam bonitatem voluit hominibus manifestare, cur
ergo non latam, non commodam, non molibus stra-
tam pulvillis, sed *arctam* nobis ostendit viam?
PAULUS, qui toties infinitam erga nos homines bo-
nitatem, et aeternam, qua nos dilexit, charitatem
depraedicat, nullibi tamen *gloriosum* solummodo,
sed potius *crucifixum* praedicavit Christum; nuspia-
ad bona tantum, sed ad *meliorem* suos fideles exhor-
tabatur *charismata*; divina *bonitas* in eo maxime re-
splenduit, quod hominem lapsum denuo vocaverit
in admirabile lumen suum, cur non autem in *Pa-*
radisum denuo, unde exciderat, sed ad *spinis et tri-*
bulos vocavit? nunquid melius nobis ibidem, quam
hic fuisset? Cain et Abel obtulerunt Omnipotenti
munera, ille *bona*, sed iste *meliora*, cur ergo Deus
non ad bona, sed ad meliora respexit, imo illa re-
iecit, suscepit ista? nunquid et Saul probabilibus,

imo piis et sanctis ducebatur motivis, ut optima quaeque Amalecitarum spolia Deo in hostiam Eucharisticam immolaret, adeo strictum Dei praecipitum non esse putans? et tamen propter inobedientiam (non ob minorem perfectionem) est reprobatus? nunquid prudens videbatur dives ille Luc. 12.
 qui cogitabat intra se dicens: *quid faciam, quia non habeo, quo congregem fructus meos?* et dixit, *hoc faciam, destruam horrea mea, et maiora faciam, et illuc congregabo omnia, quae nata sunt mihi, et bona mea,* et dicam animae meae: *anima, habes multa bona posita in annos plurimos, requiesce, comedere, bibe, epulare.* quid ergo mali fecit, dum non nisi prudentem et providum egit oeconomum, dum nullus lex prohibens aderat, dum sua, qua praeditus erat, usus est libertate? et tamen a Christo vocatur *stultus*, quia non fuit in Deum dives. ergo tantum abest, Christum docuisse Probabilismum (prout quidam exorbitantes Probabilistae sub Regimine s. m. Clementis XIII. docere sunt ausi, qui tamen hac in re nullatenus Clementem sensire lovet) ut potius stultos dixerit, qui non sunt divites erga Deum, qui potiora suae libertati, minora Deo adtribuunt; ac tandem summa Dei bonitas in dilectione confisit, qua nos ab aeterno dilexit, quamque vicissim a nobis non tam expectat, quam exigit, et iure petit; qualis autem illa? *diliges*, inquit Math. 22. *Dominum Deum tuum ex toto corde tuo, et in tota anima tua, et in tota mente tua!* quis autem ex ambobus legem istam observat? an, qui magis erga suae mentis, voluntatis et libertatis possessionem affectus est, quam erga Deum praecipienti? an vero, qui Deum diligit,

dilig
in co
dilat
abste
super
lia v
uno IAS
et m
TE ET
Si P
mend
salut
cord
sed i
const
demo
cut
filii
more
bonu
to no
minu
minu
nus
lever
dat
liberi

diligit, non solummodo quantum vult, sed quantum
in concursu legis et libertatis potest ac debet?

§. LXII. Magnam potius iniuriam divinae nam iu-
bonitati faciunt Probabilistae, dum iugum eius gum Christi
juave, et onus leve, tam horribilibus depingere solent suave est,
coloribus, ut viri etiam cordati, nisi de rei verita-ve,
te convicti essent, a via mandatorum Dei, quam
dilatato tamen corde se cucurrisse testatur David,
absterreri possent; Leo, inquiunt, est in via, et in-
superabiles difficultates; Probabilioristae im- ortabi-
lia vobis imponunt onera, quae fors nec ipsi vel
uno digito volunt tangere. Sed quid ad haec ISA-
IAS cap. 3. populum meum exactores sui spoliaverunt,
et mulieres dominatae sunt eis; Popule meus! QUI
TE BEATUM DICUNT, IPSI TE DECIPIUNT,
ET VIAM GRESSUUM TUORUM DISSIPANT.
Si Probabilistae bonitatem divinam hominibus com-
mendare velint, eam commendent, quae datur ad
salutem, non terribilem illam, qua homo desideriis
cordis et libertatis suae relinquitur; bonus est Deus,
sed ita bonus, sicut bonus dicitur amicus ille, qui
constitutis in bivio non amaeniorem, sed securiorem
demonstrat viam; bonus est Deus, sed ita bonus, si-
cuit bonus dicitur Pater ille, qui solos eos pro suis
filii agnoscit, quos filiali magis amore, quam ti-
more servili animatos novit; bonus est Deus, sed ita
bonus, sicut bonus dicitur ille Medicus, qui aegro-
to non adhibet medicinam, quae magis arridet, et
minus displicet, sed, quae magis prodest, etsi fors
minus placeat; bonus inquam est Deus, sed ita bo-
onus, ut iugum nobis impositum suis humeris sub-
levet, et viam arctam suis vestigiis suaviorem red-
dat, sicque a nobis exigat pensum charitatis, non
libertatis.

§. LXIII.

Argumen-
tum quar-
tum ab ig-
norantia le-
gis ductum.

§. LXIII. Quartum Probabilistarum argumen-
tum ex iure tum sacro, tum profano deducunt;
nempe „ legem non satis notam ac promulgatam,
„ maxime si accedat ignorantia vinci nescia, obligan-
„ di vim non habere, qualiscunque demum illa lex
„ sit, seu positiva, seu naturalis; est enim lex sine
„ promulgatione debita, fulgur sine fulmine, apis
„ sine aculeo, vagina sine gladio; hinc Iurisperiti
„ omnes promulgationem legis vel tanquam partem,
„ vel certe ut conditionem necessariam requirunt,
„ ut lex ipsa quemquam possit proxime obligare;
„ notitia vero legis ex eius promulgatione pendet,
„ et velut partus ventrem sequitur; si ista desit,
„ oritur ignorantia legis, quae, si post factam debi-
„ to modo indagationem non tollatur, dicitur, et
„ est invincibilis; quae, quod a peccato excusat,
„ denuo certum est ex propositione ab Alexandro
„ VIII. damnata num. 2da: *tametsi detur ignorantia*
„ *invincibilis iuris naturalis, haec in statu naturae*
„ *lapsae operantem ex ipsa non excusat a peccato for-*
„ *mali.*“ haec Author ingenuus pag. 203. et seqq.
qui, postquam Probabilistarum responsum retulit-
set, nempe, in dubio praesumptionem stare pro
lege potius, quam pro libertate, subiungit „ mag-
„ na ad speciem difficultas, sed, si cortex frangatur,
„ parum inest nuclei.“

Refellitur
ex rationi-
bus theolo-
gicis.

§. LXIV. Sed videamus, an in mox dato Pro-
babiliistarum responso parum intersit nuclei! nos
ignorantiam legis non sumimus pro mera legis
nescientia, imo facile damus, in conflictu duarum
opinionum semper intercedere aliquam cuiusdam le-
gis notitiam; at vero eo ipso ex capite impugna-
mus, et impugnavimus hactenus Probabilissimum,
quod

quod nempe stante cuiusdam legis ad obpositum ob-
 ligantis dubio, *praesumptio semper pro lege*, quae
 nec falli nec fallere potest, et quam sequens nun-
 quam non prudenter, atque moraliter certe, secure-
 que agit, non autem *pro libertate fallaci*, quae to-
 ties iam decepta fuit, quae tot iam homines irrepa-
 rabiliter decepit, quaeque proin exiguum, ac fere
 nullam spondet securitatem, *flare debeat*. neque etiam
 requiritur, ut lex obposita certo mihi nota, et suf-
 ficienter sit promulgata; fatis est, me probabiliter
 iudicare, aut rationabiliter suspicari, aliquam legem
 cum libertate concurrere; nam in tali casu semper
 sum certus, me contra legem non agere, hoc ipso,
 quia operor iuxta illam, utut mihi sufficienter non
 promulgatam; dum econtra in hoc rerum discriminine
 agens iuxta libertatem, semper in me fundata formi-
 do maneat, ne me ipsum *periculo exponam*, con-
 tra legem agendi, quod periculum utique Probabili-
 liorista non subit, dum iuxta legem operatur.
 Quod argumentum etiam procedit in eo casu, ubi
 rationes ex utraque parte sunt aequae probabiles, ita,
 ut prudenter quidem iudicare possim: *haec lex est*
lata, ita tamen, ut perpensis etiam obpositae partis
 motivis prudenter iudicare videar: *haec lex non est*
lata; nam et in hoc casu dubium istud in favorem
 legis, non libertatis deponendum esse, quivis iudi-
 cabit, qui non *parcus*, sed *dives in Deum* est, ne a
 Christo dicatur *stultus*, dum se putat prudenter age-
 re; supremo quippe illo dilectionis mandato non ad
 servilem, sed ad filialem Dei amorem obstricti fu-
 mus, a qua lege sese certe non eximent libertatis
 Patroni; iam vero, qui dubitans de voluntate Do-
 mini, suae potius voluntati conformiter agit, eam-

que praeferit sui Domini voluntati, non utique filius, sed servus est, et servus quidem inutilis et nequam, quia, ut supra diximus, suae potius commoditatis, quam obligationis fuit studiosus; verbo: ad eum amorem erga Deum obstricti sumus, qui *foras mitit timorem*, id, quod in Probabilismo nunquam continget.

Hinc et
exemplum
de circum-
stantiis ad-
gravantibus
in S. Tribu-
nali expo-
nendis

§. LXV. Nihil tamen viro timorato et veritatis potius, quam, de tot lapsibus suspectae, libertatis amanti maiorem potest movere nauseam, quam toties a Probabilistis recocata, et ab Authore etiam nostro pag. 208. proleta crambes de circumstantiis intra eandem peccati speciem notabiliter adgravantibus, an ex pracepto in confessione sint exponnendae? in qua quidem quæstione lubentissime admittunt, sententiam affirmativam si non probabiliorum, saltem longe securiorem, tutioremque esse; contendunt nihilominus, ex defectu legis ad affirmativam nos obligantis, etiam negativam vere ac theologicice probabilem esse, quia S. THOMAE, S. BONAVENTURÆ, S. ANTONINI, et plus quam QUINQUAGINTA QUATUOR aliorum probatissimorum Authorum, quos vel unicus DIANA citat, nititur autoritate; ut nil dicamus de novioribus Probabilistarum cohortibus, quos magno numero citat la Croix, Busenbaum etc.

Probabilis-
mo non pa-
trocinatur.

§. LXVI. Sed respondemus *imo* falsissime subponunt Probabilistæ, non existere legem aliquam sat clare promulgatam, ubi praecipitur, huiusmodi circumstantias in S. Tribunali exponendas esse; nam imprimis levissimam ostendunt se habere conscientiam, et in continuo peccandi periculo versantem, qui

qui in re tam gravi, unde pendet animae salus, et
 valor Sacramenti non tam agunt ex rationabili vo-
 luntate, quam aguntur potius, et compelluntur ne,
 cessitate; deinde vero *lex naturalis* iubet, ut in re-
 bus animae nostrae salutem spectantibus eligamus tu-
 tiora, et pericula fugiamus, id, quod in homine
 corporaliter aegroto vel ipsimet admittunt, et pree-
 cipiunt Probabilistae; nunquid autem aegroto lex
 alia, quam *naturalis* est posita, nunquid haec suffi-
 cienter omnibus est promulgata, et sola sufficeret,
 ut vitemus periculosa? si autem ratio, si lex natu-
 ralis tantam *corporis*, minorem certe non aget *ani-
 mæ* curam. Sed nec deest *lex positiva divina*; Chri-
 stus enim instituens Paenitentiae Sacramentum, il-
 lud per modum *iudicij*, et quidem talis instituere
 voluit, ubi non iam de corporis, vel bonorum tem-
 poralium, sed de perpetua animarum salute, aut in-
 felicitate tractandum est; concedunt autem Probabi-
 listae, ubi ex una parte adeat *ius interrogandi*, ex
 altera parte *obligationem respondendi* esse; concedunt
 ulterius, iudicem forensem habere *ius inquirendi*,
 etiam in circumstantias, delictum notabiliter adgra-
 vantes, ergo a fortiori *ius* istud competit Iudici Sa-
 cramental, quem aliunde duplii lege adstrictum
 esse ad sequenda probabiliora, omnes fatentur, tum
 ob *materiam iustitiae*, tum ob *valorem Sacramenti*;
 si ergo paenitens habet gravem obligationem re-
 spondendi Iudici interroganti, habebit etiam ex vi
 et natura ipsiusmet institutionis gravem obligatio-
 nem semetipsum adcusandi, etiam si non sit interro-
 gatus; dum enim homo seipsum iudicare debet, ne
 iudicetur a Domino, dum actorem simul et reum in
 S. Tribunal tenetur agere, Leguleiorum subtilitates

nullum habebunt locum. tandem et lex Ecclesiastica ignorari non potest; licet enim Concil. Trid. circumstantias intra eandem peccati speciem notabiliter adgravantes non expresserit (sicut quam plurima alia non expressit, quae aliunde, et aliis iamiam legibus decisa esse subposuit) satis tamen est, Cathechismum Romanum ius iuſu Concilii Tridentini editum, et a PIO V. S. P. Christianis omnibus ad observandum severissime praescriptum expresse determinasse P. 2. cap. 5. num. 48. Neque vero solum peccata gravia narrando explicare oportet, verum etiam illa, quae unumquodque peccatum circumstant, et pravitatem valde augent, vel minuunt; quaedam enim circumstantiae adeo graves sunt, ut peccati mortiferi ratio ex illis tantum constet; quare haec omnia confiteri semper oportet. Cum igitur existant, et ignorari non valent praedictae leges, respondemus 2do, Doctorum authoritatem, utpote ante legis naturalis atque divinae interpretationem in Concilio Trid. factam scribentium, adeoque pure externam, internis argumentis ex lege petitis merito postponendam esse; praesertim, quod S. THOMAS hac de materia ut pote morte praeventus, mentem suam in summa explicare non potuerit, in libros autem sententiarum nonnisi commentatorem egerit; quod autem iuniores adtinet, magnam nobis authoritatem non faciunt.

Propria
Probabili-
starum con-
fessio opti-
ma contra
iposmet
probatio,

§. LXVII. Non diffitetur Author noster ingenuus S. ORDINEM PRAEDICATORUM in capitulo generali anno 1655. celebrato admonit 14. singularis Theologiae Professoribus iniunxisse, ut nimis animosa extrinsecarum probabilitatum suffragia devinent, et sane ANGELICI Praeceptoris doctrinae in Moralibus, ubi pressius de salute, et indemnitate animalium

marum agitur, adhaerere satagant; hoc enim sum-
 mopere consonare expressae voluntati SSmi D. N.
 ALEXANDRI VII. qui istud universo Ordini prä-
 scribi curavit. quod exemplum novissime secutus Se-
 raphicus ORDO S. FRANCISCI, pariter suis Theo-
 logis sub gravi obligatione et paenis in contrave-
 nientes strictis präcepit, ut non audeant opiniones
 probabiles relictis probabilioribus aut in schola do-
 cere, aut alicubi defendere, aut in praxi usurpare.
 Neque etiam dissitetur, A. R. P. MUTIUM VI-
 TELLESCUM Societatis suae Praepositum genera-
 lem anno 1617. litteras dedisse ad universos inclytæ
 Societatis Superiores, ubi: Nonnullorum, inquit, e
 Societate sententiae, in rebus präsertim ad mores
 spectantibus, plus nimio liberae, non modo periculum
 est, ne ipsam evertant, sed ne etiam Ecclesiae Dei uni-
 versæ insignia adferant detimenta; omni itaque stu-
 dio perficiant, ut, qui docent, scribuntve, minime hac
 regula et norma in delectu sententiarum utantur: tue-
 ri quis potest; probabilis est; Authore non caret; ve-
 rum ad eas sententias accedant, quae tutiores, quae
 graviorum, maiorisque uominis Doctorum suffragiis
 sunt frequentatae, quae bonis moribus conducunt ma-
 gis, quae denique pietatem alere, et prodeesse queant,
 non vastare, non perdere; quoniam vero constitutio-
 nes, decreta, regulas probe callent de S. Thoma se-
 quendo etc. Tandem nec dissitetur, TAMBURI-
 NUM in Decalog. lib. I. c. 3. §. 3. n. 5. docuisse:
 tunc solum puto, sufficere unum Authorem, tametsi
 contra inumeros Authores is doceat, quando idem
 est doctus, rem ex professo tractat, firmamque ratio-
 nem pro se habet, nec adparet contra ipsum aliquid
 convincens; ita Azor. P. I. c. 17. q. 6. Vasquez P.

2. T. I. D. 62. c. 4. item, ESCOBARIUM autem in Theol. Moral. Princip. Exam- 3. cap. 3. scripsisse: aliquando unus tantum Doctor gravis admodum opinionem probabilem potest efficere, quia vir doctrinae specialiter addictus haud adhaerebit sententiae cibet, nisi praestantis seu sufficientis rationis vi allектus. denique et hoc, quod varias propositiones damnatas, v. g. de procuratione abortus, de retentione concubinae, de occisione iudicis, de Iudice peccunii corrupto, de teste falsi, de filio mortem Patris desiderante, de criminis falso sibi meti ipsi imposito, de causae iniustae Advocato, de Clerico inter horas canonicas aut voluntarie distracto, aut solum officium Pascale recitante, aut biduale officium unica recitatione persolvente, de Monachis item a ieunio exemptis, etc. docuerint, si non Tamburinus, et Escobarius, saltem Probabilistae docuerint, non negat ingenuus Author noster; imo iam in antecedentibus frequenter fassus est (*en moralem, vere theologicam, ab omni formidine obpositi, et errandi periculo remotam Probabilismi certitudinem*) propositionem aliquam vere ac theologice probabilem per sententiam summae Sedis omnino in falsam transfire posse; Qualis est egregius ille, si Superis placet, *Probabilismi* partus, in Thesibus *Avisiensibus* a quodam Can. Reg. in lucem natus num. 10. *Probabilismus non tantum benignissimus, legitimus et pius est, verum etiam Christianus, quia Christo summe familiaris.* a CLEMENTE XIII, die 26. Febr. 1761. condemnatus; vide §. 61.

Sed elum-
bis respon-
so.


§. LXVIII. Ad haec autem omnia sibi obiecta ita respondet Author noster ingenuus, ut nihil prorsus dixisse, aut obiciendi saltem satisfecisse, nullatenus videatur; vigilantiam quippe superiorum Religio-

ligiosorum quoad sanam doctrinam in suis familiis conservandam ipsusmet, et merito laudat, quin potius huiusmodi statuta saluberrima, quibus Probabilium suum tangi, nequaquam sentit, in PP. DOMINICANOS retorquet; A. R. P. VITELLESCI constitutiones tot subtilibus responsionum ambagibus, tot exquisitis verborum interpretationibus, tot contortis legum explicationibus, tot ingeniosis exceptionum effugiis enervare connitur, ut merito videatur ambiguum, an voluntatem suam Superiorum praecepto, an vero potius claram et manifestam suorum Superiorum voluntatem, Probabilistarum libertati mactare velit; TAMBURINO tandem et ESCOBARIO quasdam quidem, sed non omnes a Praefentato iisdem obiectas propositiones contendit esse adscribendas; Sed quid haec ad nos? satis est, easdem non ex alio, quam ex putido libertatis fonte promanantes aut merito damnatas, aut ab ipsismet etiam Probabilistis, tanquam damnabiles declarari; nam et hic eam regulam observamus: *non QVIS dicat, sed QUID dicatur, adtende.*

A P P E N D I X.

§. LXIX. Plurima quidem contra Probabilif-
mum periculose hominis libertati plus, quam legi-
bus, et antiquitati catholicae faventem, ab Autho-
re tamen nostro ad Sociorum suorum exemplum tam
acriter defensum argumenta potuissemus congerere,
nisi amplissima virorum ipsis etiam Probabilistis ve-
nerandorum in hanc materiam scripta volumina praesi-
criptas pagellarum nostrarum angustias ab hoc one-
re liberarent; unum tamen est, quod silentio praesi-
terire nefas duximus, nempe ab Autore nostro in-
genuo

P. Conci-
nae solem-
nis retrac-
tatio, quam
Probabili-
stae pro se
citant,



genuo sententiam quandam defendi, quae, ne dicam
 tenuiter probabilis, sed manifestissime falsa est, et
 infelix invidiae soboles, dum P. H. c. i. §. de Ori-
 gine Controvers. pag. 129. postquam P. DANIE-
 LEM CONCINAM contra Probabilistas agentem
 amarissime fugillasset, inter alia scribit: *Ne dubitare
 possimus, in quorum gratiam haec scribat (P. Con-
 cina) ipse digito monstrat passim in suis libris prae-
 ter Caramuelem, quem Antesignanum ponit, et pau-
 cissimos alios non adeo magni nominis, fere solos Je-
 suitas, certe ultra triginta, quorum doctrinam Mo-
 ralem cynice traducit, neque ipsi Suario, Thomae
 Sanchezio, Lessio, Azorio, Lugoni, Vasquezio, Va-
 lentinae, doctrinae ac virtutis spectatae viris, atque
 Theologis parcit, quorum, uti et aliorum Authorum
 (QUEMADMODUM IPSE FATETUR, VEL PO-
 TIUS FATERI COACTUS EST IN DECLARA-
 TIONE, ET SINCERA PROTESTATIONE) sen-
 tentias, falsas, scandali plenas, erronea commenta,
 paradoxa, immania, anti-Evangelica passim adpellat.
 fateor me ipsum olim ex fama, nescio undenam ve-
 niente, persuasum fuisse, P. CONCINAM, acerri-
 mum illum Probabilismi hostem vel sponte permo-
 tum, vel altiori potestate compulsum, omnia illa-
 cum solemni, typisque data protestatione revocasse,
 quaecunque scripserat contra Probabilistas; at nunc
 gravissime me deceptum sentio, et exhorresco; ne
 igitur et aliis, praesertim Theologiae moralis tyro-
 nibus idem contingat, dum in Authore nostro in-
 genuo, vel forsan in aliis aliorum scriptis citatam
 P. Concinae declarationem et sinceram Protestationem
 legunt, sequentia ex viro clarissimo Dyonisio San-
 dellio Patavino, de vita et scriptis P. Concinae vo-
 luimus adnotare.*

§. LXX. Quod olim S. HIERONYMO, post ipsum vero Cardinali NORISIO, egregio illi doctri-
 nae Augustinianae vindici contigit, quos, cum Ad-
 versarii rationibus vincere non possent, calumniis
 onerarunt; hoc etiam P. DANIELI CONCINAE
 invicto illi Probabilismi malleo anno 1744. accidit;
 quidam enim Probabilistae (Sandellii verba referimus)
 "post imploratam Deorum hominumque fidem, post
 "fatigata tribunalia, post denique omnem fere Eu-
 "ropam adversus Concinam excitatam atque incen-
 "sam, quo aliqua, et quidem non levis dedecoris
 "nota pio homini inureretur, novo, et non audi-
 "to calumniae genere ipsum deiicere pertentarunt,
 "quem innumeris iam antea technis, atque cunicu-
 "lis prosternere frustra cogitarunt; nam teterrimam
 "Palinodiam sub nomine Danielis Concinae edide-
 "runt cum diabolica et mendacissima hac inscrip-
 "tione: *Rittratazione solenne di tutte le ingiurie,*
 "bugie, falsificazioni, calunnie, contumelie, imposture,
 "ribalderie, stampate in vari libri da Fra Daniello
 "Concina Domenicano, Gavotto contro la Venerabi-
 "le Compagnia etc. in Venezia 1744. appresso Simo-
 "ne Ochifatto il segno d'Italia, con licenza de' Supe-
 "riori e privilegio. " qui libellus, quamprimum in
 lucem prodiit, incredibile dictu, quantas per univer-
 sum orbem turbas, animorumque; ut fieri adsolet, di-
 versa sentientium excitaverit commotiones; plerique
 tamen, quibus P. Concinae animus, calamusque vel
 a longe innotuit, vix uno alterove lecto §vo, statim
 ex ungue Leonem, atque ex ipso libello impuden-
 tissimum eiusdem scribillatorem (quiscumque demum
 is fuerit) agnoverunt, talem videlicet, cui probabi-
 liter licitum esse videbatur, gravissima huiusmodi im-
 postura hominum oculis illudere, famamque viri de-

re christiana et litteraria meritissimi petulantissime
 dilaceratam, veluti hostiam vindictae suae mactare:
 obstupuit equidem ad inauditum hoc facinus P. CON-
 CINA, seseque ipsum, seipso nescio et invito, re-
 vocantem, protestantem, proque venia nescio cuius-
 nam sceleris in Probabilismum commissi rogantem,
 imo sibimetipsi paenas dictantem, atque pedes pro-
 pemedum Probabilistarum lambentem in hoc libello
 est admiratus. neque defuerunt viri gravissimi, qui
 P. CONCINAE tam propudiose tractato Authores
 fuerunt, ut hanc ipsi irrogatam summam iniuriam
 scriptotenus a se amoliatur, hancque retractationem
 non se invito tantum, sed et inscio publicatam, pro
 merito, suaequae famae conservatione perstringat;
 quid autem vir ille et modestia et manuetudine
 magnus in hisce circumstantiis, quae virum alias
 prudentem concutere potuissent? nihil aliud, quam
 quod, uti suae doctrinae, ita et famae conservatio-
 nem summae Sedis Apostolicae iudicio reliquerit;
 probe gnarus, et frequenti doctus experientia, ve-
 ritatis genuinae hostes in eam ipsam hucusque ceci-
 disse foveam, quam veritati struxerunt; firmabatur
 illa S. Hieronymi lib. 3. in Russ. regula in casu simi-
 li data: *voluntatem mentiendi habuit, artem mentien-
 di non habuit* (protestamur autem, si per haec S.
 Hieronymi verba Probabilistis faciamus iniuriam)
 sua equum existimationis causam vir humillimus BE-
 NEDICTO XIV. P. M. cui erat notissimus, totam
 reliquit; nec sine fructu; MAGNUS enim hic PON-
 TIFEX ut non tantum Personae, sed etiam doctri-
 nae hactenus per P. Concinam traditae consuleret,
 die 17. Iunii anno 1744. confictam illam P. Conci-
 nae Palinodiam solemnij decreto configi iussit, quod
 ita sonat:

§. LXXI. Feria 4ta die 17ma Junii 1744. S. uti probatur ex decreto Benedicti Papae XIV.
 Congregatio Eminentiss. et Reverendiss. DD. S. R. E. Cardinalium in tota Republica christiana contra hereticam pravitatem generalium inquisitorum habita in conventu S. Mariae supra Minervam, de mandato SS. D. N. BENEDICTI Papae XIV. praesenti decreto prohibet et damnat uti LIBELLUM FAMOSUM nonnulla folia impressa, quorum titulus: RITRATTAZIONE etc. Haec itaque folia sic prohibita, et damnata eadem S. Congregatio de Mandato, ut supra, vetat, ne quis, cuiuscunque sit status et conditionis, audeat ullo modo, et sub quoconque praextenu imprimere, vel imprimi facere, neque impressa apud se retinere, et legere valeat; sed ipsa Ordinariis locorum, aut haereticae pravitatis inquisitoribus statim, et cum effectu tradere, et consignare teneatur, sub paenis in indice librorum prohibitorum contentis.


Paulus Anton. Capellonus S. Romanae, et universalis Inquisitionis Notarius. m. pp.

Die 27. Junii 1744. supradictum decretum affixum, et publicatum fuit ad valvas Basilicae Principis Apostolorum, Palatii S. Officii, et aliis locis consuetis etc.

§. LXXII. Hoc decreto, quo infame illud Pro-
 babilistarum condemnabatur mendacium, nec non o-
 pusculo quodam, cuius titulus: Ritrattazione ec. Ope-
 retta curiosa, che puo servire di supplemento alla Ma-
 riale practica de' Gesuiti. per quendam P. Concinnae ami-
 cum edito, credens Pontifex, honori et innocentiae
 P. Concinnae sufficienter consultum esse, per suum ad
 Venetam Rempublicam Nuntium CARACCIOLUM
 eidem nuntiari iussit, ut, ne novum apud Probabili-
 stas excitaret incendium, hac ementitiae Palinodie
 damnatione contentus, nihil ultra in sui defensionem

mantuisque inter illum,
et P. Con-
cinnam epi-
stolis.

ederet, utpote quam SS. Hierarcha iamiam in se susceperebat; rescripsit P. Concina: *Se nunquam de responsione famoso libello facienda, multoque minus eo sub titulo cogitasse; sibi quidem proprii nominis rationem, quamvis illa quidem negligenda non sit, minus antiquam esse, at nimis infelicem, atque miserum se iudicaturum, si eas nondum patientia christiana iniurias perferre didicisset, quae sui personam unice spectabant; Quod vero ipse Pontifex inlata probra in se velit suscipere (ita quippe scribi mandavit Pontifex) id summae ipsius dignationi, qua se indignum agnoscit, totum adscribere.* tum vero concludit Concina: *quodsi nullum aliud mihi obversaretur ante oculos Evangelicae humilitatis exemplum, hoc solum tanti Pontificis mihi animum abunde faceret, ad quaslibet iniurias constantissime tolerandas.* tum pergit Sandellius „, hac Concinae epistola summopere „, gavisus Pontifex, data ad ipsum pariter epistola, ani„, mi eius moderationem, rarum humilitatis, et obedien„, tiae exemplum, laudare non dubitavit, atque gratias „, quam maximas Deo agendas dixit, quem tot egre„, giorum animi sensuum, quibus Concinae adfluebat „, epistola, noverat Authorem. “ atque ita sapientia di„, vina iustum non dereliquit, sed a peccatoribus liberavit eum, honestavit illum in laboribus, et complevit labores illius, in fraude circumvenientium illum adfuit illi, et honestum fecit illum, certamen forte dedit illi, ut vinceret, et sciret, quoniam omnium potentior est sapientia, et mendaces ostendit, qui maculaverunt illum. Haec veritatis amore, atque in gratiam Tyronum Appendix loco adiungere voluimus, ne harum rerum ignaria quovis vento doctrinae circumferantur, et quavis probabili veritatis imagine decipientur.



P A R S III. DE INGENUA INDOLE GRATIAE EFFICACIS.

C A P U T I .

*De ortu, progressu, et exitu Controversiae circa
gratiam efficacem.*

§. I.

In ipso statim partis huius tertiae limine contra ingenuum Authorem excipere cogimus, quod *ingenuam* [nobis] *gratiae efficacis indolem* promiserit, per totum tamen Partis huius decursum ne quidem *ingenuam*, multoque minus *genuineam* efficacis auxiliū supernaturalis ideam, et indolem communicarit; toto quippe §vo I. ubi controversiee huius celeberrimae originem, quam secundum praescriptas Theologiae

Idea historica huius controversiae deberet esse ingenua et genuina, qualis tamen non est, illa Molinista-

logiae dogmaticae, vel historiae Ecclesiasticae regulae ad S. AUGUSTINI et Pelagianorum tempora referre debuisset, potius refert ad novissima MOLINAE tempora, ad saeculi videlicet decimi sexti occasum; at nempe controversiam hanc non dogmatically aut historice, sed scholastice tantum pertractari desiderat, hinc in praesenti controversia Ecclesiae sensum, Patres, concilia, parum aut nihil curat, probe gnarus, sese longe plura post Molinam, quam ante illum pro sua doctrina invenire suffragia; amplissimas laudes a sociis in focium, a discipulis in Magistrum suum LUDOVICUM MOLINAM iactas eidem non invidemus, multominus ad conciliam dam eidem invidiam Palinodias effingimus; de hoc tamen merito conquerimur, quod Author noster in enarranda controversiae huius origine, progressu et exitu non genuinum, imo ne quidem ingenuum Historicum agat; dum ea solum, quae sibi suisque sunt favorabilia commemorat, adversantia vero aut silentio premit, aut non sine sarcasmo refert; dum partium suarum studio abreptus proprios, ac plerumque domesticos, unde hauserat fontes ad astra tollit, alienos autem infectos, atque impuros vocat; dum in solum BANNESIUM veluti reliquorum Thomistarum antesignanum invehitur; tacet autem, quasdam Molinae propositiones, quibus lucubrations suas theologicas resperferat, antequam suum librum de concordia in lucem daret, ab Eminentiss. Cardinale GASPERE QUIROGA, Archiepiscopo Tole tano condemnatas fuisse; dum Fr. Bartholomeum Ferreira suo nempe Molinae faventem velut sui temporis extollit oraculum; tacet vero, HENRICUM HENRIQUEZ ipsiusmet Societatis insignem Theologum de hac ipsa Ferreirae censura scripsisse in sua

contra

contra Molinam censura: liber de concordia adprobatus solum fuit in forma communi a Fr. Bartholomeo Ferreira, cui commissum est; et quod ille CURSIM non advertit, potuit ab aliis MATURE librum legentibus animadverti censura dignum; dum paucis quibusdam verbis ex Augustino le Blanc (quem tamen P. I. inter sublestae fidei Authores coniecerat) citatis, ea, quae immediate sequuntur, utpote sibi minime favorabilia, studiose subticuit, nempe, multa in Authorem obiecit Dominicus Bannez, atque illud potissimum, quod proscripta non ita pridem a generali Castellae inquisitione dogmata recuderet; advocatus Molina, ut obiecta dilueret, iis responsis fidem suam liberare tentavit, quae postmodum ab ipso in appendicem redacta, in celeberrimis Auxiliorum Congregationibus uti Pelagiana damnata sunt. sane qui tex- tum genuine inchoat, ingenue quoque prosequatur oportet, ut integra sit veritas, non mutilata; dumque inquisitionem Lusitanam tantopere iactant Moliniani, Castellanam non praetereant, quam idem Author eodem lib. et cap. refert.

§. II. Nec est, cur Moliniani tantopere tri-
pudent, ipsorum doctrinam apud multos hinc inde
Doctores, variasque Academias tam facilem, tam-
que celerem ingressum invenisse; nolim enim diiu-
dicare, an doctrinae huius veritas, an vero facilitas,
an praescriptio antiquitatis, an vero cupido novita-
tis viam eidem straverit; cum aeque Molinismus ac
Probabilismus omnes, quas habet, pro hominis li-
bertate vires exerat, viamque latam ambulantibus
monstret, veritas autem et virtus in arduis habitent,
nullum prorsus erit miraculum, plures illam, quam
istam sectatores fuisse nactam; neque enim datur
causa tam miserabilis, quae Patronos non inveniat
suos;

Qui de il-
lius fatis in
Hispania.

suos; imo si totus fere mundus abiret post Molinismum, id nil aliud probaret, quam homines, quia sunt homines, ambulare, non quo eundum est, sed, quo itur.

Et in Congregationibus de auxiliis frustra gloriantur.

§. III. Controversia isthaec Romam perlata CLEMENTEM VIII. (cuius animum ab Oratore Hispanico, pariter Molinianis infensissimo, fuisse praeoccupatum, scribit Author ingenuus) ad institutas Auxiliorum Congregationes permovit; qua occasione Author noster omnes avitae doctrinae defensores, ut Melchiorem CANUM, Dominicum BANNESIUM, Franciscum PEGNAM, Didacum ALVAREZIUM, Thomam de LEMOS, aliosque; Societatis infensissimos hostes, homines praeiudiciis captos, sinistris affectibus abreptos, et ad omne nocendi genus paratos nominat; ipsum CLEMENTEM VIII. utriusque partis censuras ad curiam suam revocasse, interea vero utrique parti silentium, pacem, et charitatem iniunxit non negat; addit nihilominus „ his „ cautiiores quidem per aliquod tempus effecti („ Dominicani) mox ad ingenium redierunt, nihil non „ agentes, ut Pontifici suaderent ne partium disputationes instituantur „ at vero, ne verbulum dicit, eundem CLEMENTEM in Brevi Apostolico die 26. Febr. anno 1598. ad Nuntium suum Apostolicum dato eam fecisse inter FF. Praedicatores et Molinianos discretionem, ut illis quidem tanquam veris D. THOMAE discipulis concederit facultatem, hac in materia sequendi suam sententiam et doctrinam ut antea, sine aliqua limitatione, seu, uti habetur in Autographo: Che possano liberamente -- conforme à la Dottrina di S. THOMASO leggere e disputare, COME HANNO FATTO PER IL PASSATO. dum econtra facultati PP. Societatis in hoc Brevi concessae

sae illa fuerit adiecta clausula: *Che possano ancora*
essi leggere è disputare della medesima materia, IN-
SEGNANDO PERO SANA E CATTOLICA DOT-
TRINA. i. e. quod et ipsi possint legere, ac dispu-
 tare de hac ipsa materia, ita tamen, ut *sanam et ca-*
tholicam doctrinam tradant. Per hanc quippe clau-
 sulam sese in suspicionem fuisse tractos, quasi hac-
 tenus sanam, atque catholicam doctrinam non tra-
 didissent, videntes Moliniani, omnem potius ipsi
 movere lapidem, fatigare tribunalia, iniuriam sibi
 inlatam conqueri, et contra physicam Thomistarum
 praedeterminationem insurgere; ut adeo non de Do-
 minicanis, sed de suis potius Sociis debuisse dicere,
 eos ad ingenium rediisse. quod autem referat, Domi-
 nicanos impedivisse, ne Pontifex defuper instituat
 publicas utriusque Partis disputationes, id sine te-
 stibus, sine tabulis, sine die, et Consule refert;
 cum potius ex toto lib. I. Augustini le Blanc con-
 trarium ostendatur; imo monstrat ingenuus Author,
 se verborum suorum haud esse memorem, dum hic
 Dominicanos arguit, quasi timerent Romanam cu-
 riā, pag. autem statim praecedente nempe 271. in-
 quirat „ omnem operam suam in id contulerunt, ut
 „ causam totam ad Romanae inquisitionis tribunal
 „ pertraherent, ubi probe sciebant, quam potentum
 „ amicorum niterentur suffragiis. “

§. IV. De PRIMA CONGREGATIONE non Uti con-
 fatis est, retulisse, ipsummet Papam *pauca quaedam* fstat ex ora-
praefatum de natura et momento negotii, omnesque tione inau-
adhortatum fuisse, ut suo quisque munere sedulo, et gurali,
fideliter fungeretur; potuisset enim sine iniuria ve-
 ritatis, imo pro integritate historica debuisse addi,
CLEMENTEM VIII. tribus potissimum rationibus
 A a per-

XXX

permotum fuisse, ut futuris auxiliorum Congregationibus in illa oratione inaugurali S. AUGUSTINUM tanquam Lydium Lapidem proposuisse; Prima erat, quod S. Prospero teste iam tunc Ecclesia, Duce Augustino pugnaverit, et vicerit; altera, quod Augustinus in suis libris nihil eorum praetermiserit, quae ad praesentem controversiam finiendam conducent; postrema, quod S. Augustini doctrina iure quasi haereditario a suis Antecessoribus ad haec usque tempora sit propagata.

aliisque
gestis Cle-
mentis
VIII.

§. V. Prosequitur Author: CLEMENTEM VIII. ab initio controversiae parum favisse Molinae, quin etiam praeoccupato nonnihil animo ad disputationum caetus accessisse, utpote cui assidue a latere haerebant, Cardinalis Asculanus, Franciscus Pegna, ipseque Regis catholici tunc temporis Orator, Societati infensus; neque adhuc ex animo eius abstensa fuisse praeiudicia, quae ex maxima Consultorum parte Molinae constanter infesta conceperat; postmodum autem et Cardinalis Perronii monitis, totque Academiarum testimoniis, totque datarum responsiorum ponderibus aliquanto mitiorem fuisse factum, imo controversiae tandem ventilationem in seipsum, atque in favorem quidem Molinianorum suscepisse, huic autem negotio immortuum fuisse. ita nempe Pontificem de sinistro prius in Molinianos affectu adcausatum denuo excusat benignus Author; verum potiora prostant, de Pontificis huius ad mortem usque constantia, quam in debellando Molinismo nunquamnon, quoad vixit, exhibuit; praeterquam enim, quod ridiculum sit asserere, Pontificem a Cardinali PERRONIO per ea verba leviter iactata: *Fore: ut Haeretici nostri temporis definitioni eius ultiro subscribant,*

bant;
a dan-
de S.
BEL-
perm-
spon-
ejet,
totur-
P. C.
fueri-
omne-
mitte-
moni-
lorum-
volu-
com-
eund-
quan-
Sede-
objeq-
que-
gotie-
de m-
Moli-
logia-
tidie-
per-
micas-
item-
a pr-
tiusc-
dum-
P.

bant, si doctrinam Societatis de gratia damnaret; a damnatione deterritum fuisse, mitiusque deinceps de Societate sensisse; cum tamen nec a Cardinali BELLARMINO, longe maioris authoritatis viro, permiserit se a sententia dimoveri, quin potius responderit: *se cum Lovaniensibus sentire, si que opus esset, pro S. Augustini sententia mori velle;* imo ne totum quidem Molinianorum exercitum timuit, etsi P. Claudio AQUAVIVA omnium nomine minatus fuerit, fore, ut Pontificiam definitionem Academiae omnes contemnerent, novoque discrimini Ecclesia committeretur; accedit ipsorummet Molinianorum testimonium, qui, nisi causae suae timuerint, tot libelorum supplicum oblationibus, tot responsionum involucris, tot comparatis Regum, Principumque commendatitiis, tot etiam minis Pontifici intentatis eundem adeo non defatigassent, ut Pontifex ipse aliquando, laudata prius FF. Praedicatorum erga S. Sedem submissione cum gemitu dixerit: *eandem sequitur fidem in Molinianis vehementer desiderare; seque sat clare perspectum habere, eosdem velle huic negotio moras iniicere, conantes mihi timorem incutere de magnis turbis inde orituris, si censuram adversus Molinam emitam, ante auditas omnes illorum Apologias; cum tamen iam per duos integros annos quotidie illos audiverim, imo voluerunt, et Authorem per se audiendum, consulendas totius orbis Academias, quin etiam Concilium generale indicendum.* item, si suae causae nihil timendum erat, cur ergo a primaevō systemate Moliniano recedendum, potiusque deinceps mitigatum paulisper sistema tenendum esse iudicarunt, publicisque decretis iusserunt: P. Claudio AQUAVIVA die 14. Decembbris 1613.

P. Mutius VITELLESCUS die 17. Jun. 1616. P. PICCOLOMINEUS tempore nonae Congregationis generalis anno 1651. celebratae? Haec autem a nobis non conficta, sed ex Augusto le Blanc, seu P. Hyacintho Serry desumpta eo minus inficiabitur Author noster, quo minus eidem inficiamur, ipsum omnia sua ex historia P. Levini Meyer desumpisse, cum ille non magis Augustinianis atque Thomistis faveat, quam iste Molinianis; si denique sub CLEMENTE VIII. nihil infausti Molinianis timendum erat, cur ergo ipsi etiam his adhuc temporibus pa sim de illo Hierarcha scribunt, eundem malo in Societatem animo fuisse? ab Hispanis in Praedicatorum gratiam circumventum fuisse? minus pro dignitate argumenti fuisse peritum? in systemate Moliniano, et scientiae mysteriis non satis edoctum fuisse? haec nempe communis illorum exceptio, qui causa cadunt.

Omissis
aliis Molinianorum
relationibus,

§. VI. Ad ea, quae Author ingenuus §. 2. et 3. de materiis coram CLEMENTE VIII. et PAULO V. pertractatis, de historia MS. Concilii Tridentini, soli NB. Bellarmino monstrata, de Congregationum exitu, de Molinismi indemnitate, seu praetensa adprobatione, de Bulla Sixti V. contra Lovanienses emanata, rebusque aliis huc spectantibus profert, non est, cur de novo respondeamus, cum aut P. I. hisce iam sit responsum, aut in Theorematis nostris ante annum editis desuper ventilatum fuerit.

Respondeatur ad illam imprimis iuris regulam, Actore non promovante etc.

§. VII. Quod autem illud iuris effatum: Actor non probante reus absolvitur, pro se adducant Moliniani, absque animadversione non potuimus dismittere; an enim pueris haec scribunt, an litteratis? illi

illi facile credent omnibus a Magistro adsertis, et
 innocua illum caecitate sequentur, quin libello ty-
 pis impresso indigeant; isti autem sese graviter of-
 fensos conqueruntur, quod adeo clara iuris effata,
 in malevolum adeo, reprobumque sensum trahantur;
 paulo ante Moliniani fatebantur, se non actores, sed
 adcausatos apud Curiam fuisse, dumque sub hoc no-
 mine contra suos Actores conquesti sunt, nunc *Ju-
 dices* agunt, dicuntque, suos adcausatores in illis con-
 gregationibus probasse nihil; si nihil probare poten-
 tiant, cur adeo *Clementem sensere Iovem?* cur tam
 patenter, tamque solemniter in suae doctrinae pos-
 sessione non iam tolerando, sed positive, ut vidimus,
 laudando sunt adprobati? cur nulla ipsis doctrinae
 moderatio iniuncta, nullaque unquam in illos *censura*
 & *Iudicibus* lata? PP. Dominicanos fuisse delatores,
 denuntiatores, adcausatores et actores Molinianae doc-
 trinae per Hispaniam adhuc serpentis et Lusitaniam,
 antiqua est et communis Molinianorum querela; si
 ergo nulla fuerunt illorum argumenta, si non graves
 Actorum rationes, cur ergo dignae fuerunt habitae,
 ut in ipso *Hierarchiae Ecclesiasticae* centro expende-
 rentur, et ita quidem expenderentur, ut in extre-
 mum sese discrimen peructos fuisse ipsimet per sua
 lamenta fateantur Moliniani? cur suis adcausatoribus
 (*quorum argumenta gravissima in Congregationum
 fastis cuivis proponuntur legenda*) non responsiones
 in forma, et solide datas, sed AUGUSTINI textus
 malevole corruptos, dilationes, effugia, supplica-
 tiones, aliena Patrocinia, imo minas et terricula-
 menta reposuerunt? sed ponamus (quod omni tamen
 historicae veritati repugnat) ab Actoribus nihil pro-
 batum fuisse; an propterea sese *victores et absolutos*

iactare poterunt Moliniani? quis hoc unquam rationis compos, ne dicam iuris peritus unquam somniaverat? legitur C. 6. q. 5. cap. 2. *Accusator, quod asseverat probare se non posse profitendo: reum necessitati monstrandi contrarium non adstringit, cum per rerum naturam factum negantis probatio nulla sit.* legitur etiam Tit. 12. de caus. possess. et proprietat. cap. 3. fin. *Actore non probante, qui convenitur, et si nihil praefiterit, obtinebit.* legitur denique in Cod. L. 4. Tit. 19. cap. Actor. *Actor, quod adseverat etc. ut supra.* at nuspia legitur, *Actore non probante hoc ipso reum vincere et absolutum iam esse, antequam sententiam Iudex pronuntiet; cur autem non pronuntiaverit? non in probationum defectu, sed in Venetis suis tabulariis invenient Moliniani.*

Dein ad
Bullam In-
nocentii X.

§. VIII. Bullam INNOCENTII X. toties iam recoctam non nobis, sed sibi potius obiiciant Moliniani; ipsi enim non tantum istam, sed et plurimas alias contra ipsos in specie emanatas (quas provocati enumerare possemus) iam saepius eluserunt; id solum ex Molinianis quaesiisse sufficiat: ubinam Pontifex licentiam dederit, citandi Congregationum acta per P. LEVINUM MEYER conscripta? vel utrum alia tantummodo? legant Bullam ipsam, suaque responsiones credant et nostras esse; de caetero non videmus, undenam P. Levinus Meyer, qui longo utique post habitas illas Congregationes tempore vixit et scripsit, maiorem hac in re fidem prome-reatur, quam Franciscus Pegna, Coronellus, P. de Lemos, Cardinalis Madrutius, Iacobus de Bossu, aliquique, qui auriti et oculati testes Congregationibus interfuerunt? praesertim, cum SHERLOGUS (sub nomine Pauli Leonardi latens) P. Levino Meyer longe

longe antiquior, nihilominus P. I. sect. 4. n. 21. fatetur: licet, qualis extiterit minutatim publici examinis censura, prorsus ignoremus, quia originalia acta consulere non licuit, tamen, si ex effectibus, et fama divinandum est, magna spes est, lata tum suffragia pro scientia media; risum teneatis amici! et P. HE-NAO, qui viginti circiter annis post habitas illas Congregationes intravit Societatem, et ipse in r. Prot. ad scientiae med. Theol. defens. n. 62. testetur: *Acta conscripta in favorem nostrum nulla extant, sed solum orationes seu declamationes recitatae a Valentia, Arrubale, et Bastida super punctis praescriptis a CLEMENTE et PAULO.*

§. IX. Omissis caeteris levioris notae velitationibus inter Praesentatum, et Authorem nostrum subortis, scopoque nostro nullatenus convenientibus, ipsiusmet ingenui Authoris verba ad calcem cap. I. posita pro nobis usurpamus „ Haec omnia lu-
„ bens silentio involvissem; (non enim illustrissimo
„ Ordini, quem maxima veneratione dignum sem-
„ per censuimus, tanquam corpori imputare, ani-
„ mus est, quae pauca eiusdem membra sinistro in
„ nos affectu peccant) si non novi recentesque iten-
„ tidem milites velut ex equo Troiano prodirent,
„ ad incendendam Troiam. “ fatum autem Troianum nec nobis, nec aliis auguramur.

§. X. Quoad illa, quae Author noster inge-
nuus cap. II. §. 1. contra gratiae actualis definitio-
nem, quod fit: *Qualitas physica, distincta realiter ab operatione, et ad eam physice praedeterminans.* in medium profert, eatenus amicam praebemus ma-
num, quatenus et nos, quemadmodum in aliis, ita
Natura gratiae nec a Peripateticis, nec a Molinianis recte ex-
pliatur, et

et in hac praeprimis materia huiusmodi qualitatibus physicis, seu entitatalis pro explicando syste-
 mate nostro non indigemus; hinc neque praedeter-
 minationis physicae in rigore scholastico, neque ac-
 cidentium absolutorum, neque aliarum huiusmodi
 qualitatum physicarum Patronos nos esse, iamiam
 P. I. §. 26. contestati fuimus; hoc solum ibidem
 tuebamur, etiam stante physica qualitate aut praede-
 terminatione libertatem humanam nullatenus pessum-
 ire, de qua loc. cit. non autem possumus consentire
 Authori nostro ingenuo, dum de gratiae efficacia
 pag. 302. scribit „Quodsi vero illa salubri cogita-
 „tione, affectioneque excitati et adiuti, libere ac
 „efficaciter pergimus amare, amplectique illud bo-
 „num, dicimur consentire auxiliis divinis; atque
 „tunc fiunt efficacia, et referunt fructum, aliud
 „quidem trigesimum, aliud sexagesimum, aliud cen-
 „tesimum, pro nobilitate scilicet, constantia, fer-
 „vore, ac efficacia actuum, qui ex divino illo se-
 „mine (voluntate tamen nostra, quod suarum vir-
 „rium est, quasi symbolam conferente) enascuntur.“
 quamvis enim admittat gratiam in tali homine, eam
 tamen a priori illa inefficaci non aliter: ac per effec-
 tum distinguit, et quidem per talem effectum, qui
 a Deo non nisi remote, proxime autem a voluntate
 humana pendet, ut puta cuius erit, bonam illam
 cogitationem, affectionemque aut consentiendo effi-
 cacem reddere, aut negligendo, vel etiam dissen-
 tiendo relinquere inefficacem; nec admittit, consen-
 sum ipsum, uti AUGUSTINUS constanter docet,
 a Deo esse, sine quo nihil omnino fieri potest; con-
 sequenter iuxta Molianos voluntas est, quae Deum
 vocantem, suadentem, allicientem eligit, atque hac

sua ex xagel quit, faciat quia mur, ex ef minis ciliise gratia ex n tuum quod riari discer Deus quide nostr quaq nui ria; SS. inter in ali nam tactu piatu etiam tellec tem, illud inspi

sua electione fructum nunc trigesimum, nunc se-
xagesimum facit, dum econtra Christus: *Ego, in-*
quit, elegi vos, et posui vos, ut eatis, et fructum
faciatis; nec hac ratione gratia ideo esset efficax:
quia facit, ut in mandatis eius ambulemus, et opere-
mur, ut ait Scriptura, sed fieret primum efficax
ex effectu, cuius non tam ipsa, quam voluntas ho-
minis est causa, quod autem invitis Patribus, Con-
ciliisque adseritur; denique, si maior vel minor
gratiae efficacia, si maior vel minor fructuum copia
ex nobilitate, constantia, fervore, ac efficacia ac-
tuum humanorum desumeretur, iam haberet homo,
quod non accepit, si autem non accepit, iam glo-
riari posset, quod seipsum, contradicente Apostolo,
discernat.

§. XI. Paritas, quam adducunt de Sole, quem Deus oriri facit super bonos et malos Math. 5. qui quidem omnes aequaliter, sed ita illuminat, ut in nostra sit potestate, oculos aperire vel claudere; ne quaquam nobis aequa videtur, imo ipsiusmet ingenui Authoris explicationi paulo antea datae contra-
ria; dixit enim pag. 298. gratiam consistere iuxta SS. Patrum doctrinam *in delectatione, inspiratione,* *interna vocatione, et illuminatione,* et consequenter in aliqua tum intellectus, tum voluntatis motione; nam Concil. Trid. Sess. 6. cap. 5. requirit in adultis: *tactum cordis humani per illuminationem, et ut recipiatur ab homine inspiratio;* ergo de natura gratiae etiam sufficientis est, ut influat aliquo modo in intellectum, eundem illustrando; ut moveat voluntatem, eandem delectando; ut cor humanum tangat, illud vocando; ut recipiatur in homine, eundem inspirando; iam vero Solis natura non est, ut cae-

Paritas de
Sole vide-
tur insuffi-
ciens ad
quid pro-
bandum.

cos etiam oculos illuminet, ut voluntatem nolentem ad aperiendos oculos permoveat, ut cor hominis lucifugum lucis amans efficiat, ut hominem ipsum intrinsece tangat; nisi Author ingenuus velit admittere, gratiam sufficientem (quo nomine generalem illum concursum, seu Molinianum versatile auxilium, *sine quo non*, haud obscure insinuat) aequa ac lumen Solis, sese tantum extrinsece, occisionaliter, et obiective, non vero intrinsece, causaliter et subiective ex parte hominum tenere; ita, ut in cor hominis tam parum agat, quam parum Solis lumen in organum visus; huiusmodi autem gratiam extrinsecam in synodo Diospolitana profefsus etiam est Pelagius, et non negarunt Semipelagiani.

Nec Moliniani, nec ratiative, atque in ordine ad gratiam subsequentem Congruitae efficacem sumatur, tunc longe adhuc magis contra doctrinam SS. Patrum impingunt Moliniani; nam prout ex Genesi gratiae ab Authore nostro descripta patet, nullum Molinistae discrimen inter statum naturae integrae ac lapsae faciunt, sed potius cum suo Molina easdem in utroque voluntatis humanae vires naturales subponunt; huic adsertioni, tanquam totius Molinismi fundamento, aliam superimponunt, videlicet, gratiam ex meritis Christi hominibus ita aequalem, et per sese sufficientem dari, ut ad effectum actu ponendum nihil iam amplius ex parte Dei, sed solus humanae libertatis consensus, in scientia media praevitus, requiratur; quo posito, eadem ipsa gratia, quae antecedenter ad istum consensum ex natura sua tantum fuit *sufficiens*, per ipsummet consensum *efficax* redditur; sicque inter Augustinianum illud

illud auxilium sine quo non, statui naturae adhuc sa-
næ proprium, et inter auxilium quo, iam infirma-
tæ naturæ nostræ necessarium, nullam faciunt di-
stinctionem; et quamquam Suarezius Molinianum
illud primaevum systema, quod vel ipsis etiam So-
cietatis Primoribus nimis durum videbatur (§. 5.)
per systema circumstantiarum congruarum tempera-
verit, fatentur tamen Moliniani, Molinianum syste-
ma quoad substantiam omnino etiam in systemate
Suareziano servatum, ac nonnisi quoad methodum et
explicationem immutatum fuisse; ut adeo iniuriam
faciant aut Molinae ipsi, si doctrinam non ser-
vent, aut sibimetipsis, si Molinae nomine adpellari
non velint, quicunque antiquos inter et novos Mo-
linianos (*congruistas* intelligo) admittunt intercede-
re notabilem distinctionem; præsertim, quod hi non
minus, quam illi, quoad explicandam gratiae suffi-
cientis naturam exesse convenient.

§. XIII. Ut autem clarius adhuc pateat, quam
longe sistema non modo antiquorum, verum etiam modernorum Molinistarum distet a genuina S. AUGUSTINI doctrina, placeat ipsummet percipere Authorem ingenuum pag. 303. dicentem: „ut rem paucis complectar; est gratia aliquando efficax, quando nempe homo illi liberum praebet accessum, vires suas illius viribus, prævenientibus tamen, iungit, eaque utitur in rem suam, seu propriam salutem, dicens cum Apostolo Act. 9. Domine, quid me vis facere? aliquando autem divina haec gratia non est efficax, nempe si homo salutari huic hospiti velut fores claudit, eiusque virtuti et efficacie obicem sponte ponit, uti con queritur Paulus ad Rom. 10. sed non omnes obe-

„diunt Evangelio; et Actor. 7. vos semper Spiritui
„S. resistitis.“ adeoque iuxta hoc systema divina
gratia se habet per modum *Hospitis* et peregrini,
qui ante fores pulsat et expectat, an liber eidem
accessus concedatur, an vero claudatur ianua? nam
que ut ad Patremfamilias ingredi, ut ibidem ulte-
rius colloqui et agere, quae agenda sunt, ut eun-
dem sibi amicum et consentientem reddere valeat,
non ex se, suaque natura, sed ex gratioso quasi Pa-
trisfamilias nutu, liberoque illius adsensu pendet;
praeterea iuxta istud systema Molinianum gratia
tunc primum suam aquirit efficaciam, quando vo-
luntas hospitis petitione permota manum quasi ei-
dem porrigit, *viresque suas eiusdem viribus coniungit*;
ingenua profecto, liberoque homine dignissima,
sed parum genuina Molinistarum doctrina!

S. Scriptu-
rae conve-
niunt.

§. XIV. Systema istud non traditione accep-
tum, non e Conciliis aut SS. Patribus derivatum,
sed posterius immisum, et e cerebro Molinae na-
tum fuisse, paulo inferius ostendemus; nunc inanem
illam gloriationem paulisper examinabimus, qua Mo-
liniani doctrinam suam et Scripturae, et Conciliis,
et Patribus esse conformem iactant, verum est,
Scripturam frequenter dicere: *adposui tibi ignem et*
aquam, ad quodcumque volueris, extendes manum tuam etc. quales textus humanae libertati faventes
Pelagiani et Semipelagiani pro sua sententia citarunt
quamplurimos, prout e S. AUGUSTINI operibus
hac de materia editis ad oculum patet; quod si ve-
ro huiusmodi textus, prout iacent, sumendi sunt,
eodem iure ac titulo in sensu litterali sumendi erunt
alii, qui opus bonum Deo adscribunt: v. g. Prov.
21. *sicut divisiones aquarum, ita cor Regis in manu Do-*

Domini, quocunque voluerit, inclinabit illud. Isa. 26.
 omnia enim opera nostra operatus es nobis. Ezech.
 36. dabo vobis cor novum, et spiritum meum ponam
 in medio vestri, et auferam cor lapideum de carne
 vestra, et dabo vobis cor carneum, - et faciam, ut
 in praeceptis meis ambuletis, et iudicia mea custodia-
 tis; et operemini. Rom. 8. ipse spiritus postulat pro
 nobis gemitibus inennarrabilibus. Rom. 9. non volen-
 tis, neque currentis, sed miserentis est Dei. 1. Cor. 4.
 Quis enim te discernit? quid enim habes, quod non
 accepisti? si autem accepisti? quid gloriaris, quasi
 non acceperis? si enim textus isti in sensu obvio et
 litterali, prout iacent, sumantur, non videmus,
 quomodo data Molinianorum gratiae sufficientis ex-
 plicatio subsistere possit; nam longe quid aliud sig-
 nificant citati Scripturae textus de gratia efficaci
 loquentes, quam PAULUS loquens de gratia suffi-
 cienti: *non sumus sufficientes aliquid cogitare de no-
 bis, quasi ex nobis, sed sufficientia nostra ex Deo est.*
 2. Cor. 3. sic et CHRISTUS inquiens Ioh. 14. *sine
 me nihil potestis facere*, non de gratia efficaci, sed
 solum de gratia sufficienti videtur loqui. textibus
 igitur solis nihil evincitur, nisi magnus ille ac infal-
 libilis interpres, qui est Ecclesia in Conciliis, Pa-
 tribus, et Pontificibus loquens, ignorantiam nostram
 illustret, ambigua dilucidet, et controversias discer-
 nat opinionum; hanc autem genuinam Ecclesiae in-
 terpretationem infra, ubi de gratia efficaci speciali-
 ter agemus, uberius explicabimus; nunc pauca de
 gratia sufficienti.

§. XV. Nihil verius, quam illud S. AUGU-
 STINI L. 2. de Peccat. mer. et Remiss. cap. 19. per
 gratiam nobis adparet, quod latebat, et suave fit, quod
 Ita quoque
 neque S.
 Augustinus.
 aut alii Pa-
 tres, neque
 Concilia

non delectabat. nihil solidius, quam eiusdem S. Patris
 in illa Psal. 20. verba: *Praevenisti eum in Benedictio-*
nibus dulcedinis tuae. item Psal. 67. *Parasti in dulce-*
dine tua Pauperi Deus. Commentatio: *Haec est illa*
suavitas, de qua alibi dicitur: Dominus dabit suavi-
tatem, et terra nostra dabit fructum suum, ut bo-
num opus fiat, non timore, sed amore. certissimum
 etiam est, quod Concilium Trid. Ses. 6. cap. 5.
 definit: *Iustificationis exordium in adultis a Dei per*
Christum Iesum praeveniente gratia sumendum esse,
hoc est, ab eius vocatione (quae sequuntur, non fru-
stra omittit noster Molinianus) qua nullis eorum
existentibus meritis vocantur, ut, qui per peccata a
Deo aversi erant, per eius excitantem, atque adiu-
vantem gratiam ad convertendum se ad suam ipsorum
iustificationem, eidem gratiae libere assentendo, et coo-
perando disponantur; ita (pergit nunc Author) ut
tangente Deo cor hominis per Spiritus S. illuminatio-
nem, neque homo nihil omnino agat, inspirationem
illam recipiens, quippe qui illam et abiicere potest.
 cur autem sequentia Concilii verba non addidit? ne-
 que tamen sine gratia Dei mouere se ad iustitiam co-
 ram illo libera sua voluntate possit. admittimus etiam,
 illam Concilii Milevitani doctrinam can. 4. dicen-
 tis: *utrumque donum Dei esse, et scire, quid facere*
debeamus, et diligere, ut faciamus. item illam Concilii Arausicanii II. can. 7. *si quis per naturae vigorem*
 (ita enim sonat integer textus, a Molinianis male
 truncatus) *bonum aliquod, quod ad salutem pertinet*
vitae aeternae, cogitare, ut expedite, aut eligere, sive
salutari, id est, Evangelicae praedicationi consentire
posse confirmat, absque illuminatione, et inspiratione
Spiritus S. qui dat omnibus suavitatem in consentien-
do,

do, et praebendo veritati, haeretico fallitur Spiritu. ambabus quoque manibus amplectimur ea, quae S. Augustinus lib. 2. de pecc. merit. et remiss. habet cap. 17. ut innotescat, quod latebat, et suave fiat, quod non delectabat, gratiae Dei est. item ibidem cap. 19. cum ab illo illius adiutorium deprecamur ad faciendam, perficiendamque iustitiam, quid aliud deprecamur, quam ut aperiatur, quod latebat, et suave fiat, quod non delectabat. uti et illud tract. 26. in Joan. trahitur animus et amore, trahitur voluntate; parum est voluntate, etiam voluptate traheris. at vero, dum haec omnia et venerando sequimur, et secundo veneramur, nihil exinde, quod Moliniano de gratia sufficiente systemati favere posset, inventimus.

§. XVI. Omnia quippe contra Pelagium et Massilienses celebrata Concilia, totus Augustinus, et quotquot illum sequebantur, Patres, in eo sunt, ut ^{stant pro gratia sufficiente Moliniana,} omnia divinae gratiae, nihil vero voluntatis humanae viribus adscribant; ut nullatenus gratiam naturae, sed naturam potius gratiae adcommodari, ostendant; ut ipsam etiam cogitationum praeparationem, et aptitudinem a Deo esse demonstrent, ut nos docceant, liberum quidem arbitrium non esse mortuum et nihil omnino agens, gratiam recipiendo, interim immotum permanere, nisi gratia faceret, ut se moveat; ex quibus omnibus patet, quam longe a Conciliorum, sanctorumque Patrum doctrina distent Moliniani, dum 1mo gratiam quidem sufficientem omnibus, sed ita aequaliter dari existimant, ut non modo diversi huius gratiae gradus, verum etiam actualis eiusdem efficacia ex libero hominis consensu pendeant; dum 2do, gratiam naturae, non vice versa,

versa, naturam gratiae submittunt; dum 3^{to} pro
 sua doctrina usurpant verba illa S. AUGUSTINI lib.
 I. q. 2. ad Simplicianum: *Deus eorum miseretur,*
quos ita vocat, quomodo eis vocari aptum est, ut
sequantur . . . cuius enim miseretur, sic eum vocat,
quomodo scit ei congruere, ut vocantem non respuat.
 quasi vero S. Pater NB. ex professo agens de hac
 materia, non ubique doceret, hanc ipsam congruen-
 tiā, et aptitudinem donum Dei esse, imo ne sem-
 per quidem gratiam efficacem praecedere; dum de-
 nique 4^{to} in hoc statu naturae lapsae directe contra
 systema S. Augustini ab Ecclesia receptum docent,
 solum dari auxilium sine quo non, illudque in hoc
 non minus, quam in illo statu integratis sufficere,
 quin requiratur auxilium quo fit, ut velimus, ut
 consentiamus, ut operemur; quodque ab auxilio si-
 ne quo non, seu gratia Congruistarum sufficiente,
 non aliter, quam per liberum voluntatis nostrae
 (cuius iuxta Molinam ex peccato originali nihil tra-
 xere damni) consensum distinguunt. ubi denuo est
 observandum, quomodo Moliniani et Congruistae,
 dum non amplius, uti quondam fecit Molina, au-
 dent, AUGUSTINUM tanquam Idiotam, scandala-
 praebentem, et Ecclesiae perturbatorem perstringe-
 re, eundem nunc in partes abire cogant, sed pror-
 sus invitum; tum, quod eiusmodi solum libros alle-
 gare soleant, ubi nulla penitus de gratiae vel Prae-
 destinationis mysterio vertebatur quaestio; tum,
 quod eas interdum Augustini producant in rem suam
 sententias, quas ille postmodum agens contra gratiae
 divinae hostes, aut revocavit, aut in sensu longe
 alio, ac Molinianis diametraliter contrario explic-
 vit; tum denique, quod non raro textus ita trun-
 catos

catos et mutilos citare soleant, ut, nisi fontes ipsi met investigentur, Lectori nimis credulo facile fucum creare valeant.

§. XVII. Circa systema illius Praesentati, contra quem agit Author ingenuus cap. III. §. I. non immoramus; loquatur ipse pro re sua, aetatem habet; nos quod adtinet, antiquitati potius, et SS. Patrum authoritati, quam novitati, et hominum privatorum placitis inherentes, libentissime concedimus, gratias sufficientes (*inter auxilia tamen potius, QUIBUS, non vero inter ea, SINE QUIBUS NON, numerandas*) seu de se in ordine ad actualem iustificationem inefficaces, omnibus omnino hominibus dari, quia omnium salutem vult benignissimus Deus; concedimus etiam, gratias illas sufficientes, non modo praeparari et offerri, sed ab hominibus etiam, saltem remote, percipi, imo etiam interdum quosdam effectus producere; at vero gratiam istam sufficientem, esse versatilem, naturae vel circumstantiis adcommodatam, humanae libertatis usui subiectam, et ab ipsa pendentem, eo minus unquam admittere possumus, quo magis obposita doctrina et S. Scripturae, et antiquorum Fidelium sensui, et Conciliorum decretis, et SS. Pontificum declaracionibus, et S. AUGUSTINI, aliorumque Patrum sententiis est consentanea; prout uberioris in theorematis nostris ante Annum probavimus, ac paulo post de gratia efficaci acturi, quantum nobis permittitur, ostendemus.

Sicut nec
pro syste-
mate quo-
rundam
Thomista-
rum.

De gratia efficaci.

Defendendo intrinsecam gratiae efficaciam ad mentem S. Augustini, ac D. Thomae, §. XVIII. Saepius quidem per decursum protestati fuimus, nos in hisce pagellis nostris nec in favorem Praesentati, cuius ne causam quidem integrum, ut hactenus ostendebamus, nostram facimus, nec in odium Authoris ingenui, quem omni, qua par est, veneratione prosequimur, quidquam agere, sed praecise genuinam indolem doctrinae Ecclesiasticae, ingenuae indoli scientiae mediae, Probabilismi, et gratiae efficacis obponere proposuisse; idem tamen propositum nostrum de novo repertere hac in materia eo consultius duximus, quo minus gratiae efficacis naturam in sensu peripatetico et crude scholaftico, sed Augustiniano defendimus; hinc *intrinsecam* divinae gratiae efficaciam ita probabimus contra Molinianos, ut nihilominus *physicam* praedeterminationem, prout a Theologastris quibusdam explicatur, non admittamus; in id potius intenti, ut etiam in systemate S. AUGUSTINI, diuque THOMAE Aquinatis salvam, integrumque manere hominis libertatem pro viribus commonemus.

S. Scriptura non contradicitur; nam respondemus ad Molinistarum argumentum primum,

§. XIX. Obiicit autem imprimis Author noster ingenuus famosum illum textum Math. 11. Vae tibi Corozaim, vae tibi Bethsaida, quia, si in Tyro et Sidone factae fuissent virtutes, quae factae sunt in vobis, olim in cilicio et cinere paenitentiam egissent. ex quibus ille deducit *imo*, quod non simplex haec „ fuerit paenitentiae praedictio, sed seriae obiurgationi coniuncta; alterum, quod Christus certam „ ha-

„ habuerit scientiam, Tyrios revera paenitentiam ac-
 „ turos fuisse, si ea prodigia patrasset coram illis,
 „ quae patravit in conspectu Corozaitarum; ter-
 „ tium, quod exprobratio haec neutiquam seria, imo
 „ nec aequa esse potuisset, si hoc in negotio prea-
 „ determinationi locus foret.“ Sed respondemus ad
 imum imprimis retorquendo in ipsosmet Molinianos:
 si Christus qua Deus ab aeterno per scientiam me-
 diam praevidit, Tyrios et Sidonios paenitentiam ac-
 tueros esse, si praedicasset ibidem, cur ergo non prea-
 dicavit? praevidit utique, eos in talibus circumstan-
 tiis fuisse positos, in quibus certissime divinae Prae-
 dicationi adsensum praebuissent; dum econtra Coro-
 zaitae in talibus versarentur circumstantiis, in qui-
 bus positos Deus certo praevidit, eos nullatenus
 consensuros esse; et tamen his praedicavit, illis non
 praedicavit; quid ad haec ingenuus Author? pag.
 36c. ad inscrutabilia Dei iudicia provocat; bene est,
 cur autem non etiam Ludovicus Molina cum humili
 Paulo et Augustino loco sui novi systematis ad ea-
 dem Dei iudicia provocavit? nonne Tyrii iuxta sy-
 stema Molinianum irridere potuissent Christum, ac
 dicere: *si ostendendo nobis virtutes tuas, tam te bo-*
num ac piū erga nos esse iactas, si nosti, eam te
apud Sidonios pertinaciam non fuisse inventurum, quam
exprobras nobis, cur ergo illis non praedicasti? cur
 semen verbi tui eo potius in agro seminasti, ubi prea-
 sciebas, fructum inde nullum sperandum esse? sed re-
 spondemus in forma: quamvis Christus per ea verba
 proprie non praedixerit, quid futurum fuisset, quia
 Tyriorum conversio erat mere possibilis, fuit nihil-
 ominus vere ac stricte obiurgatoria Christi senten-
 tia; quis enim nescit, Deum ad homines loquentem

humano modo ad eos loqui, humano captui sese accommodare, adeoque uti quandoque, ut vocare solent, argumento ad hominem? usitatissimum autem est inter nos homines, pro exaggeranda v. g. cordis duritie dicere: *saxa prius, quam corda mouentur*, si sensu videlicet essent praedita; sic et pro exaggeranda naturalis amoris necessitate Poeta: *in sua etiam patiuntur sidera flamas, ipsum etiam credo novit amare mare*, si nempe sensus ipsis et anima foret; sic et vulgaris est pro exaggeranda cuiusdam sceleris faeditate loquendi phrasis: *Sol ipse suos, si quos haberet, clausisset oculos, ne tantum videret nefas etc.* sicque Christus inter animos Tyriorum, et Corozaltarum comparationem instituens, exprimere voluit, duriora esse istorum, quam illorum praecordia, illi enim, si me vidissent et audivissent, egissent paenitentiam, hi autem scindi ad paenitendum nolunt; et nunquid Psalmista ipse hac phrasis utebatur, cum dixit: *montes exultabunt ut arietes, et colles velut agni ovium, ut universalem totius universi exprimeret iucunditatem in adventu Christi futuram?*

item ad se-
cundum et
tertium.

§. XX. Ad secundum respondemus, ab Auctore illud ipsum veluti certum subponi, de quo altercamur, et quod antecedenter probandum esset, nempe Deum per *scientiam medium* praecognovisse, Tyrios et Sidonios fuisse acturos paenitentiam, si apud eos haec signa fuissent facta; iam enim P. I. probavimus, huiusmodi futuribilia, quae respectu hominum videntur esse conditionata, iuxta SS. Augustinum, Prosperum, Fulgentium, et Aquinatorem, nonnisi ad classem mere possibilium pertinere. *Tertium* quod adtinet, respondemus, nec Tyrios, Si-

do-

doniosque, nec Corozaitas aut Bethsaidanos a Deo
fuisse praedeterminatos, alias et illi vidissent mira-
cula, et isti conversi fuissent ad paenitentiam; am-
borum ergo induratio, sicut illa Pharaonis ex mente
S. Augustini proveniebat ex defectu gratiae effic-
cias, non impellendo ad malitiam, sed gratiam dene-
gando. Neque sequitur exinde, ut putant Molinia-
ni, huiusmodi homines nec corripi, nec damnari
posse, eo quod omissio paenitentiae non ex ipsorum
voluntate, sed gratiae negatione provenerit; nam
ad hanc obiectionem, iam dudum sibi a Pelagianis
et Massiliensibus factam, S. AUGUSTINUS toto
libro de correptione et gratia ex professo, et invicte
respondet. Hinc etiam epist. 107. ad Vitalem: *Sci-
mus, gratiam Dei non omnibus hominibus dari; sci-
mus eis, quibus datur, misericordia Dei gratuita
dari; scimus eis, quibus non datur, iusto Dei iudicio
non dari.* nemo autem non videt, sermonem hic esse,
non de gratia sufficiente, quae omnibus datur, sed
de gratia efficaci, quae non omnibus datur, quae-
que praecipuum erat inter S. Augustinum, et Pela-
gianos discordiae pomum; hinc etiam S. PROSPER
ad Obiect. Vincent. cap. 2. *ex quibus, quod multi
pereunt, pereuntium est meritum, quod multi salven-
tur, Salvantis est donum;* et ad excerpta Genuens.
Resp. 8. *non solum Tyrios, et Sidonios, sed etiam
Corozain et Bethsaida potuisse converti, si hoc in eis
Dominus voluisset operari.* ergo et Corozaitae, quod
non acceperint gratias efficaces, se nequeunt excu-
sare. Quodsi hac responce contenti non sint Mo-
liniani, dicant nobis, an non potius sint excusabiles
Tyrii et Sidonii, qui paenitentiam certe egissent, si
Evangelium audivissent; nunquid enim ipsi erant in
culpa, quod non audiverint?

Ad argu-
mentum ex
Math. 25.
petitum.

§. XXI. Argumentantur ulterius Moliniani: si aliqui homines praedeterminatione gratuita, et gratia efficaci absque sua culpa (non enim illa in ipsorum stat potestate) sint destituti, quomodo il- laesa divina iustitia propter malorum operum *com- missionem*, aut praceptorum *omissionem* damnari po- terunt? v. g. si Math. 25. dicat supremus Iudex: *discedite a me maledicti in ignem aeternum!* - - *esurivi enim, et non dedistis mihi manducare, sitivi, et non dedistis mihi potum etc.* nunquid in systemate Thomisticō vel Augustiniano sese poterunt excusare, ac dicere: haec omnia quidem omisimus, quia facere noluimus, sed ideo facere noluimus, quia ad volen- dum non suimus praedeterminati, quia gratiam illam efficacem non accepimus, quae facit, ut velimus, et operemur, quae nobis et velle et perficere tri- buisset; et quod pessimum est, non erat virium no- strarum, ac liberi arbitrii, sed in sola potestate, ac voluntate tua positum, ut gratiam efficacem reci- peremus, et ad ista bona opera praedetermina- remur.

Responde-
tur pariter
e Scriptura.

§. XXII. Sed respondemus ad argumentum istud cum SS. AUGUSTINO et PROSPERO, quod iustis illis gratia efficax data fuerit, ex gratuita Dei misericordia factum est, quod autem istis non fuerit data, factum est ex iusto Dei iudicio; unde, quod isti pereant, pereuntium est meritum, quod isti sal- ventur, Salvantis est donum; est enim misericors Do- minus, sed est et iustus; nec minus errant, qui omnem iustitiam, quam qui omnem in Deo negant miseri- cordiam, alias aut omnes damnarentur, aut omnes salvarentur; spectat huc Paulinum illud Rom. 9. o homo, tu quis es, qui respondeas Deo, nunquid di- cit

tit *figmentum ei, qui se finxit, quid me fecisti sic?*
 an non habet potestatem *figulus lutu*, ex eadem massa
 facere aliud quidem vas in honorem, aliud autem in
 contumeliam? si ergo nullus hominum iuxta Paulum
 excusare se potest, ac dicere, cur illos praedestinasti?
 nos autem non praedestinasti? ita quoque damnati
 illi Deo nequeunt obiicere: cur illis dediti gratiam,
 qua facerent, nobis autem denegasti gratiam,
 qua faceremus? responderet quippe Rex: *nunquid
 oculus tuus nequam est, quod ego bonus sum?* gratiam
 sufficientem promisit omnibus, et actu dedit;
 et *quid ultra debuit facere vineae suae?* quod autem
 gratias efficaces nec promiserit, nec dederit omnibus,
 non erat volentis, aut currentis hominis, sed
 solius misericordie Dei, qui, quem vult, indurat, et
 cuius vult miseretur. Accedit, etiam damnatos illos
 gratia utique sufficiente adiutos potuisse praecpta
 servare, potuisse bona opera exercere, po-
 tuisse pro gratiis etiam efficacibus rogare; si ergo
 fecissent, *quod erat in se per vires gratiae sufficien-*
tis, Deus ipsis gratias efficaces non denegasset, hinc
 ad Israelem: *perditio tua ex te Israel, ex me tantum-*
modo salvatio. Fatemur quidem, durus est hic sermo in auribus nostris, et humanae capacitati difficilis; sed eandem quoque difficultatem in suo syste-
 mate patiuntur Moliniani, si quaeramus ex ipsis, cur Deus electos in iis circumstantiis posuerit, ubi
 praevidebat, eos gratiae consensuros, damnatos au-
 tem in eiusmodi congruis circumstantiis non collo-
 carit? scilicet et ipsi respondebunt nobiscum: *altio-*
ra te ne quaesieris, quia scrutator Maiestatis obpri-
metur a gloria; nosque omnes exclamare debebimus
 cum Paulo et Augustino: *o altitudo. igitur in rebus*
fidei

fidei non est quaerenda *facilitas*, humano captui ad-
commodata, sed *veritas*, infinitae revelantis vera-
citati commensurata; nec altissima religionis mysteria
infirmae rationi, sed haec potius religioni humi-
liter est submittenda.

Ad argu-
menta e
Conciliis
desumpta

§. XXIII. Argumenta, quae Author noster
ex conciliis adfert, eius sunt conditionis, ut non tam
responsione, quam expositione indigeant; ait equi-
dem concilium Senonense decret. 15. *Auxilium Dei*
trahentis non esse tale, cui resisti non possit. ait etiam
Synodus oecumenica Tridentina Ses. 6. can. 4. libe-
rum hominis arbitrium motum - - - posse dissentire
si velit. et iterum Ses. ead. cap. 11. *Dei pracepta*
homini iustificato ad observandum non esse impossibilia,
nam Deus impossibilia non iubet, sed iubendo monet,
et facere, quod possis, et petere, quod non possis, et
adiuvat, ut possis. ergo, subinserunt Moliniani, nec
gratia ab intrinseco efficax, nec praedeterminatio a
conciliis agnoscitur, huic enim liberum arbitrium
nunquam poterit dissentire, aut eam reddere ineffi-
cacem, et si velit; „dissentire igitur humana volun-
„tas non poterit praedeterminationi, si adsit, et
„quin adsit, impedire nequit cum eam Deus ante
„omnem liberam ipsius determinationem, ne qui-
„dem praevisam, homini immittat, aut immittere
„decernat.“

Responde-
tur illorum
expositio-
ne,

§. XXIV. Reponimus Molinianis, citata con-
ciliarum verba nihil prorsus contra S. Augustini,
vel D. Thomae doctrinam de gratia efficaci statui-
se; quaerimus enim ex Molinianis, an in ipsorum
systemate homo, si sese ad consensum gratiae ver-
satili praestandum libere determinet, adeoque non
minus

minus infallibiliter, quam libere consentiat, simul ac semel etiam dissentire possit? si non possit? tum eadem ipsis remanet enodanda difficultas, quam nobis obiiciunt; quomodo scilicet salvari possit libertas actionis, ad cuius obpositum nulla restat potentia; si autem possit? tunc utique non in alio sensu, nisi quatenus homo consentiens actu, dispositus sit potentialiter ad actum contrarium, id est, quatenus non quidem actus contrarios simul iungere potest, ita tamen hunc actum ponit, ad cuius obpositum servat potentiam, adeoque *in sensu diviso*, quem, quomodounque in Augustinianis atque Thomistis cavillentur, nihilominus etiam in suo systemate debent admittere; quamvis igitur liberum arbitrium a Deo moveatur determinate ad hunc actum, per hoc tamen potentia illius ad actum obpositum non auffertur; id, quod etiam in voluntate seipsum determinante, ac sibimetipsi relicta, uti iam diximus, contingere debet. neque dicant, aliud esse, *seipsum determinare*, quod est libertatis, et aliud, *determinari ab alio*, quod est necessitatis; nam respondeamus, libertatem hominis tam parum a Deo, quam ab ipsomet homine seipsum determinante violari; imprimis enim Deus agens in causas secundas, modo semper ipsarum naturae consentaneo agit, causis necessariis facultatem necessario, causis liberis facultatem libere agendi tribuens, utpote sine cuius concurso nec istae, nec illae unquam quidquam acturae essent; quod autem in linea naturali sine detimento causalitatis creatae fieri adsolet, id multo magis in linea supernaturali fieri debebit, quia libertas humana, (*Cut ex Concilio Arausiano II. Can. 1. ac Tridentino Sess. 6. cap. 1. subponimus*) iam sauciata ac de-

bilitata, per illius utique adiutorium redintegrari, atque adiuvari debet, a quo illam accepimus; quid ergo absurdius, quam credere, ab illo tolli libertatem, a quo datur, conservatur, et adiuvatur? qui *magis in sua potestate habet hominum voluntates, quam ipsi suas?* qui, dum agit in voluntatem humanam, non ut principium externum, sed ut magis eidem, quam ipsa sibi sit, internun agit? qui movendo voluntatem tam parum eidem nocet, tamque multum eidem praestat, quam parum nocet intellectui, imo quam multum eidem consert, illum illuminando? si proprius noster intellectus obiectum aliquod ita bonum proponens, ut voluntas infallibiliter ad illud appetendum *non necessitate, sed voluptate trahatur*, libertatem non tollit; quomodo illam tolli credamus, si veritas aeterna per suam *luminosissimam et flagrantissimam charitatem* nos trahit in odorem unguentorum suorum? Deus ut renum et cordium, omniumque arcanorum nostrorum scrutator, renum et cordium iura non laedit; cur ergo illius Dominum in solam nostram voluntatem repudiemus? cum etiam respectu huius verissimum sit: *in ipso vivimus, movemur, et sumus;* verbo: non auffert libertatem, qui voluntati nostrae nihil agit contrarium, imo qui potius ex infirmitate nolentes, nos excitando volentes, et hilariter quidem volentes facit. de caetero non credimus, Authorem ingenuum ex animo et serio Augustinianam et Thomisticam doctrinam cum Lutheranismo et Calvinismo comparare voluisse, quia tantam erga Bullas Pontificias venerationem praefert.

§. XXV. Has autem conciliorum, atque doc-
trinae nostrae expositiones confirmamus SS. Patrum ^{e S. Au-}
testimonio; sic S. AUGUSTINUS expreſſe docet,
voluntatem a Deo motam non agi, sed agere, et
quidem modo ſibi connaturali, videlicet libere, lib.
de corrept. et grat. cap. 14. inquiens: Item de Da-
vid, quem Dominus in Regnum ſuccetuſ proſperiori
conſtituit, ita legitur: et ambulabat David proficiens,
et magnificabatur, et Dominus erat cum illo; hoc,
cum praemiffum fuifſet, paulo poſt dictum eſt: et Spi-
ritus induit Amasai Principem inter triginta, et di-
xit, tui ſumus David, et tecum futuri - - nunquid
ille poſſet adverſari voluntati Dei, et non potius eius
facere voluntatem, qui in eius corde operatus eſt per
ſpirituſ ſuum, quo indutus eſt, ut hoc vellet, dice-
ret, et faceret? deinde quoque de Praedest. SS. cap.
4. in cuius quaeftionis ſolutione laboratum eſt quidem
pro libero arbitrio voluntatis humanae, ſed vicit Dei
gratia; nec niſi ad illud poṭuit pervaeniri, ut liqui-
dissima veritate dixiffe intelligatur Apostolus: quis
enim te diſcernit etc. quod volens etiam Martyr Cy-
prianus oſtendere, hoc totum ipſo titulo definiuit, di-
cens, in nullo gloriandum, quando nihil noſtrum ſit;
eſce, quare dixi ſuperius, hoc Apoſtolico praecipue
teſtimonio etiam me ipſum fuifſe convictum, cum de
hac re aliter ſaperem, quam mihi Deus in hac quaef-
tione ſolvenda, cum ad Epifcopum Simplicianum ſcri-
berem, revelavit. iterum de grat. et lib. arbit. cap.
16. cum dicit faciam, ut faciat, quid aliud dicit,
niſi, auferam a vobis cor lapideum, unde non facie-
batis, et dabo vobis cor carneum, unde faciat? ſed
plura deinceps.

Contra ar-
gumentum
e S. Augu-
stino peti-
tum exci-
pitur,

§. XXVI. Nititur ulterius Author noster ingenuus doctrinam suam confirmare tum e S. AUGUSTINI, tum e S. THOMAE authoritate, quos ambos, licet Molinae suo summe contrarios, in subsidium vocat; et imprimis quidem lib. 3. de lib. arbitr. cap. 17. AUGUSTINUS de causa malae voluntatis ait: *hoc brevissimum tene, quaecunque ista causa est voluntatis, si non ei potest resisti, absque peccato ei ceditur.* ergo, inferunt Moliniani, sequitur e contrario: quaecunque sit causa voluntatis bonae, si ei resisti non potest, absque merito ei ceditur; quia nempe in utroque casu voluntas ea libertate resistentiae non gaudet, quae tum ad meritum, tum ad peccatum requiritur, hoc autem contingere debet stante gratia efficaci, et physica praedeterminatione, ergo. Sed conquerimur imprimis contra Molinianos, quod affectatam adeo doctrinae nostrae genuinae ignorantiam profiteantur, perque calumniam nobis affingant, de quo nemo nostrum somniavit unquam; efficaci gratiae, praedeterminationi physicae nunquam *resisti*, docuerunt iuxta ipsorummet Molinianorum confessionem concilia Milevitana, Arauticana, Augustinus, Prosper, Fulgentius, Thomas Aquinas, docemus et nos; nemo autem horum unquam docuit, efficaci gratiae, aut praedeterminationi physicae (si haec non lividis, sed genuinis oculis consideretur) *resisti non posse*; neque propterea in verbis iudimus, alias et iuderent ipsimet Moliniani, dum ne ipsi quidem *sensu diviso* in suo systemate carere possint, ut paulo ante §. 24. diximus; dein vero in forma respondemus, S. AUGUSTINUM libro isto de libero arbitrio non contra Pelagianos, sed contra Manichaeos agere (quod probe scivisset Author ingenuus,

genuus, si etiam ingenue dogmatis regulas obser-
 vare voluisse) adeoque nihil prorsus contra nos
 evincere; Manichaeis mala cuncta malo principio
 adscribentibus, omnesque hominum actiones malas
 fatali necessitati submittentibus, respondere aliter nec
 potuit, nec debuit AUGUSTINUS, eo tempore ne
 Presbyter quidem, multoque minus Pelagianorum
 (tunc nondum existentium) Antagonista; ulterius
 vellemus scire, an inter eas causas voluntatis ma-
 lae, quibus voluntas resistere non potest, etiam gra-
 tiam efficacem numerent Moliniani? absit; sed nec
 inter eas bona voluntatis causas, quibus resisti non
 potest, numerare possunt, quia utique iuxta Concil.
 Trid. resisti potest, licet nunquam resistatur, uti
 etiam in suo systemate propter infallibilem Praescien-
 tiae divinae cum consensu connexionem admittere
 solent; hinc AUGUSTINO scribenti contra liberi
 arbitrii hostes, AUGUSTINUM contra divinae gra-
 tiae inimicos tractantem obponimus.

§. XXVII. Sic autem ille lib. I. ad Simpli-
 cian. q. 2. quis potest credere, nisi aliqua vocatione,
 hoc est, aliqua rerum testificatione tangatur? quis
 autem habet in potestate, tali visu (quo nempe in-
 tellectus illustratur, et voluntas movetur) adtingi
 mentem suam, quo eius voluntas moveatur ad fidem?
 aut quis habet potestatem, ut vel occurrat, quod eum
 delectare possit, vel delectet, cum occurrerit? cum er-
 go nos ea delectant, quibus proficiamus ad Deum,
 inspiratur hoc, et praebetur gratia Dei, non nutu
 nostro et industria, aut operum meritis comparatur,
 quia, ut sit nutus voluntatis, ut sit industria studii,
 ut sint opera charitate serventia, ille tribuit, ille lar-
 gitur. quid magis liberum? quid magis meritorium,

quam charitas? et tamen utrumque indubitanter a Deo est, nam *quae sunt Dei dona, nostra sunt merita*; huic autem luminosissimae ac flagrantissimae charitati resistere quidem potest malitiosa voluntas nostra, sed per gratiam adiuta resistet nunquam; hinc iure merito Ecclesia, Augustiniana saltem atque Thomistica ex animo rogat, ut *rebelles etiam nostras ad se voluntates compellat Deus*. Sic et L. de corrept. et grat. cap. 14. in illud I. Paralipp. 12. omnes hi viri bellatores dirigentes aciem corde pacifico etc. ait: *sua utique voluntate isti constituerunt Regem David; quis non videat, quis hoc neget? non enim hoc non ex animo, aut non ex bona voluntate fecerunt, quod fecerunt corde pacifico*; et tamen hoc in eis egit, qui in cordibus hominum, quod voluerit operatur; - - - ac per hoc Dominus omnipotens adduxit istos, ut eum Regem constituent; et quomodo adduxit, nunquid corporalibus illis vinculis alligavit? intus egit, corda tenuit, corda movit, eosque voluntatibus eorum, quas ipse in illis operatus est, traxit. sua igitur, non aliena, voluntate agunt, quicunque a Deo moventur, quicunque, nisi Deus eos praemoveat, sese ad bonum supernaturale movere nullatenus possent; agent corde pacifico, non rebellante amplius, libero, non invito, quorumcunque libertatem in malum propensam Deus confortat, ut ex nolentibus volentes fiant, quodque antea respuebant, nunc dilatato corde, et hilariter ambiant; si plura requirant Moliniani, perlegant S. AUGUSTINI opera quaecunque hac de materia scripta, et videbunt, quam longis ab illo distent parasangis, quem invitum in suum vocant Patrocinium.

§. XXVIII. Iterum ex Augustino lib. 2. cap. Responde-
 4. contra Felicem Manichaeum, adeoque nil minus, tur etiam
 quam praesentem materiam pertractante argumen- ad alterum
 tantur Moliniani, dum ait: *Nemo, nisi Deus arbo-* argumen-
rem facere potest, sed habet unusquisque in voluntate, tum ex Au-
aut eligere, quae bona sunt, et esse arbor bona, aut gustino.
eligere, quae mala, et esse arbor mala. egregie, si
 superis placet; miror, cur Moliniani tantopere par-
 ci ac peregrini sint, aut esse velint in legendō Au-
 gustino, ut se nescire singant, quaenam in SS. Pa-
 tribus legendis adhibendae sint regulae, quando vi-
 delicet, contra quos, et in quem finem scripserint;
 id, quod in S. AUGUSTINI scriptis iam dudum ob-
 servaverat Eminentiss. Card. Bellarminus de Scrip-
 tor. Eccles. inclytæ Societatis illustre decus; indul-
 geant ergo nobis, si Paedagogi munus in nos, etiam
 inviti suscipiamus, ipsisque quasi digito monstre-
 mus, quid AUGUSTINUS ipse hoc de suo, quem
 citant, libro sentiat lib. 2. Retract. cap. 8. contra
Manichaeum quendam nomine Felicem praesente po-
pulo Biduo in Ecclesia disputavi -- unus enim erat ex
Doctoribus eorum, quamvis ineruditus liberalibus litteris,
sed tamen versutior Fortunato; -- duo ergo libri sunt,
in quorum 2do disputatum est de libero voluntatis arbitrio, sive ad malum operandum, sive ad bonum. ergo contra Manichaeos citari debet Au-
 gustinus de libero arbitrio disputans, non contra il-
 los, qui et ipsi pro integritate liberi arbitrii iuxta
 Conciliorum et SS. Patrum doctrinam pugnant; ad-
 mittimus utique cum Augustino et Angelico Doc-
 tore, in nostra esse potestate, an arboribus bonis, an
 vero malis velimus adnumerari; at vero id Molinianis contra nos probandum adhucdum restat, num
 ea

ea potestas viribus arbitrii naturalibus, an vero di-
 vina gratia confortatis sit adscribenda; audiamus igitur
 AUGUSTINUM de gratia et lib. arbitrio, seu
 de lib. arbitrio comparative ad gratiam sumpto statim cap. 1. sic praemonentem: Quoniam sunt quidam,
 qui sic gratiam Dei defendunt (quales nunc sunt Lu-
 therani, et Calviniani) ut negent hominis liberum ar-
 bitrium; aut quando gratia defenditur, negari existi-
 ment liberum arbitrium (quales nunc sunt Moliniani)
 hinc aliquid scribere ad vestram charitatem, Valen-
 tine Frater, et caeteri, qui simul Deo servitis, compel-
 lente mutua charitate curavi. hinc statim cap. 4. ait
 in illud Ierem. Maledictus homo, qui spem habet in
 homine etc. ut ostenderet, sic se admonuisse hominem,
 ut nec in seipso haberet spem, --- mox addidit, et
 firmat carnem brachii sui; brachium pro potentia
 posuit operandi, in nomine autem carnis intelligenda
 est humana fragilitas; ac per hoc firmat carnem bra-
 chii sui, qui potentiam fragilem, atque invalidam, id
 est humanam sibi sufficere ad bene operandum putat.
 tum cap. 6. si merita nostra sic intelligerent (Pelagia-
 ni) ut etiam ipsa dona Dei esse cognoscerent, non esset
 reproba ista sententia; quoniam vero merita humana
 sic praedicant, ut ea ex semetipso habere hominem di-
 cant, prorsus rectissime respondet Apostolus, quis
 te discernit etc. prorsus talia cogitanti verissime dici-
 tur: dona sua coronat Deus, non merita tua, si tibi
 a te ipso, non ab illo, sunt merita tua; haec enim
 si talia sunt, mala sunt, si autem bona sunt, Dei do-
 na sunt. videatur etiam Caput. 15. et 16. ubi cor-
 lapideum non ab homine, sed a Deo auferri, volun-
 tam nihilominus hominis inviolatam manere, imo
 augeri etiam libertatem docet.

*** Doc ***

§. XXIX. Maximum autem robur Moliniani
 seu Congruistae collocant in illis Augustini verbis,
 quae habet lib. I. q. 2. ad SimPLICIANUM: *Deus eorum miseretur, quos ita vocat, quomodo eis vocari* Ac denique ad tertium ex eodem de- sumptum.

aptum est, ut sequantur - - - cuius autem miseretur,
sic eum movet, quomodo scit ei congruere, ut vocan-
tem non respuat. sed fallunt, et falluntur Congruistae,
si hisce verbis Augustinum sibi suffragari existiment,
nam cor eius longe est ab ipsorum doctrina, dum
eam ipsam aptitudinem, eas ipsas congruas circum-
stantias, ipsamque adeo bonam voluntatem divino
auxilio in acceptis refert; si Author noster eiusdem
libri I. ad SimPLICIANUM caput 2dum integre legis-
set, deprehendisset utique praeter citata, etiam illa

S. AUGUSTINI verba: *Non habeo, quid intuear in eligendis hominibus ad gratiam et salutem, nisi vel maius ingenium, vel minima peccata, vel utrumque addamus etiam, si placet, utiles, honestasque doctrinas; sed cum hos statuero, ita me ridebit ille, qui infirma mundi elit, ut confundat fortia, ut eum intuens, et pudore corruptus ego irrideam multos, et prae quibusdam peccatoribus castiores, et prae quibusdam pescatoribus oratores.* si autem nec dotes, nec virtutes, nec scientiae naturales iuxta S. Augustini sistema hominem prae alio aptiorem faciant? an saltem faciet bona voluntas? neutquam; nam eodem iterum in loco S. Pater ulterius ait: *si quaeramus, utrum Dei donum sit voluntas bona? mirum, si negare quisquam audeat; at enim, quia non praeedit bona voluntas vocationem, sed vocatio bonam voluntatem, propterea vocanti Deo recte tribuitur, quod bene volumus, nobis vero tribui non potest, quod vocamur; non itaque ideo dictum putandum est;*

non volentis, neque currentis, sed miserentis est Dei,
 quia, nisi eius adiutorio, non possumus adipisci,
 quod volumus (uti Moliniani admittunt) sed ita po-
 tius, quia, nisi eius vocatione, non volumus. infelici-
 ter profecto pro se citat, qui adversarium citat. imo
 et lib. de peccat. mer. et remiss. cap. 2. inquit:
 unde enim fit, ut homo ab ineunte pueritia mode-
 stior, ingeniosior, temperantior, ex magna parte li-
 bidinum victor, qui oderit avaritiam, luxuriam de-
 testetur, atque ad virtutes caeteras proiectior, ap-
 tiorque consurgat, et tamen eo loco sit, ubi ei praed-
 dicari gratia Christi non possit? -- alius autem tar-
 dus ingenio, libidinibus deditus, flagitiis, et facinori-
 bus coopertus ita gubernetur, ut audiat, ut credat,
 ut baptizatus rapiatur, aut si detentus hic fuerit,
 laudabiliter vivat? ubi quaesumus hic aliqua con-
 gruentia, ubi aptitudo, ubi vel negativa quaedam
 ad gratiam praeparatio? nunquid et Moliniani cum
 Augustino exclamare coguntur: o altitudo! hinc
 pro harum obiectionum, et responsionum coronide
 audire iuvat S. PROSPERUM contra collato. cap.
 18. egregie disurrentem: non conturbat nos super-
 bientium inepta querimonia, qua liberum arbitrium
 causantur afferri, si et principia, et profectus, et
 perseverantia in bonis usque in finem, Dei dona esse
 dicantur; quoniam opitulationes divinae gratiae (no-
 tent sibi hoc Moliniani) stabilimenta sunt voluntatis
 humanae; volentes oramus, et tamen misit Deus Spi-
 ritum in corda nostra clamantem Abba, Pater; vo-
 lentes loquimur, et tamen, si pius est, quod loqui-
 mur, non sumus nos loquentes, sed spiritus Patris
 nostri, qui loquitur in nobis; volentes operamur sa-
 lutem nostram, et tamen id ipsum velle et operari,
 Deus

Deus est, qui operatur in nobis; volentes diligimus Deum, et proximum, et tamen charitas ex Deo est diffusa in cordibus nostris per Spiritum S. qui datus est nobis; hoc de tolerantia Passionum, hoc de pudicitia coniugali, hoc de continentia virginali, omnibusque virtutibus sine exceptione profitemur, quod, nisi donatae essent nobis, non invenirentur in nobis; et, quod liberum arbitrium homini naturaliter inditum maneat in natura, sed qualitate et conditione mutata per mediatorem Dei et hominum, hominem Christum IESUM, qui ipsam voluntatem ab eo, quod perverse volebat, avertit, et in id, quod ei bonum esset velle, convertit, ut delectatione affecta, fide mundata, spe erecta, charitate accensa, liberali suscipiet servitatem, et servilem abiiceret libertatem. quid elegantius, quid solidius istis? citent imposterum Molinam suum, non AUGUSTINUM, hunc enim ubique sibi adversantem et Molina fassus est, et ipsi experientur.

§. XXX. Spreti, reiectique ab AUGUSTINO, Patrocinium S. THOMAE AQUINATIS (cuius tamen doctrinam frequenter comparant cum Calvinismo) implorant; et imprimis quidem aiunt, eundem in Quodlib. 1. art. 7. ad 2. dicere: *Deus sic movet mentem humanam ad bonum, quod tamen potest huic motioni resistere.* et haec Angelicus in favorem nostrum, concedimus; in favorem Molinianorum, negamus; imo, mirum dictu, alibi negant ipsimet Moliniani, quamlibet, quae congruit, formam induentes; nos quod adtinet, et S. Doctori, et S. Augustino, et Concilio Tridentino, *in quantum dicunt, gratiae ab intrinseco efficaci resisti posse,* in eo sensu subscribimus, in quo ipsimet Moliniani, nolint ve- lint, subscribere debent; siveque ipsis relinquimus

ORGANO
ANALOGICO
-10V MUS
-10V MUS
-10V MUS

D. Tho-
mas Aqui-
nas nec in
suo Quodli-
beto, nec
alii in locis
favet Mol-
lianis,

explicandum, quomodo Doctoris Angelici doctrinam, cuius praeviā determinationem tantopere aspernantur, cum sua concilient; nam S. THOMAS expresse ibidem docet, non ita moveri a Deo mentem humanam, sicut putant Calvinistae, sibique imaginantur Moliniani, nempe cum detrimento libertatis humanae.

uti ex pro-
priis eius-
dem ver-
bis,

§. XXXI. Obiiciunt ulterius D. Thomam in 2. dist. 39. q. 1. dicentem: *ipsa potentia voluntatis, quantum in se est, indifferens est ad plura; sed quod determinate exeat in hunc actum, vel illum, non est ab alio determinante, sed ab ipsa voluntate.* item in 4. dist. 49. q. 1. art. 3. ad 1. voluntas non potest in obpositum eius, ad quod ex divina impressione determinatur, scilicet in obpositum finis ultimi; potest autem in obpositum eorum, quae ipsa sibi determinat, sicut sunt ea, quorum electio ad ipsam pertinet. quinto etiam I. 2. q. 9. art. 3. interrogans, an voluntas humana seipsum moveat, respondet: *voluntas domina est sui actus, et in ipsa est velle et non velle, quod non esset, si non haberet in potestate mouere se ipsum ad volendum.* ac tandem Q. 3. de potentia art. 7. ad 13. sic scribit: *voluntas dicitur habere dominium sui actus, non per exclusionem causae primae, sed quia causa prima non ita agit in voluntate, ut eam de necessitate ad unum determinet, sicut determinat naturam;* ideo determinatio actus relinquitur in potestate rationis et voluntatis.

tam indi-
recte,

§. XXXII. Sed quid ad haec respondeamus, non invenimus; dum enim putabamus THOMAM audire contradicentem, experimur consentientem; voluntatem non alio principio quodam extrinseco (de quo

quo ibidem sermo) ad aliquid determinari, sed sese
 ipsam, *divino nempe auxilio adiutam*, ac vel ideo
 libere determinare, una cum D. Thoma et Augusti-
 no et nos defendimus; determinari autem volunta-
 tem ita, ut agatur potius ipsa, quam agat, soli sunt,
 qui fingunt, et somniant Moliniani. Voluntatem, di-
 vina licet gratia efficaci praeventam, ad obpositum
 tamen *elective manere liberam*, idque in utroque sy-
 stemate, pariter concedimus, imo *libertatem ipsam*
 cum Augustino *divinae gratiae adiutorio in acceptis*
 referimus. Quod voluntas actuum suorum sit Do-
 mina, quod seseipsam ad bonum aliquod supernatu-
 rale movere possit, non iam ex *naturae debito*, quae
 utique per peccatum corrupta naturali quodam pon-
 dere fertur in malum, sed ex *divinae gratiae privi-
 legio* provenit; ergo tantum abest, voluntatem ad
 bonum supernaturale volendum necessitari, ut po-
 tius a natura sua corrupta, nisi gratia illam pree-
 veniret, et efficaciter elevaret, ad malum protrahe-
 retur. hinc cit. q. 3. de potentia expresse facit hanc
 exceptionem, *non per exclusionem causae primae*,
 huic enim ex consequentia doctrinae, quam tradit
 in summa sua theologica, supremum in voluntates
 humanas dominium omnimode competit; hinc etiam
 expresse addit rationem, inquiens: *causa prima non
 ITA agit in VOLUNTATE, ut eam DE NECES-
 SITATE ad unum determinet, SICUT determinat
 NATURAM*: quibus utique verbis sat clare demon-
 strat, quod aliis in locis ex professo adserit; nem-
 pe, aliter Deum agere *in natura*, et aliter *in volun-
 tate*; illam utpote causam *ad necessariam*, regit
 necessario, istam autem libere, utramque naturali
 exigentiae conformiter; omnis igitur *determinatio*
 E e 3 actus

actus relinquitur in potestate rationis et voluntatis, quatenus Deus per luminosissimam et flagrantissimam charitatem tam intellectum illustrat, quam voluntatem accedit. sive D. THOMAS Aquinatem non nobis, sed Molinianis potius contrarium videntur, quorum utique systemati Doctorem Angelicum e diametro contrariari, aliis in locis continuo conqueruntur.

quam directe probari potest.

§. XXXIII. Quanta sit, semperque in Ecclesia fuerit SS. AUGUSTINI ac D. THOMAE Aquinatis authoritas, hic loci probare supervacaneum duximus, tum, quod hac de re ante annum in theoremate nostro X. sufficienter sit actum, tum, quod ipsimet Moliniani lucem adeo nitidam et clare splendentem nequeant inficiari; iam autem, ut de genuina ipsius mente penitus constet, tantum ea citabimus, quae illis in locis docet, ubi ex professio hac de gratiae materia tractat; sic I. 2. q. 109. art. 2. inquit: *In statu naturae corruptae etiam deficit homo ad hoc, quod secundum suam naturam potest, ut non possit totum huiusmodi bonum implere per sua naturalia, quia tamen natura humana per peccatum non est totaliter (ut Calvinus et Lutherus calumniantur) corrupta, ut scilicet toto bono naturae privetur, potest quidem etiam in statu naturae corruptae per virtutem suae naturae aliquod bonum particulare agere, non tamen totum bonum sibi connaturale, ita, ut in nullo deficiat; sicut homo infirmus potest per seipsum aliquem motum habere, non tamen perfecte potest movere motu hominis sani, nisi sanetur auxilio Medicinae.* Ecce D. THOMAS hominem etiam ad ea, quae sibi sunt connaturalia, in statu naturae lapsae deficere inquit, et nihilominus Moliniani

niani adserere audent, etiam ad supernaturalia easdem esse naturae lapsae, ac integrae vires; S. THOMAS in statu naturae lapsae tale requirit auxilium, quod se habet per modum medicinae; ergo supponit, totum hominem, licet non totaliter, infirmum esse, ergo longe distat a Molina, qui nullam quoad vires voluntatis admittit infirmitatem; unde et II. 2. q. 109. art. 2. id ipsum repetit et confirmat inquiens: *in statu naturae corruptae indiget homo etiam auxilio gratiae naturam sanantis.* ad quid autem medicina sanans, ubi nulla praecedit infirmitas? ne autem putent, S. Doctorem ibidem loqui de gratia solum sufficiente, non efficaci, expressis terminis ibidem respondet ad 3. *Si DEUS movet voluntatem ad aliquid, impossibile est, quod voluntas ad illud non moveatur, non tamen est impossibile simpliciter, unde non sequitur, QUOD VOLUNTAS A DEO EX NECESSITATE MOVEATUR.* quae verba cum illis §. 31. citatis probe sunt conferenda.

§. XXXIV. Quae Author ingenuus a fol. 386. et seqq. tractat, adeo pulverem scholasticum, et nescio quas monstruosas Peripati chymaeras redolent, nobis iam a iuventute exosas, ut exfuccam Authoris nostri cum suo Praesentato velitationem tranquillis velut a longe oculis libentius aspiciamus, quam nostram faciamus; non enim hos inter pugiles, si me mea non fallat opinio, de rebus, sed de verbis, non de SS. Patrum, aut Conciliorum authoritate, sed argumentorum, et ratiuncularum subtilitate, non de galea salutis, scuto fidei, aut verbi divini gladio, sed de obtuso ingenii Philosophantis concertatur acumine; manum ergo de tabula, qualem solidis potius locorum theologorum studiis, quam accidentibus absolutis,

Omissis
quaestioni-
bus mere
scholasticis,

solutis, qualitatibus physicis, aliisque iam obsoletis
entitatis consecramus.

Responde-
mus finali-
ter ad ar-
gumenta
et doctri-
nam Partis
adversae.

§. XXXV. Ad ea tandem, quae Author ingenuus cap. 5. §. 1. et 2. adducit, breviter respon demus *Primo*, verum et genuinum doctrinae Angelicae sensum certe non inter Molinianos, sed nec semper, et inter omnes PP. Dominicanos quaerendum esse, nam quilibet patitur suos Manes; altercationes eiusmodi mera scholasticas potius ad obnubilandam, quam inveniendam veritatem natas, lumbentissime illis relinquimus, qui veritatem in facili, non in arduo ponunt, quique mysteriorum altitudinem proprio metiuntur pede. *Secundo*, si tamen in alterutram doctrinam de gratia efficaci, Augustiniam vel Molinianam iurandum sit, eam procul dubio praefferendam esse, quae prius tradita, non quae posterius immissa est, et quam Augustino Magistro Ecclesia hucusque semper ut suam est amplexata. *Tertio*, Omnes Molinas, Lessios, Hamelios, Suarezios, Vasquezios, Caramueles, aliosque humanae libertatis Patronos apud virum prudentem et cordatum tanti ponderis esse non posse, quanti unicus est in Ecclesia Augustinus, cuius ductu tot iam saeculis contra inimicos gratiae Dei catholica acies hucusque pugnat et vincit, vincit inquam, quia non patitur respirare, quos vincit, et in quorum excidium unam cunctorum Patrum et Sacerdotum manu sententiam scripsit.

Quoniam igitur *vera* doctrinae *ingenuitas*, et *genuina* illius *veritas* ea est, in qua servitus Christi comprobatur, in qua plus valet Patrum, Concilio rum, et Romanae Sedis authoritas, quam rationum huma-

humanarum suspecta facilitas, et in qua ratio in obsequium fidei humiliter inclinatur; illud coronidis loco et publice profitemur, nos eam doctrinam ad mortem usque defendere, tenere atque docere velle, quam in materia scientiae divinae, morum, et gratiae per Augustinum et Angelicum Thomam defendit, tenuit, docuitque hactenus S.
Mater Ecclesia, ut ita

I. O. G. D.



THEOREMATA

EX

UNIVERSA THEOLOGIA

AD MENTEM

SANCTORUM ECCLESIAE DOCTORUM
MAGNI AUGUSTINI ET THOMAE AN-
GELICI.

EX SACRA SCRIPTURA.

1. Historia creationis ex Moysi peti debet, contra Bollingbroke et Spinosam.
2. Systema prae Adamitarum ab Isaaco Pereyro confictum, est fabulosum.
3. Serpens Protoparentum Deceptor, verus, naturalisque fuit, a daemone arreptus.
4. Peccatum mortale Protoparentum, nullum veniale tanquam ad illud disponens, praecessit.
5. Paradisum cum clariss. Calmeto circa montes Armeniae collocatum fuisse remur.

6. Cain vere fuit occisus a Lamecho.
7. Nunquam connubium aliquod Angelorum cum filiabus hominum extitit.
8. Uxor Loth non naturali, ut voluit Philo Carpatherius, sed divina virtute in statuam salis conversa fuit.
9. Anni primorum Patriarcharum nostris haud fuerunt multum absimiles.
10. Carnium esus antediluvianis etsi minus usitatus, licitus tamen fuit.
11. Dies Sabathi non fuit sanctificanda ex paecepto in lege naturae.
12. Melchisedech verus fuit homo contra Melchisedechianos.
13. Nec Ephron vendens, nec Abraham emens sepulchrum ad tumulandam Saram uxorem suam peccarunt.
14. Iephete votum suum vere cruenta filiae mactatione, non autem virginitatis consecratione, ut quidam hesterni Critici volunt, adimplevit.
15. Libri sacri, quos Lutherus, Calvinus, Kemnitius et Centuriatores Magdeburgenses ex Canone genuinorum extrudunt, sunt authentici et omnino in eo retinendi.
16. Canones Apostolorum non sunt genuini sed suppositiū contra Turrianum.
17. Liber Enoch est fabulosis ineptiis repletus ac proinde fictitius.
18. Epistola Abagari ad Iesum, huiusque ad illum responsio suspeeta interpolationis nota laborat.
Insuper autem cuiuscunque textus in epistolis Paulinis et Apocalypsi contenti interpretationem litteralem potentibus pro modulo nostro satisfacere conabimur.

EX THEOLOGIA PROLEGOMENALI.

1. Theologia in genere est doctrina rerum divinarum, quae in verbo Dei scripto et tradito nobis a Deo revelantur, et ab Ecclesia catholica nobis aut credenda aut agenda proponuntur.
2. Illius divisio adaequata secundum modum cognoscitivum abit in speculativam et practicam; secundum dogma in natu-

naturalem et supernaturalem; secundum methodum styli in positivam et scholasticam.

3. Supernaturalis subdividitur in illam, quae ex principiis immediate revelatis deducit conclusiones theologicas ad dogmata fidei aut illis proxima stabilienda, et docet, quid sit credendum, et vulgo theologia speculativo-dogmatica vocatur.
4. In illam, quae haec dogmata contra adversarios religionis propugnat, illorumque molimina profligat, et polemica audit.
5. In illam, quae mores et actus humanos dirigit per dictamen conscientiae, et docet, quid sit agendum christiano, et theologia moralis christiana salutatur.
6. In illam, quae varios ritus Sacrificii Missae et Eucharistiae docet, et theologia Liturgica nuncupatur.
7. In illam demum, quae his argumenta et fundamenta subministrat, et locorum theologicorum aut prolegomenum nomine venit.
8. Theologia est utilis et toti Ecclesiae absolute necessaria.
9. Methodus docendi theologiam, quamvis sit arbitraria, ut illa tamen praemittantur, ex quibus subsequentia facilius intelliguntur et eruuntur, seu ut methodo scientifica tradatur, rei natura id exposcit.
10. Adeoque falsissimum est, quod si quis hac methodo utatur, is defendere queat veritati revelatae contraria, aut virtuti aut statui publico, ita ut methodus causa sit.
11. In rigore loquendo nonnisi duo loci theologicici (nempe verbum divinum et Ecclesia) sunt admittendi.
12. Existit verbum Dei scriptum contra Gentiles, Indifferentistas, Theistas et Quintinistas.
13. Cuius nec existentiam nec Canonem genuinum Sectarii in suis principiis probare possunt.
14. Huius textus originalis a Iudeis quoad substantiam nunquam fuit corruptus.
15. Vulgata nostra a S. Tridentino Concilio Ses. 4. ipsis fontibus non fuit anteposita, sed inter latinas tantum versiones authentica declarata.
16. Sacra Scriptura non est ubique clara, contra Lutherum et Schubert.

17. Adeoque sui ipsius interpres et iudex esse non potest,
 sed alio a se distincto indiget, contra eundem.
18. Pro tali spiritus privatus Enthusiastici Calvini, Brentii
 et Schvvenkfeldii ineptissime crepatur.
19. Sed talem nos iure merito veneramur Ecclesiam.
20. Finem Scripturae ignorant Philosophi illi, qui illam ad
 asserta mere philosophica comprobanda adhibent.
21. Praeter verbum Dei scriptum necessario admittendum
 est etiam verbum non scriptum, seu traditum contra
 omnes fere Haereticos, praecipue Calvinum, Luthe-
 rum, Basnagium.
22. Hoc eiusdem ac Scriptura est authoritatis, contra Har-
 duinum.
23. Testes traditionum Tertullianus et Origenes etiam esse
 possunt, licet postmodum in errores prolapsi sint,
 nec eosdem Ecclesia in Sanctorum numero recenseat.
24. Traditiones divinae aut Apostolico divinae ab Ecclesia
 mutari aut abrogari non possunt.
25. Vera datur in Ecclesia hierarchia indeque profluens So-
 cietas inaequalis, contra Pufendorffium, Boemerum,
 Grotium.
26. Adeoque potestas a Christo Petro tradita non in mero
 docendi munere consistit, ut impudenter mentitur
 Pufendorf. heinc
27. R. Pontifici praeter primatum honoris et authoritatis
 competere etiam primatum iurisdictionis contra Feb-
 ronium, Richerum, Dupinum et Antonium de Do-
 minis vindicamus.
28. Galli non bene explicant, quid sit R. Pontificem ex Ca-
 thedra loqui, dum universalem Ecclesiae consensum
 aut tacitum aut expressum ad ipsius decreta fir-
 munda accedere, et expectari oportere contendunt.
29. Regimen illius nec est Monarchicum contra Curialistas,
 nec Aristocraticum nec Democraticum contra Pro-
 testantes, nec Monarchicum Aristocratis temperatum,
 ut voluit Em. Bellarminus, sed ab his Regiminum
 formis, ut plurimum diversum. v. p. 25.
30. Concilia divinae sunt originis, contra Lutherum.

31.
32.
33.
34.
35.
36.
37.
38.
1.
2.
3.
4.
5.

31. Generalia convocare, confirmare, aprobare, eisque aut per se aut per alium praesidere, de iure ordinario est R. Pontificis, non vero imperii politici contra Pro-testantes.
32. Soli Episcopi et ex his etiam Titulares de iure ad generale Concilium sunt vocandi, ex consuetudine Car-dinales, Abbates vero et ordinum generales ex privi-legio.
33. Concilium legitime oecumenicum est in materia fidei ac morum prorsus infallibile contra Lutherum et Cal-vinum.
34. Unanimis S. Patrum et Ecclesiae Doctorum in rebus fi-dei ac morum consensus est pariter authoritatis in-fallibilis.
35. Ex quo consequitur, illorum autoritatem in rebus natu-ralibus ac philosophicis tantum valere ac probare, quantum illorum ratio.
36. Ratio iam ultimum sibi in theologia locum vendicat; adeoque patet, quam longe exerraverint theologi aliqui, hoc nomine penitus indigni, qui ab authori-tate abstraxerunt, et solam rationem ducem tanquam haeresum foecundissimam matrem fecuti sunt.
37. Schola S. Augustini et Thomae ante Molinisticam multa habet peculiaria ac singularia.
38. Adeoque vel ideo est omnium celeberrima, antiquissima, securissima et reliquis iure merito anteponenda.

PROBLEMATA.

1. Docere, undenam Ecclesia dignoscere potuerit libros canonicos ab Apocryphis?
2. Qua ratione vel methodo S. Scripturae studium sit suscipiendum?
3. Quid sentiendum de famosa illa 70. interpretum historia.
4. Quaenam celebriora polyglotta, aut caetera biblia ha-beamus?
5. An prohibitio lectionis S. Scripturae in linguis vernacu-lis et vulgaribus a S. Tridentino Concilio facta, sit in Germania per usum contrarium abrogata, ut quidam contendunt.

6. Quomodo traditiones ad nos usque fuerunt propagatae?
7. Ostendere, an magis commiseratione aut execratione dignum sit, illud Harduini illiusque aseclae Perruyeri portentum, somniantium, omnes non solum profanos Scriptores, sed etiam Ecclesiae Patres, antiqua Concilia, caeteraque veneranda antiquitatis Ecclesiasticae monumenta usque ad saeculum 13. esse supposititia, Apocrypha et ad evertendam christianam religionem a quibusdam impostoribus Monachis saeculi 14ti fuisse conficta. Sic prior in Chronologia sua Amstelodami 1709. et in prolegomenis ad censuram Scriptorum veterum Londini 1766. editis.
8. Scire volenti exempla varia traditionum divinarum, pure Apostolicarum, Ecclesiasticarum in specie recentebuntur.
9. Quae fides Iudeorum Talmud, Masorae, Cabalae adhibenda?
10. Quale sit discrimen inter Doctores Ecclesiae, in Ecclesia et Patres?
11. Quaenam editiones S. Patrum optimae sint?
12. Quae cautelae in iisdem volvendis observandae?
13. Interrogantibus de celebrioribus Patribus Hieronymo, Ambrosio, Augustino, Chrysostomo, Gregorio Magno, historia litteraria texetur.
14. Petentibus famosiores quoque Ecclesiae Doctores Bernardus, Anselmus Cantuariensis, Thomas Aquinas, Bonaventura adumbrabuntur,

EX THEOLOGIA SPECULATIVO-DOG- MATICA.

1. Existentia Dei unius a nemine rationis capace ne quidem brevi temporis intervallo invincibiliter ignorari potest, contra Caramuel, Molinam, Valentiam, Arragam, Meunier.
2. Adeoque serio defendimus, nullos dari Atheos speculative et interne tales.
3. Deus est oculis corporeis invisibilis contra Antropomorphitas,

4. Aetius et Eunomius distinctionem rationis inter attributa Dei male negarunt.
5. Divinam scientiam adaequate dividi in scientiam simplicis intelligentiae et visionis, ita nobis certum persuasumque est, ut media a Semipelagianis et Molina conficta, et sine ratione sufficiente adstruatur, et verbo Dei scripto et tradito, et authoritati S. P. Augustini et Thomae, et demum variis rationibus theologicis prorsus sit difformis.
6. Scientia media exploratrix est indigna Majestate Dei, injuriosa supremo et omnipotentissimo Dei in Creaturarum actiones Dominio, inutilis ad liberum arbitrium cum gratia concordandum, et Deum in decretis suis dirigendum, superflua et ob malas exinde sequelas penitus respuenda.
7. Molinistae aliqui iniuriosi sunt in S. Augustinum et Thomam, dum illos invitis illis in suas partes pertrahere conantur.
8. Pariter decreta subiective absoluta et obiective conditionata, ut et praemotio physica ad materiale peccati et actus ordinis naturalis tanquam entia sine necessitate multiplicata nobis superflua et inutilia esse videntur.
9. Deus praedestinat ad gloriam et gratiam ante praevisa merita, contra Pelagianos et Molinam.
10. Reprobat autem negative nonnisi post peccatum originale.
11. Deus absoluto decreto homines ad interitum non praedestinavit contra Praedestinatianos, Calvinum, Supralapsarios.
12. Vult voluntate seria^a antecedente omnes homines salvos fieri, contra Iansenium et Calvinum.
13. Sed non sub hac conditione et pacto: si ipsi velint, ita ut totum salutis nostrae negotium sit in manu liberi nostri arbitrii repositum, et non a Dei voluntate repetendum, contra Molinam, Lessium et Massilienses.
14. Christus pro solis electis mortis suae pretium obtulit ex efficaci absolutaque voluntate eos salvandi, contra Semipelagianos et Molinistas.

15. Augustissimae Trinitatis mysterium rationis nostrae acumen longe superat, non tamen cum illa pugnat contra Raymundum Lullum, Socinianos, Sabellianos et Boelium.
16. Vox *ομοσσιον* a Nicaena synodo rectissime fuit adhibita contra Arianos.
17. Graeci immerito conqueruntur de voce filioque simbolo Constantinopolitano inserta contra Photium et Caebruarium.
18. Novem sunt ordines Angelorum et tres Hierarchiae contra Schubert et Bezam.
19. Singuli homines ut suum Angelum bonum Custodem, ita probabilius etiam malum tentatorem habent.
20. Imo et singula Regna, Provinciae, Ecclesiae et Civitates custodiae illorum commissae sunt.
21. In statu integritatis non indigere gratia ab intrinseco efficaci.
22. Doemones et spiritus reprobi non methaphorico, sed vero igne materiali torquentur contra Origenem.
23. Magiae diabolicae existentia in lege Evangelica salva fide negari potest.
24. Est tamen possibilis, secus ac opinatur Cl. Iordanus Simon.
25. Sedes inferni in inferioribus terrae partibus, non vero in sole est collocata contra Svvindenium Anglum.
26. Aeternis inferni poenis frustra post Origenem reclamant Bailius, Burnetus, Lokius cum Socinianis.
27. Nec meliora sunt, quae Protestantes ac Reformati contra nostram de purgatorio fidem oblatrant.
28. Peccatum originale in omnes Adae posteros, pie excepta B. Maria Virgine transivit, contra Pelagianos, Anabaptistas et Socinianos.
29. Quae tamen debitum proximum ad illud contrahendum habuit.
30. A labe originali immunem B. M. Virginem voto sanguinario propugnare, pium ac honestum esse defendimus contra Cl. Muratorium.
31. Per Adae peccatum natura humana non solum fuit gratuitis et supernaturalibus donis spoliata, sed etiam in suis naturalibus potentias infirmata, inclinata, attenuata

nuata ac in deterius commutata, quam fuissest in puris naturalibus contra Molinam Q. 14. A. 13. D. 3. Suarez, Vasquez, Bellarminum, Rhôdes, Sfondrati et Pelagianos.

32. Medius ille inter Regnum Coelorum at infernum locus Q. 23. A. 5. D. 1. a Molina et Pelagianis fabricatus et parvulis non regeneratis una cum fructione beatitudinis naturalis post diem iudicii omnem hominis imaginationem superantis ad promissus omni prorsus caret fundamento. heinc
33. Parvuli sine baptismo obeentes conformiter S. Scripturae et S. Augustino non solum poenam damni, sed et sensus cum dolore et tristitia coniunctam patiuntur, licet in comparatione adulorum mitissimam.
34. Iniuste igitur et immerito hoc defendantes parvulorum tortores a Molinianis exibillantur.
35. Incarnatio est possibilis, ratione tamen naturali positiva indemonstrabilis.
36. Adulto praeter fidem Dei unius ut remneneratoris et trini necessaria quoque est necessitate medii fides explicita Dei incarnati contra Pelagium, Zwinglium, Gravinam, Lugo, Tamburinum, Berruyer, Erasmus.
37. Messias a Iacobo, Daniele et Aggaeo praenunciatus iam venit contra Rabinos et gentiles, heinc in casum a Iudeis expectatur.
38. Hie est ipsissimus Iesus Nazarenus ab illis rejectus et crucifixus.
39. B. V. Maria ante, in et post partum Virgo permanxit contra impium Helvidium et Calvinum.
40. Duae sunt in Christo naturae, una tamen persona contra Nestorium et Eutichen,
41. Propositio, unus e Trinitate passus est, est catholica.
42. Anima Christi vere ad limbum inferi Luc. 16. memoratum contra Calvinum et Lutherum non vero in locum damnatorum descendit.
43. Vere etiam a mortuis resurrexit contra VVoolstonium etc. Naturalistas.

44. Si puram ab omni errore de gratia Dei doctrinam assenti velimus, Magnus Augustinus et Angelicus Thomas ante hesternum Molinam audiendi sunt, contra Molinianos.
45. Neque Augustinus pro hac gratia contra haereticos decertando a veteri Ecclesiae traditione unquam recessit, ut somniarunt Launois, Grotius, Richardus Simonius, neque aestu disputationis abreptus cuiusdam excessus aut Caliginis insimulari potest, ut criminalitur Molina aliique incauti illius asseciae.
46. Molinae sistema circa gratiam a quolibet bene cordato vel ex hoc capite deferendum est, eo quod ipse fastatur Q. 23. A. 4. et 5. D. 1. id esse novum, per quam facile, Patribus incognitum et contrarium abstractumque esse ab authoritate S. Augustini.
47. Molinismus et Congruismus satentibus ipsis nostris adversariis non differunt quoad substantiam, sed solum quoad nudum verborum sonum.
48. Ex ipsamet S. I. contra Molinam testimonia pugnant, ea que haud contemnenda, nec de partium studio accusanda.
49. Ex quibus in aprico positum est absque nota levitatis aut inconsiderantiae non posse subscribi Molinismo.
50. Datur gratia non a determinatione voluntatis humanae, aut ab adventitio praeviso liberi arbitrii consensu Molinae, nec ex attemperatione aut dispositione subiecti Vasquezii, nec ex consensu voluntatis in circumstantiis congruis praestando, et per scientiam medium explorato Suarezii etc. Conguistarum.
51. Sed natura sua ab intrinseco seu ex Deo ipso efficax.
52. Atque hanc in delectatione victrice aut praemotione physica repositam nedum humanam libertatem non tollere, ut Molina cum suis sociis et discipulis inepte gloriatur, sed perficere contra Iansenium dogma fidei est.
53. Adiutorium sufficiens et inefficax non ita continet omnia ad actum necessaria, ut nil aliud ad bonum re ipsa operandum ex parte Dei requiratur, contra Molinianos et Iansenianos.

54. Gratia actualis ad fidem eiusque initium est necessaria, contra Semi- et Pelagianos.
55. Homo sine gratia actuali bonum salutare et supernaturale nec cogitare, nec incipere, nec velle, nec perficere potest, contra eosdem.
56. Non datur status puri amoris et indifferentiae Quietistarum et Pseudomythicorum, contra Michael de Molinos, Beguardos, Beguinias.
57. Beati ad Deum videndum lumine gloriae indigent, quod non est lux increata Palamitarum, nec accidentis absolutum, aut aliqua qualitas occulta veterum Scholariorum.
58. Animaie iustae sine retardatione statim beatitudinem consequuntur.
59. Nec circa hoc dogma R. Pontifex Ioannes 22. erronee quid definitivit.
60. Animaie purgandae vivorum precibus et suffragiis iuvantur contra Protestantes.
61. Caro mortuorum resurget, et pro meritis aut aeternum praemierbitur, aut aeternum cruciabitur contra Saduceos, Spinosam et spiritus fortes.
62. Nullum erit Regnum millenarium in terris contra Cerinthum, Papiam etc. Chiliaetas.

EX THEOLOGIA POLEMICA.

1. Praeter Religionem naturalem necessario admitti debet aliqua religio libere a Deo revelata contra Rousseau, Voltaire, Boelium etc. Naturalistas.
2. Ex revelatis, quae se tales iactant, admittenda est necessario unica tantum vera Christi religio contra Indifferentistas.
3. Talis nec est Paganismus.
4. Nec Iudaismus.
5. Nec Mahometismus.
6. Nec Acatholismus.
7. Nec Indifferentismus moderno christianus.
8. Nec Libertinismus et Naturalismus.

- * * * * *
9. Sed sola Christiano et Romano catholica est vera, unicæ divinitus revelata et evidenter credibilis religio.
 10. In qua falsum est dari articulos fidei fundamentales et non fundamentales, ut somniant cum Picteto et Iurio Protestantes.
 11. Sola fides non iustificat contra Lutherum et Calvinum.
 12. Notae characteristicae verae Ecclesiae sunt unitas, sanctitas, catholicitas et apostolicitas iuxta Concilium Nicnum.
 13. Non vero iuxta Protestantes pura verbi praedicatio et legitima Sacramentorum administratio.
 14. Hae notae nulli ex superius recensitis, sed soli Ecclesiae Romano-Catholicae convenientia.
 15. Heinc Ecclesia Christi ex natura sua est visibilis.
 16. Nec unquam defecit, nec unquam est defectura contra Iurieu.
 17. Huius membra non tantum sunt praedestinati et iusti, ut voluit VViclef, Hus, Calvinus et Lutherus.
 18. Sed etiam peccatores, reprobri et homines imperfecti modo non habeant peccatum infidelitatis contra Novatianos, Donatistas et Pelagianos.
 19. Non vero Haeretici publici et manifesti contra Iurieu.
 20. Haeretici immerito debachantur contra inquisitionem haereticae pravitatis in genere sumptam.
 21. Ecclesia potestatem habet iudicandi et censurandi libros doctrinam dogmaticam aut moralem continentibus, in iisque diiudicandis est infallibilis.
 22. Adeoque merito damnatae fuere s. propositiones in sensu obvio et conexo Iansenii intentae.
 23. Ecclesia etiam dispersa per orbem in rebus fidei et morum proponendis errare nequit.
 24. Unde ab eius iudicio ad futurum Concilium generale appellare non licet.
 25. Nec licet a Bulla unigenitus appellare.
 26. Merito a Clemente 12mo. et Benedicto 14to. et utriusque Siciliae Rege Carolo fuere damnata occulta quorumdam ducem fugientium homuncionum conventicula gallice dicta de francs Maçons, quibus illud Priscilianistarum solenne fuit iura, periura, secretum pandere noli.

27. Quilibet homo divina gratia adiutus potest perfecte observare, et implere omnia ac singula praecepta ad salutem necessaria contra Calvinum et Lutherum.
28. Adeoque impie mentitur Lutherus, dum ait, legem Evangelicam praecipere impossibilia.
29. Lutherus saepenumero sibi contradixit, adeo ut apposite Serenissimus Saxonie Dux Georgius dixerit: Lutherani hodie nesciunt, quidnam die crastino sint credituri.
30. In Sacramento Eucharistiae vere, realiter ac substantia-liter continetur corpus et sanguis una cum anima et divinitate Iesu Christi, non vero in signo aut figura contra Calvinistas, Zwingianos et Berengarium.
31. Mysterium hoc etsi sit supra, non tamen est contra rationem, contra eosdem et Boelium.
32. In S. Eucharistia non manet substantia panis et vini, sed per verba consecrationis in substantiam corporis et sanguinis Christi convertitur seu transubstantiatur, contra eosdem et VViclesum.
33. Angelorum existentia contra Saduceos, Rishikianos, Dossitheos ex Scriptura et traditione firmissime comprobari.
34. Quin et existentia illorum in genere et malorum in specie ratione philosophica efficaciter suaderi potest.

PROBLEMATA.

1. O stendere progressus sectae Lutheranorum causam fuisse illam genuinam, quam adducit praeco Copenhagenensis Brahmanus dicens: Lutherus principibus redditus Ecclesiasticos et bona monasteriorum Sacerdotibus conubia, petulanti populo libertatem obtulit, et hoc multum potuit efficere.
2. Docere sequentia Pseudo axiomata Libertinorum et Naturalistarum Voltairii et Rousseauvii esse exorbitantia et impia. 1. Non esse instruendos infantes circa Dei existentiam, vitam futuram et principia morum, antequam tale rationis lumen attigerint, ut haec clare percipere possint. 2. Dubitari posse de mundi creatione.

- tione. 3. Omnia mysteria a religione eliminanda. 4. Non rationem sacris litteris, sed has rationi subiendas. 5. Liberum esse unicuique de religione cogitare, loqui ac scribere, prout sibi visum fuerit. 6. Hominem non indigere nisi cibo, foemina ad usum momentaneum et quiete. 7. Homines nullam habere correlationem moralem, neque aliqua officia sibi mutuo debere, et consequenter neque bonum esse in statu naturae, neque malum, neque vitia neque virtutes.
3. Articulos fidei esse figmenta et somnia otiosorum populum et vincula indigna humanae libertatis, vi quoniam plebs in ordine contineatur.
4. Demonstrare veram Christi religionem non solum statui politico non nocere, verum eundem magis promovere.
5. Econtra religionem Ecclecticam spirituum fortium esse absurdam et reipublicae nocivam.

EX THEOLOGIA MORALI CHRISTIANA ET LITURGICA.

1. Actus humanus in individuo indifferens est Chimericus contra subtilem Duns Scotum, Vasquez, Oviedo.
2. Actus externus prout est mera executio actus interni, non addit malitiam aut bonitatem formalem actui interno contra eosdem.
3. Optime dividitur conscientia in rectam, erroneam, certam et probabilem missis caeteris otiosis Scholasticorum divisiunculis.
4. Homo iure N. et divino tenetur modo humano agere, et quantum potest veritatem aut id, quod veritati est proximius assequi, omnemque errorem errorisque periculum praecavere.
5. Adeoque iam per se corruunt herculei roboris existimata Probabilistarum principia.
6. Atque ideo falsum est eum agere prudenter et cum ratione, qui sequitur opinionem probabilem in comparatione probabilioris.

7. Nam sic spectatus probabilismus veritatis nil, bene vero multum falsitatis retinet.
8. Falsum est 2do. talem legem ad verisimilia adstringentem non existere, aut non obligare, nisi cum certum et evidens est illam existere.
9. Falsum est operantes ex principiis probabilismi laborare ignorantia invincibili.
10. Falsum est etiam, et contra sanas bonae Logicae regulas illud in qualibet linea pertinaciter iactatum Probabilistarum adagium: libertas est in possessione, seu homo utitur iure suo praecipue contra Busenbaum.
11. Falsum est in illorum applicatione illud toties propinatum et inclamatum iuris axioma, in dubio est melior conditio possidentis.
12. Falsum est, quod in moralibus, ubi agitur de licto et illicito circa obligationes, pars maior trahat ad se minorem.
13. Falsa est etiam illa, quam ex defensorum probabilismi numero exculpere tentarunt moralis certitudo, ultimumque conscientiae probabilisticae dictamen posse esse practice certum, quod tamen ad actionem prudenter requiritur,
14. Falso se etiam titillant illo textu Mathaei: Christi iugum suave, probabilismumque portas inferni obstruxisse.
15. Falsum, quin imo calumniosum est dicere, S. Patres aut Ecclesiae Doctores unquam cum Probabilistis sensisse, aut Ecclesiae pastores secundum illorum sententiam unquam quid decidisse.
16. Falsum est, probabilismum non esse fontem, Scaturigenem et Seminarium monstrosarum laxitatum et vitae christiana corruptellarum, quod R. Pontifex Alexander VII. non sub sipario, sed in orbis theatro dixit, quodque doctrinae consecutio et series temporum ostendit, ut ait Clerus Gallicanus apud Cl. Bossuet.
17. Falsum deinceps vanumque est illud effugium sententiam verisimiliorem non esse pro praxi v. g. confessionali, viamque innumeris aperire scrupulis et anxietatibus.
18. Illud vero cuiusdam nudius tertius nati Authoris aut ignorantis aut calumniantis commentum penitus est intolera-



- tolerabile, qui ait sententiam probabiliorem de Ian-
senismo esse suspectam.
19. Stante dubio haerenteque animo inter aequalia rationum
momenta homini prudenti et rationis compoti aut
tutius est amplectendum aut ab actione cessandum.
20. Adeoque falsissimum iterum est, intellectum in con-
cursu duarum opinionum aequa probabilium a vo-
luntate pro libitu ad partem utramlibet posse moveri
et determinari.
21. Ex quibus simul sumptis tria clarescant. ^{imo.} Proba-
bilissimum et iuri N. et verbo Dei scripto et tradito et
authoritati summorum Pontificum, S. Patrum atque
Doctorum prorsus recalcitrare.
22. ^{2do.} Probabilissimum praedicare doctrinam innocentem,
prudentem et utilem esse Chimaeram risu confutandam.
23. ^{3to.} Absque nota pertinaciae et levitatis non posse sub-
scribi probabilismo.
24. Principes saeculares et Ecclesiastici leges ferre possunt
non mere suavias et directivas, ut somniant cum Lu-
thero Protestantes, sed in conscientia vere obligan-
tes et coactivas.
25. Quae non pendent ab acceptatione populi.
26. Pontificias tamen statim obligare, si solum Romae fue-
rint promulgatae, merito contra Curialistas negatur.
27. Potestas Ecclesiastica non se extendit ad actus mere in-
ternos.
28. Peregrini et vagi tenentur legibus loci, in quo commo-
rantur aut transeunt.
29. Probabilistae, dum generaliter definiunt aetatem sexagenariam in viris, quinquagenariam in foeminis et si caeteroquin viribus polleant, illos a ieiunii observa-
tione excusare valde decipiunt figmento suo extra il-
lorum cerebrum nullibi existente contra vivam, Dia-
nam Sanchez.
30. Pariter imponunt, dum homines litteratos aut litteras
tradentes a ieiunii lege exemptos audacter pronuntiant.
31. Peccatum mortale potest esse imputabile sine advertentia
actuali malitia contra Ethices benignioris Patronos
praecipue Reisenstul, La Croix, Elbel.

32. Homo saepius per annum et in vita, praesertim vero articulo mortis et temptationum ingruenti periculo tenetur elicere virtutes theologicas, quae sunt distinctae ab observatione mandatorum Dei contra probabilistas praecipue Sirmondum.
33. Actiones quaedam ridiculae et amuleta naturalia etiam superadita benedictione non publica nec ab Ecclesia approbata superstitionis notam non effugiunt.
34. Non licet iuramentum ab eo exigere, qui praevideatur peieratus.
35. In aequali utrinque probabilitate votum servari debet contra Probabilistas.
36. In dubio, ad quem pertineat collatio beneficiorum in Germania, in favorem ordinariorum est pronuntianum contra Curialistas.
37. Pluralitas beneficiorum etiam simplicium, quando unum sufficit, est graviter detestanda.
38. Simonia in provisionibus beneficiorum commissa easdem irritas reddit, quamvis solum fuerit conventionalis.
39. Frustra et falso sibi blandiuntur Clerici, qui putant se habere absque praeiudicio iustitiae dominium absolutum bonorum superflorum ex Ecclesiae beneficio redeuntium.
40. Bene vero habent dominium liberum bonorum ex ministerio spirituali provenientium contra Cl. Van Espen.
41. Personae Ecclesiasticae illorumque bona beneficialia sunt iure divino in theoria a iurisdictione et exactione Laicorum impunia, quidquid contra organiant Pseudopolitici.
42. Non vero bona patrimonialia aut alio titulo aquisita quorum respectu ut membra reipublicae considerantur.
43. Ius Asyli in novo testamento institutionis humanae est.
44. Et si modernam Ecclesiae disciplinam spectemus, illud ius restringendum magis, quam extendendum videtur.
45. Adeoque delictum commissum in Ecclesia non gaudet iure Asyli, quidquid olim veteres senserint scholastici.
46. Qui avertit aliquem a statu religioso, non tenetur ad restitutionem monasterio compensandam.

47. Considerato moderno Germaniae statu feripetae exponentes se periculis graviter peccant, non tamen tenentur ad restitutionem.
48. Dubitans, utrum solverit debitum, obligatur illud integre exsolvere contra Probabilistas.
49. Iudex in causis civilibus, non vero in criminalibus, quando de innocentia privata notitia pro tali habitores agitur, secundum allegata et probata iudicare tenetur.
50. Nec potest reum ex praesumptionibus vehementibus et violentis condemnare.
51. Non licet uxorem aut filiam in flagranti adulterii criminis deprehensas nec ipsum adulterum occidere contra quosdam Civillistas.
52. Senatus consultum Macedonianum est iustum pro foro interno.
53. Usurae cum iure divino, naturali et Ecclesiastico prohibeantur, nullo specioso obtentu cohonestari possunt.
54. Census Germaniae non sunt iisdem adnumerandi.
55. Etsi nec fides nec probitas ministri ad valorem Sacramenti requiratur contra Albigenses, Donatistas, VViclef et Hусs.
56. Non tamen quilibet homo est omnium Sacramentorum idoneus minister contra Lutherum.
57. In administrante Sacraenta requiritur intentio saltem virtualis.
58. Sola externa Catharini nec verior, nec antiquior, nec potior est intentione interna, ut quidam falso sibi persuadent.
59. Lotio pedum neque a S. Ambrosio nec a S. Bernardo Sacramentis fuit adnumerata.
60. Baptismus in solo nomine Christi collocatus nec fuit, nec valeret contra Caietanum.
61. Christi Baptismus essentialiter differt ab illo Ioannis contra Calvinistas et Lutheranos.
62. Baptismi vices martyrium supplet contra Gnosticos et Valentianos.
63. Baptismus infantum per votum aut fidem parentum suppleri nequit contra Caietanum et Caramuel.

64. Confirmatio est verum N. legis Sacramentum contra Lutherum.
65. Communio sub duplice specie Laicis non est praecepta contra Taboritas, Calixtinos, Kieslingium.
66. Neque plus gratiae sub duplice quam sub una specie sumpta confert contra Vasquez.
67. Ut splendeat fides catholica et Ecclesia de haeresi triumphum agat, festum S. Corporis Christi merito, pie ac laudabiliter absque minima superstitionis aut idolatriae nota a Catholicis celebratur contra Protestantes praecipue Kemnitium et Dalaeum.
68. Fucharistia est verum Sacrificium contra eosdem.
69. Missae privatae sunt licitae contra Lutherum et Kemnitium.
70. Poenitentia est verum N. legis Sacramentum realiter distinctum a Baptismo contra Calvinum, Melanchton, Schubert.
71. Contritio perfecta reconciliat Deo ante Sacramentum actu perceptum contra Baium.
72. Attritio est bona et laudabilis contra Iansenium, Quesnellum, Lutherum.
73. Haec tamen in Sacramento poenitentiae initialem Dei amorem includere debet contra suavioris iugi Magistros Francolinum, La Croix, Sporer, Le Dent, Esparza.
74. Confessio est iuris divini contra Calvin. VViclef.
75. Adeoque falsum est illius usum primo in Concilio Lataranensi aut occasione Novatianorum fuisse introduc-tum.
76. Publica non est necessaria contra Protestantes.
77. Circumstantiae notabiliter agravantes, peccataque dubia sunt materia confessionis contra Probabilistas praecipue Vasquez et Caramuel.
78. Expedit peccata reservari, nec ignorantia reservationis excusat a casibus reservatis.
79. Sigillum confessionis iure divino naturali et Ecclesiastico obligat contra VVerchner.
80. Satisfactio ante absolutionem necessario impleri non debet contra Brachet.

81. Monachi, qui praeter vitam contemplativam etiam activam profitentur curiae animarum incapaces non sunt contra librum nuper editum in dioecesi Ratisbonensi.
82. Ecclesia ex suo thesauro indulgentias concedere potest, contra Tertulianum, Calvinum, Huf.
83. Extrema unctio est verum N. legis Sacramentum contra Protestantes.
84. Hanc Parochus infirmis postulantibus etiam tempore pestis et cum periculo vitae iure divino et Ecclesiastico administrare tenetur.
85. Ordo est verum N. legis Sacramentum a Christo institutum contra Lutherum, Calvinum.
86. Ordines minores non sunt Sacramentum.
87. In traditione instrumentorum ad validam ordinationem requiritur contactus physicus illorum contra Probabilistas praeципue Layman.
88. Ordinatio Anglorum iuxta rituale Eduardi 6ti est irrita et invalida contra Courayer Godvvinum et Masonum.
89. Episcopi sunt necessarii in Ecclesia contra Smitheum et Danielem a Iesu.
90. Episcoporum iurisdictio descendit immediate a Deo contra Tourrecrēmata et Lainez.
91. Adeoque falsissimum est illud quorundam Curialistarum principium, illos nonnisi Pontificis vicarios et officiales esse afferens.
92. Sunt Presbyteris iure divino superiores non in quodam complemento et extensione veterum Scholasticorum, sed tam potestate ordinis quam iurisdictionis contra Aerium et VViclef.
93. Excommunicationes latae sententiae nec recentioris sunt disciplinae nec perniciose contra van Espen.
94. Matrimonium est verum N. legis Sacramentum contra Calvinum et Lutherum.
95. Ecclesia potest statuere impedimenta matrimonii dirimenti contra Calvinum, Lutherum et Marcum de Dominis.
96. Eius essentia non consistit in copula, ut voluit Julianus, sed in vinculo perpetuo.
97. matrimonium initum cum voto aut pacto perpetuae castitatis est validum.

98. Consequenter verum inter B. M. Virginem et S. Iosephum intercessit matrimonium.
99. Huius Sacramenti ministrum esse ipsos contrahentes nobis certum est: contrarium autem, quia nullo idoneo Authore, Concilio aut Patre increbuit, merito reiicitur.
100. Vinculum matrimonii adeo firmum est, ut illud nec adulterio dissolvatur contra Novatores.

PROBLEMATA.

1. Ostendere Probabilismum, vel solo novitatis criminem semetipsum confodere.
2. Evincere illos vehementer hallucinari, qui quaestionem hanc gravissimam totamque ferme moralem excurren tem exiguae esse utilitatis, aut illam quasi adiaphoram inter putidas Scholasticorum nugas, quae proinde aut praetermitti, aut non nisi primis labris attingi, aut in utramque partem Socratica dubitatione disputari possit, ablegandam esse existimant.
3. Iuste Clerum Gallicanum diris devovisse hanc propositionem P. Moya, doctrinam fidei a veteribus, doctrinam morum a iunioribus petendam.
4. Merito etiam damnasse hanc alteram: non sunt scandalosae aut erroneae opiniones, quas Ecclesia non corrigit,
5. Ostendere, quam proficia quam utilia curae animarum pastoribus et theologiae moralis auditoribus essent aurea illa SS. Caroli Borromaci et Francisci Salesii opuscula.
6. Et quam multo magis saperent et sapientius agerent cum animarum pastores tum theologiae christianaे studio si, si loco sexcentorum e trivio ethices mollioris Casuistarum haec aut Cathechismi Romani R. P. Pii V. et Clementis XIII. iussu recogniti opuscula sibi compararent, et familiaria redderent.
7. Iustitiae divisionem in expleticem et attributricem cum publicam tum privatam esse optimam et caeteras superfluas.

8. Radices restitutionis, quae a veteribus Scholasticis adferuntur ex re accepta et iniusta acceptance utpote nimium angustas reiiciendas, illisque substituendas illas ex iniusta damnificatione et iniqua rei alienae detentione.
9. Originem horarum Canonicarum, et in iisdem recitandis attentionem solum externam nequaquam sufficere contra Probabilistas ostendere.
10. Docere ordinationem Diaconorum, quorum act. 6to. fit mentio, fuisse sacram non vero nudam ad profanum ministerium deputationem.
11. Quid, quotuplex sit censura, quis ea ligari possit, et quare? quae causae ab illa excusantes?
12. Originem, divisionem et effectus irregularitatis expōnere.
13. Specialium iubilaei indulgentiarum ortum et praerogativas in medium adferre.

EX HISTORIA ECCLESIASTICA.

1. Utile ac necessarium est theologo scire historiam prae-
primis Ecclesiasticam, turpe ac noxiū nescire.
2. S. Petrus Romanū venit, ibique usque ad mortem Ca-
thedram suam fixit contra Lutherum, Calvinum,
Spanhemium, Harduinum.
3. S. Petrus et Paulus non fuere duo aequalia Ecclesiae
capita contra Arnaldum.
4. Instrumentum donationis Constantinanae R. Pontifici
ab Isidoro peccatore probabilius confictum, infirmo
labiliq[ue] pede inititur.
5. Contra omnem retro antiquitatem insurgit Cl. Fleury,
dum Monachis munus doctionis non convenire effutit,
cum tamen a nullo melius et laudabilius illud perac-
titum fuisse ingenuo candore fatendum est.
6. Godescalculus nec praelusit, nec favit haeresi praedesti-
nationiae.
7. Adeoque imprudenter et irrationaliter a Hincmaro
fuit oppressus.
8. Numismata indulgentiis primus condecoravit S. Pius V.

9. Symbolum vulgo Athanasianum verius ipsi Athanasio adscribitur, quam vigilio Tasponsi, ut volunt Cl. Natalis Alexander et Pascalis Quesnellus.
10. Ut liberationem Traiani, ita decantatam Ioanam Papistam inter fabulas et non entia amandamus.
11. Absolutio Sacramentalis olim Canoniconum criminum reis in articulo mortis eam primum potentibus dengata non fuit, ut quidam S. Cyprianum et Innocentium male intelligentes afferunt.
12. Rudolphus Habsburgicus nunquam fuit excommunicatus.
13. Expeditiones sacrae, quamvis pie et merito susceptae multis tamen excessibus et corruptelis ansam praebuere.
14. Ritus Sinenses et Malabarici merito tanquam superstitioni et idololatrici proscripti et damnati fuere.
15. Licet pax tam Religiosa, quam VVestphalica nec ex capite vis et metus, nec ob usurpationem alienae ac indebitae potestatis impugnari valeat, Romani nihilominus Pontificis protestatio contra has pacificationes non inefficax censenda est.

U. I. O. G. D.



& Grangorum aucto Auctoritate acutus qd Auctoritate
 iopicitur, dum aucto Tropellit, ut vocari Cr. Mis.
 illi Auctoritate et Processu Gnesenius
 ut U. i. p. p. Tropellit, ut auctoritatem fonsum P. sive
 tunc pater trespars et non enim summam
 ii. Auctoritate Secundumque omni Cognoscitur clivium
 tunc in seculo omnis eis primam pessitudinem
 tunc non nisi, ut dicitur 2. Cognitione et Tropellit
 sum esse in istud sententiam
 pater
 iii. R. n. S. secundum et M. p. p. i. m. r. t. f. t. p. t. i. o.
 II. de ratione rationis et rationib[us] et rationi
 ii. Tropellit tam Rationis et ratione V. et p[ro]p[ri]etatis nec ex
 ratione vis et ratione, nec ex ratione rationis nec
 rationib[us] ratione rationis et ratione V. Non in illi
 rationib[us] ratione rationis ratione ratione ratione
 non p[er]fecta cunctibus est

U. I. O. C.



